



光緒三十三年十二月五日發行

售例

- 一本雜誌零售每册大洋銀二角伍分預定全年十二册大洋銀二圓伍角本埠外埠外國一律詳後
 - 二郵局新章見第二期本雜誌交通類加增報紙客費輪船火車直達之處為口岸如購一册郵費伍分全年伍角日本同輪船火車未能直達之處為腹地惟郵局新定章程如行駛小輪之處每購一册郵費壹角伍分全年壹圓伍角外國同至未通郵政之處民局寄資閱者自給
 - 三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角伍分計算寄足應得册數為止
 - 四在總發行所定購者本埠按期派送不取酒資
 - 五凡一次定購五份寄送一處者照價九折拾份者八折
 - 六在總發行所定購者如遷徙他處務託人代收一而知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七總發行所按期寄送以郵局民局回單為憑中途遺失閱者自理
 - 八凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千份者六折即每份以大洋壹圓五角核算也惟郵費分文不扣
 - 一代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 長沙集益書社 常德啓智書局 武昌文明書局 中東書社 新政書局 總派
報處 漢口 商務印書分館 江左漢記 廣東開新書報公司 聖教書樓 英文書莊 南昌廣智書莊 南
京明達書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

商務印書館出版
歷史類教科書

學務大臣審定
中國歷史教科書
中學用

每部二册
價洋一元

本館編輯○學堂科目莫要於本國歷史今各省已設中學而所用尚無善本殊為學界遺憾本館特聘
儒搜集各種歷史課本撮其菁英編成此映分爲七卷歷朝大事無不備載簡適當斷簡謹嚴可爲訂時
中學教科善本

最新中國史教科書
高等小學用

每部二册
價洋四角

編安桃祖義編輯○上起五代下迄 兩宮回鑾下詔變法之日凡分兩册共二萬四千餘字十萬言文辭
雅馴體例精宜至敘述 國朝事實立言得體無一毫時下囂張之習並附歷代圖表以便檢查教授法及
外國史續出

國史初級教科書
高等小學用

每部一册
價洋三角

本館編輯○凡分三卷一上古史自太古至戰國一中古史自漢至隋一近古史自唐至今摘要選編有
不紊展讀一通可以瞭然於四千年來之大勢文詞亦簡潔名貴足稱新筆

商務印書館出版
歷史類教科書

普通新歷史

高等小學用

每部一冊
價洋二角

普通學書編輯部○是書以日本中學學科教授法研究所著東洋歷史為藍本取其序次明晰記敘
要適合教科之用原書本以我國為樞紐今悉刪其參附者尤為繁簡得宜且近世之事較詳亦合教育公
理洵善本也

清史攬要

每部二冊
價洋四角

日本增田實著本館譯訂○是書為日本所撰而引用各書悉著我國人所著故稱撰國朝二百餘十年之
大事提綱挈領得體要以本朝之人而不知本朝之事可恥就其學堂之人固宜讀是書即非學堂中人
亦宜家置一編也

學務大審定 西洋歷史教科書

每部一冊
價洋五角

日本本多淺治郎著出洋學生編輯所譯○書凡六編首古代史二近代史三四五皆近代史六最近史
理井然首尾貫串每事皆按綱要列為數目尤便記憶地名人名均附注原文亦便查檢學堂之教科
本編撰此種

版出館發印務

說小像編

元四洋價冊四十二年全定預角二洋價冊每冊兩月每

歐化民多由小說導其趨起推波助瀾其從事於此者本皆名公鉅卿魁儒碩彥察天下之大勢洞人類之曠理潛推往古預備將來然後抒一己之見著而為書以醒齊民之耳目或對人羣之積弊而下砭或為國家之危險而立鑑揆其用意無一非裨國利民中國建國最古作者如林然非怪誕荒誕之言即記穢褻邪淫之事求其裨國利民者幾幾乎百不獲一夫今樂忘憐人情皆同說詞唱歌感化尤易本館有鑒於此於是鳩合同志首創此編遠播泰西之良規近摺海東之餘韻或手著或譯本隨時甄錄月出兩期藉思開化夫下愚遠計貽鑒於大雅嗚呼庚子一役近事可稽愛國君子倘或引為同調暢此宗風則請以茲編為之嚆矢著者雖為執鞭亦所甚焉

冊八十第至出現
容內

章回

文明小史 活地獄 老殘遊記

女話

彈詞

醒世緣

演義

泰西歷史

劇本

維新夢 經國美談

繙譯

汗漫游 天方夜談 環瀛誌險 彙

中案 未來世界

尚有時調唱歌益智問答京話演述等類在

不具載

版 出 館 書 印 務 館

御批歷代通鑑輯覽

每部二十四册
價洋三元

資治通鑑

每部六十册
價洋九圓

綱鑑易知錄

每部十六册
價洋一圓四角

王船山讀通鑑論

附宋論

每部十册
價洋一圓二角

十一朝東華錄摩要

每部二十八册
價洋六圓

李文忠公朋黨函稿

每部十二册
價洋五圓

商 務 印 書 館 出 版
格 致 類 教 科 書

學務大臣審定 格致教科書

洋裝一册
價洋五角

本館編譯○格致之要他人皆知新定學制各學堂皆有此科可知其要本館特精選才編為是書首論
二物質三熱學四光學五聲學六電學七磁學八重率率彙雜名著采摭菁華簡要不煩最便初學

學務大臣審定 化學教科書

洋裝一册
價洋一元

英國史低爾著山陰謝洪贊譯○化學教科書無善本本館特請謝君取史氏最新刊本譯成是編綜觀全
書蓋有三善一獨詳功用最宜實驗二據要發問易於記誦三證繁圖瞭象使自修可為化學善本矣

學務大臣審定 生理學教科書

洋裝一册
價洋二角五分

本館編譯○本編以法儒包培爾原著為本旁據他書略加增損分論行動養生覺悟諸具由人及物逐事
闡明次序更推及植物尤足以見生理之蕃變辭旨淺顯最便初學

學務大臣審定 鑛質教科書

每部一册
價洋二角

本館編譯○我國鑛產甲於全球近議開采需材尤亟本館據日本鑛學諸書輯為是編皆舉其最要及應
用必需之言之其分四章附圖詳明

學務大臣審定 鑛物學教科書

每部一册
價洋二角

本館編譯○是編以前書性質不同前書注重綱要此則條分縷析務便學者書分二編上編為鑛物通論
詳其形理理化下編為鑛物分論詳於品類區別與前書有相得益彰之用

商務印書館出版
地理類教科書

學務大審定
瀛寰全志
中學堂用

洋裝每部一冊附海寰全圖一冊
價洋二元

全英學館編輯○與地之學尚矣而是備學生素利之需者尙未之見本館特聘名宿彙集東西輿地學大家所著地理佳本精心翻譯竭一年之力始成此書以備中等教科之用文筆條暢校對精詳未附中西合璧名表洵屬完全無憾並向日本定製銅版圖畫
審定評語曰蒐輯精審詳略得當可爲是書其詳

萬國地理新編
高等小學堂用

每部二冊
價洋四角

後曹陳乾生編輯○凡分六編首全球總論次亞洲次歐洲次非洲次澳洲次美洲凡疆域氣候政教風俗民情物產紀載明晰綱舉目張文詞雅飭淺顯易解選用地名皆沿舊稱絕無近日譯本新奇駭怪之弊以供小學教授最爲合宜

日本政治地理

每部一冊
價洋七角五分

日本矢津昌永著秀水陶鎔譯○凡分七編一國土二人民三邦制四經濟五交通六生業物產七外交別具組織新義稱標專限於日本然可以爲斯學之指南也

商務印書館出版
各種教科書

學務大臣審定 論理學綱要

每部一册
價洋四角五分

日本十時彌著江陵田吳昭譯○論理學吾國舊譯辨學近人侯官嚴氏以其學精深廣大譯為名學方與本義相副是編譯自日本故仍其稱原書條理井然便於教授本館特聘湖北全省學務處參議官田伏侯先生譯為漢文句斟字酌務合原意而詞旨曉暢亦能不為原文所束縛

學務大臣審定 教育心理學

每部一册
價洋三角五分

日本高島平三郎著江陵田吳昭譯○教育程度必以心理為衡否則躡等以幾必傷學者腦力求益反損我國教育近始萌芽各學堂學科程度亟待參酌故斯學尤關緊要足書著者自序謂力求平易便於自修田伏侯先生亦謂為從事教育者不可不讀特代本館繕譯詞達理舉足供教授

學務大臣審定 普通珠算課本

每部一册
價洋一角

無錫誦芬室主人編輯○珠算在尋常日用中最高為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

東西洋倫理學史

每部一册
價洋六角

日本木村鷹太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論畢載可謂集倫理學之大成矣

商務印書館出版
國文類教科書

文學初階

初等小學用

卷一卷二卷三卷四每冊一角
卷五卷六每冊一角五分

紹興杜亞泉著○書分六卷自淺入深循循善誘始以一二字相聯綴導其先路繼以三四字成詞句按其進步依次遞進如升階然篇中詞句淺近意取明晰務期童蒙易悟附圖數百幅凡飛潛動植服飾器用等類靡不惟妙惟肖首卷並列教授諸法尤便講解學生約半年讀一冊足敷三年教課之用

馬氏文通

洋紙洋裝
價洋一元五角

丹徒馬建忠著○馬眉叔觀察精通丁法蘭西文字會惠敏文集紀其在法國學校卒業考試情形可為我國言西學者之先進矣是書專論中國文法疏解詳明開數千年未宣之秘觀察自序謂積十餘年之勤求探討方成此編可想見其下筆不苟今承書主以是書歸本館專印專售現售馬氏自印石印本

漢文教授法

每部二冊
價洋六角

偉廉主人譯輯○作文之學中國向少法程初學恆以為苦是書獨採古大家名文辨別體裁區分門類由句法而段法而篇法逐一講明條理清晰教授之法此為提訣

伊索寓言

每部一冊
價洋三角

國縣林紓侯官嚴培南嚴璩合譯○伊索產自希臘距今二千五百餘年是書藉草木鳥獸問答之言描寫人情世態使人知所勸懲泰西各國學堂無不譯成本國文字用為課本是書據英文本譯出詞筆雅潔足解原書聲價林君並添課附加案語發明真意旨深詞美附圖數十最資啓發誠少年絕妙之教科書也

商 務 印 書 館 出 版
財 政 類

學務大臣 理財學精義

以條達通暢之詞出之東文譯本中可為傑作每部一冊價洋四角

經濟通論

管理財學中一大著作也每部一冊價洋七角五分

國債論

徵是書分性質利害種類一為詳晰其綜足為研究財政者之寶筏每部一冊價洋三角

地方自治財政論

如何不重民困又能集資興辦是政是膏可為之先導矣每部一冊價洋三角五分

歐洲財政史

最出歲入之類別並財力及負債之比較均有圖表一覽了然每部一冊價洋二角

英國度支考

最詳備足資取法後列各表尤便比較每部一冊價洋四角

日本田尻稻次郎著吳縣王季點譯○是書詳論富國富民之道凡分四章一總論二生殖三分布四消費細目二百有奇可謂至繁極博而作者能四消費細目二百有奇可謂至繁極博而作者能

日本持地六三郎著木館譯○我云財政日本云經濟實同一義是書先論經濟學之綱要沿革次論生殖次論交易次論分配終論消費費用兼備

日本土子金四郎著吳縣王季點譯○我國疲於外債而論者遂多持國債之議然使不明其性質不究其利害而貿貿然為之必蹈昭信股票之覆

日本石塚剛毅著友古齋主人譯○凡辦一事理財為先財政不善百事皆廢嗣後學堂警察諸政必將以地方之財治地方之事方今民窮才竭必

日本小林丑三郎著休雷胡宗濶譯○歐洲各國今日繁富至此實有由來是書循流溯源自古世中世以及近世各國財政因革無不備載其最近

英國司可得開勒著金匯華龍譯○我國財政積亂已極非創立歲入之費算不能有濟矣為至富之國管理財政條理精審實不可及是書記

商務印書館出版
雜誌書類

新聞學

每部一冊

價洋五角五分

日本松本平著本館譯○歐美各國重視新聞每以報紙之多少定其國勢之隆行民智之高下故業此者亦兢兢從事而不敢以遊大出之積無數名人爲之既久遂成專學是書凡三十六章詳論新聞社會組織主筆理事採訪通信編輯報酬勞力諸事推及各國之新聞事業反覆推究詞旨精當足資師法我國報界今甫萌芽誠不可不奉爲圭臬也

版權攷

每部一冊

價洋二角

美國羅白孫英國斯克羅敦著周儀君譯○版權之說中國本無而各國則甚重良以著書者窮年累月耗竭心力有應得之權利也翻刻他人之書與盜人財物無異故嚴定翻刻之律文明之國版權例甚且禁他國人之翻刻日本美利堅對我國亦有以版權列入商約之說則我國學子不可不研究此問題也故急印是書以餉海內

揚子江

每部一冊

價洋一角

日本林安繁著出洋學生編譯所譯○長江大河爲國之寶我國揚子江襟帶五湖貫聯六省爲我國財源之源各國覬覦尤切是書於沿江商業物產記載最詳大抵爲被族搜討所得取而讀之其亦稍得因應之實乎

商務印書館出版
雜書類

各國憲法略

每部一冊
價洋五分

日本某某著出洋學生編輯所譯○憲法爲近世界立國之原最要重要惟各國成書卷帙衆多綜括非易是書旁徵博引事簡義全前凡七章分載憲法之淵源後附國家思想異同之要詳列細目明若掌文學者觀此一斑足取金豹

各國國民公私權考

每部一冊
價洋五分

日本井上毅原著出洋學生編輯所譯○民權之說濫觴泰西界限不明流弊甚重是書詳載公私權之界限與其作用而各國之異同古今之沿革無不備列洵爲我國今日救時要書也

明治政黨小史

每部一冊
價洋五分

日本東京日日新聞原著出洋學生編輯所譯○國家不患有黨而患無政黨者其宗旨不同其徑術不同而其愛國之心則一也日本自明治維新改革政體而政黨以立國亦以強我國則戊戌變法以後新舊黨人互相軋轢而國家卒受其禍讀此可以知所返矣

商務印書館出版
政治類

海參崴公董局城治章程

每部一册
價洋二角五分

俄國官本上海李家榮譯○公董局俗稱工部局城治章程即警察之事李君俄族居海參崴華人不明其律每至誤干禁令受辱是書俾我僑民有所率循全書共分十五類二百九十三條詳審周密無微不至今各省創辦警察兼設警察學堂良法美意正可則效

俄租遼東暫行省治律

每部一册
價洋二角

俄國官本上海李家榮譯○世人但知俄人佔我遼東而不知其佔後施治之法今讀是編可知俄人深慮我北望難離戰雲蔽日正不知何日方克還我版圖也三復茲編不禁泣然

商 務 印 書 館 出 版

嚴 又 陵 先 生 新 譯

英 國 穆 勒 約 翰

群 己 權 界 論

John Stuart Mill's on Liberty.

是書發揮自強精義勸清國羣小己二者權界中社會之凌犯振國民之精神大旨惡苟同而尚特操賤死法而尊公理不實地說實話無一毫放誕恣睢之氣而胸次之超眼界之闊真攝狹自是者對證之聖藥原書風行字內久推傑作譯者精思妙筆更能相副自序有言學者必明乎己與羣之權界而後自由之說乃可用則是書之出其有功於今日世道豈淺鮮哉太史公謂有國者不可不知春秋為人臣子者不可不知春秋今吾亦謂為國民者不可不讀權界論也先生以版權特歸本館許以專印發售書凡五冊每八萬言洋裝一册價銀八角

英 倫 甄 克 思

社 會 通 詮

Ed. Jenks' A History of Politics.

民族主義源於泰西近十年來灌輸我國雖從其說者見有廣狹術有文野而其排外則一也惟是世界大通種界宜泯彼都先覺編種新義據羣學天演公理發明宗法社會軍國社會之殊前級勝蠻夷一等而我國今正運行後級漸進大同而彼族已經變及彼方升堂我門外急起直追猶虞不及又安可抱持陳說以自域進步乎甄君掌教英國鄂斯福大學是書為三年前印本就社會已然之迹而推其所以致此之由權衡陳言推倒衆說侯官嚴先生以其能裨我國社會譯數月書成以版權昇本館專印行世現已出版洋裝一册價銀一元

商務印書館出版
叢書

拿破崙傳

每部一册
價洋四角

日本矢島元四郎著中國范枕石譯○拿破崙名震環球世人無不欲知其生平是書搜羅至富其功年入學之日以及遺骸歸國之年內而家庭外面軍國以至一言一行之微無不備載有崇拜英雄之念者易取而三復之

克萊武傳

洋裝每部一册
價洋三角

英國馬可來著本館譯○英取印度始以商會終以戰爭實克萊武一人左右之今泰西人之心自己全注於我中國欲知印度之種種者請讀是書

納爾遜傳

洋裝每部一册
價洋三角

日本中村佐美著江陰何雲卿張侯譯○近世海軍英國最稱其先者曰納爾遜其生平從事海軍者凡三十五載偉烈雄猷照耀世界讀此者猶有興起之心

關地名入傳

每部一册
價洋一角五分

美國愛德華著無錫王汝宇譯○今日歐洲諸國對於探取全球其始皆由二三豪傑抗志航海不避艱險搜奇新地風氣既開興起者衆國家坐享其利而殖民之地乃愈推愈廣矣是書彙集各國地名凡三十餘各立一傳讀之可以增人進取之氣

日本近世豪傑小史

每部一册
價洋五角

本館編輯○凡四卷明治維新以來彼國傑出之材人人樂為稱道但知其略未知其詳搜覽日本近世之有勳業學問俠義者行各列一傳實為是編讀之可知其人其才之盛

商 務 印 書 館 出 版
戰 史 類

義大利獨立戰史

每部一册
價洋四角

美國獨立戰史

每部一册
價洋四角

普 奧 戰 史

每部一册
價洋五角

尼羅海戰史

附溫聖脫
哥品杭戰史

每部一册
價洋二角五分

法 國 戰 史

每部一册
價洋四角

飛獵濱獨立戰史

每部一册
價洋三角

處此物競世界戰爭
為不容已之事於以
衛國於以保種舍是
蓋未有能自存者也
歐人尙武戰術日精
陳述具在足資取法
京師大學堂新定章
程高等學堂至第三
年即習兵學專以戰
史教授 朝廷重武
具有深意有志之士
異日欲効命疆場以
衛吾國以保吾種亦
安可不鑒古證今而
預為研究耶

版出館書印務留
類史感

希臘史

每部一册
價洋七角五分

日本漢學一書中國國民叢書社譯○泰西文化發源希臘欲知歐洲諸國今日之盛不可不讀其流而
尋其源是者記載最詳譯筆雅俗兼宜友先生序謂必為歐化家所歡迎非虛言也

羅馬史

每部二册
價洋八角五分

日本古部百太郎著羅羅陳時夏章起清章師譯鎮海胡絃同譯○羅馬為歐洲諸國今之一大國其
其歷史之關係重要不問可知是書取材豐富紀事詳明著者自序謂英雄豪傑志士仁人盡若實相文學
哲學美術雄辯之聲雲集羅羅用望理接蒼天動地變幻出沒幾如山陰道上使人應接不暇洋洋乎誠史
乘之大觀也書中附名人小像十餘幅美姿瑰爽面目如生尤為本書之特色

蘇格蘭獨立史

每部一册
價洋二角

美國那頓著本館譯○蘇格蘭當十三四世紀陷於英國其受壓制之慘莫不忍言厥後蘇格蘭出本館
尤復舊物再造新邦是編紀其先後戰績及修明內政恢復獨立之事實有志者事竟成願我國人取以為鑑

商務印書館出版
哲學商業類

哲學要領

每部一册
大洋二角

德國科培爾著日本下田次郎譯山陰葵元培重譯○哲學要領事理之祖宗教流別而惟物惟心有神無神溯源則同泰西富強胚胎於是是書約舉哲學之總念類別方法系統皆以最近哲學大家康德黑格爾哈爾安門諸家之說為基礎發揮盡致且於古代哲學提要鉤元足示學者研究之法

德國工商勃興史

每部一册
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地步是書歷舉其所以致盛之由不外於國家保護學校教育我國近來重視商務提倡工藝凡為學者不可不急取研究也

萬國商業歷史

每部一册
價洋六角

英國器賓著日本林會登吉譯本館重譯○交通日便商戰日烈鐵路輪舟往來駢集而由古迄今以及各國互相關係之道非深加考察無以通曉處此商戰之局固當知其已然尤當審其所以然中國商業之不振亦由遇事無從考察耳爰函譯印是編以資參考

商務印書館出版類
歷史

世界近世史

每部一册
價洋八角

日本松平康國著中國國民叢書社譯○自十五世紀末迄十八世紀其野蠻文明過渡之時代乎摩爾之復興宗教之革命君權之變遷皆於此數百年間現出無數變態中世之果於此時結最近世之因於此時種故世界近世史雖非歷史之全部實為世界歷史最發達之時代是編敘事簡而不漏論斷卓而不偏煌煌巨帙誠歷史上空前絕後之作欲研究世界變遷之狀態者必先讀為快也

歐洲最近政治史

每部一册
價洋五角

日本森山守次著本館譯○泰西列國政治日新月異是皆備歷最近世紀中憲法會議選舉等諸政變無遺跡如指掌欲知歐洲富強之源者亟宜觀覽

歐洲新政史上編

每部一册
價洋八角

德國米勒爾原著日本稻田孝吉綾部竹之助原譯本館重譯○歐洲政界進步之速誠在前所未見範圍亦變之紛紜亦惟此時為最劇西歐風雲今將移至亞細亞然苟察其複雜善為因應革故鼎新未必不可免此慘劇也是書於歐洲各國大局之變遷政體之改易逐世紀載詳盡無遺全書都三十餘萬言實為近世史中最高長博之本國我國人無分新舊皆願是其所幸福者不少也譯筆精審絕無尋常東文譯本流弊沙石之病惟全書卷帙浩繁現在先出上卷願出下卷

商務印書館出版類

世界文明史

每部一册
價洋六角

日本高山林次郎原著本館譯○世界文明愈趨愈進然皆有所自來是書分紀東亞洋各國政教學術循流溯源凡有可為今日文明之證者無不備載展卷讀之不啻奉全世界民族之精華供吾賞玩即欲去僻野而進文明亦可以識其途徑

支那教學史略

每部一册
價洋四角

日本狩野良知著本館譯○中國教化學術卓然為世界之先聲是編起自上古迄於國朝一切有關教學之事均能詳其沿革極其善華本本原原有條不紊我中國數千年來之文明讀此可以知其盛略有主張國粹之說者易取是編誦之

泰西民族文明史

每部一册
價洋四角五分

法國賽奴巴著日本武澤野之助原譯沈是中愈子彛重譯○是書用普通歷史體例而特詳於政治禮制宗教風俗實業文藝諸端蓋惟此可以覘文明之真相也全書譯筆精審詞意明晰毫無東文歐澀之習可用為學堂課本

大學堂審定 亞美利加洲通史

每部二册
價洋七角五分

桃源戴彬編譯○記載繁博凡地理人種文事武功及物產製造政教俗尚一切沿革靡不遺精勞采搜錄無遺讀之于美洲大勢洞若觀火

商務印書館出版
類史

法蘭西史

每部一册
價洋三角五分

本館編譯○凡五卷一上古政治二封建時代政治三立君政治四革命時代政治五今世政治自紀元前迄十九世紀一切人物政教風俗文治武略先後敘載詳審精密我國編譯史書尙無法蘭西史此可爲之嚆矢矣

俄羅斯史

每部一册
價洋五角

俄國伊羅瓦基伊著日本八代六郎原譯本館重譯○俄於我國最有關係其國內情亦最複雜是編起列侯時代迄前皇亞歷山德三世疆域之開拓政治之變遷鄰交之得失君權之隆替原原本本記敘賅博

日耳曼史

每部一册
價洋七角

英國沙安著江甯張鑄譯○書凡二十章三百八十三條自古以至近世其中盛衰分合吞併攻奪之迹靡不具載日耳曼處歐洲中原其先爲無數小邦互相剽竊幾無甯日自威廉第一勝法後克成一統之業內安外攘遂稱雄於世界世有抱轉弱爲強之志者不可不熟觀其書

埃及近世史

每部一册
價洋四角五分

日本柴四郎著本館譯○埃及久困於土耳其洎譚罕歐德阿梨起敢與土抗雖未能完全自主而英名偉績固已炳耀寰區祇以繼體無人遂爾凌替其弊在國是不定舍己從人一切變法皆爲取悅外人之具故其事有損而無益終不免於亡國之慘誠我國之殷鑒也

東方雜誌第五期目錄

日本華頂宮博恭王

日本海軍少將梨羽時起

日本海軍少將細谷資民

日本初瀬艦長中尾雄

日本朝日艦長山田彦八

日本海軍大佐加藤友三郎

青泥窪

旅順口

海參崴

貝加爾湖

孫家溝

蘭領東印度總督衙署

墨斯科鐘王

社說

選論附

論各國對現時旅順之意見

論中國無國權 新華

對客問第四 日本長尾雨山

可權

目錄

論近日衆論之無定 錄四月二十七日中外日報
論中國人民依賴性之起原 錄四月三十日時報

諭旨

時評

奏請立憲之風說

中國爲各國衆矢之的

外人要求之多

本科會試總裁之覆命

借民債以興路礦

川東兵備道之新政

貴州之礦產

湖南之礦產

法人經營雲南鐵路

甯滬鐵路開工消息

湘人力爭粵漢鐵路權

粵督之爭回國際權

外人之扣留裴陳二犯

威海衛英公署之停工

又誤訂招募華工之約

賤種辱國

日本致勝之由

日本商業會議案

日本國債

俄國致敗之由

俄人壓制芬蘭

波斯灣之近狀

英國非洲總督辭職

英人增加茶稅

美選舉總統領

日本設速成政法科

商部奏設實業學堂

日本佛教歸還中國

佛教滅倫

甯海教案議結

內務

論中國立憲之要義 錄五月初五日大公報

山東巡撫周奏擬請將黃河兩岸各州縣改為兼河之

缺摺

日本勅定公布新聞紙律例

各省內務彙誌

各國內務彙誌

軍事

論遼陽俄人軍數 節錄五月二十四日同文通報

甯夏將軍色奏報剿平竄匪摺

兩廣總督岑廣東巡撫張會奏裁營練兵摺

山東巡撫周奏遵旨改定常備續備各軍並擬添募

新兵預籌的餉摺

變通營制

演習夜戰

慎固邊防

東匪救平

廣西軍事紀要

藏英戰事紀要

日俄戰事紀要

韓境戰

得利寺戰

立海邊戰

旅順戰

俄國防務

日本防務

戰事誌記

中國中立

各國中立

韓俄戰事紀要

各國軍事紀要

外交

論兵力足以轉移外交 錄甲辰第十一號外交報
中外交涉彙誌
各國交涉彙誌

教育

論中國古代教育之秩序 錄甲辰四月初四日警鐘報
論提倡女學之宗旨 節錄四月初六日大公報呂蘭清女士來稿
學務大臣榮等奏議復推廣學堂辦法摺
出使日本大臣楊奏陳兼管學務情形摺
四川總督錫奏請設立軍醫學堂片
日本法政速成科規則
各省教育彙誌

財政

書赫德等餉節略後 錄三月初六日警鐘報
論銅元定價參差之流弊 錄五月 日北洋商報
直隸總督袁河南巡撫陳會奏設局合辦火車貨捐摺
湖南巡撫趙奏陳長沙開埠請撥經費摺
署閩浙總督李奏改設財政局摺
河南巡撫陳奏設立清源局規復鹽運司經理片

目錄

實業

河南巡撫陳奏設立濬款所片
江蘇新定稅契章程
各省理財彙誌
各國財政彙誌
論議廢美洲禁止華工條約之結果 節錄四月十二日錄東日報
營業方法之變遷 錄甲辰三月大陸報
商部委派員總理機器造紙公司摺
河南巡撫陳奏續撥款項推廣製造片
外務部咨浙江巡撫趙查明寶昌公司開鑛事宜文
鑛務大臣盛照會日本領事聲明註銷開鑛合同文
商部新定查報鑛務總表
商部新定探鑛開鑛部照格式
各省農桑彙誌
漁業誌要
各省礦務彙誌
各省工藝彙誌

交通

論粵漢鐵路 錄三月十四日中外日報

三

甲辰

目錄

出使俄國大臣胡奏陳俄人建造東三省鐵路工竣情形摺

湖南巡撫趙奏湘省紳商請設支路總公司先將常辰一路集股試辦摺

外務部咨南北洋大臣准美使函稱各國船隻駛入美國六海口應先商准文

山東巡撫周飭商務局接修小清河鐵路妥訂辦法札

潮汕鐵路公司章程

贛滬黃浦章程

招商總局輪船噸位數目

商務

論商會倚賴政府 附錄四月十九日督憲電

外務部議覆山東濟南等處請開商埠摺

商部奏擬訂公司註冊試辦章程摺

商部奏勸辦京城商會並推廣上海商會情形摺

商部刷印整頓出口土貨摺

商部申明商律內洋商附股字義咨兩江總督魏文

商部咨各省撫考查土貨文

四

直隸總督袁咨各行各省會商訂立售賣洋人需用食物章程文

江海關道袁致駐滬各領事照會

商部奏定公司註冊試辦章程 十八條

商標註冊暫擬章程

商部商標註冊局辦法

江蘇省商民回華保護章程

商部批准北京匯兌莊金銀號創立商會章程

中美商業十年比較表

各省商業彙誌


僑民商業

各國商業彙誌

小說

叢談

五



今 從 軍 在 初 瀨 艦

官令司戰海順旅事從本日

海軍少將 梨羽時起



路正鄉東 將少軍海

民資谷細 將少軍海

(海軍印書館印)

日 本 三 艦 長



初瀬艦長 中尾 雄



常備艦隊參謀長 海軍大佐 藤友三郎

朝日艦長 山田彦八

(商務印書館印行)






(前年八月撮影)

湖 爾 加 貝



(尚務印書館印行)

溝家孫之間中街市舊新順旅



蘭 頌 東 印 度 總 督 衙 署



王 鐘



(新華印書館印行)

科 斯 墨 國 俄 在

社說

選論附

論各國對現時旅順之意見本社撰稿

可權

甲午以後之旅順為英俄對峙時代。俄人得志於北方。則可以控馭山東。而英人困守長江。不能越雷池一步。故疾起直追。租借威海以相抵制。當是時。中國政府德俄人代索滿洲之惠。遠以旅順相酬。而不念引鳩作醕。後患方殷。又不能拒英人均勢之謀。威海遂割於是。德法繼之。廣灣膠灣並駐雄師。是皆以俄租旅順為一大動脈也。癸卯以後之旅順為日俄對峙時代。俄人不據奉天。日本雖有窺伺滿洲之意。而無釁可乘。俄人雖據奉天。而不干涉北韓之政策。日本猶有取償之處。此可以開釁而不必開釁者也。惟夫豺狼之性。專慾無鑒。得隴望蜀。著著進步。大張其防禦線於旅順。將使日本縮小範圍。永無吐氣北方之一日。苟非含垢忍尤。不復知有羞恥之人類。未有不揮鐵血。衝礮火。角財力。賭生命。而一決勝負者也。是故自開戰以來。俄人之固守者。惟旅順。日本之奮擊者。惟旅順。始而仰攻。繼而堵塞。終而決鬪。兩國運命皆視旅順為之強弱。而世界各國之重心亦交乘並集於此點。是又以日攻旅順為一大動脈也。然則現時旅順在各國果具何等之意見乎。吾以為推測之法有二。一

社說

七十九

甲辰

則觀其已表著之意見。一則觀其未發明之意見。

已表著之意見若何。俄人既擾亂東方和平。則影響遂及於歐美。大有銅山西崩。洛鐘東應之勢。非但日本與之爲難也。而日本尤爲剝牀近災。其他或與俄同盟而利用之。或與日同盟而反抗之。卽在非同盟國。亦莫不未雨綢繆。以與時會相馳逐。此可歷歷指數者也。假使英人無助日之心。則有一威海衛。可以自固。何必更擾藏番。以圖牽掣俄人之肘臂乎。假使法人無助俄之心。則有一廣州灣。可以相持。何必更逼龍州。以謀對付日人之勝略乎。又英之助日者。其計緩。法之助俄者。其計迫。故旅順圍困之時。法人卽於秦皇島樹立無線電桿。遙與俄之海軍潛通聲氣。蓋其去破壞中立不遠矣。英人於俄之波羅的艦隊。時時注意。屢飭土國阻之。不使得出地中海。亦恐驚旗東指。熊威復振。而旅順不易破滅也。此外則爲非同盟國。德畏俄而袒俄。美惡俄而袒日。故日戰俄而小勝。德人樂從之。日戰俄而大勝。德人不願也。若使俄人竟失旅順。日人竟佔旅順。則德人滋懼矣。觀於近日。德人狡謀不專恃一膠灣爲根據地。駸駸乎欲施其強硬手段於中國政府。而借鄱陽洞庭爲操練水師之場。此豈無所怵而然耶。美人自戰勝斐律賓後。一變其門羅主義爲帝國主義。已微有染指極東之意。特隔於強俄。未得一間之隙。不得不伏而俟之。今因日本之尋釁通國。皆爲之悚動。尤

可。驚。者。在。槍。林。礮。雨。之。中。遠。欲。簡。放。領。事。整。理。滿。洲。商。務。雖。其。事。卒。不。果。行。亦。足。表。見。背。俄。向。日。之。感。情。矣。此。各。國。對。於。現。時。旅。順。已。表。著。之。意。見。也。

未。發。明。之。意。見。若。何。此。為。旅。順。失。陷。之。問。題。假。令。旅。順。失。陷。之。後。俄。人。棄。甲。而。走。日。人。整。隊。復。前。而。各。國。猶。嚴。守。中。立。弗。干。涉。之。則。日。本。挾。其。破。竹。之。勢。陸。軍。直。擣。奉。天。長。驅。以。至。於。哈。爾。濱。更。以。其。海。軍。劫。海。參。崴。將。如。回。復。樺。太。會。之。所。預。計。豈。不。甚。快。然。而。事。變。之。來。必。不。能。如。人。意。之。所。期。吾。意。斯。時。法。人。必。先。發。難。法。人。一。動。他。人。欲。處。於。靜。而。勢。不。可。得。黃。海。渤。海。之。間。必。有。無。數。國。之。兵。輪。礮。艦。隊。然。如。飄。風。疾。雨。之。并。至。或。翼。日。本。而。進。之。或。扶。日。本。而。退。之。而。日。本。海。軍。且。落。於。旋。渦。之。中。欲。進。不。可。欲。退。不。能。極。東。戰。事。必。於。此。為。一。大。停。頓。何。以。明。其。然。也。今。歐。美。各。國。艦。隊。駛。入。內。海。者。陸。續。不。絕。而。皆。以。觀。戰。為。名。使。其。無。包。藏。禍。心。則。何。為。鬻。集。鱗。萃。如。此。又。何。為。說。秘。機。警。如。此。且。英。美。法。德。而。外。更。益。以。奧。匈。義。比。諸。邦。來。者。無。端。去。者。弗。告。則。豈。不。可。為。寒。心。耶。故。知。此。等。艦。隊。之。用。不。在。戰。事。告。終。之。後。而。在。戰。事。方。酣。之。時。吾。以。為。旅。順。失。陷。之。日。即。應。有。可。驚。可。駭。之。現。象。震。動。世。人。之。耳。目。矣。此。各。國。對。於。現。時。旅。順。未。發。明。之。意。見。也。

夫。各。國。之。意。見。既。變。幻。百。出。如。此。然。則。逆。計。所。以。安。頓。旅。順。竟。為。誰。家。之。物。謂。其。猶。為。俄。有。

乎。然。已。朝。不。保。夕。矣。謂。其。必。為。日。有。乎。然。此。眈。眈。者。伺。於。其。旁。恐。亦。不。能。獨。據。矣。謂。將。開。為。商。港。使。各。國。共。有。乎。然。日。本。竭。力。經。營。僅。乃。得。之。雖。有。放。滿。洲。為。公。地。之。說。必。不。能。洞。開。門。戶。使。外。人。縮。其。鎖。鑰。矣。無。已。其。歸。之。中。國。乎。是。有。三。善。焉。俄。人。久。假。不。歸。日。本。奪。而。還。之。義。也。日。本。宣。戰。之。初。即。云。不。以。中。國。土。地。為。利。今。於。旅。順。實。行。其。言。信。也。日。本。以。旅。順。還。中。國。則。可。以。全。力。戰。俄。且。免。各。國。覬。覦。之。心。智。也。雖。然。尚。有。一。難。即。中。國。能。守。與。否。而。不。足。為。患。也。中。國。力。足。自。守。固。宜。還。中。國。不。能。自。守。日。本。助。中。國。守。之。亦。宜。還。如。是。則。各。國。無。從。置。喙。而。東。方。兩。帝。國。之。睦。誼。乃。益。深。矣。若。夫。中。國。酬。報。日。本。厚。德。亦。當。稱。情。而。予。俟。後。詳。論。茲。不。暇。及。也。總。而。言。之。甲。午。以。後。之。旅。順。為。白。種。人。拓。殖。亞。細。亞。之。局。癸。卯。以。後。之。旅。順。為。黃。種。人。恢。復。海。權。之。基。雖。在。中。國。猶。在。日。本。也。中。國。得。旅。順。可。以。兼。得。威。海。併。旅。順。威。海。之。勢。力。可。以。轄。制。膠。州。灣。使。德。人。不。敢。大。肆。德。靖。則。法。亦。孤。矣。其。機。括。甚。切。要。也。若。旅。順。留。於。日。本。則。難。望。英。人。之。還。威。海。而。德。人。亦。挾。其。膠。州。灣。以。共。相。雄。長。在。中。國。無。險。可。守。振。興。固。無。可。幾。俾。而。黃。白。種。界。之。競。爭。日。激。日。烈。日。本。而。欲。保。全。東。亞。之。和。平。豈。復。以。此。為。長。策。哉。

論中國無國權 本社撰稿

新 華

凡。國。家。所。以。能。自。立。於。世。界。者。為。其。有。權。也。凡。權。之。所。以。能。行。於。國。家。者。為。其。有。政。體。也。無。

政。體。則。權。無。所。附。而。國。非。其。國。家。非。其。家。矣。西。人。論。政。體。者。輒。分。三。級。曰。專。制。曰。共。和。曰。立。憲。專。制。爲。君。權。共。和。爲。民。權。立。憲。爲。君。民。同。權。執。法。者。守。此。權。者。也。行。法。者。行。此。權。者。也。有。國。家。者。罔。不。由。之。所。爲。長。治。久。安。無。內。訌。外。憂。之。警。告。者。權。足。以。相。制。故。也。非。是。則。盜。或。乘。之。矣。非。是。則。敵。或。侵。之。矣。以。觀。於。今。日。之。中。國。爲。有。權。耶。爲。無。權。耶。吾。請。進。而。畢。其。說。

欲。知。中。國。之。有。權。無。權。當。究。中。國。之。政。體。爲。何。如。之。政。體。中。國。非。儼。然。專。制。之。政。體。耶。曷。爲。而。無。權。也。惟。辟。作。福。惟。辟。作。威。自。唐。虞。以。訖。元。明。未。或。改。制。其。首。出。庶。物。之。一。人。皆。所。謂。乃。聖。乃。神。乃。武。乃。文。奄。有。四。海。爲。天。下。君。者。也。夫。安。得。云。無。權。然。試。考。求。其。實。際。則。殊。不。然。夫。國。家。最。要。之。政。務。莫。如。人。口。之。生。死。賦。稅。之。出。入。西。國。每。歲。必。有。預。算。表。昭。示。於。衆。上。自。朝。廷。下。至。草。野。凡。有。知。識。能。言。語。者。皆。可。以。悉。其。款。目。若。在。君。主。則。尤。圖。冊。詳。備。如。數。指。上。螺。紋。故。通。國。無。遁。情。也。中。國。之。民。數。則。聽。其。自。生。自。滅。財。賦。則。聽。其。自。銷。自。耗。戶。籍。丁。冊。數。十。年。不。一。易。舛。誤。差。謬。莫。可。究。詰。昔。漢。文。帝。問。周。勃。天。下。一。歲。決。獄。幾。何。勃。對。不。知。錢。穀。幾。何。勃。對。不。知。而。陳。平。轉。以。變。理。陰。陽。爲。宰。相。之。職。爲。無。爲。事。無。事。互。相。欺。蔽。如。此。人。主。雖。有。長。駕。遠。馭。之。才。亦。何。所。展。其。驥。足。乎。故。不。得。已。而。深。居。簡。出。齷。纈。以。塞。耳。冕。旒。以。蔽。目。終。其。百。歲。之。身。不。知。域。內。之。事。奚。遑。有。所。設。施。幸。而。天。下。無。事。享。太。平。之。福。有。類。於。土。偶。木。偶。被。衰。

衣奉香火假托於牛鬼蛇神以炫威勢不幸運極勢去求爲匹夫而不可得或且祝來世勿復生帝王家誦乾千山頭之句能不爲之痛哭哉

然或者大權旁落人主有專制之名無專制之實而一切立法司法行政諸事悉移之臣下乎吾又見漢之外戚晉之宗室唐之藩鎮宋之權宰矣一朝得志則勢熾薰灼所愛生羽毛所惡成瘡疥放君則比伊尹攝政則擬周公宜若有操縱一世之能力者然憑依城社如鼠如狐自其一身之富貴尊榮外絕不知國家有何等之關係故跡其所爲之事凡可以利國家者竭力敗之凡可以害國家者竭力成之求之古代設官分職之意查乎其不可得但見聚處其中爲之隱蠹而已其於理財也有豪奪而無均賦其於用人也有比黨而無選任其於內治也有粉飾而無條章其於外交也有退讓而無進取幸而五世幸而三世不幸及身無不瓦解冰消族亡種絕是何敗覆之速哉惟其所據之權非治國家之公權也非治國家之公權而欲藉國家之勢行之則未有能久存不失者也

夫君無權官吏無權或者權將移於民乎然此不可爲中國人說法也中國庶民本無權利思想數千年來政治則專以壓之教育則專以愚之當其衣食纔足聚族可安之時蠢蠢然如鹿豕蚩蚩然如牛馬使之奉一君主也可使之奉數權貴也可朝也隸秦則爲秦之順民

夕也。屬楚則爲楚之降虜。無有能去依賴之心。確然成地方自治之規模者。豈其勢微力薄。不足以自存哉。特羣治不進故耳。否則亦不應有張角之爆發。黃巢之蠢動。獻忠自成之寇掠矣。夫一二暴徒。斬木揭竿。猶能呼嘯成羣。傾動宇內。未始非民氣可用之一徵也。於無事之時。有聯合自治之法。凡納稅義務。當兵義務。皆素所講求。人人自愛其身家。以及於國。不使暴君污吏。得以擾亂秩序。則有事亦可互相保衛。竇融河西之守。張駿涼州之卒。何必不能當寇亂之衝。集團體以捍外患哉。惟吾中國民氣。以治代亂者十之一。以亂代亂者十之九。故每遇天下有變。莫不鼎沸魚爛。不可復收。觀於太史公秦楚之際。月表謂五年之間。號令三擅。亦可以識中國民權之衰弱矣。夫以大多數並生並育之衆。薰蕕殊器。鴉鷲異族。羣奉命於一君主之下。其勢必不能使之同化。則不得不委之性情不習。聲氣不通之官吏。官吏雖多。亦豈能家家而諭之。戶戶而曉之。毋亦仍假君主專制之威行之而已。行之不善。則盜憎主人。民怨其上。暴亂發矣。試問此時之主動力爲屬之民乎。抑非屬之民乎。然而民固蠕蠕然不知其誰爲爲之。孰令致之也。何權之有。

吾聞治新學者之言曰。競爭者文明之代價也。權利者義務之產兒也。以吾中國舊歷史考之。一國之中。惟君獨尊。則無與競爭者矣。普天之下。莫非王土。則獨享權利者矣。無與競爭。

則。文。明。不。進。獨。享。權。利。則。義。務。已。忘。不。可。謂。非。專。制。之。極。軌。也。然。以。一。人。專。制。一。國。家。必。有。所。不。及。之。處。不。及。則。權。替。矣。權。既。替。而。猶。莫。知。其。所。以。替。然。後。爲。官。者。亦。可。以。弄。其。權。爲。民。者。亦。可。以。竊。其。權。語。其。名。猶。曰。朝。廷。之。威。柄。也。而。不。知。身。雖。尊。居。九。五。業。已。形。同。傀儡。喜。之。怒。之。榮。之。辱。之。皆。無。能。自。主。之。勢。而。彼。弄。權。竊。權。之。人。之。側。又。有。弄。其。權。竊。其。權。者。隨。之。而。起。因。是。官。亦。無。權。民。亦。無。權。自。上。下。下。互。相。推。移。於。何。故。之。中。生。不。知。爲。誰。之。恩。殺。不。知。爲。誰。之。怨。神。姦。旁。午。公。理。淪。行。凌。夷。至。於。今。日。之。時。勢。殆。亦。天。演。學。所。謂。天。行。人。治。並。失。其。叙。者。歟。尙。何。言。哉。嗟。乎。中。國。素。以。專。制。政。體。聞。於。世。界。而。其。流。極。乃。至。使。通。國。無。一。人。有。權。者。其。故。何。也。蓋。專。制。之。術。惟。欲。奪。衆。人。之。權。以。成。一。人。之。權。衆。人。既。已。放。棄。其。權。故。不。與。於。治。亂。興。亡。之。數。至。於。一。人。亦。不。能。以。其。權。行。於。國。家。而。於。是。國。家。遂。不。可。爲。矣。吾。願。覘。中。國。國。勢。者。急。起。而。謀。復。國。權。可。也。

對客問 第四本社撰稿

日本長尾雨山

客難曰。子言似美。而實甚迂。何則。我中國從古爲政者。以愚黔首爲長計。今則時勢推移。朝廷下興學之令。而其意以造技藝之士爲急。不以興國民教育爲念。一也。各省督撫。鋪排門面。上下相蒙。常懷觀望。依違不決。卽有開一二學堂者。亦不過爲具文。有興學之名。無教育

之實。二也。財政無統一之制。官吏後公益而先私利。欲興學堂。無款可籌撥。三也。人民風氣。感情不一。或有訟言革命變法。自繇平等。不受約束。政府輒歸罪新學。搢紳章甫。懼禍及己。不敢提唱新學。四也。故老先進。固已自封。不喜新學。五也。巨室富人。甘爲守錢奴。甯投財於游冶禱祀。而不用之於教育。六也。稱道開新者。有筆舌之快。而無實力。七也。素封紈袴。逸游自放。不肯刻苦修學。八也。科舉之制未廢。欲求仕宦者。腐心帖括。埋頭陳編。無暇講求新學。九也。其入學者。以射利釣名爲念。輕佻好奇。實無求新智之志。十也。凡此數端。莫非所以沮礙教育之敷及。今子不揣其本而欲齊其末。不亦迂乎。況夫興一利。不若除一害。我國弊害。宜除而未除者。尙多。何獨興教育之爲急哉。予曰。客過矣。予且論之。子所謂朝廷不以興國民教育爲念者。是以人忤天耳。以常理推之。萬無此理。何則。國民教育。國家之利。不獨人民之利。今言中國之時務者。輒曰。強兵強兵。而殊不知兵之本在民。民之本在教育。夫中國之兵。非士卒不衆。非器械不銳。驅不教之民以戰。所謂棄民也。故士卒益衆。器械益銳。適足以利寇助敵也。近日柳州之叛兵。是已。是以晉文三年教民。而後用之。越王勾踐。十年教訓。而後克吳。蓋民受教育。則知義。知義則能爲國捐軀。然後頓足徒跣。踏白刃。冒礮火。而不回顧矣。民勇於義。如此。則舉國皆強兵矣。乃外教育而求強兵。譬猶病瘵者。不藥而求強壯。豈不

夫國民教育國家之利而惡乎朝廷不欲受其利。各省督撫常懷觀望。依違不決者。以師範無人。教科無書焉耳。近來各省出洋學生年多一年。督撫用意所在。不可知乎。欲興學堂。無款可以籌撥者。亦未足以沮教育之敷及。蓋學堂之制。有官學。有公學。有私學。省而府。府而縣。各勸獎地方富豪。籌捐款項。設爲學堂。而官任之。節制則可立辦矣。今獨仰成於官而有力者。裹足不起。豈能行乎。人民危言。不受約束者。是豈新學之罪耶。以堯之聖而不能臣巢父。許由。卞隨。務光。武王之聖而不能臣伯夷。叔齊。不受約束之民。自古有之。豈新學之罪耶。即使新學中間有此類。若以是而廢教育。所謂因噎廢食也。況夫國有法家。拂士。草茅危言。國之福也。何足以累教育乎。故老先進。不喜新學者。非新學之不是。特夏蟲之疑冰耳。巨室富人。不用財於教育者。以未知教育之利也。農也。工也。商也。待教育而其業大進。其利大開。歐美之所以富壓天下是已。彼能知教育之利已。則必喜致其力矣。稱道開新者之無實力。非自今日然也。孔子應聘七十國。不得一展其力。然能爲天下萬世之木鐸。今之稱開新者。亦能爲今日之木鐸。則足矣。秦封執紼。不肯刻苦修學者。古之所謂遊民也。周官所刑也。本是不辨國民之義之所致也。即此益知教育之所以不可不興矣。科舉之制未廢。欲求仕宦。無暇講求新學者。今日之制。雖似有所不得已。待學堂既具。此制漸將廢。近來重臣此

故。欲。速。廢。科。舉。則。不。若。速。興。學。堂。也。入。學。者。輕。佻。好。奇。無。求。新。智。之。志。者。教。育。不。敷。及。之。病。也。教。育。敷。及。則。人。人。皆。具。有。恆。識。五。尺。童。子。猶。能。通。字。內。之。情。雖。有。輕。佻。者。亦。無。置。足。之。地。其。自。然。絕。跡。可。知。已。然。則。此。數。端。豈。足。以。沮。礙。教。育。之。敷。及。哉。正。見。其。不。可。一。日。無。教。育。矣。且。從。古。中。國。之。患。在。不。務。興。利。而。務。除。害。是。以。近。世。之。政。除。害。之。制。愈。密。而。害。愈。深。一。害。未。除。百。利。盡。廢。矣。有。築。大。廈。而。居。者。其。始。輪。焉。奐。焉。謂。子。孫。可。以。宮。矣。久。而。牆。敗。柱。朽。鄰。人。勸。之。磚。其。牆。石。其。柱。大。廈。之。主。恃。其。始。之。輪。奐。不。聽。鄰。人。他。日。大。風。暴。雨。牆。倒。柱。折。於。是。立。木。張。繩。彌。縫。百。端。遂。不。能。支。持。爲。國。亦。然。一。利。所。在。必。先。興。之。則。利。愈。興。而。害。隨。寢。矣。今。憂。害。之。不。除。而。不。興。利。則。利。何。時。而。得。興。害。何。時。而。得。除。乎。蓋。利。之。與。害。成。於。比。較。譬。之。飽。蟲。礪。服。短。襪。者。一。朝。勸。之。食。肉。衣。帛。始。則。疑。之。漸。而。知。肥。甘。之。適。口。輕。暖。之。愜。身。也。則。取。以。易。之。苟。利。所。存。人。莫。不。趨。焉。何。特。蟲。礪。與。短。襪。哉。故。人。謂。之。利。而。未。之。信。者。由。於。不。辨。其。利。多。於。害。也。雖。然。利。害。之。辨。亦。不。可。不。用。心。焉。天。下。之。事。有。百。害。而。無。一。利。者。有。利。少。而。害。多。者。有。利。害。相。半。者。有。利。多。而。害。少。者。有。百。利。而。無。一。害。者。即。如。興。教。育。則。百。利。而。無。一。害。者。矣。子。復。奚。疑。

論近日衆論之無定 錄四月二十七日中外日報

社說

八十九

甲辰

自日俄開戰以後。世界各國之報紙。所記載者。皆此事也。所議論者。亦此事也。天下之報紙。鬚髯皆爲日俄爭戰之報。此事之外。若無可記載議論者焉。甚哉。此戰關繫之重矣。顧其所記載者。於勝敗之實跡。大略相同。勝者雖欲張皇。敗者雖欲諱飾。而相去俱不能大遠。其謠言轉較往時之戰事爲少。此亦因天下之人羣焉。屬耳目。而真情遂不能不注也。獨至議論。則無一同者。當日俄之未戰也。謂其終不戰者居多。戰者居少數。及其將戰也。以俄國爲可畏者居多。數。謂俄國爲腐敗者居少數。以日本爲財政大困。萬難持久者居多。數。謂日本爲尙足支持一二年者居少數。及其既戰也。謂日本雖倖勝而終敗者居多。數。謂日兵能始終制俄軍之命者居少數。凡此諸時代。皆吾人之所親歷。而其事亦次第揭曉。如一幅圖畫之展開。歷歷證人之腦力矣。至於今日。則日俄二國之兵較量已定。世界各國無復異議。而天下之所注意者。皆在於此局如何結束之一點。此事之揭曉。雖不過半年之內。然其窈冥不測。無有過於此者。今日聞之西方友人。其論言人人殊。除本館譯登及著論之外。尙有異聞。頗足以資考證者。有人云。日本此次戰事。其預算以兩長年爲期。故決不以攻至哈爾濱爲止。必敢盡其此兩年所能到之地。然後議和。有人云。白人決不坐視。使成黃禍。必不使日本大得意於亞東大陸。雖目下戰勝攻取。未爲喜也。有人云。英美終不附和德。

法。救其迂遠之黃禍。失其直接之利益。有人云。中國必將興。而以東三省爲中國之先導。有人云。目下即有瓜分之禍。有人云。此事結局必有列國大會之舉。此會地或在東京。或在巴黎。而以巴黎爲多數。有人云。此事結局或無大會之事。因日俄二國均不願第三國之干預。其結局也。有人云。日則懼人之干預。其結局而俄國則甚盼之。凡此諸說。皆持之有故。言之成理。若推而衍之。即每義可作論一篇。本報會通各說。而推究之。則議論雖多。其原因不外二派。一黨日一黨俄而已。日本不止攻至哈爾濱。英美必不爲德法所動。東三省當爲我國之先導。結局之時。未必有列強大會。此盼望日勝之心所溢而出者也。白人必不坐視中國。即將瓜分結局時。必有大會。大會將在巴黎。此皆深願俄勝之心所自然流露者也。此正如戴黃眼鏡者。則見天地皆黃。戴藍眼鏡者。則見天地皆藍耳。然而吾人於此。則正可以見各國對中國之政策。各國之人。大約凡望日勝者。言外必有中國未嘗不可興之意。凡望俄勝者。則直言中國不足復存。其牽連而及之。勢有動於天然。不自知者焉。夫使日本大勝。白人。不作惡而中國之如何。未可知也。若俄人大勝。日本被挫。則中國可知矣。天下束手待斃之人。固如是之有害而無利哉。

論中國人民依賴性之起原

錄四月二十日警鐘報

社說

九十一

甲辰

嗚呼。我中國之所以孱弱不振者。徒以人民有依賴之性質耳。有依賴即有憑藉。有憑藉即尙因循而奴隸之性質。遂一成而不可復變矣。雖然。人民依賴之性質。不自今日始也。吾嘗即其故而推之。而知其皆出於神權之思想。何則。民之初生。不明萬物運行之理。而又有善疑之天性。故不得不歸功於神。又不得不以人事測天。此固野蠻民族之普通性質也。若中國古初。最重神教。而所謂神教者。不外多神。以天神地祇皆可與人鬼二端。其在詩曰。皇矣上帝。臨下有赫。其在書曰。乃祖乃父。丕乃告我高后。崇降勿祥。乃斷棄汝不救乃死。是則古人之思想。以天神人鬼皆有操縱人世之權。惟其有操縱人世之權。故民之有趨利之心者。即向鬼神以祈福。有避害之心者。即向鬼神以悔罪。由是而祭祀之禮興。由是而禱祈之典立。一若冥冥之中。實操賞罰。而依賴鬼神之思想。遂為中國人民迷信之本矣。有巫祝卜筮之說觀蘇公遇暴公之亂。出三物以詛爾斯。屈平遭子蘭之讒。告五帝以折中命。非依賴鬼神之明證與。惟其依賴鬼神故雖然。古代人民之性質。不僅依賴鬼神已也。且有依賴人君之思想。中國之君自稱天子。以奉行天命。自居與西人神授君權之說。若合符節。觀歷代之奉天書皆承認天子故民之稍違君命者。即與違天之罪同。且上古之初。最崇宗法。而天子者。又大抵大宗之宗子也。故又有祭祀之權。有祭祀之權。故能假鬼神之威柄。以統治臣民。

而臣民之依賴人君者。遂與依賴鬼神無異。故人君之敕令。即與法令同尊。而祭天之權。亦悉操於人君之手。降及後世。君權日尊。中國臣民。遂用其依賴人君之思想。以飾為尊君親上之美名。也。古代最戒言無君。孟子曰。孔子三月無君。則皇皇如也。又曰。無父無君。是禽獸也。此皆依賴人君之確證。而舉國之人民。遂悉奉政府為標準矣。也。中國人民。會隨政府之權。而並信其官吏。決無獨立之性質。故因君之權。而並信其官吏。且當此之時。又以其昔之依賴人君者。移為依賴古人之性質。蓋上古之初。最崇尊祖敬宗之典。而祖宗之舊典。又大抵掌於巫史祝卜者也。故天事人事。相為表裏。大抵以舊典。皆因宗教而崇先例。而重法儀。有法子。而國家之舊典。遂視為神聖。不可侵犯矣。中國臣民。大抵皆奉祖。且其契始作之時。淺化之民。視同符籙。於能創立此文字者。即以聖人目之。蓋社會。通以文字著於書冊。即謂之經。以文字推之於民。即謂之法。凡有與舊例相背者。不曰畔道離經。則曰非聖無法。而崇拜古人之思想。遂易為崇拜古學之思想矣。觀中國政府之出一令也。必曰舊例可援。士人之創一學也。必曰本於古籍。豈非舍古人而外別無所謂憑藉者乎。而究之。依賴古人之思想。悉由依賴鬼神之思想而生。中國之行。恆言曰。天地君親師。先而並重。親因。學教而並重。師尊也。禮時代之甚矣。神權思想之為害也。今欲革人民依賴之性。其惟倡西人社會學說。以進化之公理。誌其迷信之心。

社說

九十三

甲辰

社說

則此等思想不擊自族所同然
 人之能獨立者皆藉王一之說亦與陸同大抵不主成見不以先入之爲主故無所憑藉不與時
 爲通國無學術之冠庶國民之奴性可除而思想不難進步矣

復假祖國陸王之學術以良知之論破其憑藉之藩籬

九十四

五月



諭旨

上諭貴州巡撫著柯逢時調補俟李經羲到任後再行交卸欽此 上諭廣西巡撫著李經羲補授迅即赴任貴州巡撫著曹鴻勳暫行署理欽此 上諭山東督糧道員缺著周開銘調補恩澤著補授廣東督糧道欽此 旨喀爾喀公衙頭等台吉祺成武著加恩賞戴花翎並挑在乾清門行走欽此 四月十六日

上諭刑部奏審明風憲官持摺索賄被控後臆混入奏按律定擬一摺御史樂桂著即革職發往軍台効力贖罪參領嵩靈平日有無不法著該管大臣隨時查看餘依議該衙門知道欽此 十七日

上諭前據御史黃昌年奏參江南文武各員劣款當經諭令魏光燾確查茲據查明覆奏除賈炳等員查無實在劣迹無庸置議外道員俞明震總辦釐局紛更差委雖無賄弊實據究屬辦理不善著交部議處試用知縣郭希度年少氣浮辦事亦欠穩練著以府經歷縣丞降補都司彭書麟居心貪鄙刻薄勇丁著革職永不叙用並不准投營効力以示懲儆餘著照所議辦理該部知道欽此 旨疏防監犯越獄之管獄官安徽旌德縣典史虞金焱著革職拿問交誠勳提同刑禁人等嚴訊有無賄縱情弊按律定擬有獄官旌德縣知縣胡補震邱縣知縣李邦慶既查明實先期公出仍勒限嚴緝逸犯袁得荊等務獲懲辦倘限滿無獲再行照例參辦餘著照所議辦理該部知道欽此 上諭前據御史儼忠奏參江蘇銅山縣知縣陶在銘諱盜殃民任用劣紳各款當經諭令魏光燾恩壽確查茲據查明覆奏該員平日尙知自愛惟於劣紳林之祺輕信任用不能覺查著交部議處指捐山東通判林之祺倚勢招搖聲名甚劣著即行革職與劣紳周有道均交地方官嚴加管束以示懲儆該部知道欽此 二十日

曾本年新貢士著於五月初十日在保和殿覆試欽此 二十五日

上諭兵部奏假冒總兵畏罪逃逸請飭查拿一摺據稱升用提督記名總兵胡榮翼親齋前護山西巡撫咨文赴部投到

經該部行查保案並無該總兵之名原咨關防篆文亦不相符迭次稟傳未到竟無蹤跡顯係假冒著步軍統領衙門順

天府五城及各直省督撫一體查拿務獲送部究辦並著山西巡撫先行查辦據實覆奏欽此 二十六日

上諭類勳精穎著補學兩級城副都統所遺黑龍江副都統著直隸候補知府壽勳署理欽此 二十七日

曾本年新貢士著於五月二十一日殿試五月二十八日在保和殿朝考欽此 二十九日

上諭雲南曲靖府知府員缺著秦樹聲補授欽此 五月初二日

曾吏部司務著顧禹權補授湖南糧儲道著陳慶口補授安徽六安直隸州州同著鄭廷翰補授山西陽高縣知縣著謝

永祺補授河南淇縣知縣著王同文補授湖北當陽縣知縣著龍慶言補授福建長泰縣知縣著王思聰補授截取舉人

趙煊著以教職用何燧垣著以知縣用林郁華著以教職用潘謨著以知縣用吳國賢著以教職用彭坤年著以知縣

用黃師乾著以知縣用馮瑞蘭著以知縣用朱之澄著以教職用俸滿教職陸顯書著以教職用劉光永著以知縣用謝

士璠著以知縣用兵科筆帖式著烏凌阿補授翰林院筆帖式著鍾自補授理藩院筆帖式著增全補授光祿寺筆帖式

著廣譽補授鑾儀衛筆帖式著英惠補授理藩院筆帖式著崇志補授鑾儀衛筆帖式著貝都哩補授翰林院侍讀著世

榮補授刑科給事中著榮壽補授湖廣道監察御史著富綸補授湖廣道監察御史著蔡金臺補授明保差滿庫倫印房

章京理藩院印補員外郎鍾湘著仍以員外郎即補保送直隸州知州兵部主事郭育才著交部記名以直隸州知州用

擬補內閣中書孫卿裕著准其補授截取中書科中書羅秉誠著照例用開缺四川成綿龍茂道長春著回原衙門行走

卓異在任候補知府直隸彙強縣知縣張石著准其卓異加一級仍註冊回任候升卓異前浙江永嘉縣知縣左宜之著准其卓異加一級仍註冊候升升補直隸多倫諾爾撫民同知王錫光雲南普洱府思茅同知李同壽俱准其升補卓異升補河南鄆州知州葉濟著准其升補於知縣任內卓異加一級保舉山東補用同知吳家驥山東補用知縣孫汝霖俱照例用服滿原還山東樂安縣知縣朱琨著不必坐補原缺盛京禮部千丁處七品官著李毓馨補授欽此 旨遺所參疎防監犯越獄官順天南路司獄張承恩於監獄重地並不加意防範致令監犯與禁卒人等一並逃逸其爲鬆刑賄縱已可概見核其情節實非尋常越獄之案可比張承恩著革職拿問交袁世凱嚴行審訊按律定擬有獄官署南路同知黃瓊雖經據報前期公出仍著照例議處並勒限嚴緝逸犯關振聲及禁卒張二等務獲懲辦除著照所議辦理該部知道欽此 初三日

旨本科繙譯覆試貢士著於五月初九日在保和殿考試欽此 上諭練兵處奏大員報效練兵銀兩一摺候補四品京堂周榮曜報效鉅款著以三品京堂候補欽此 初五日

上諭禮部奏貢士覆試投卷人數尙少請展緩日期一摺著改於五月十七日在保和殿覆試欽此 初七日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨方今時局岌岌百端待理而財用匱乏以致練兵要政籌餉亦尙艱難中國地大物博何一非取之於民國家借資民力何事不時屢軫恤乃往往靜不下究皆由上下隔絕中飽虛糜積習相沿牢不可破則冗員浪費之爲害深也 朝廷爲民司牧非以天下奉一人每念吾民瘡痍困苦時切心疚平日宮中服御省減常以節儉爲天下先當此物力之奇艱積重之難返尤應痛加整頓改絃更張即著先自宮廷始嗣後宮內一切用款工程著儘內務府立定經費量入爲出不准再撥戶部款項其戶部正雜各款專作地方正用

此外應行開源節流之處著戶部悉心籌畫遇事整理至內務府司員太多應如何裁汰歸併著政務處會同內務府大臣妥議具奏其餘內外各衙門亦即仿照核辦次第推行該王大臣等務當破除情面切實通籌認真辦理以除冗濫而裕度支以期共副 朝廷孜孜圖治之至意欽此 上諭朕欽奉 慈禧端佑康頤昭豫莊誠壽恭欽獻崇熙皇太后懿旨本年七旬萬壽迭經降 旨施 恩京外臣民無不均沾 閩澤因思從前獲罪人員除謀叛立會之康有爲梁啓超孫文三犯實屬罪大惡極無可赦免外其餘戊戌案內各員均著寬其既往予以自新曾經革職者俱著開復其通飭緝逸並現在監禁及交地方官管束者著即一體開釋事犯在此次 恩旨以前者概行免究以示 覃敷慶典法外施仁之至意著該部及各省督撫迅即查明具奏欽遵辦理欽此 初八日

上諭英賢等奏請諒吉恭請 列聖聖容還御一摺熱河綏成殿壁衣坑工現已完竣著欽天監敬謹選擇吉日時知照英賢等屆期恭請 聖容還御欽此十一日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨從來民爲邦本國家用人行政無非爲民州縣之設原爲與民相親俾周知閭閻疾苦 朝廷倚任督撫及藩臬道府等官皆欲其蓬率牧令盡心民事庶幾撫綏休養保我羣黎百官俸祿皆係民膏民脂若養尊處優而不憫百姓之顛連無告捫心清夜何以自安中國官民隔絕癩習已深頗聞各省州縣官多有深居簡出玩視民瘼一切公事漫不經意以致幕友官親濫蔽用事家丁胥吏狼狽爲奸公欺則舞弊浮收刑案則拖累凌虐種種魚肉爲害無窮小民何辜受此荼毒深宮倦懷赤子每一念及常爲淚下嗣後責成各督撫考查州縣必以爲守俱優下無苛擾聽斷明允緝捕勤能爲地方興利除害於學校農工諸要政悉心經畫教養兼資方爲克盡厥職著自本年爲始年終該督撫將各州縣臚列街名年歲籍貫清單註明何年月日補署到任經征錢糧

完欠分數及有無命盜各案詞訟已結未結若干起監禁羈押各若干名均令據實開報其尋常公罪處分准予寬免不准諱飾任內興建學堂濬所種植工藝巡警諸要政是否舉辦一併分別優劣開列簡明事實不准出籠統寬泛考語奏到後着交政務處詳加查核分起具奏請 旨飭懲並著將各省奏單列入官報與衆共知以通下情而伸公論前經降旨諭令各省將書吏差役嚴行裁汰卽張之洞與劉坤一會奏摺內亦痛言此弊並恤刑獄各條皆于吏治民生極有關繫何以因循不辦著一體督飭屬員認真整頓各該督撫務當破除情面察吏安民切實遵辦用副 朝廷力挽頹風勤恤民隱之至意欽此 十四日

旨國子監司業著蔭桓補授分發山東知縣徐受讓蔡治聲山西知縣朱勵志張祖詒艾慶甲張杰董恩壽河南知縣陶惟坻田易疇唐滙源姚文瑗陝西知縣程運熙陳天錫江西知縣黎慶堯魏業鏞劉仁壽戴慶祥湖北知縣錢基伍瓊湖南知縣陳廷緒彭邦偉四川知縣陳倫高銘箴漢廣文查壽袁鍾駿廣東知縣方頤恕陸琦蔡國英陶永成張于默雲南知縣張壽疇福建鹽大使鄒泗瑛四川鹽大使賈鵬鳳廣東鹽大使張荆揚俱照例發往截取刑部郎中鮑琪豹著照例用擬補南城兵馬司副指揮唐樹發著准其補授解餉官江蘇試用知縣李徽衡著歸候補班前補用卓異前雲南新興州知州黃壽徵著准其卓異加一級仍註冊候升欽此 旨蔭生文銘著以文職用照棟著以文職用分發江蘇道方謙壽吳祖梅胡炳垣河南道衍善湖南道張鴻年江蘇知府楊蔭桐山西知府牟勉河南同知張維彬江西同知何朝觀山東直隸州知州鄒寶善湖北直隸州知州王瑞徵安徽直隸州知州張毓璠河南知州林桂芳北河通判朱實江蘇通判何朝星四川通判孫禧陝東通判郭紹汀貴州通判梁正銘兩淮鹽運司運判陳方銘徐煥華四川直隸州州同徐懷璋河南知縣唐煥章張其履江西知縣秦燮聲張元溥湖南知縣周慶陳廷瑛貴州知縣蓋澧之直隸知縣吳葆裕周行

漢江蘇知縣許樵林介鈞李分先楊炳杰安徽知縣徐連義蔡源清喬仁鑑譚蔭輝俱照例發往工部郎中著貴印補授
明保江蘇揚州府教授詹坦著以知縣用吏部文選司員外郎著瑞清補授吏部主事著毓祺補授擬補吏部主事德安
著准其補授欽此 十五日

上諭魏光燾等奏鎮江開辦警察匪徒藉端滋鬧分別查辦情形一摺鎮江爲通商口岸五方雜處警察之設本不容緩
該地方印委各員於此等要政應如何審慎周詳因勢利導乃限遷菜攤致匪徒藉端滋鬧迫令各店罷市至有焚燬局
屋器械互斃人命情事實屬辦理不善委員候補知縣賈鎮山從九俞箴璽丹徒縣知縣洪爾振著交部議處江蘇常鎮
道郭道直鎮江府知府祥福著一併交部議處仍著認真整頓巡委委員接辦務除積弊而收實效餘著照所議辦理欽
此 十九日

時評

奏請立憲之風說

近月以來。奏請立憲之說。喧傳於道路。有某欽使之電奏。有某某總督之稱名。內外上下。翹首歧足。以期以望。然論者咸謂。尙非其時。或曰。憲法立國。其與我國。其與我聞之。而喜。或曰。時機尙未熟。人格尙未及。苟立憲法。中國其益紛擾。我聞之。而懼。雖然。是二說者。皆有所見及。而未盡當。夫立憲。美名也。立憲之與非立憲。利害得失。世界萬國。有人心者。所共明也。而今乃萌其芽。萌其芽。則發榮滋長。而成其果。謂立憲必有損而無益者。不然也。然憲法之立。非僅一紙詔書。百十議士。相聚談論。所能成功也。各國之購求立憲也。皆有價值。其立憲以後也。皆有實在他國。且勿論。即如日本。其未立憲法以前。先使朝臣遊歷各國。以考求各國之憲法。歸而因其國情。爲之損益。而後於明治二十二年。始登布憲法之詔。敕至二十三年。而召集衆議士。任命貴族議士。非實。實然也。自立憲法至今。日其開議會。已有二十次。其所與利除弊。已有千百十件。非一布立憲之詔。而謂其名已成其事。已了也。夫日本與我中國。非均所謂變法四十餘年之國乎。然何以日本之變法。至今百事俱舉。而我中國之變法。至今仍百事俱墮也。我甚懼我憲法之立。其與我變法等。則立憲與不立憲。僅其名之異。而於我國進退。仍不能增損毫末。喜者。亦徒喜。懼者。亦徒懼耳。

中國爲各國衆矢之的

近數月來。世界視線。無不注集於極東之戰。蓋兵爭之力。足以吸動外交使之轉向。故世界之視線。急欲得此問題之解決。以便定其政策也。據近聞消息。旅順既乏煤食。其艦不能出海。日本第四軍。又在旅順登岸。將會第二軍。進搗旅順。旅

之命運蓋可知矣。而日本第一軍復與俄兵戰於蒙揚。其第三軍又佔熊岳而將進擊大石橋。則遼陽之命運又可知矣。惟近日英兵將入拉薩。法國汲汲調艦隊來東洋而駐兵於龍州。邊外而美國議院既主增海陸軍。英德兩皇又經相見。俄德之新商約又成。而日本則既設滿洲總督。日本大阪每日新聞且有經營福建之論。試綜觀之。當知吾國之地位若何。附危矣。

外人要求之多

日俄之事為我而戰。於我地我人受其瘡痍。屠毒然其事已顯。人多知者。我且勿論。四月二十九日時報記有某國下議院現已議定預備法金二千萬法郎。為安南臨時兵費一事。夫安南何地也。臨時兵費何事也。而預備之我國上下其聞之否。五月初八日。又記有某國商借洞庭湖鄱陽湖為該國水師操練之處一事。夫洞庭鄱陽何國之土地也。操練水師若何舉動也。而曰請借我國上下其聞之否。今即以英人遠征西藏各節而論。夫西藏之與我國關係若何。遠征西藏之與我國關係若何。今者英人之兵且將至拉薩。運糧喇嘛且將逃往他處。英國印度政府且以僅添二千兵為未足。此何事也。我國上下其聞之否。江督近得江海關道密電。謂現有某國擬借吳淞為該國艦兵遊息之所。請速示機宜。江督電復阻止一事。夫吳淞非我國土地乎。我國土地豈曾有不許外人遊息之所乎。而必曰借何也。何我未聞他國水師之至日本者。借日本某地為艦兵遊息所。至英國者。借英國某地為艦兵遊息所。而必於我國何也。我國上下其聞之否。夫日俄之戰為我而戰。戰於我土地。我國人民受其瘡痍。屠毒於我國關係固至鉅。極大留心時事者。固當矚目警心。然幸勿為日俄戰事所限。而置其餘一切緊要事件於勿顧也。

本科會試總裁之覆命

本科會試總裁覆命。蒙 召對。垂詢開事甚詳。某中堂而奏。佳卷甚多。惜不免沾染習氣。難保無新黨混跡其中。是以去取之間。致費苦心云云。案試官仰承 上意。於談網求才之日。而先挾以新舊黨派之嫌。致有佳卷甚多。惜不免沾染習氣。難保無新黨混跡其中。等語。吾不知其所謂沾染習氣。難保無新黨混跡兩語。亦會有界限否。何以謂之沾染習氣。何以謂之新黨。此中界限。甚不易精。英儒新賓塞有言。蓋主試若操刀者。苟使有宰龍學界之權力。則將以其意之是非。為是非。而且由之以定去取。此大害也。今欲免此。其所發試。皆取無可異說之事實。及科學中所已定論之物理。今味斯氏言。誠有味乎其言之。而適合於救吾國較閱試卷之弊。吾竊願後之操論才之柄者。其命題當僅就歷史或地理上取一已有定評。萬無移易之事實。如昔者第三場對實策之榜樣。庶閱者一目瞭然。易定去取何如。

借民債以興路礦

粵督奏請借民債三百萬兩。以興路礦及地方要政。意非不善。然記者謂其事有必不可行者數端。為表而出之。政府近於建言理財者。則鼓舞而歡迎之。立商部。開銀行。一則垂涎於海外之華商。一則注重於國內之財主。今粵督欲借債於民。且須指款償還。况所借者仍用之於民。毫不假手於政府。其不能行者一。鐵路之權。衛生之利。在民為要。又誰肯以無謂之擔負。為民作牛馬。且政府以為將來利害不可知。目前固已撥減定款三十萬。其不能行者二。粵督又言實借實還。永不改作捐輸報効。其不能行者三。而自民間觀之。則政府所為久不見信于天下。岑督雖諄諄限制。無如昭信股票舉跡未乾。民雖至愚。亦不能復受其誑。其不能行者四。所最不可解者。則以將來歸還之款。按期交稅務司。而此次章程。又必由赫德閱定。豈粵督明知官場之於人民。久失信用。故假外人以堅人民之信心耶。果然則是騙吾民以崇奉外人。而此次之良法美意。亦第為外國人買民心。為澤養而已噫。

川東兵備道之新政

川東兵備道馮心蘭觀察履新後。將地方利弊。調查周知。將最重三事出示通曉。一管束差役。一預防倒騙。一整頓保甲。商銀。均為重慶最要之事。案馮觀察蒞任伊始。即約法三章。期與此邦之人除莠稗而種善果。川民誠何修而能獲此。願吾謂其第一條。管束差役。猶為近日巧宦之口頭禪語。若第二第三兩事。則非深察吾國生計上實業上之密切消息者。不可也。

貴州之礦產

貴州礦產本富。外人垂涎已久。十餘年前。曾由官辦一鐵礦。在湖南界之青溪八寨等處。資本八十萬兩。後無成功。而所聘英法等國礦師。因此得某地段之礦權。遂成一公司。所聘用礦師。英人八名。美人一名。法人一名。用礦丁千餘人。開掘銅仁府屬八萬山之硃砂礦。此近數年來事也。頃該公司總辦亨利比列赴貴陽。要求貴州全省礦權。李中丞謝絕之。而該公司在北京。猶大行運動。且籌絕大之資本。欲利用中國官吏之貪黷。以求達其目的。聞該總辦自北京來。相從有遺員陳某。嘗隨使於日本者。現留貴州省城。用柔軟濡漸之法。以運動云。吾恐貴州全省礦權。不久終落該公司之手也。

湖南之礦產

湘省礦產素富。久為外人垂涎。惟航路沮滯。非路政大興。不能便利。近聞湘中大吏得鐵路大臣咨開駐京某使言。有萬國東方公司。欲修湘陰常德辰州枝路。約計數百啓羅過富。一啓羅過富。中國一里半。請飭察情形。以便開辦。第湘中近亦經官紳議建。此路不知作何答復也。案安徽全省礦產。近亦經候紳稟請集股開辦。惟亦係因前撫聶中丞與英商凱約輪立定草約。許以十五縣分之地面。開採礦產。現不知皖紳能有此權力。爭回此全省利權否也。今湘省事正與皖省相同。因附

錄于此。冀有保全地方之責者。於此等關係全省命脈絕續之事。未可聽預從事也。

法人經營雲南鐵路

客有從貴州貴陽府來者。爲述法國經營雲南鐵路之事。據言由安南東京至雲南省城之鐵路。前本定期五年築成。者今法國政府爲速成計畫。限以二年半務求竣工。云現於雲貴兩省以外。別募工人二萬名。日夜從事。查此鐵路經萬山。蓋嘗之間。其果能如法國政府所期。以此短日月而竣工否。固未敢確言。而法人汲汲若是。意欲何爲。去年以來。日本將有事於韓。乃爲京釜鐵道。由朝鮮京城至釜山者速成計畫。今法人之演越鐵道。毋乃類是。現民間立有保地會。相約以鐵路經過之處。不肯賣地與之。此亦愛國心之一端。雖然。以此等不健全之手段。果足達其愛國之目的乎。保母愛之而適以累之乎。蓋亦反其本矣。

甯滬鐵路開工消息

聞此鐵路定於八月開工。按此鐵路。共借英金三百三十餘萬磅。雖由督辦派員四人以爲總辦。然一切財政權。購料權。皆在外人手中。名爲以運費收入者。抵償債務。實不啻爲外人設也。且中國委員。度無通曉管理鐵路之人。能於冥冥中。操持國權。不使失墜乎。然則不過尸居坐食。每月略得薪水而已。至所謂六十年後。歸還中國者。以零滙及經過各地之繁庶。每日往來之車。必不下二三十起。鐵路受此磨擦。六十年後不可復用。而將再造。是亦虛語耳。嗚呼。往事已矣。深願來者加之意也。

湘人力爭粵漢鐵路權

湘人因美公司將粵漢路權轉售比人一事。大動公憤。紛電政府請吏。立持廢約之議。自行籌辦。夫粵漢鐵路爲我國中

央命。願所關。在當時。訂約之初。本不知。幾許。失策。今乘其間。據理與之力爭。誓必收回路權。美人爲此。背約之舉。自亦無言。以對矣。然各省礦路之權。其授之於外人者。何可勝計。我自不能享其有。而外人索之。而即與之。猶未爲甚也。更有外人尙未討及。而欲煽之以期從中。略取小利之故。以百方爲之營謀者。蓋亦多矣。曷不觀湘人之力爭粵漢鐵路權也。

粵督之爭回國際權

粵督索廣東已革知縣裴景福於澳門葡官。日久未交。查其延緩之原因。乃由於當初誤會。以兩國交涉。爲兩造訴訟。致延律師辨護。又均不得力。且裁判訴訟之權。由葡國臬司主政。該臬既爲裴犯所賺。故對於委員一邊。轉多所阻。是以四月十七日以前。全無把握。迄十八日。粵督特派知縣薛永年赴澳。偕姚紹書面謁澳督。力持國際刑法。向之爭論。且聲明委員乃粵督之代表。職在提犯。無就質例。葡官至爲動色。遂允遵照公法辦理。爲兩國交涉。不爲兩造訴訟。按兩造訴訟。則司法之權。主者臬司。而兩國交涉。則行政之權。主者總督。故澳督卒能執行其權力。實造種種交犯方法。所以有今日之結果也。並聞葡國臬司以病重故。僅由副臬主判云。

外人之扣留裴陳二犯

文明國之收留國事犯。原爲重視人命之公例。而貪官與大盜。不與也。國事犯者。其目的在全國。非如貪官大盜之。利己而已也。故私罪逃犯。西律無收留保護之條。乃不知前者犯官裴景福逃匿澳門。爲葡督收留。事尙未了。而今者大盜陳其瓏。由星嘉坡解回粵省。道經香港。又爲英官扣留。此何故哉。夫裴景福之毒害粵民。陳其瓏之犯案累累。亦幾爲全國皆知。彼文明國素守法。若不在收留保護之例。決不致以無禮之干涉。故與岑督爲難。今聞裴犯一案。已由粵督以

公法爭之矣。想陳犯亦必不能逍遙於法外也。自是以後。我國之私罪重犯。其視各國商埠。為通逃藪者。觀裴陳之事。亦可以稍警矣。

威海衛英公署之停工

英人自租威海衛後。使署早已建造。而華民政務司署尙未興築。暫以舊屋辦公。甲辰春。卜地海邊。鳩工建設。此處市房百餘間。每間給官價銀二十圓。勒令拆讓。近忽有停止工程之說。此與劉公島之停造水師病院。同一事理。豈果俟日人攻陷旅順。而以威海交還我國乎。

又誤訂招募華工之約

特爾斯哇招募華工事。英國特派員至津。與北洋大臣商議。袁督深不謂然。電告外務部請止。張德彝查押未成。不知此係特別苛例。訂明招華人至彼五年後。全將華工送國。華工至彼絕無利益。不過輸送無罪之人。到彼受牛馬之管。辱耳。蓋政府以為美州既禁華工。非澳均限制華人。得此為尾閭之洩。亦謂停之術。而不知此舉虧損國體。貽累同種。為至可歎悼也。

賤種辱國

舊金山報云。差拿輪船抵埠。有上海茶店陳新禧者。帶來穉足少女二名。往聖路易賽會。當侍茶之役。旅美華人聞此消息。即上書正監督倫貝子。副監督黃開甲。請其查明截止。免辱國體。夫穉足為中國最野蠻之陋習。方奉 明詔。勸緘革除。何物賤種。乃敢於萬邦矚目之會場。獻此醜態。可謂無恥極矣。記者於去夏會游日本。赴博覽會。見臺灣館中。有一茶室。其中國穉足少婦。政人侍茶。見之。三三。汗流滿地。今歲于美國賽會。又見所舉。及國人。豈以獻醜於日本之。

足必欲又獻於美洲抑以中國婦人之醜足爲世界之特別品而必欲藉此以博萬國之頭等賞牌耶噫是誠何心

日本致勝之由

日軍戰勝俄國以來。歐洲各報。莫不交口稱頌。惟倫敦摩寧比士報。論日本之致勝。歸功于國民。其言最中要。爰揭二則于中。以告我國民。其文曰。

日民本非富厚。其在平時。負擔國家之租稅。已嫌過重。今因戰事。更特加徵戰時稅。使貧民生活日困。若使移於歐洲。則必有怨政府窮兵病民。咸且因此而召革命之禍者矣。今者日本國民。莫不視其力之所及。慨然傾囊。以期有所補助。此非急於好義之明證歟。又閉塞旅順港口之舉。實爲天下最危險之業。當此任者。九死一生。可預計者也。而日本當其集決死隊之時。應募者實踰所備之額數倍。其軍人視死如歸。卽此可見。而又有以不待與還。爲憾者。輒刺血作書。求當率之採用。其體或因疾病。或因他故。礙于徵兵之格。而不獲從軍者。又每自怨不能爲國家盡力。因之自殺。以明其愛國之心。者在多有。此皆日本軍人之特色也。又有日本人數輩。改華裝。冒險赴西伯利亞。欲破壞俄國鐵路。以斷其交通。不幸見獲。而殺殺。此皆非奉政府之命。若有所欲。羨于富貴。而後爲此。不過出于愛國心之不能自己耳。又有日本婦人。不知以何故。嫁於俄人。夫婦之間。本極相得。及戰事起。此婦知其夫爲偵探。乃館知其所探密事。悉以告於日軍。卒不肯以愛其夫之情。易其愛國之情。以一尋常婦人。而尙有如此俠舉。宜日軍之所向無敵也。

日之得勝。非待致也。蓋其心有所信仰。故精神奮厲。常欲建立功名。以盡其國爾忘家。公爾忘私之天職。今試觀東鄰司令長官。與海軍大臣。往返電文。則日人之忠愛。誠有令吾人不能不起敬者。據第八次攻擊旅順。東鄰之報告曰。如此連續戰鬥。而使聯合艦隊不失一兵者。全藉大元帥陛下之威靈者也。海軍大臣以祝詞答之曰。是固藉大元帥陛下之威

靈而亦由我忠勇將校士卒。均能戮力從事。故能奏此奇功。然則日本之上下相讓。俱發於愛國之誠心。亦可以見矣。日人愛國心之重。更有一事足以證之。當馬加羅甫之與其艦俱沒也。日人得聞捷報。其歌舞東鄉戰略之成功。固其宜矣。而日本人以馬加羅甫乃爲其國而死者。雖曰我敵。而其忠義武勇。實足令聞者肅然起敬。故不惜發揚其名。譽以厚帛之。据新聞通信員所報。日本人爲帛馬加羅夫有志者。各舉燈籠。成羣結隊。遊行市上。以誌哀慕。其燈籠大書曰。俄國提督馬加羅夫之勇死。嗚呼。敵將爲國戰死。日本人猶哀痛備禮而吊之。如此。此蓋自有戰史以來。未見其例者也。以上所舉。皆日本人所以得勝之精神也。

觀以上二則。而日本致勝之緣因。概可見矣。我國之談國事者。人人皆言當以日本爲導師。然則日本何以得使國民有如是之程度。亦不可不深察其故也。傳曰。不患寡而患不均。不患貧而患不安。又曰。均無貧。和無寡。安無傾。其斯之謂歟。

日本商業會議案

國家種種形勢。所以與戰爭爲轉移者。厥有二故。一直接之帝國主義。一間接之帝國主義。恃兵力以闢新地。移民以實之。而強迫以已國種種文物。使其地土民同化於我。而我即以少數之本族。握其最高權。而左右之。而我民族之勢力。日彰。顯於下。此之謂殖民。若乃戰域線不及之地。勢不能以直接主義行之。然又必欲擴張其國之勢力。以達於戰域之外。則惟以商業爲之前驅。蓋商業者。戰爭最後之一戰也。今觀日本商業會議案。其對於韓。則悉由吾第一說。對於中國。則行第二說。吾嘗謂劇戰以後。惟商業爲大補助。國民不於此急起而圖之。則前此之苦戰。有如兒戲。於國民實力。毫無進步。且不出十稔。其國必將傾覆。蓋未戰以前。種種預備。國民實力。耗其過半。戰爭之中。國民實力。又耗其過半。戰事。以。理。善。後。而。國民。財力。乃。其。不。可。復。開。古。來。所。以。亡。國。覆。宗。致。天。下。擾。亂。者。大。抵。於。大。兵。役。之。後。不。自。知。其。元。氣。之。

絕方且鑿山椎石以誇其功。烈口血未乾。忽焉以滅。試觀上古史。如波斯。如亞述。如秦皇漢武之類者。不可勝紀。推其滅亡之原。何不由此。日人殆鑒於往轍。合實業家而當之提議。曰。中韓。曰。中韓。此亦應有之問題。韓國已矣。我國人其將何如。

日本國債

日俄戰事。日本之財政。能繼續與否。是全世界注目之一問題也。日本當開戰之始。使日本銀行總裁高橋往遊英美。實以借外債爲目的。蓋在英國借公債一千萬磅。每年六分息九扣。且以海關爲擔保。債券發後三日。而倫敦紐約富商。已全份買受。此實由日本戰勝。英美深表同情之所致也。但日人愛國心甚重。三月初初次集募公債於本國。本發債券一萬萬圓。而應募者。乃至四萬五千萬圓。政府不全納。而將三萬五千萬圓發還。夫其在本國公債。不過九五折。且年息五分耳。而外國公債。乃至九折。年息六分。日政府乃不取諸內。而取諸外。不取其輕。而取其重。頗屬怪事。日本各報紙多以此非難政府。且言以海關作保。實辱國體云云。然日本政府所以出此政策。亦非無故。蓋因戰時所需百物。爲數不貲。本國之財力。雖足以給之。恐貨幣因之外流。市上受其影響。商務隨而牽動。故竊以重利借入外債。皆所以維持市面。不使國民蒙戰爭之影響也。即此一端。亦可見他人之謀國者。具審精深之學理。能爲大局之遠謀也。日人偶一次以海關擔保外債。全國即引爲深恥。若我國則抵海關之不已。而抵釐抵鹽。全國安之。噫。觀於日本。應募公債。逾政府所希望之額數倍。亦可見日本之國力。可以爲戰爭之後援也。其經營預備者素矣。無恆產者無恆心。有恆產者有恆心。豈獨一私人。即一國亦然矣。謀國者不可不於此三致意焉。

俄國致敗之由

俄國政治之專制。獨冠全球。而其革命黨之秘密團體。亦散布於全世界。無論在本國在外國。皆欲乘此次日俄戰爭之機會。以破其專制範圍。以爲此次之戰。大反國民之公意。而國民實當與主戰者開戰。又以為俄國非大經敗亡。決無改革政體之望。故彼等無不以俄國之敗。由此二端。俄之敗。固意中事也。茲將以實事徵之。

西歷二月二十七日。高瑞士色零市俄人。爲文學家尼夸拉開追悼會。乃公決議案而宣布曰。近者我俄人對於極東之戰。在本國若幾夫若阿迭塞若莫斯科若沛德伯爾格若里額若瓦爾希夏皆起事。在外國若巴黎若維也納若伯林若倫敦若羅城熱內蕪若紐力希皆有公會。要之政府。行此鹵莽之政。累於極東。則吾俄人之義務。不可不對此主戰者而與之開戰也。又紐力希市俄國及波蘭社會黨。於極東戰事宣言曰。俄日戰爭。非俄人與日人戰。乃俄人對政府之戰。所託始也。其速復專制乎。革命黨員速發起乎。改進黨速發起乎。是我呻吟於壓制之下者之義務也。三月五日。泰晤士報得莫斯科信。言保國主義及革命主義之委員。散檄文于莫斯科及他處之學校工場曰。政府不降心以從日本。至當之要求。而務陷我民於無理之戰。使我民肝腦塗地。是我民之敵在政府。而非在日本。委員之意。勸我民無出義捐金。無徇政府從軍之命。三月九日。瓦爾希電云。有革命黨每日散檄文於彼得堡。其中一則。有對前愛國運動之大學生曰。汝等不知恥。汝等在被害者之地位。而投降於害我者之營中。願與殺害人民之罪人同罪。俄軍勝乎。將倒戈於我國民。俄軍敗乎。或尙有革新之望。不觀克里彌亞之戰乎。使俄軍不敗。則農民豈能免於奴隸之苦境乎。四月初。在俄之瓦爾希瓦之波蘭民。發長檄。其畧曰。我波蘭人不禁問俄軍之敗報。而雀躍。蓋日本者。俄國之敵。而實起我波蘭人之同情。其政治適合於我波蘭人之理想也。我等決不惑於皮相之論。如所謂白人與黃人戰。如所謂歐洲文明與亞洲野蠻戰。必以是爲言。則俄人者。即野蠻。而且屬於亞洲者也。我等知彼強勇勤勉之日人。實能爲文明而盡力。且日擊俄國。日以毀滅文

時評

二十三

甲辰

明爲事故。日本非與歐洲之代表人。戰實與亞洲蠻族。致滅分圖波蘭人之文明者。戰也。故俄軍之敗。即我敵軍之敗。然則專制國之效果。於此亦可見矣。外患內憂。相承迭起。龐然大物。將何以自立於文明之世界乎。雖然。此次之戰。實俄國之大幸福也。自茲以往。俄之君臣。懋前愆。後則千餘年積弊之內政。必自此而改革。全國無盡藏之富源。必由自此而興起。俄能如是。余日望之。凡天下之主持國是者。亦當以俄爲鑒也。夫。

俄人壓制芬蘭

芬蘭各地。檢閱日報之律。非常嚴酷。讀者當俄皇與日本下宣戰詔書時。有芬蘭日報館數家。皆於詔書上不記俄帝徽號。且不印其詔書於第一頁。而印於第二頁。俄政府因強命之再登於次日。而記其徽號甚長。中有一語。最爲芬人所憤恨者。即那威王位繼承者是也。又如開戰以來。各日報除總指揮官報告外。不許載一事。而反強迫之募集軍費。又有有名專制家之花布利克將軍。周行各州縣。強集捐金。維戈知事爲之作人名簿。爲云芬蘭人大有愛國心。列一大隊以歡迎諷旨。其實列入隊中者。不過俄國之歌妓。小學堂兒童。僕婢。無賴漢等。而芬蘭人悉避。不應命。然則通日芬蘭總督被刺一事。其故觀此。可見語云。弑父弑君。非一朝一夕之故。又曰。怨毒之於人。甚矣哉。信然。

波斯灣之近狀

波斯灣利權。本爲土耳其波斯亞拉伯三國所固有。今土國已廢外置之。波與亞更無論矣。而其間相爭者。名則曰英曰俄曰德曰法曰比。實則可謂英俄之爭也。夫德法之於俄。爲同盟國。固甘心與俄共事。猶不解比人在波斯灣間。爲俄代表。爲之收稅。爲之查船。甘心作俄人之鷹犬。豈真斯拉夫人種與盎格魯撒遜人種。有種界之分歟。今則英法協商已成矣。其影響必及於波斯灣。嗣後俄人不得志於東方。必將注意於此。以洩其暴戾之餘。他日日俄戰局告終。波斯灣之

競。爭。必。相。繼。而。起。矣。然。英。法。協。商。之。既。成。吾。恐。俄。人。于。波。斯。灣。間。又。失。一。臂。助。之。國。也。

英國非洲總督辭職

南非總督伊立脫。現已電致英相。望爾福。以請派人公斷。爾斯多欲將所有土地盡售之。東非洲公司一事。甚為不平。現已辭職。按伊立脫係接司的華脫之職。而往非洲者。彼係一有名之外交家。曾為摩洛哥布爾格利亞收維亞之署理使臣。又曾為駐美公使之參贊。又為撒摩阿之使臣。歷年以來。於英國外交。無毫末之玷。今此辭職。則英政府之內情。亦可略見一斑矣。

英人增加茶稅

英國下議院提議公項經費下。增加茶稅一事。每磅加至八辨士。約四角餘加稅期至西曆明年八月初一日為限。有白項斯底勃省所舉之議員名沙斯者。係自由黨人。起而駁之云。八辨士之稅。當加至明年七月為止。衆皆贊成之。又有人提議當依茶價之比例而增稅。贊成者一百二十八人。反對者一百九十四人。夫茶業為我國出口貨第一大宗。近年以來。不自振作。已年退一年。今英人又復增加茶稅。銷路自必更疲。我國茶商不可不早自警省。

美選舉總統領

美國本年為改選總統領之期。向例以西曆六月各黨派選定候補者。十月乃以間接投票選總統。兩大政黨中。利帕壁力根黨最有力之候補者。即現任總統盧斯福是也。盧自就任以來。內治外交。處置咸宜。收攬人心。為一時望。但近年嚴行托辣斯之監督。加以最近反對鐵路公司之合併。以致大傷資本家之感情。於是該黨之有力者軒拿乘間抵隙。密糾合資本家。欲自立於候補者之地位。軒氏夙有製造總統者之聲望。因近年大總統之被選者多藉其援助也。於是為盧斯福一勁敵。乃數月前軒忽卒。於是盧為

該黨獨一無二之資格。全黨屬意。幾無與爭者。選觀彼丹們奇勳黨。黨勢欠統一。至今迄不能得適當之候補者。其最有力者爲格里文及阿爾尼二人。然格已絕意於政界。阿前任外務大臣。時爲委內瑞拉事件。欲與英國驛驛。幾至失和。國民咸咎其失策。大有不滿之意。故現在該黨。惟推紐約高等法院裁判長巴卡爲候補之稍有勢者。在南部之丹們奇勳黨。亦舉黨推戴。雖然。其不能敵盧斯福也。殆無疑義。以故此。次選舉。盧殆無與爭者。往歲每屆總統易人之期。則舉國紛擾。馴至生計界大受其影響。今者選期將至。而國中尙頗沈著。或者此數月間。可無甚變動乎。

日本設速成政法科

癸卯年日人曾爲我國留學生。設一速成師範科。雖以六個月短促之時。萬難期其大成。然慰情聊勝。無有助於開風氣者。亦不少。頃復有速成政法科之設。實由我留學運動勸誘而成者也。其講舍設於東京政法大學內。已經日本文部省認可。我國向學之士。曷勿奮袂而起。以速收成效耶。

商部奏設實業學堂

國家設立學堂。將以授吾人以高等之學識。而使適相轉輸於多數之國民也。乃數年以來。各省學堂之學生畢業者。其學級之程度。約可分兩等。其上者。往往趨重於高尚之理想。而企成就文明完備之事業。其次者。則或抱其個人主義。而出其所學。以求達其利己之目的。求所謂能養成個人生計上自立之資格者。卒不數觀。則坐能託之空言。而不能行諸實事也。今商部奏辦實業學堂。銳然以振興實業。爲富強基礎。吾謂果能實力奉行。則謂吾國由言論時代而進於實行時代。即以此學堂爲開幕之一大紀念可也。

日本佛教歸還中國

佛。教。萌。芽。于。印。度。大。成。于。中。國。分。派。于。日。本。日。本。佛。學。以。中。國。為。母。其。所。創。真。宗。日。蓮。宗。兩。派。不。過。淨。土。天。台。之。支。流。餘。裔。實。不。能。出。我。範。圍。之。外。而。其。子。勇。猛。精。進。之。真。言。捨。生。救。人。之。法。偈。佛。家。者。流。莫。不。奉。為。至。寶。實。力。發。輝。而。光。大。之。至。今。日。佛。教。真。理。普。及。全。國。而。武。士。道。之。雄。風。大。和。魂。之。怪。物。直。雄。視。東。亞。震。盪。西。歐。矣。我。中。國。自。有。佛。教。以。來。隨。唐。數。百。年。間。大。師。踵。起。新。宗。屢。建。極。一。時。佛。教。之。盛。而。我。國。哲。學。亦。因。而。放。一。異。彩。自。是。以。後。聖。鉢。失。傳。宗。風。墜。地。皈依。之。徒。上。之。則。抱。厭。世。主。義。下。之。則。為。無。業。遊。民。天。台。三。昧。忘。厥。本。來。華。嚴。宗。派。莫。識。真。相。不。耕。不。織。徒。為。國。民。之。蠹。無。絲。毫。影。響。于。國。民。佛。力。無。靈。乃。至。為。世。詬。罵。夫。印。度。非。佛。之。生。產。地。耶。自。婆。羅。門。起。而。佛。教。衰。佛。教。衰。而。印。度。亡。我。中。國。鏡。印。度。之。覆。轍。覽。日。本。之。結。果。佛。教。之。于。人。國。其。關。繫。有。如。是。之。密。切。烏。得。不。惕。然。懼。奮。然。起。耶。日。本。高。田。樓。岸。君。以。禪。宗。之。真。派。作。東。渡。之。慈。航。得。之。我。者。還。前。之。我。我。國。佛。徒。由。此。而。發。輝。真。理。恢。復。舊。學。變。放。廢。主。義。而。為。猛。進。主。義。變。厭。世。主。義。而。為。愛。他。主。義。佛。家。大。乘。法。統。能。復。出。現。于。二十。世。紀。之。支。那。者。其。將。以。高。田。君。此。舉。為。漆。室。之。明。燈。斷。港。之。渡。航。也。夫。

倚教滅倫

常。德。某。姓。父。子。析。居。將。稟。官。伸。訴。子。奉。天。主。教。父。恐。神。甫。之。相。其。子。也。於。是。語。神。甫。云。此。我。家。事。請。勿。問。神。甫。諾。之。其。子。聞。之。遂。集。教。友。多。人。婁。於。神。甫。曰。如。不。代。為。幫。訟。我。等。奉。教。何。益。神。甫。以。衆。情。之。難。拂。也。為。向。邑。令。緩。頰。及。審。訊。時。則。子。立。不。跪。父。跪。而。訟。不。勝。一。時。民。間。大。為。不。平。然。亦。無。如。之。何。案。吾。國。教。案。多。矣。類。皆。起。於。教。民。與。非。教。民。之。間。教。民。藉。勢。欺。壓。鄉。里。無。所。不。至。往。往。匪。皆。之。徵。釀。成。教。案。然。從。未。有。如。此。次。之。以。子。欺。父。為。滅。絕。天。理。至。於。斯。極。也。何。物。民。牧。不。藉。條。約。以。衡。理。一。任。神。甫。之。無。禮。干。涉。遂。忍。為。此。敗。常。亂。俗。之。事。嗚。呼。王。船。山。有。言。三。綱。淪。五。常。數。而。乾。坤。之。道。幾。乎。息。矣。記。者。觀。於。此。事。為。之。仰。天。長。號。哀。世。道。人。心。之。淪。喪。未。知。所。極。勢。不。盡。人。而。禽。獸。不。止。也。

時評

二十七

甲辰

甯海教案議結

時評

二十八

五月

記者觀於甯海教案議結一案。不禁恨我無知。愚民逞一朝之忿。貽害地方。以致損國威。辱國體。刀俎之下。而彼等亦輕擲其生命于鼎鑊。如此大擬定各犯罪情。悉由該主教分別示辦。而該地當道。第從旁畫諾而已。嗚呼。交涉之事。彼以干涉。我以保守。雖未爲得。猶不盡失也。若彼以干涉。我以放棄。則至彼見我之放棄。而益行其干涉。吾恐不至盡地方刑賞生靈之權。盡落于他人之手。不止也。噫。

內務

論中國立憲之要義 錄五月初五日大公報

今日中國政府。又將現出一新問題。其機已動。其端已見。其潮流已隱隱然而欲湧出者。厥爲何哉。蓋立憲之問題是也。夫文明之國。無不制定憲法。以維持於君民上下之間。一以順輿情之正。一以圖社稷之安。無論君主民主。皆以憲法爲立國之要素。故其國君民合德。上下一心。國烏得而不富強。我中國則向來無此觀念。每語以憲法。或且斥爲亂政之言。詫爲不經之說。甚且與高談革命者。一例以大逆不道視之。蓋其不知憲法之性質。及所以立憲之利益也。前者忽有駐法孫星使。奏請立憲之舉。繼又有某某督撫。亦以立憲爲請。近來課吏校士。亦有以憲法發爲問題者。雖未知中國年來果能制定憲法與否。然其機已動。其端已見。其潮流已隱隱然而欲湧出。則顯然可見。雖然。制定憲法。豈可以鹵莽爲哉。姑不論其果否制定。吾特指陳立憲之要義。以爲中國政府之言立憲者告焉。

一、取法宜審慎也。民主國之憲法。無庸論矣。中國不立憲則已。如立憲。必宜取立憲君主國之憲法。參觀而仿效之。然而亦有難者。夫立憲君主國。英德日本是也。試問其三國之憲

法皆相同否。蓋各有一種特別之性質。存乎其中。憲法分有字法亦曰成憲法無字法亦曰不成憲法兩種。有字法者。按其實事而規定。以垂爲典要者也。無字法者。出於習慣之自然。以沿爲成例者也。若英國之憲法。則成於習慣者多。他國萬不能強效。而且英國雖亦爲君主。究其國體之性質。與中國大有不同。至於德國雖係君主。實爲聯邦。其國體既與中國殊。其憲法自非中國所宜則效。說者謂其種同其文同其洲同。其國政風俗與中國相去未遠者。厥惟日本。中國立憲。似以取法日本之憲法爲宜。詎不知中日兩國有一大相反之事。極爲耐人尋味者。卽日本從建國以來。一姓相承。至今未替。中國則朝代屢易。姓氏迭更。據此以觀。則知日本憲法亦非中國所可呆然取法者。中國苟終不欲立憲。則無庸議矣。倘果欲立憲。則必先研究中國國體之性質及國民之習慣。以爲規定憲法之基。然後再參考各君主國之憲法。以資借鏡。政府之談立憲者。不可不留意於斯焉。

一、議院宜先立也。欲立憲。必有所以維持憲法。而成爲輔車之勢者。則議院爲要焉。蓋議院者。實立法權之機關也。憲法之立。以國民公認爲準。故必有代表國民者。而會議決定之。乃可以頒行國中。無滯礙難行之弊。憲法議院二者。不能相離。各立憲國。無不皆然。今略舉一二以爲之證。英國憲法第六十一條云。徵神明。保國安。使狀與諸侯伯之間。互相和睦。故

允准以上諸條。且欲永守以上諸條。使無淪替。朕今與臣民約。於英國諸侯伯內。公選二十五名。以其權勢。維持本憲章所許之平和與自由。即朕與大法官有犯此憲章之形迹。爲人所告發時。亦可由二十五名侯伯中所選之四名議長。將此事訴於朕。或朕不在之時。訴於大法官以矯正之。若此四名議長訴後四十日內。朕不矯正之。或朕不在之時。大法官不矯正之。則此四名議長。可與其餘侯伯協議。會同人民。施種種據地據城占財產等手段。以擊朕肘。惟不得害及朕身與皇后皇子之身。若訴後而朕即矯正之。則諸侯伯與人民對朕盡忠義如故。凡爲施行以上諸權利之故。立誓與諸侯伯協力以擊朕肘者。無論何人。朕不得禁其立誓。德國憲法第五條云。帝國立法權。聯邦議院帝國議院。共同行之。帝國法律。須兩院以多數決之。日本憲法第三十七條云。凡法律必經帝國議會之協贊。觀英國憲法第六十一條所云。則議院可以維持憲法之說也。觀德國憲法第五條。日本憲法第三十七條所云。則議院爲立法權機關之說也。雖然。近世政治家。對於議院。有一難決之問題。則主張兩院及主張一院兩派是也。主張兩院之說者。其所執之理。約有三端。一議院之所以須兩院者。在矯輕忽急遽決事之弊。二爲一議院時。議事有流於偏頗之弊。三議院分爲兩院。能防政黨之詭計。制有力者之專橫。主張一院之說者。其所執之理。約有六端。一聯立兩院。當舉

政務。甚費時日。有失政機之虞。二爲二院時弊。亦及於財政上。三雖分兩院。實際與一院無異。四分爲兩院。有少數制多數之弊。五分爲兩院。則複雜政治之機關。有混亂政務之弊。六設兩院者。背反思想之原理。兩派之論。各皆持之有故。言之成理。然中國如果立憲。吾甯主張兩院之說。宜兼設上下議院。蓋中國政府。狃於專制之積習。民間則缺乏對於政府之信心。有兩院以調和之。則法立而令行。下不至有疑慮。觀望之虞。上亦不至有倒行逆施之弊。此亦爲中國政府之言立憲者所當研究之一問題也。

噫。吾之此論。其爲睡夢之嚙語。而無人聽之乎。抑果爲政府諸公所寓意乎。吾究不知中國。果有心立憲否。如果無心立憲。則吾之此論。是眞如於衆人鼾聲如雷之頃。而吾獨自發嚙語矣。如果眞欲立憲。則必不宜以此論爲卑賤之言。而輕忽之。要知此實爲中國立憲之要義。爲不可或易者。不然則互相告語曰。立憲立憲。其結果但擇利於朝廷政府之處。由少數之人。制成憲典。如部定之各項章程。又何貴有此憲法哉。又何貴有此憲法哉。

山東巡撫周奏擬請將黃河兩岸各州縣改爲兼河之缺摺

竊查山東一省。從前本無河患。自咸豐五年銅瓦廂決口。改道北趨。氾濫於山東境內。自荷藕縣入境。起至利津縣出海。止南北兩岸。計長一千四百五十餘里。經過二十餘州縣。當時

係就民埵爲堤是以河身曲狹堤岸卑薄數十年來限於經費因陋就簡規模未定颶汎既未設立州縣亦無責成歷年搶險防汛皆由三游總辦督率營委分段經理近年河身日淤日高險工林立原設營委不敷分佈每遇盛漲僱工購料呼應不靈其認真辦事之州縣尙能常川駐工幫同搶護而畏難苟安之員率多置身事外必待工員再三催促始行赴工查原定部章雖有河工失事將地方官一併參處之條而責任不專勤惰不一現在既難遽設廳汎而沿河州縣身任地方民瘼攸關責無旁貸臣與司道悉心商酌擬請將黃河南北兩岸之荷澤濮州鄆城范縣東平壽張東阿陽穀平陰肥城齊河長清歷城濟陽章邱齊東青城濱州蒲台惠民利津等二十一州縣無論原缺繁簡一律改爲兼河之缺歸三游總辦節制調度果能辦理得力應准予保獎若有貽誤隨時撤參如此明定賞罰庶責有攸歸於河務不無裨益至各州縣銓補缺項仍照定例辦理據藩臬兩司會同河防局詳請具 奏前來臣覆加查酌係爲因地制宜循名責實起見自應酌量變通以重職守謹 奏

日本敕定公布新聞紙律例

第一條凡人欲創設新聞紙須於創設之半月前經該地管轄廳轉稟內務省 第二條此等稟摺須詳記各項事效如下一報紙名目二記載門類三出報日期四出報及印報處所

五須署名館主兼筆印報諸人之姓氏年齡如兼筆者有二三人則以專管編輯事務者當之若報中各分門類則各門設有各門之兼筆亦可 第三條凡遇地方官已經轉稟內務省後如欲更改報紙名目記載門類或更易館主等事則應於半月以前按照第一條規則復行稟報如出報日期出報印報處所兼筆及印報人亦欲更改則應於七日以前按照第一條規則復行稟報 第四條報館主如病故或因他事損失法律所定之資格此條極廣則須於七日內更定一館主按照第一條規則稟報此七日內應暫行假定一館主以便出報 第五條凡於稟明創設之日起或休息之日後過五十日尙不出報則原稟作廢 第六條凡報主兼筆與印報諸人年歲如未及二十歲以上或被制奪公權及停止公權者在停止間概不准充當此任 第七條兼筆人及印報人概不准互相兼充 第八條凡館主創立報紙時須將所定銀額納於所轄地方官以爲保據其所定銀額如下東京一千圓京都大阪橫濱兵庫神戶長崎等處七百圓他處三百五十圓每月出報三次以內者按前例銀納半額所納保銀以國債票或國立銀行存票代充均可但須按時價合計若記載僅關於學術技藝統計官令物價報告事項者不照此例 第九條凡遇報館自行關閉或官爲禁止者則保銀仍還原主 第十條凡不遵第一條第三條第四條所定規則或不納保銀違行

出報者地方官應不準發行若續行按例稟報完納保銀者乃得許可 第十一條每號新聞紙須記載館主秉筆印報人姓名及出報處所除館主印報人外不拘以何等之名義於報面記名者應與秉筆人共當其責 第十二條每出報時須先送納內務省兩張次應送納管轄廳及裁判所內之檢事局各一張 第十三條凡報面所載事項設有錯誤由前路人或有關係人來請正誤或由伊等自作正誤書與辯駁書來則須於其請求之後次回或再次回出報時爲之解明此事或登載正誤辯駁書之全文亦如彼文函字數過原文二倍須按所多字數照報館所定普通告白費向伊等支取登載正誤辯駁之文須用原文同號鉛字且登載本門首部 第十四條凡抄錄官報或他報所載事項該官報或他報後如有更正或揭載正誤辯駁書時則不拘前路人關係人請求與否均於次回或再次回違前律例登報更正但不得按照前例索費 第十五條新聞紙所載事項凡有官斷訟詞須卽於下期報上登錄判斷全文 第十六條凡係犯罪豫判一切事項當未判斷以前概不準以臆斷記載刊發 第十七條曲庇私罪論說概不準記載 如有被告或犯罪者旁人爲之救護憫恤寄稿囑託概不準記載 第十八條凡官衙秘密文件其未經公布於外者不拘詳略不得預爲記載官署協議與法律所禁隨聽之公會協議等件不拘詳略不準記載

第十九條作廢 第二十條作廢 第二十一條於外國出售新報如有妨礙治安或敗壞風俗等情事先與辯論不聽則內務大臣應得禁止該新報在內國賣給流布 第二十二條凡係外交軍務最秘密最重要事項與外務海陸軍各大臣之特令均不得遽行記載 第二十三條凡干犯第二十二條及後之三十二三十三條所定禁例以致涉入訟獄之時內務大臣得以禁止該報發售凡干犯如上三條所定禁例裁判官亦得按犯罪情形將該報禁止 第二十四條新報如涉訟獄告發人以爲報上記名秉筆人失實不當而實際更有主任秉筆擔當編輯者當證明之時裁判官應將二人均受處罰之責 第二十五條凡係新報所載事項如因誹毀人而涉訴訟時除干預人之私事以外其主意均能認爲不在欺人而在公益者則裁判所須令被告者證明事實果能確切即免其妄誣之罪若涉損失賠償之訟亦然 第二十六條凡訟獄判斷之後七日以內如不完納裁判費及罰銀賠償銀等項則以保證銀充補倘仍不足則按照刑法律例徵收處辦凡以保銀代充裁判費及賠償銀罰銀等項則館主得該管轄廳告知後七日以內即須按數補足如不聽則地方官應於未經完納以前禁止出報 第二十七條凡不按照第一第三第四條報明或不遵第六第七第十第十二條律例或遇有應納保銀而不納遽行出報者均罰館主金數在

五圓以外百圓以內如遇犯詐稱之罪者則定罰之數與館主同或館主雖已陳詞于上而一查有稟報不實等事即應罰館主金五圓以上百圓以下屬於第八條末項之新聞紙而有登記例外之事者則罰秉筆者與前例同 第二十八條凡干犯第三十四十五條所定之例須處秉筆者之罰金數在五圓以外百圓以內 第二十九條凡干犯第十六十七十八條所定之例亦須處秉筆者之罰金二十圓以上二百圓以下 第三十條凡不遵第二十一條禁例發賣頒布者罰與前同 第三十一條凡不遵第二十二條禁例則應罰館主及秉筆者金二十圓以上三百圓以下 第三十二條凡遇記載詞說非關公論紊亂朝憲變壞政體者則館主秉筆印報三項人須罰金五十圓以外三百圓以內並處輕禁錮刑二月或二年 第三十三條凡記載猥褻有害風俗者則應罰館主與秉筆者金二十圓以上三百圓以內 第三十四條凡有干犯第十三條而僅關係及一己之私者則須此人自向官府告訴官府方判報館以一定之律 第三十五條凡以上各條如一犯再犯數罪俱發者機器入官報紙禁止 第三十六條凡在以上干犯之條如已逾六箇月即行免議 第三十七條凡發售雜誌之類除依出版條例者之外皆照此例

各省內務彙誌

京師 此次修訂法律擬參攷東西各國擇長舍短節要刪繁務欲成一極文明極完備之律書俾旅華洋人得以從容受治而於中國風俗政治亦能無所窒礙編纂諸員近已商定入手辦法擬先將中律與日本律分按門類逐條比較列爲表式則中律與日律輕重同異之差已一目了然再將日律與法律逐條比較列表然後參以別國之律折衷去取統以日律爲樞紐庶幾易於訂定又擬於贖刑一門多增條例凡杖徒以下各罪名准分別輸金收贖 工巡局內添設衛生局而刑部順天府亦一併設立專治獄囚疾病至提督衙門監獄則由工巡局衛生醫員兼治

山東 即墨高密二縣向歸萊州府兼轄東撫周中丞察勘形勢因該縣與德國所指之界相錯交涉事繁已奏改膠州爲直隸州兼轄即墨兩縣

湖南 湘省外縣民俗頑固而慈利縣尤甚每有賴婚再嫁致釀重案情事該縣陳大令稟請設立官庚書由學憲頒發民間婚姻皆須於教官處領書蓋印以免異日翻悔

廣西 自柯中丞蒞任後除添設警察學堂及課吏館外並將原設之善後釐金統稅捐輸軍火保甲等局處歸併畧仿江西新政章程名曰派辦政事處內分支應捐輸洋務餉械農工商礦以司道任其事

各國內務彙誌

韓國 韓國近於依賴外人自損國體之事新設條例以處分之由司法部提案於議政府其條項凡三 第一條不分官民均依本法處治 第二條一向外國政府密乞本國保護者二凡借兵借款借船與夫鑛山鐵道土地森林漁業製鹽之關係及軍艦公用船武器願同官輔佐官或購入或延聘不經外部或不得政府之認可而與外人訂約或通譯周旋者三依外人而得官者四條約以外之土地森林山澤密賣於外人或借名義者五不經認可而歸化外國人者六

凡借外勢而驚本國者不論已遂未遂一經發覺依律處刑 第三條本條例自發布之日施行韓皇以時局艱難痛責內閣諸大臣遂下詔罷之其職名如下參政趙秉式內務大臣李道宰外部大臣李夏榮度支部大臣朴定陽官內大臣閔丙寅軍部大臣尹烈農商工部大臣金嘉鎮學部大臣閔泳煥署理法部大臣朴齊純正任法部大臣李址鎔英國下議院會議婦人應有選舉議員之權至議決時計贊成者一百八十二人反對者六十八人遂以定案 英皇加巴圖魯銜於北京匯豐銀行總理及副總稅務司裴式楷英國駐韓公使茄母 非州東部附庸英國之某國及烏甘大向由英國外務省管理大約於西四月擬移歸理藩院管轄矣 路透電訪事在夢勃洩南非州東境者來信云伊立脫現已電致英國宰相爾遜派人公斷蘭斯多欲將所有土地盡售之東非洲公司一事甚不公平伊立脫現已辭職 法國鴉片之害近漸流入歐洲法國尤其有法國官紳曾在越南緬甸等處久住者多半吸食數年前法總督嚴禁法官吸食如不戒者立予革職竟又多半因此告退者近法國南境馬塞及都龍兩海口吸食者甚眾法政府某大臣謂政府不宜公然允准商家販運鴉片並請設法禁阻

委內瑞辣 委內瑞辣議院已公議與總統楷斯脫羅之指揮官無限之特權以一年為限

期 五 第 誌 雜 方 東

內 容



六 十

五 月

軍事

論遼陽俄人軍數 節錄五月二十四日同文滙報

今有少數之人與多數之人鬪。試執途人而詢之曰：孰勝？則必曰：多者勝。詢其何以勝？則必曰：多數者勢必強，少數者勢必弱。強弱之勢判，斯勝負之事分矣。嗚呼！是第知以多少爲強弱，而不知以強弱爲強弱者也。夫強弱之勢，豈僅在多少間哉？若固執強弱之勢，必在多少之間，則古今來提一旅之衆，破萬衆之師，偉績豐功，昭然史冊者，正不知凡幾矣。是其人豈真有異於尋常哉？夫亦可見多少之不足論強弱之無定勢，而勝負之機，未可以此爲衡也。然則多數者豈反無所用乎？是又不然。兵家之要，但論其精與不精，不論其多與少。兵而精，雖多無傷；古所謂多多益善是也。兵而不精，雖多無益。古所謂兵在精不在多是也。而況兵多者易驕，驕則必敗；兵少者愈慎，慎則有功。與其多而亂，毋寧少而堅乎？今者日俄之戰，日軍所戰克捷，勢如破竹，前鋒所及，已抵遼陽。俄人恃險負隅，志圖固守。苦魯巴金親臨前敵，簡閱士卒，已與日軍相距咫尺。說者咸以爲俄之大軍，齎集於大石橋一帶，號稱五十萬。較日軍多至數倍，以寡敵衆，莫不惴惴爲日人危。吁！爲是說者，殆猶多強少弱之謬見耳。烏足

語。兵。事。之。變。化。哉。當。夫。協。商。決。裂。戰。釁。已。成。人。皆。謂。俄。國。虎。視。全。球。素。稱。強。大。日。本。雖。後。起。之。勁。然。勢。力。懸。殊。恐。非。其。敵。迨。至。仁。川。一。捷。旅。順。再。攻。台。艦。覆。沒。統。帥。淪。亡。猶。得。謂。俄。之。海。軍。本。非。所。長。而。陸。軍。必。可。制。勝。洎。乎。定。州。之。役。小。挫。其。鋒。其。後。鴨。綠。渡。安。東。下。九。連。克。鳳。凰。破。軍。靡。所。指。敵。人。膽。喪。望。風。潛。逃。狼。奔。豕。突。向。所。謂。日。之。陸。軍。非。俄。敵。者。當。此。之。時。箝。口。結。舌。而。莫。敢。贊。一。詞。矣。若。而。人。者。是。第。震。俄。之。名。而。未。考。俄。之。實。無。怪。其。立。論。之。相。左。也。夫。五。十。萬。雪。恥。之。師。俄。皇。早。有。是。語。計。自。開。戰。迄。今。數。月。轉。輸。載。運。似。應。早。已。齊。集。何。以。鴨。綠。之。戰。安。東。之。戰。九。連。鳳。凰。之。戰。不。聞。以。大。兵。臨。敵。也。若。以。該。地。非。所。注。意。不。如。遼。陽。之。險。要。然。滿。洲。屏。蔽。全。恃。鴨。綠。鴨。綠。不。可。守。而。謂。遼。陽。必。可。守。乎。俄。人。之。籌。畫。防。禦。地。點。嘗。以。鴨。綠。爲。第。一。遼。陽。特。其。次。也。乃。不。以。重。兵。扼。其。前。而。轉。以。重。兵。扼。其。後。乎。則。此。五。十。萬。之。說。不。過。俄。人。恫。喝。之。故。智。恐。未。必。實。有。其。數。也。卽。有。其。數。俄。兵。腐。敗。天。下。共。知。器。械。之。不。利。糧。餉。之。不。繼。姑。勿。具。論。平。日。武。備。懈。弛。有。事。倉。卒。徵。調。言。語。不。通。號。令。不。一。進。退。不。整。步。武。不。齊。烏。合。之。徒。從。可。概。見。卽。此。五。十。萬。中。約。而。計。之。老。弱。居。其。半。殘。疾。居。其。半。傷。廢。羸。瘠。又。居。其。半。其。實。名。爲。兵。而。能。戰。鬪。者。不。過。十。之。二。三。而。已。然。又。皆。屢。敗。之。餘。銳。氣。喪。失。而。謂。其。能。殺。敵。致。果。乎。哉。夫。如。是。雖。百。萬。且。不。足。懼。況。區。區。五。十。萬。乎。總。而。言。之。兵。之。用。在。氣。兵。之。行。在。勢。氣。

壯者強氣餒者弱勢張者弱勢蹙者弱氣愈壯斯勢愈張氣愈餒則勢愈蹙勝負之數詎以多少云乎哉願日軍勉之。

甯夏將軍色奏報剿平竄匪摺

竊奴才奉 旨飭剿蒙古大中灘竄匪並保護教堂遵即由甯字鎮軍馬隊內揀派官兵一百五十員名派花翎協領桂恆管帶於三月十八日由甯夏起程續派步隊二百員名以備援應已經由驛馳陳在案旋於三月二十三口接准護理大同鎮總兵孔慶塘咨稱天興元之竄匪經該護鎮於三月十九日率隊圍攻該匪勢窮投誠已於二十日將匪衆悉數收撫等情是以甯夏續派之步隊即未進發因念賊心叵測恐有反覆仍飭協領桂恆並加派協領綽哈泰帶領馬隊星馳天興元切實查辦茲據該管帶稟稱此股匪徒始因晉軍追迫初十日即入天興元十一日辰初出寨即向西竄行約四五里許被甘軍遙放號礮一陣該匪以爲甯夏大隊前來遂即返回天興元固守至十八日經孔慶塘率隊攻打該匪勢窮投誠於二十日即經該護鎮將匪首李老先等五名及匪衆二百餘名分押各管帶赴山西省屬之歸化城去訖現在一律肅清等語稟報前來奴才遂於四月初六日札調該管帶桂恆綽哈泰帶領馬隊即日由蒙古三盛公開拔回甯歸伍謹 奏奉 硃批知道了欽此

兩廣總督岑廣東巡撫張會奏裁營練兵摺

竊中國今日處積弱之後值多難之時欲圖固圉保民實以練兵爲最亟顧練兵關繫之急之重盡人莫不知之 朝旨復屢促之各省猶未能大有所舉者固由將才之消乏而其大端則實由於餉項之難籌也廣東接壤強鄰且爲海國必須有至精之陸軍二三萬人至精之海軍一隊始足以屏藩南服乃察廣東水師雖有輪船數十艘祇足供內河巡緝之用以守海口且不足更何能語於海軍至於陸軍亦多窳敗若不大加擴張整頓實不足以建威銷萌臣春煊自上年抵任以來卽與司道籌議整頓擴張之策惟是凡百辦事必先籌款練兵之事需款尤多廣東歲出歲入每年不敷二百數十萬兩無從別籌鉅餉迭經再四籌商惟有全裁綠營騰出餉項以資挹注查廣東綠營除節次奏裁外現尙存官兵二萬八千四百九十二員名無閏之年歲支俸餉等項銀五十七萬七千餘兩米二萬一千餘石有閏之年歲支俸餉等銀六十一萬餘兩米二萬二千餘石今日綠營之無用各省皆然值此庫帑奇絀之秋猶歲糜數十萬之餉以養此等無用之兵深爲非計況迭奉 諭旨裁撤尤不可不急於舉行臣春煊在山西巡撫任時曾奏請將山西綠營全行裁撤廣西綠營亦經臣春煊會同撫臣柯逢時奏裁均無窒礙足見此舉尙爲有利無弊今擬辦法約有三端一曰改

設官缺綠營之所以難於悉裁者以武職官缺之無可繫屬耳今擬仿照山西奏定成案將全省陸軍悉編爲常備續備軍而以陸路提督爲統領以總兵副將爲分統以參游爲營官以都守千總爲哨官以把總外委爲哨長水師則分外海內河兩項以水師提督爲統領餘並如陸軍之制改革之始並請援照山西成案一切人員皆由外間遴選委用俟規模大定再議選補章程由部核辦其裁缺及各標候補人員由臣等調集考驗凡有年力精壯能通文理者或撥入將校學堂或令隨營差遣以宏造就而免向隅至南澳一鎮閩粵兼轄養廉亦屬分領並經臣春煊電商署閩浙督臣李興銳應否裁撤准覆由粵一律奏裁此改設官缺之大畧也一日飭州縣自募土勇營汛旣已裁撤各屬地方不免空虛本應飭辦巡警以資鎮攝但巡警係專門之學斷非倉猝所能辦且經費較鉅亦非各屬力所能及應爲各屬酌定土勇名額飭各州縣自募歸其管帶所需薪糧在裁兵騰出銀米項下撥出四成供支不敷之數即將綠營官兵向收之緝捕經費二成規費全數提撥至各州縣解送人犯錢糧向由綠營派兵護送此後並即責成土勇護解此改設土勇之大畧也一日請變通舊制綠營分布各州縣與有地方之責是以例定武職各項處分嚴切詳明現擬綠營全裁之後以緝捕清鄉等事屬之續備軍以護解餉犯等事屬之於土勇一切責任自與從前稍異應請

飭部將武職專汛統轄各處分概予寬免暫由外定緝捕功過章程 奏咨辦理此變通舊制之大畧也以上三端皆擬裁綠營之大畧辦法合無仰懇 天恩俯念廣東練兵重要籌款維艱准其將全省綠營自光緒三十年六月初一日起悉數裁撤一俟奉 旨允准即將常備續備等軍如何改編內河外海水師如何分配官缺如何改設土勇如何飭募暨緝捕功過詳細章程再行分晰具 奏謹 奏

○山東巡撫周奏遵 旨改定常備續備各軍並擬添募新兵預籌的餉摺

前奉 上諭著各省將軍督撫將原有各營嚴行裁汰精選若干營分爲常備續備巡警各軍一律操習新式槍礮認真訓練以成勁旅等因欽此溯查舊日東省防營軍名不一積習甚深經升任撫臣袁世凱裁募改併大加整頓將嵩武軍及東字等營編作武衛右軍先鋒步馬礮隊二十營參仿武衛各軍章程更定營制餉章尙稱整齊畫一又將飛虎佐字濟字等營編作左右翼防軍八營歸曹兗兩鎮統帶又將登萊練軍各營編作沿海防軍五營加以撫標前軍左右步隊二營共合三十五營變散爲整汰弱留強已爲常備續備基礎嗣後調任撫臣張人駿暨臣將沿海防軍節次裁改併作馬步二營現計通省共有步馬礮隊三十二營查先鋒隊二十營自編列成軍改練新操漸就精熟可備緩急之用擬請定爲常備

軍其曹克兩鎮防軍八營暨沿海防軍二營撫標前軍二營畫地分防各資巡緝擬請定爲續備軍現已一律改用毛瑟槍俟經費稍充購換小口徑毛瑟快鎗認真操練臣於上年挑選弁兵派往保定將弁學堂學習俟練成回東酌量派充營哨各官並於本省武備學堂選擇畢業學生分赴各營互換習練期成大枝勁旅惟東省形勢南北相距八百里東西相距一千三四百里幅員甚廣海陸衝繁近來絡繹於途西南各府向稱多盜巡防保護應接不暇雖添設警隊分巡省城烟臺曹克各屬而東省鐵路一帶仍苦不敷分佈是以常備軍亦須分撥梭巡不能聚集一處本年正月間提督夏辛酉率四營遵調北上省城西北十餘州縣更屬空虛即使該四營調回東省仍覺兵力單薄臣久欲添練新兵祇因的餉難籌不敢輕易舉動目下熟思審慮實屬無可停待從省核算亦須添募四營按照先鋒隊餉章計之常年餉需及置備新式軍械約須銀二十萬兩值此財力匱乏別難設法查河南省本有歲撥先鋒隊餉銀十八萬三千餘兩嗣經部議暫由河南山東各認一半俟武衛左軍陸續裁減另行設法騰挪仍將駐紮山東武衛右軍先鋒隊月餉責成河南省按照原撥銀數協解以符成案等因近年河南業已籌有新款應即遵照部文設法騰挪仍由河南全數認解俾山東得以彌補前虧稍資周轉又查新案賠款山東省每年奉派九十萬兩部臣原議各海

關收足值百抽五增收若干應將增出數目專爲賠款應用各省分攤之款尙可核減等因山東除奉派銀九十萬兩之外東海關自光緒二十七年起至二十八年九月止共溢解過銀十三萬四千四百餘兩本年不應解九十萬兩之內自應按照部議如數核減以紓財力臣於光緒二十八年十二月奏請將二十八年溢解之款在於二十九年應解九十萬兩內扣除嗣經部議擬將增收各稅作爲賠補鎊價之用仍令將攤派之數按月籌解等因復自二十八年十月起至二十九年九月止又溢解過值百抽五並免稅貨完稅暨常稅二成銀六萬五千四百五十餘兩又自二十九年十月起至三十年二月止溢解過銀一萬二千二百餘兩現在鎊價漸落美國已允收銀不按鎊價計算英國亦允收銀十年是前項溢解銀兩毋庸再行彌補鎊價山東財力艱窘異常安得如許餘款浮存滬關擬請將歷年溢解之款共銀二十一萬二千餘兩統於三十年分應解九十萬內如數扣除同河南應解協餉一併作爲招練新軍及購買新式器械之用此後東海關增收若干山東卽應扣解若干在山東以固有之款擴充營隊保護地方並非額外增款而滬關應付賠款仍能如額並不短少即河南解足全數協餉亦係向有款項非同格外增加山東爲畿疆門戶與北洋唇齒相依較他省尤爲緊要相應請旨敕下練兵處戶部速議施行倘以爲河南不能認解賠

款難以核減應請 敕部籌撥的餉以維大局不勝迫切之至再准練兵處咨所有各該省改練新軍均准挑選駐防旗丁就近入伍訓練等因東省現擬添練新兵自應遵照辦理謹 奏

變通營制

蒙古土默特兵丁向本散居屯戍不交口糧自編爲常備軍用備征調不得不照他處定制一律給餉而邊地進款無多無從挹注綏遠城貽將軍等公同商酌擬將原額三百名改爲二百名分左右兩翼各設管帶等官認真管轄操練所裁原額節省銀兩添給現存兵丁並以製備軍裝近已入奏 吉林捕盜隊向章馬步各二十營步隊四百人爲一營馬隊二百人爲一營署吉林富將軍接任後以步隊入山搜捕較馬隊爲得力改爲步隊二十三營馬隊十七營所有營制餉章暨統領營哨委員等名奏請飭部立案以便核銷已奉 俞旨允准

演習夜戰

浙省武備練軍向習洋操茲由統領程觀察於五月朔起每晚演習黑夜行軍法行陣打靶均不燃火惟傳口令并須乘夜列隊出行限制計時以期純熟後無分星夜遠近如有戰務可無竭蹶之慮誠陸操之新法也

慎固邊防

自英兵入藏以來政府不甚措意經長尙書庚來京具陳情形始知詳細近已採納其議電飭馬亮瑞洵潘效蘇春濤等一律籌防以固邊圉 法人以廣西匪亂未平海盜蜂起藉口保護商務駐兵越南邊界粵督岑制軍深以爲憂電致政

府請示復電命其預防一切以止法兵前進

東匪救平

東撫周中丞於四月二十九日電告政府謂鄂城一帶民變業將首犯正法脅從解散地方一律肅清

廣西軍事紀要

柳州 馬平縣屬里高圩水源地方有盧管帶親兵一營駐紮忽聞匪首覃火生等被慶遠官兵追趕竄來該處擾亂村鄉附近各團總請盧管帶派兵并知會紹字先鋒營哨官及里高胡團總帶同勇練往各處堵剿行至里要村附近突遇匪徒六七百人蜂擁而出登山放槍盧管帶與胡團總督率勇練由後山包抄開砲猛擊互戰半日斃匪多名生擒數名奪獲槍砲多件匪始潰散有匪百餘人竄入該鄉縱火焚屋各勇入鄉救火匪等即乘機遁去各勇尾追已經四散無從緝獲 匪首侯五鄧甫唐王九姑等合股千餘人圍攻羅城縣屬銅匠村該處兵練聞信往救斃匪多名匪敗走練兵追趕不料匪在山後埋伏追進山阿匪即由後路竄出四面圍困自早至午練兵子藥將盡幸城中親兵往救開砲猛攻匪始散走親兵兩名為匪擄去城內團總李某行至梁莫村忽被匪擲火藥包燒斃練丁亦受傷數人 柳州馬平縣屬朋田都樂兩鄉向有著名土匪覃法唐覃老祖顏崇光三人常勾結匪徒搶劫財物並擄人勒贖鄉民不堪其擾該處團總韋子玉赴縣稟知陳邑侯督率兵練馳抵朋田鄉將匪屋圍攻匪黨逞兇拒捕兵練開砲猛擊一面縱火焚燒匪屋匪等衝鋒而出當擊斃多名立將匪首梟首示衆是役兵練受傷三名 匪首劉三弟賈仁才梅森甫潘肇奎龍開表諸人窮蹙投誠給發自新聯票槍砲一齊報繳其願投營者編入營伍願歸農者聽又有北鄉田村股匪覃子餘亦率百人投誠繳快槍三十餘枝即令在營効力調往牛嶺墟地方駐紮 馬平著匪梁果周股黨久緝未獲癸卯年經祖郡守招降委

充續備軍哨弁派往柳城羅城等縣駐紮後該匪黨仍怙惡不悛諸多挾制且時有擾害鄉民之事爲右江道王觀察查悉稟大憲即傳諭梁果周帶領營哨到署點名立將匪黨九十餘人一概正法地方人心爲之大快 岑制軍致柳州各營電謂沈少英被馬如珍拿獲侯五被和廷彪陣斬於來賓之龍村該兩匪均係巨寇一日殲滅匪首已殺應速趁此兵威將竄赴來宜餘黨迅速剿滅劉提台劉臬司并俟來宜辦有頭緒後一面派營堵截一面即乘勝直趨思恩督剿云 云 駐紮柳州府屬常備軍周管帶督率營勇數百名至三都司土博地方勦匪由該處圍兵百餘人引路行經橫山附近遇大股匪徒五六百人攔截放槍拒敵各勇見匪衆多遂分數隊夾擊斃匪數十名生擒十餘名匪等敗散猶復回馬放槍欲搶被擒各匪勇等即將各匪斬首餘匪竄往襍峒密瓦等處次日勇練再督隊追趕至密瓦搜擒匪黨數名均即正法 紹字中營徐管帶帶勇與續備軍桂哨弁及黃哨弁至馬平縣屬里高圩勦匪行經弄竹村聞有砲聲即督隊馳往遙見常備軍營勇追賊入山即派桂黃兩哨分隊嚴守後路該匪見各路進兵即由襍峒一帶逃遁兵勇追擊陣斬匪黨多名餘匪竄去宜山境界各軍仍回里高圩防守 柳州府屬象州自外來遊匪王元虎蘇四龍等率黨數百人竄入王田地方負隅踞險時出劫掠各處土匪亦乘機而起脅人入會劫擄村莊村民畏其兇殘不敢報官今王田股匪又分踞嵯山之青山塘黨徒千餘象州東南一帶鄉村各物幾爲搶盡田地多就荒蕪云 又象州孫牧會同忠毅軍剿辦六社村匪首潘華甫村後有深洞匪黨負隅不出另有數股三四百人分西南北三路前來迎擊忠毅軍勇丁被匪槍傷二人匪亦受傷數名時值風雨大作以致未克追剿匪遂遁去未幾王田股匪數百人出擾下落等村孫牧委會吏目帶同親兵并會合忠毅左營前往緝捕行至同路村遇匪與下落等村團練開仗練丁被傷數人槍斃二人會吏目督率親兵力助斃匪數名生擒二名槍傷匪黨十餘名匪始退去親兵及勇練追過寺村時已近晚不能遠追匪等仍竄回王田

慶遠 羅城縣界實境有遊士各匪三四百人聯合竄往慶遠府屬天河縣北鄉古波里一帶攻劫團練未能抵禦附近小村多被匪擄團總許某赴縣請援陳邑侯即派綏靖右營一哨親兵數十名會合鄉團往剿次日行至中途與匪黨接仗斃匪數名團練兵勇均有受傷匪等仍逃回羅城地界匪跡山中勇等不敢遠追而返 匪首黃三等聚黨數百人散布思恩羅城一帶勢極兇悍竄至天河屬山峒地方有綏靖勇丁百餘人并鄉團二百人馳往堵剿匪始退去 天河縣東鄉有大股匪徒千餘人由羅城屬四把墟洶擁而來附近各鄉聞警集練堵守勢不能敵被匪黨攻入大小嶺各村放火擄掠該村距縣城十餘里陳大令聞報派令親兵及綏靖營勇往剿該匪又攻打旗鼓村聞有官兵到援分隊迎敵勇練開砲猛擊均有傷亡西鄉團練加派練丁前來助敵匪始退回四把墟次日營勇復會同四鄉團練直搗匪巢斃匪多名匪黨上山拒敵勇練受傷十餘人是役連戰三晝夜匪等逐漸散去 河池州與南丹土州交界里湖場嶺秦一帶地方近有遊匪千餘人聯合土匪數百欲圖起事該州屬西鄉往南丹必由之路又與思恩宜山兩縣相依匪徒時常滋擾此拿彼竄今又猖獗如此河池州甘直刺商請統領綏靖軍宋協戎飛調營勇前往協同團防助剿

南甯 宣化縣屬班蜂三騰兩村有遊匪四五百人竄入搶劫財物並擄去男婦二十餘名口附近團勇前來救護與匪互戰相持三晝夜終為匪黨所敗 南甯著匪關雲培已由官軍拿獲正法而其妻仍聚黨七八百人日出搶掠左江道團兵勦辦在墟後開仗力不能支親兵斃七名常備右營斃勇九名衛軍後營斃勇八名綏遠軍左營槍斃楊哨弁一名勇六名左江道復調四營往剿始獲匪黨十八名就地正法 匪首黃和順傳言死於亂軍之中實無其事嗣由宣化縣拿獲其黨供稱黃和順仍聚於思恩忠州新甯州等屬交界地面黨羽約三千餘人近日提督所部八營與蔡統領所留之萃軍中營已革護鏡張得貴所統之貴字營及卸任新甯州周大令所帶之兵均分紮該處設法勦辦但匪勢極盛

地又與十萬大山相距不遠負隅以拒莫之敢擾左江道余觀察日夜籌畫殊無妙策云

太平 太平州寧明州一帶近多會匪邀人拜臺匪徒朱金得偽裝洋人入城籠絡入會經州牧訪聞密派親兵緝捕并會商譚管帶協同查訪勇丁行至河干僻處適遇挑夫搜得拜會偽件當即拿捕解營據供匪黨在對三根樹脚拜會朱金得爲老祖鄧如春爲軍師又楊四等多人同在該處即令該夫引路隨同營勇前往圍拿獲朱鄧楊等數名帶回州城訊問正法 匪首黃有才在永康州地面由該州潘直刺會同榮字春字等營陳張二分統前往圍攻破其巢穴擒獲正法匪黨黃四少江金生兩股走竄養利州周仲山則詣陳分統繳械投誠 提督丁軍門在上思州大龍村與著黨蒲正義聯合大股相遇軍門協同貴字營統領張鎮軍督同營勇合力攻戰匪黨先佔地勢慶戰兩日夜仍未得手勇丁被破蕪斃者七十餘名傷者數十名亂黨死傷亦百餘名勇丁旋即敗退祇拿獲其黨數名押回營中訊辦據供蒲正義之妻已經破斃所聯之黨共二千餘名仍據該處附近地方現該兩軍尙在該處協力勦辦

梧州 梧州懷集縣毗連肇慶廣甯開律各屬林深箐密向爲盜賊淵藪亂黨忽爾蠢動嘯聚村莊四出劫掠布散謠言聲稱攻城居民咸懷恐懼肇屬各縣聞報亦各戒嚴省中大憲隨札飭廣甯縣勇前往堵禦

思恩 駐紮思恩府照字營統領黃鎮軍在興隆土司板福村地方督勇圍勦遊匪班二黃桂廷黃四等股黨各數百人兵勇到時匪黨堅守不出外分數股登村後雞籠山開槍抵禦經各勇四面力擊斃匪數十名遂將匪巢攻破陣斬匪黨多名生擒數十名是役連戰兩日之久始將匪巢付之一炬

潯州 潯州府彭太守致柳州劉廉訪電初五日接貴縣龍令馬管帶初四日電獲匪首沈少英并隨匪二名俟解縣訊確再稟電龍令迅速訊明電復旋據龍令查認的確右眼鑲寶石屬寶馬管帶親押解府會訊據供聚黨千餘在思恩

一帶盤踞此次攻燒龍村係靈山賴吉欽州盧元善爲首糾伊及同幫侯五麥惹二黃龍亭陸三等共有千餘人由小平陽竄白牛湖被忠毅營珍字營柳軍營常備軍綏遠軍合擊走散伊同梁大郭五欲到樟木覓馬營帶投誠途中被勇盤獲不諱並據供稱現有二哥沈火生並妻唐氏覃氏二歲幼子同在幫內父沈二兄亞大在欽州防城縣那糧墟居住如許投誠先繳槍械將父兄妻子喚來作押伊先招同幫侯五等可包招齊次招在慶遠之林大在天河之鄭老皓唐十二在上思之唐瓜實均有快槍二三百枝在上思之黃和順思安之黃五肥遷江之金九黎滿均有快槍二三百枝亦可招出如不受招伊包打平限兩三月淨絕等語已發縣嚴禁應如何辦理處摘叙簡供請示遵辦馬營帶此次以少擊衆力戰奮勇拿獲著名匪首沈少英龍令星夜集團救援貴縣無一村被害均屬得力

藏英戰事紀要

四月初二日甘志電藏兵之在甘志者其營在寺院中距英軍西北約六里用烏槍及四磅礮一尊襲擊英國之達克沙軍爲達克沙軍擊敗藏兵抄載英軍之背意欲斷絕英軍後路郵便物件盡爲所奪 初五日英國防軍於藏兵據守之小莊內攔擊藏兵前進英軍大勝先是英軍分三路進攻藏軍齊發排槍以擊英軍並嚴防礮臺之門以掃木大石滾下致無成效嗣戈登大尉率開路兵奮勇上前用棉花炸藥始將其門炸開英軍一擁而入藏兵大挫英軍受傷者四名 初六日信英軍之陸軍中佐畢蘭德率開路兵四中队礮兩尊抄至藏兵據守之村落後面掃蕩有兩部之藏兵已棄地而逃惟第三部藏兵抗拒甚堅於是英軍遂由所據之第四部發礮攻擊藏兵之翼未幾復炸毀第三部石屋然後奮力攻破該部大尉黑格生受傷藏軍亡二十人英軍亡印度普克兵兩名傷將校一員兵三名既破第三部英軍復備攻襲第四村見礮臺下伏有藏兵無數英軍催兵前進藏兵拒之甚堅英軍奮勇向前藏兵遂大挫 十二日英軍掃除旁

近鄉村因與土人奮鬪英軍死少佐加斯登一人印度兵三人傷隊長惡可惱一人少佐忒起耳及華薄二人兵九人藏人死者無算 又聞是日午前兩點半鐘英兵四隊攻擊皮立茨藏人竭力相拒至午後一點半鐘始得占據該村英軍擊斃者嘎斯廷中尉微傷者華爾喀中尉俄坎納大尉及密測爾中尉均重傷士兵擊斃者三名傷者七名藏人損失甚大被獲者三十七名 二十日倫敦電英國派赴西藏專使楊黑司班之大本營及聯隊兩隊已抵乞姆撥地方 二十五日倫敦電英軍之在坎馬者爲藏人所攻藏人被擊斃者一百六十四名退時損失更多 二十八日倫敦路透電藏兵在甘志地方乘夜攻擊印度兵及噶爾喀兵均被擊退英國援兵大半已抵城備 五月初二日北京電西藏達賴喇嘛近不聽駐藏大臣忠言而爲俄國武官甘言所惑暗中接濟軍火嗾之排斥英國 初八日倫敦電攻擊西藏之英軍將於五月十二日至拉薩達賴喇嘛將自拉薩逃往他處

日俄戰事紀要

韓境戰

三月中旬俄兵屢出沒於安州一帶時日兵防守甚薄飛爾平壤守兵來援二十六日天未明俄兵六百騎由清川江岸向東方高地進發擬欲攻擊日軍日軍統領步兵大尉總次郎率兵應戰敵軍徒步交綏旋又逼近城壁日軍奮勇攻擊不稍却至午後兩鐘澁谷中尉率平壤援兵至擊退左近敵軍入城協禦相持至晚敵乃徐退未幾復有百騎至又經日軍猛擊乃向清川江岸而退是役日軍死四名傷六名俄軍死四十名傷百名 四月二十日上午十一鐘日本陸軍中尉中村定雄統率偵探小隊前往文川初未見俄兵及午後十五分俄軍馬隊進逼該地即派偵探兵前往忽遇敵騎二日軍擊之斃其一傷其一於是日軍偵探小隊即據文川之南慶悅里高邱俄軍則據玉如峯左近之高地下馬槍擊日

軍日軍不應敵軍更跨馬列伍亂次進逼約距八百邁營之遠日軍齊發槍攻擊擊斃敵騎三名其餘俄兵退據玉如峯遂焚燬龍浦及漢川里左近村落而遁日軍小隊整旅而還而韓國高原郡守則爲俄兵所傷云

得利寺戰

日俄開戰以來陸軍經二大戰一鴨綠江一金州南山而第三大戰則得利寺一役是也溯自俄軍屢挫旅順一隅已陷重圍日軍則節節前進迭據要地俄帥苦魯巴金不得不變守爲攻舉軍南下以遏日兵之勢而解旅順之圍日軍聞信即於四月三十日分中左右三縱隊由普蘭店啓程沿大沙河前進途次迭遇俄軍偵騎悉擊退之五月初一日午後三鐘行抵張家屯偵悉俄軍在大房身至龍王廟一帶於是鼓勇直前極力攻擊時敵兵猶未至而俄軍驟殊猛故日軍頗有死傷然仍不少怯且戰且進至高家屯高地砲兵陣至彼此對擊日軍遂佔廟家屯虞家屯一帶初二日上午五鐘兩軍復遇於得利寺附近日軍先發制人砲擊俄軍中央陣地俄軍出應戰兩軍相持甚力而日軍右縱隊當俄兵精銳戰尤棘手增兵至兩次俄軍猶不爲下至九鐘俄軍始棄其傷亡而退無何援兵至復與日軍接戰勢殊猛烈日軍不顧損害竭力抗戰至午後三鐘俄軍不支相率退日軍乘勢追擊至四處潰散而去是役也俄軍陣於得利寺附近特其後者鐵道以爲增兵運械皆大便利苟與日軍遇未嘗不可藉以決勝然地形狹隘敗無可逃遂爲日軍所盛聚而殲之此其所以敗也計戰死者士官二十八兵六百四十八傷者士官七十五兵一千七百七十二遺棄速射砲十四尊槍械藥彈無算而日軍死者僅二百十七內武弁七傷者僅九百四十六內武弁四十三

立海灘戰

俄海軍提督司廓理羅甫任事以來未嘗一與日軍戰五月初二日率巡洋艦格朗姆拜 露西亞 劉立克三艘出海

參戰遲弋至日本海之玄海灘與日本運兵艦常陸丸相遇俄艦開砲攻擊常陸丸汽管斃其船員多人聯軍長蘇崎見勢危急即將軍旗焚燬令部下是水道言未既飛彈中其肩全軀粉碎其餘將校或破腹自戕或投海自盡被擄數人然無降者常陸丸旋即沈沒左渡丸亦爲魚雷所傷幸能行駛得爲伊勢丸日野丸所救同時和泉丸從戰地歸行經玄海灘亦遭砲擊遂致裂沈船員百餘悉投入海被獲大半脫者無幾先是日艦隊駐海參威監守甚嚴故俄艦不越雷池一步適因煤罄暫回佐世保俄艦遂得乘機突出肆其侵襲旋由上村少將起旋追擊然以大雨蔽目不見敵艦及天氣清明已不知其所往隨即改道兜尋仍無蹤影卒不獲遇而還

旅順戰

第十一次 日軍自遼東上陸以來名城要隘節節佔守則旅順之援由此而絕所謂拊其背者是也而扼旅順之喉則尤莫如監守港口使之不能出入自由故其間迭次偵探縱有傷亡在所不惜然俄艦整伏港內亦未嘗不思突出以與他處艦隊聯合而日軍密布水雷又不能不先事掃除五月初十日黎明戰艦邊列斯敏士 坡爾答瓦 些巴斯士 坡巡洋艦卑耶 巴兒拉答 細丫那 亞西哥利士 娜伊克共八艘以掃海船先導擬即乘此出港日軍得封港哨艦無線電報即率艦隊離根據地直前阻禦除特別任務各艦外悉集合於預定地而令第一第四驅逐隊及第十四艦隊停泊港外監視敵軍動靜至上午十一鐘察利肥次 力篤維散 坡邊克三俄艦出港相會於是俄艦全隊悉數出見旋由驅逐艦護其掃海船掃除日軍所置水雷日軍雖屢撓之然航路已漸開通下午三鐘日軍第四驅逐隊及第十四艦隊將其掩護船擊退其中一艘中破失火遁入港內未幾娜伊克護其驅逐艦擊日軍日驅逐艦不能敵遂即退歸艦隊於是娜伊克率領諸艦益事掃除海面各尾掃海船行針路指向東南日軍第三戰隊誘之往南於是改而爲南

進是時日軍第一戰隊潛伏遇巖南隅爲俄艦瞭望所不及乃集合驅逐隊及水雷艇隊專候俄艦隊至從而邀擊之六鐘十五分遙見俄艦隊列單縱陣至察利肥次居先戰團巡洋等艦居後娜伊克及驅逐艦七艘則在右側並向南進七鐘三十分彼此相距約一萬四千碼當之遠日艦嚴陣以待至八鐘俄艦隊忽轉而北似將駛回旅順於是日艦隊一律向北作橫陣追之時已昏黑利用水雷越二十分襲擊之令下各驅逐艦及水雷艇勢如疾風直前猛進九鐘三十分第十四艇隊先至旅順港外五海里處發砲攻擊俄艦隊第五驅逐隊繼之於是俄艦倉皇失措齊向旅順而遁然不入港皆於蟹子營砲臺前面及城頭山下止焉自是日艦連次攻擊皆冒敵之探海燈光及猛烈砲火而進直至天明方始停戰是役奏功最著者爲夜半十一鐘三十分時由鮮生角繞道急進之第十六隊白鷹一艇當時若林少佐指揮該艇發水雷二具擊中邊列斯徹士艦首登時火發爆炸其餘些巴斯士坡細羊那兩艦亦受損壞至於不能行駛而日艦受損者則第一驅逐隊艇白雲爲俄砲彈擊破士官房並損舵機死下士卒三名傷官川少軍醫以下士卒二名第十四隊艇千島彈中機器房幸未炸裂第二十艇隊及第十六艇隊屬下各艦稍受損壞其餘均無傷

俄國防務

海防類誌 四月十四日烟臺電俄人在小濱島之西灣敷設水雷悉將居留華人禁閉屋內派兵監視 又旅順港黃金山饒頭山等砲臺砲彈能達之地點以外之海面均敷設水雷作半圓徑式又老鐵山西南之沿岸亦敷設水雷其式相同 十六日東京電俄人在青泥窪附近沈設機械水雷甚多 二十日香港電俄國太平洋艦隊司令長官司廓理羅甫曾電至大本營謂日本艦隊出沒無常海軍力薄無以應敵請速將波羅的海艦隊預備早日派赴遠東以張海權云 二十五日聖彼得堡電有俄國魚雷船名黑龍江者在旅順港口沈設水雷忽有一具炸裂船即沈沒 五月初三

日烟臺電俄遠東總督阿力喀塞克夫報其政府在旅順口門尋獲日本所沈機械水雷多具已經燬沈
 陸防類誌 四月二十日倫敦電俄人在遼陽河口建設礮臺十一座並安置地雷 二十一日東京電俄軍自南關嶺
 戰敗後汲汲於旅順背面之防禦在可通旅順之各山路及溪道設立木柵每排四枝布列甚多其柵之間隙則結極粗
 之鐵條爲菱式又於其鐵條上附以無數之小鐵條以斷出入之路 二十二日山海關電奉天俄軍在蓋城周圍一帶
 開鑿壕溝十六處於西南城壁上築造礮臺二座 俄人因日人至老鐵山海岸背後時不能以礮相擊故在老鐵山懸
 臺東面築造礮臺一所又在旅順口四面邱陵上徧張鋼綫以阻日軍登岸 二十四日東京電俄國駐紮滿洲之軍共
 分四軍第一軍分駐哈爾濱與海參崴中間一帶第二軍駐奉天相近處第三軍駐遼陽第四軍駐哈爾濱每軍皆有機
 器礮兵九十一人機器礮隊將校五員另大礮八尊每尊配彈五千八百五十枚 又烟臺電俄將司多塞爾督率水陸
 弁兵將大礮數十尊架於旅順西面之高邱又於石嘴子高邱之處設立高臺一座嚴防遼東半島南部之西海岸 二
 十七日奉天函鐵嶺街市之間步騎兵及礮隊約五千有奇分建礮臺廣儲糧食並於城外埋設地雷多處 二十八日
 錦州電俄人已撥騎礮隊駐紮臺堡莫家屯其駐紮臺堡者約兵二百餘名野戰礮八尊駐莫家屯者均倍之並督率工
 兵在該兩處附近海岸之處樹立高竿安設無線電報與營口通傳消息 又電有哥薩克騎兵一聯隊由大石橋馳至
 飛雲寨開須駐守蓋平之西以防蓋州灣 距遼陽之北六十里沙河子地方建設礮臺九座 五月初二日烟臺電旅
 順俄軍現在毛龍山建造礮臺一座並將艦上大礮多尊移置其上 十二日錦州電俄軍礮兵近駐於遼陽東南諸邱
 之上並於邱麓掘就有蓋溝溝羅佈鐵網以阻黑木大將前鋒軍與遼東北上之日軍會合 俄軍近在遼陽迤南一帶
 白塔寺附近地方安置大礮三十餘尊並埋地雷設立鐵柵

軍事

二百三十一

甲辰

轉運類誌 四月十三日錦州電俄人近在庫倫徵發馬匹有五百匹從亞康濼運往奉天 十五日山海關電俄人從寬城子運送馬車一千五百輛驢馬二千餘頭前往開原 二十日煙臺電俄軍自十六日以前數日用車四千輛將子藥由遼陽運往開原 又電昨日有車三千輛運芻糧子藥等物過大石橋向蓋平進發 二十六日有鐵路客貨各車七百六十輛滿載兵士軍火自遼陽過蓋州以往海城 又函有馬車六百輛滿載軍火經過蓋州營口前往俄國車站 二十九三十兩日俄國馬步隊七百五十名由北南下南路自經日本封禁後遼旅聲息不通俄擬援救旅順特調遼陽馬步隊萬餘前往軸巖 三十日東京電俄國陸軍省現在徵發多數汽船以備由西伯利亞河川運送各部隊糧食及被服 五月十二日錦州電本月初八日有火車六輛由魚鱗堡將向駐附近高邱之礮步兵共二千餘人悉數運至大石橋以便分駐於大石橋北面與分水堡附近一帶

糧餉類誌 錦州函海城俄兵營於東北六十里之處設一糧臺堆積頗多四月十四日忽被馬賊焚燬 四月十三日山海關電俄人從營口送往鐵嶺之糧食在營口附近徵發者居多日來每日發送民船五十艘近又徵發五百艘從該處運至鐵嶺 又錦州電近日俄人將粟及大麥等五萬石用民船從田莊台運往鐵嶺 二十七日錦州電俄帥若魯巴金已接俄京大本營來文內稱將來大軍補足軍士三四十萬戰馬十萬匹後每日需用糧食合計二萬五千浦德草料七萬二千浦德若以火車由西比利亞運至滿洲需車一百九十輛即使火車不運客貨郵件並不運軍隊子藥亦不能按日運到如必須補足軍士戰馬仍請就地採辦以供軍需而免延誤云 五月初九日煙臺電俄軍現設糧臺於大石橋

日本防務

海防類誌 四月二十四日煙臺電日軍在青泥窪海面掃蕩水雷 又東鄉司令官公報四月二十日至二十三日之間日本艦隊在大連灣海面掃除俄國所埋水雷連日轟炸四十一具 二十五日片岡中將公報大連灣掃蕩海隊於二十四日查見敵人所設機械水雷十一具二十五日查見十具並轟沈之人艦皆無恙第一區域之海面已一律掃清 二十八日東京電日本掃海隊於二十五六等日在各海面查出俄人沈置機械水雷十六具即擊碎之日軍無恙 五月初六日東京電東鄉司令長官公報五月初三日午後第四驅逐艦隊在老鐵山南十英里之處發見敵人所設機械水雷而爆沈之 十三日煙臺電東鄉司令長官示諭關東半島略謂關東一帶海口由貔子河起至普蘭店之南無論大小船舶切勿出入海口倘有違犯即當發砲擊毀云云

戰事雜記

三月初二日維也納消息俄人自得旅順受挫之信各處驚惶士人中無論學生教習昔日之阻止開戰者皆控告政府謂其辱國傷財俄國頗難籌處革命運動遍及全國云 初四日東京電俄皇近布諭旨謂伊爾庫次克總督於遠東地方所管轄地內在戰爭時於保持安甯恢復秩序有特別之權利 阿列喀塞克夫辭職一事俄皇不許 又電諭之云當今戰務既開我俄當操必勝之心以收戰局汝素優韜略慎重干戈將必能全副朕授爾遠東總督之旨汝應於中央之處或重要之區選建衙署行營以理諸務當此軍書旁午特遣苦魯巴金往東助爾辦軍務授以全權令其節制東方各陸軍將士朕選任該員予以各種特別權柄俾其統治陸營一如朕任爾總制遠東節制各軍事務 俄國活爾頓衰之亞歷山大親王助軍費一萬五千鎊美金並奏請俄皇許其招募勇士充兵願供給各種費用俄皇已允其請 俄政府前曾將欲謀革命之大學堂學生禁錮圍圍或羈堡壘茲經一律赦宥勒令從軍以與日本決戰贖罪 十二日柏

林電日本以英人欲圖居中國停日俄戰事日人皆願奮勇捨身與戰以證開戰之主見云 俄海軍艦長鐵克爾羅夫因與日本私通爲俄官察出實情拿交俄京軍事裁判所審訊判定監禁二十五年罰充賤役 有日本人兩名僞裝乞人暗藏利刃欲圖刺殺俄帥苦魯巴金爲俄人所捕 俄京消息俄帥苦魯巴金力勸政府棄去旅順力守營口及鐵路其意以敵盡於後來戰事無關緊要反與用兵艱畧有礙故欲將軍力全集於內地而與日本決一大戰 十四日東京電各國投効日營將校將於明日由東京開赴前敵此爲客將赴敵之首次 十八日香港電俄京自開鴨綠江大挫之信社會中具有忠心者其勢若狂已有一百六十人自行集成義勇兵一隊於十七日起程馳赴前敵聞其中各等人皆備云 二十一日倫敦電俄皇命遠東總督阿列喀塞克夫復回行營辦事所遣旅順艦隊司令長官之職著海軍大將維特格爾特暫理 柏林電俄廷已派海軍中將畢蘇罷拉蘇夫爲太平洋第一艦隊司令官又命現任俄京海軍省總長海軍少將羅斯波斯灣特克衣爲太平洋第二艦隊司令官 希臘電希臘太子你高拉斯近向俄皇聲請准其効力俄營以攻日人俄皇允之 二初九日東京電初七日駐紮湯山城之日軍在東湯山查有俄國奸細數名當即捉獲俄國大尉少尉各一名 十五日錦州電有俄將校率偵探騎兵七名僞裝馬賊暗攜炸藥及引火物於初七日黑夜在顧家堡子徐家舖子之間窺探日軍運到之糧爲日軍所捕 十六日煙臺電俄軍自鴨綠江戰爭後苦魯巴金主張變更戰策與阿力喀塞克夫意見不合因此苦魯巴金奏請俄皇與以軍事全權俄國議員咸以苦氏援救旅順之策爲然故近日極力輸送大軍南下 十七日東京電日人二百六十八名大半係閉塞隊船員被俄人俘獲現已解至叻母斯克俄政府待之甚優 二十二日東京電近有法人在秦皇島新設無線電機器一副俄人亦於旅順之電氣山設立無線電機器 二十三日東京電日本聯合艦隊司令長官東鄉平八郎海軍大臣山本權兵衛兩海軍中將均升任海軍大將

待從武官長岡壽師團長長谷川參謀次長兒玉及乃木均升任陸軍大將瓜生齋藤出羽三人均升任中將 日本第一軍所佔領之地域內已設有軍政署二處一舉陸軍步兵少佐松浦寬威為之長一舉陸軍工兵中佐倉辻俊明為之長 柏林電有智利國兵艦多艘現已售於日本 又電德國漢升輪船公司之好乞美輪船亦已售於日本 二十五日香港電美國欲出爾停日俄戰事已為俄國政府力拒聲言決意盡舉全國兵隊出與日軍決一死戰云 倫敦電有俄國將校十二人在璞爾塔淮被政府用槍擊斃因反對此次戰事故也 俄國政府因欲重訂捕虜規則特設委員會於外務部令照現在戰爭情形變更一千八百七十七年所布之捕虜規則而以不背海牙條約為主與此會者為外務部大臣內務部大臣陸軍大臣海軍大臣戶部大臣及赤十字會之代表人而外務部之代表者馬爾頓實為此會議長

日俄陸軍戰費表

	俄國	日本
運兵費	六十四兆四十二萬八千六百圓	十三兆六十萬圓
運糧費	二十七兆十一萬七千二百圓	一兆八十四萬八千圓
餉糧	五十九兆五十五萬五千二百圓	二十七兆六十二萬四千圓
餉銀	四十三兆六十三萬二千圓	二十七兆六十二萬四千圓
醫傷兵費	二兆四十八萬圓	一兆八十四萬圓
軍服費	六兆圓	七兆五十六萬圓
買新馬費	六兆四十萬圓	二兆五十六萬圓

軍事

二百三十五

甲辰

軍事

二百三十六

五月

鐵路費

六兆四十萬圓

六兆四十萬圓

槍械藥彈等費

五十五兆二十五萬圓

二十四兆八十萬二千五百圓

統帶雜費

五兆七十六萬圓

二兆五十九萬二千圓

總共計

二百七十六兆一萬一千五百圓

一百零八兆五十四萬四千五百圓

中國中立

俄使照會外務部略謂刻有本國紅十字會輪船一艘在旅順口或將來仍有紅十字會船隻迫近中國口岸煤斤不敷及買賣食用與避難他故等情為免各項誤會之處請飭中國各地方官遇有此項輪船來時請按照荷蘭一千八百九十九年七月十七日所定養病院船隻在中立口岸條約合理助以方便之利益云云外務部旋即咨行江督轉飭遵照

外務部近得俄使照會謂有戰國人經過北界攜帶藥謀毀鐵路請代查禁外務部當即咨行直督出示嚴禁俄使照會外務部謂各國商兵船駛入戰界夜無燈火日不懸旗并鳴砲致問而不升旗答復者即以敵船相待用砲擊沈云云又云俄日不免在韓國口岸用兵俄政府以貴國保守中立預行照會所有船隻毋往各該口岸行駛外務部即札飭各關道照 又云東三省現為戰務要地奉天各口及吉林琿春等處尤關緊要該處巡捕華兵不能得力恐誤軍務應請撤回統歸俄兵分駐巡防以歸畫一聞外務部當即拒絕 又云本國現於關東沿岸附近地方及俄海軍用兵之處如遇局外中立各國輪船內有用各種巧妙器具為敵人傳遞消息者即作間諜論其帶無線電之輪船亦即俘獲充官應請查照辦理云云外務部即札飭各關道遵照 又云遼西雖為中立之地惟與日軍開仗在所必爭如俄軍真不能不占之地亦只得相機削平要隘實與俄國軍務有益將來軍務平定再當徐議妥辦云云 俄督阿列略率克夫照

會奉天增將軍零云日本無理肇衅輕率加兵我方保持東亞和局未遑預備以致兵艦頗有損傷現在調集哥薩克波斯勁旅二十萬分佈遼南鴨綠江沿岸先將韓境倭蹤除淨後再航海東征然師行以足食爲先貴國嚴守局外本大臣體諒週擊不願強人所難是以遞派妥實通事分赴鄉間自行採買芻糧及行軍應需物件豈奈民人不識大義胆敢擅價居奇今特照會貴將軍立即曉諭商民遇有我俄採買糧草物件不得阻撓以平價交易倘敢不遵我兵豈能坐待其斃飢軍曠潰東三省大局將不堪設想追悔無及尙祈以輕重利害細加忖度並望先行照覆 奉天俄國軍事交涉局嘗迫增將軍修理奉天城垣並須環設柵壘被增拒絕而俄督阿列喀塞克夫又迫增將軍速將部兵解散所有兵營假與俄軍爲營僅許酌留警兵以保地方且謂若不將部兵撤退即以敵人對待當用兵力擊退增將軍聞此甚恐立將部兵遣散千餘俄督始無後言 俄使近謁慶邸謂奉吉馬賊受日本賄囑屢與我兵隊爲難於軍務大有妨礙貴國置諸不問豈非有意袒日慶邸言我國兵隊不便逾中立之界惟有電致增將軍令其勸諭解散 俄督阿列喀塞克夫會請直督袁宮保撤去奉天防軍袁宮保拒之奉天增將軍因此事欲往天津面商爲俄兵所阻不許出境故此案現歸政府辦理 奉天增將軍電咨外務部謂日軍占據逼近東省地方俄人欲假奉天屯兵爲進攻之舉勒令華兵移駐遼陽是有意破壞我國中立請速向俄使妥商 奉天廷府尹電致外務部據東邊道張電稟原駐邊城安東巡捕各營槍械均被俄人勒收并逼令撤回當即據約與俄督力爭而該督置之不答連日省城內外巡隊槍械亦時見搶奪勢難理論 俄軍侵犯遼西中立慶親王嚴詰俄使不得要領增將軍往訪遼東總督阿列喀塞克夫阿稱病不見更以公文詰之阿致覆信謂遼河以西爲中立地俄已知之然該地於俄軍行動有密接之關係俄軍有不得不詳知其民情地形等之處現在遼西之俄兵不過因欲查察此等事宜而設夫中立之意義屬於國際法我係武弁不能預聞故中立之事宜與

俄使商議待其回信始可將兵撤退。日俄開戰以後俄人首以搜集糧食爲急令則糧食牛馬已空強掠亦無所得而直隸沿邊各地又嚴守中立派兵防守俄官因派兵三隊分入直隸蒙古邊地強購糧食馬官保聞之立即檄調前軍軍隊五營由朝陽進紮八臺營步隊五營由建昌進紮嘎拉岔扼要防堵。奉天馬賊破壞附近鐵道電綫增將軍因布設華兵代爲保護日使以爲違犯中立向外務部抗議。俄人逼令海城縣王大令代辦軍糧大令不從俄人即將其拘送遼陽旋經政府照會俄使詰問始將大令釋回海城。直督袁宮保致綏中縣程大令急電云中國嚴守中立早經奉旨宣布日人招匪斷無與本大臣暨馬官保議明之事自係假冒官場有違禁令仰即將日人某解交津海關道轉送駐津日本領事官訊辦路王兩犯既受日人指使應解交錦州陳道會商津關道訊辦。俄公使照會外務部畧稱竊匪馮麟閣杜立山等擁衆數千毀路割線劫奪軍糧專向駐屯兵隊之處騷擾損害是有意與我大兵爲仇難保無指使之入從中運動且其槍械子藥用之不窮且有快礮更必有接濟之路貴國既守中立不應任其侵擾暗助敵軍爲此照會迅速設法禁阻免礙邦交。日本總領事照會江海關道聲明封鎖遼東半島公文云日本水師統帶官提督東鄉現遵大日本帝國政府之命將遼東半島之地即由貔子窩起到普蘭店畫成直線從該線以南之沿岸一概封鎖切實請貴道轉稟上司並出告示週知再該地方沿岸如有違例船舶應照公法強制辦理云云。外務部奏請重入紅十字會一事業經商部選派商人八名給予護照照請俄日兩使簽押前往遼東。俄使照會外務部謂因依中國所請俄兵已從遼河以西之大城八所中全行退出。直督袁宮保疊接熱河楊鎮軍電稱有日本武官在朝陽江家屯六家子募匪號正義軍已成三營等語官保復以我守中立熱河爲局外界斷不准戰國在熱聚匪編伍如探有糾股匪徒百十成羣應派兵驅逐解散抗者格剿並分飭江家屯武員劉永生六家子武員于裕興就近分別查辦。

各國中立

俄國遠東總督限制各國隨軍訪事人員不准擅入軍中與觀密佈諸事並不准將營中密備攻敵諸事私行散播旅順暨海參威海灣港口尤屬特禁之地不得過往倘欲遊覽砲臺等重地必先得該砲臺統領允准方可凡軍務訪事人員隨行通信者須在左臂上帶紅色彩章刻有黑色一定之洋文兩字以資區別 日本政府照會駐日英使云若有英國商輪裝載戰時禁制品前往敵港而被日本艦隊捕獲者必即轉告英官 瑞典丹麥兩國業已宣明中立禁止戰艦駛入兩國海軍港口或已有水雷保護之港口 奧國以日俄交戰海軍每用水雷及潛行水雷艇攻擊致使戰艦防不勝防加以遺害於中立國之海面中立船隻必致無辜受累在國會聚議定於九月在聖魯伊斯訂立萬國條例以限戰時用炸藥攻擊之法繼與各國往返討論聞已議有眉目

韓俄戰事紀要

元山函三月初三之夕忽有俄騎兵四百三四十騎侵入窺遠東北奴香普地方初六日分其半部二百餘騎經定平抵咸興城外咸興守備隊長金參領聞俄兵至即遣前衛二十餘騎馳越萬世橋攔阻俄兵並召集附近能戰之士與之交綏惟韓兵倉猝應戰不免自亂無何退至城內緊閉西門俄兵追蹙而至猛攻該城金參領出而應敵擬將俄兵誘至高地而逆擊之未果復集各兵於北方高地以待俄兵之來俄兵果分隊入城焚燬市街並砍斷電線三桿所携彈丸甚少故未侵至韓地兩軍相持直至天明復行開砲攻擊然韓兵仍不敢下韓地旋由萬世橋東隅向北退至長津是役俄據韓兵一名俄兵一名負傷甚重而駐甯遠之半步隊則又經熙川北進矣 十六日漢城電俄國哥薩克馬兵五百餘名

（此兩國之法律）韓國平定北道宜靈更宜靈軍政府云日方派兵來我工界當為韓兵擊退俄兵死五人韓兵一傷

死傷越數日又有兵來襲江界韓兵不戰而逃

各國軍事紀要

韓國 韓國東學黨首領劉真雄黨勢擴張而高昌和韓應先承君白尹去天等各占重要位置其主義在毀電線掃蕩日本軍殺外國教士報母國深仇盛唱李朝五百年而鄭氏當代理其國之讖文謂其主領鄭氏今在江原道此際各當排斥外人討伐李朝且云入此黨者誦秘法之咒文則能鎗不入刀劍不傷飛行空中逍遙自在因愚民大爲所惑憤恨於政府之苛政者多應和之其黨在洪原北青甲山三水之各郡當有三萬人云 三月二十九日漢城電二十七日韓國全羅道全州地方有東學黨巨魁四名現已被捕全州監察府照會韓廷軍部云捕獲巨魁四名應如何處分請即示知該黨巨魁乃潛與忠清道之暴徒相通者

俄國 倫敦電俄國在遠東之勢力日減頗不滿意於國民故革命運動遍國四起而高加索省尤烈首領六人已爲俄官所逮解交軍事裁判所審訊現已自縊 俄屬波蘭人圖謀自立有欲以炸藥浮於尼哇河欲圖將所泊新造俄國巡洋艦兩艘擊毀者事已發覺 十五日倫敦電俄國已於哇爾瑣及所屬波蘭各處宣布軍律欲圖阻止社會黨起義之舉 二十九日香港電哇爾瑣地方百姓殺戮顯官聲勢洶洶若非戰勝日軍不足以安戢內亂云 五月初四日香港電俄國北境芬蘭省巡撫巴伯力卡夫當入議院時突被人槍擊受傷甚重兇手之子議員詩我門立即自盡芬省民人咸謂抑壓太甚所致云

英國 上議院開院時宜讀陶諾慕伯爵所提議之兵事改革論意欲使印度及各屬地所有預備兵易於聚集且使屬地之自願爲兵者能直接以自投效 五月初七日倫敦路透電英國拍司謀夫統帥飛瑟爾提督已升爲水師中軍高

等武員

德國 三月十九日柏林電德廷已派陸軍中將特勞他爲征剿非洲西南境叛黨之司令總長 又電德軍少佐愛司託夫所部枝隊已擊散希蘭羅斯叛黨之軍並得擄獲物無算叛黨集軍於瓦德堡附近之處往北而退德軍追擊之又四月二十二日電德國騎兵在婆司德姆啓程往非洲之西南境德皇親往送行並囑其軍人勿忘其任務而須與陣亡之同胞復仇云 德國水師人員於立及斯坦會議時王族克狗夫氏提議云英國水師於我德甚有危險我德當速議定於常年擴張海軍費外再加造兵艦與魚雷艦

土耳其 土耳其南部阿美尼亞人作亂殺死三千餘人焚毀五十村 布加利亞國向土政府云有土耳其亂黨謀殺布加利亞避難人之事該避難人等現已回至馬其頓

摩洛哥 四月十五日倫敦電摩洛哥來斯烏利亂黨現在登奇阿拘住英人佛來美人撥狄楮立斯二人索贖美政府已派南大西洋及歐洲海軍中兵艦七艘前往問罪 十七日倫敦得華盛頓電美國外部海大臣已告法政府請其擔保將摩洛哥亂黨所拘之美國人撥狄楮立斯釋放法政府已經允許常有美國戰艦四艘駛抵吞其阿英國水師提督亦已由其伯爾脫趁蘇撥來斯船至該處與英使會商此事 二十六日倫敦路透電美國水師兵在天基亞登岸比國使署亦託其保護又增派依里諾司米梭里兩戰鬥艦前往 又電云摩洛哥國王已派總督治其肇事匪徒並允早將被擄之人釋放旋由亂黨名雷斯由利者將所虜二人釋回 五月初一日倫敦路透電摩洛哥通國教會中人及士人組織一黨欲廢去其國王政府中人亦附和其間相助爲理該黨於英法協約未成之先已布署革命之事當協約成後政府中人遂從中挑撥控告國王等國故其禍益烈云

秘魯 巴西秘魯兩國之兵因爭國土起見在阿克地方戰數日秘魯國之兵爲巴西軍所敗傷亡甚衆約在二千以上
柏林消息玻利非亞國亦與秘魯國失和已調齊全國軍隊以敵秘魯

三

二百四十二

三月



外交

論兵力足以轉移外交 錄甲辰第十一號外交報

楷爾朴蘭氏所著萬國史論歐洲外交。有一斷語曰。外交之合離。必歸墟於利害。斯實切中歷物之言也。蓋列國交際之親讎。民情觀感之迎拒。無不以利害關係為其原則。而此利害關係。有成之於天然者。亦有受之於人事者。猝而觀之。天然人事。未易軒輊。最其要而論之。則近世之物質文明。鼓鑿駁駁。天然之力。實大遜於人功。故鈞衡之操於人事者。乃大過於天然。人事所生之大利害。固無有逾於兵爭。兵爭之力。足以轉旋世運。此晚近百年外交界之劇變。皆在於兵爭之後也。今將百年來往事之最著者。條舉於左。數往知來。則日俄兵爭結局時。其情狀有可豫言者矣。

甲 滑鐵盧之戰。嘉慶二十二年此戰關於全歐。故其結局。使大陸同盟解散。而促成維也納之會議。及巴黎條約。與神聖同盟。本論僅取往事之最顯著者。以為立言左。雖至其事實頗甚繁瑣。不暇詳析。列舉。

乙 克賴密阿之戰。二成豐二年此戰乃遏俄勢出於歐東。蓋俄苟越巴爾幹半島。出地中海。東歐形勢將盡變易。故其結局。竟使交好於俄之英。長為讎敵。而成巴黎條約。

丙 普奧之戰。五同此戰之波動區域稍隘而其結局則成義普連盟法普交惡。

丁 普法之戰。九同此戰利害所存不僅兩戰國蓋德則因此統一為僑興國法則因此

墮落故其結局直令德以防法報怨而納交於義俄又與有宿怨之奧相親。

戊 俄土之戰。三光緒此戰實際與克賴密阿異者即俄於未戰時與德奧合從臨土法國

則因駐薩羅尼力領事被害亦問罪於土當時保持土者獨有一英然其結局竟能成

柏林條約而使法俄日親德俄日離馴致有德奧義三國同盟。

己 中法之戰。八光緒此戰結局英法屬地愈多密運互為猜忌英法之交益離。

庚 中日之戰。十光緒此戰結局乃令法為俄俚相與偪害中國德亦屬足其間英日乃

漸交密。

右表所列。僅舉事之最大者。參而觀之。已足見外交為兵爭之力。嚮動而易嚮矣。顧其所以易者。亦非無因而至。蓋其中有由蓄而伸。由窮而變之兩原因。如朕兆既著。而因兵爭之力。以促其成。則前之一原因也。又如人事。執事觀國之日。迷於外觀。兵刃既接。勝敗所分。乃洞見其真相。知往者之可恃。而轉易其結局之途。則後之一原因也。夫外交途轍。固因此兩者以轉易矣。而所以轉易者。要必本於利害關係。今用此理由。以推日俄兵爭之未來結局。殆

將有三現象。

一。英法既以埃及事件新立之約而交親法。又居間以連英俄之好。則此戰後英日同盟之力即當減退。

二。俄法不獨離間英日之交。觀法之結納於美與俄之拊。適於奧。殆有全歐同盟之勢。德既有雄長之心。不能如法之甘爲人用。其勢必將孤立。然德非能伏匿退讓者。終將逐逐於英俄之後。

三。美自夷斐律賓後。汲汲張海軍。欲以太平洋爲己獨有之地。地中海殆將利用日本。或竟成美日連盟。蓋日本與白人連盟之力。若消於英。必長於美矣。

國於天地。必有與立。一矢易折。東矢難摧。諸國之紛紛締結。勢所必然也。蓋今日世界現狀。所以自謀謀人者。固不獨國中有政黨。即國際亦必有黨。黨力益盛。強權亦益以效用。然則彼之龍血立黃者。果何爲乎。質而言之。則自食其保全亞東之口頭禪語。而轉爲協以謀我之圖也。

然上所擬議。猶以日俄兵爭。設爲日本獲最後之勝利。而推測者。已有如是之現象。假使俄人獲最後之勝利。變幻橫出。益難豫知矣。夫外交者。國之第二靈魂也。

太西學者有以兵爲國之第一靈魂。外交

二國之爭 吾今日誠具第一靈魂。固不難因其紛紛親讎。迎之將之。以爲我用。則吾今日最急之務。固當尊重第一靈魂。使之震肢耀魂。乃庶幾可以免豐禍也。

中外交涉彙誌

各國 天津創設會審公堂辦理中外交涉。茲聞駐津各國領事公延北洋法律教習兼商部顧問官林文德君編訂會審章程。故林君親至縣署考察。認獄事宜。以便按照中國例俗。安定規條。惟遇有呈控西人案件。則仍由各該領事作主。以保各國主權。駐滬各國領事。近接江海關道袁觀察照會。內開各國兵輪水手暨各洋人。擅至內地游歷。輒與民人細故起釁。互相爭執。以致民人或被毆傷。或釀命案。似此漫無法紀。實於華洋交涉。攸關。應即咨照貴領事等。轉飭各兵輪管帶及各洋人一體禁阻。擅入內地。以符約章。而免交涉等因。聞各領事業已一律傳諭。

中日英 旅順威海各口俟俄人退出後。有由日本接管之說。或交還中國。責成直督辦理。惟一切善後事宜。必由日本與中國另訂約章。東三省地面俟俄人退後。日本可即交還。惟須遵守日本所定約章。數條。約內載明。養兵若干。儲備軍械若干。以爲守禦之計。其旅順威海各口。如歸中國接管。亦須遵守該約。鎮江向無日本專設領事。一切商務交涉。必須上海總領事經理。近來日商漸盛。由總領事小田切君照會常鎮道。郭觀察。以後遇有交涉事件。可就近與金陵日本總辦商理。以期便捷。

中俄 俄人本擬將營口交與商會政府。以俄人既將該地交還。則中國自應接收。以保主權。而免蹙地。當與日使晤商。亦無異言。現已由直督袁宮保派員接管。辦理善後事宜。關東總督阿力喀塞克夫照會增將軍。云遼陽鐵路交涉局。總辦楊來昭。其類無識。可另派通曉事務之大員。易之。奉天海城縣王大令。無端爲俄人監押。外務部照會詰問。俄使

而復文僅以已將王令釋放一語了之

中英 英國南方南復爾浮海登省議員有名瑞門者質問下議院謂如日本得旅順後我英威海衛租地之條是否作廢外務部二等書記官剖舍伯爵答云據一千八百九十八年條約則曾聲明我英租借威海衛其期等於俄人之租旅順云 中國駐星嘉坡領事委弁辜瓊林押解犯人使其胡字月坡者回粵道經香港爲英官扣留該弁不得已自行赴省稟知粵督岑制軍請示辦理據辜弁謂該犯乃著名逆匪原籍文昌縣未知所犯何案逃往叻埠多方設法始得拿獲遞解 英人馬禮生借游歷爲名在駐滬總領事處領有護照不料領照後即有藉照索取銀錢等事駐蕪湖領事聞之因即照會蕪湖監督董觀察謂馬禮生藉照索詐殊屬不合請轉飭各州縣查核如仍在境即行護送來蕪轉送本署以便按例照辦繼爲駐滬英總領事查悉特函請江海關道轉電各關道俟其到境即將護照扣留該商則交附近領事或關道解滬辦理

中德 江漢關道稟知鄂督張宮保謂得駐漢德領事照會有德兵艦兩艘欲往洞庭鄱陽二湖演炮張宮保照約阻止後又由江海關道電稟張宮保謂據駐滬德總領事照會請准德艦前往鄱陽等湖宮保因前有演炮之說仍不允准現已電咨外務部並由駐漢德領事電稟駐京德使 外務部照會駐華德使畧謂准山東巡撫奏請賞給華德鐵路公司總監工程官員德二等第三寶星已奉諭旨著照所請 德人擬在山東添設領事業與周中丞妥議在濰縣周村添設領事二員

中比 比國近派葛飛業爲駐紮中國公使授以全權

中美 聞寓美華人均因美國禁約將屆期滿曾經聯聚各埠迭次演說設法抵制並屢次公呈出使美國大臣梁星使

暨各埠領事梁星使每次接見會館各董必多方策勵諭令聯合羣力不可渙散官商一氣內外同心辦理方能得手並謂美國習尚喜交游重酬應務須力與款洽庶能得其一二公論以爲我助上議院政府諸要津當由本大臣設法聯絡會館各董日前已公集美金八萬圓爲延聘律師等費梁星使晤會海約翰外部時曾懇請助海氏有現屆選舉誠恐言出怨集將爲人所濟此時萬難幫助將來選舉定時或尙可維持一二之說又聞我政府已向美廷聲明此約必須修改其應改十條如下一禁止華工入美一華工須指明某某項凡非指明者不在禁止之列一美境所有拘留華人之木屋一律除去一美國派員駐上海香港凡華人護照由其簽字到美即准登岸一華人到美如不獲登岸應准律師辨認一旅美華人如欲他往應速發護照並准復來不限時日一旅美華人應得享美國人民之權利安居樂業一檀香山飛獵濱兩處可限制華工不可禁止一華人路過美國應准假道一華人犯罪自應遣送出境惟不得因此援累他人一近得華盛頓消息報稱美國議員已決定以後往巴那瑪運河之華工不在驅逐華人之條例內 駐滬美總領事以杭州口岸美國應享利益及致士甚衆應設領事以資保護之說陳於本國議院遂派安德生爲杭州領事 田莊台華兵誤認美國某報館訪事愛特西爾船爲盜船致將愛君槍斃經直督袁宮保派員會同美總領事會鞠議有三條一給恤銀十萬兩二愛君墓前樹立碑記三嚴辦肇禍華兵美總領事已將其事稟知美使 粵漢鐵路公司有美工某鎗斃華童一案因美人在佛山設西餐店備一諧謔華語之葡婦登樓時門前有多人眺視葡婦不覺以水潑之查西俗野獸嗜草時婦睇則聚而觀之此所以觸其怒也一日觀者虜衆美工某揮之使去觀者弗聽乃投短鎗轟之其彈丸適傷一華童之頸俄而斃美人願賠銀四百五十圓死者父母亦願照收息事惟以鄉人具稟粵督請飭查辦並不准死者收受卹費岑制軍乃照會美領事請辦美領事令將美人押候研究不意美工逃至香港遂請港官密緝旋省電稱該兇已在

省被獲先將衛婦遞解出境又將該店主美入遞解回美而兇手猶候訊辦云

各國交涉彙誌

韓日 韓國排日黨近因日人在韓勢力過大發一排斥日本之通告散布於十三道內部大臣李容泰等實主其事日本駐韓代理公使荻原氏已照會外部請將此案查辦 駐韓日使林董已由韓京起程回國此行專為協商對韓政策之事

韓俄 四月二十八日東京電駐俄韓使李範晉因奉韓皇嚴命一至伯林後仍復轉回俄京而韓政府屢電命其歸國李復電云在俄京之使館費用早罄計向俄人所借已有四萬八千圓若不歸楚則不能歸請將此款速寄云云按曩由韓政府電命李範晉歸國時韓外部已照會韓國總稅務司令其匯寄四萬圓而總稅務司以停止匯寄拒之

英俄 新任駐俄英使嘉爾士哈丁基卿於四月初二日抵俄該使嘗奉英皇面諭凡百交涉和衷辦理期於不損英俄睦誼蒞任後俄政府待遇極厚

英德 英皇愛德華遊覽德國西北鄙之基爾於西歷六月廿四號啓程去時有水兵一大隊扈從及與德皇相會德皇以最親切之禮待之德國水軍與遊軍隊亦皆往迎時德國波羅伯爵當開厄爾期內與德皇同在一處德皇與英皇相會時亦與其列

英巴 英國與巴西國和約已定英國所占利益甚多 英國下議院商議外部之事時查爾斯底爾君於剛果國行政之事大為責備有議員數人欲請萬國公斷外部副書記官迫爾塞伯爵謂意美土三國均願將我國之控詞決議惟他國尙未豫備照此辦理也

外交

德俄 德國近欲與俄立約以波斯達且納爾海峽之利益讓與俄國以易德人在小亞細亞之一切自由舉動
德比 德比所訂商約業已畫押

土俄 四月二十七日倫敦電聞土耳其皇有允俄國要求黑海艦隊過達且納爾海峽之說現土耳其政府聲明實未
允許

意俄 駐華意使格里納君現奉本國之命調充駐俄公使以繼巴羅里君之任

法西 法人爲摩洛哥事與西班牙所立之條約草稿業已議定

奧英 四月二十七日倫敦電奧國太公爵費勒德力克已代奧皇法蘭斯租瑟夫贈奧國陸軍元帥之麾杖於英君太
公爵擬於明日在阿爾德掃特閱看英國第一軍

美土 五月初五日香港電美國因土耳其政府不肯速付摩洛哥亂黨索款以贖所虜美人因欲即派艦隊至土耳其
海灣迫令土政府速了此事

美摩 總統羅斯福諭駐吞奇美領事云速令摩洛哥政府或則交出美人滾田克爾斯之生者或則交出雷斯由利亂
黨頭目之死者

教育

論中國古代教育之秩序 錄四月初四日警鐘報

近世以來。凡士之稍具知識者。莫不知教育之爲急。然學校之設。已及數年。而卒未收教育之效者。則以教育無秩序之故也。一曰學級無秩序。未入小學者。遽入中學。未入中學者。遽升大學。此固躐等之大弊也。然試以入大學之人。與入小學之人。較其程度。固同。其未受教育。亦同。其所以稍異者。則以年齡之長幼。與文理之深淺耳。而躐等若此。其弊一。二曰學科無秩序。同一大學。而教科之目各殊。同一中學。小學。而教科之目各異。或傷於教科之浩繁。或傷於程度之低淺。而私設之學塾。又各本教員一人之見。以自訂課程。有同一教科。而教授之本不同者。又有同一課本。而講授之法不同者。致學科各門。未能畫一。其弊二。有此二弊。此教育所以無秩序也。蓋中國文部未立。而天下所奉爲法程者。僅京師大學堂之章程而已。今姑不必論其章程之善否。試卽天下之官私學校計之。其果能奉行此章程者。蓋已寥寥無幾矣。吾得一語而斷之曰。今日中國之學校。皆無秩序之學校也。中國之教育。皆無秩序之教育也。不獨與東西各邦之法不同。亦且與古代教育之法不同。吾試卽中國古代

之教育論之

三

一百六

五月

一曰學級有秩序也。三代學校之制度。今多不傳。管子弟子職篇。祇言入學之規。皆入小並未詳立學之制。即大戴禮學禮篇。今亦不存。僅散見於賈誼新書。即新書所云帝入南學。帝入東學。帝入西學。帝入北學。帝入太學。承師問道也。惟即小戴禮觀之。則古代四學之制有二。明堂位篇云。米

廩有虞氏之庠也。序夏后氏之序也。瞽宗殷學也。類宮周學也。此指大學而言。考謂天子之

說本之。學記篇云。家有塾。黨有庠。州有序。國有學。此指小學而言。據禮記酒禮篇言主人迎

周人之制。則民之入學者。皆由小學而升於大學。觀漢何休公羊注云。八歲者學小學。其有

秀者。移於鄉學。鄉學之秀者。移於庠。庠之秀者。移於國學。學於小學者。諸侯歲貢其秀者於

天子。學於大學。其有秀者。命曰造士。其說與戴記周官合。案何注多本於前漢書食貨志。今

即其說引伸之。則古人由小學移鄉學。即西國由一尋常小學入高等小學之制也。周禮云

由鄉學移之庠。即西國由一高等小學升中學之制也。王制言命

由庠移國學。即西國由中學入大學之制也。由國學

升之司徒曰選士。周禮言使民與賢入。由庠移國學。即西國由中學入大學之制也。由國學

使長之使民與能入使治之亦此意。

移太學。即西國入京師大學院之制也。王制所謂遺士進士為養所禮由是觀之。則古代

之學制。莫不緣級而升。初無所謂躐等之弊矣。古人謂循序漸進。其此之謂乎。其證一也。

二曰學科有秩序也。論語云。學而時習之。吾即此語而深味之。而知古人之學。有就終身之

時言者。有就一歲之時言者。有就一日之時言者。王注云。通習以時。其說甚確。而朱注云。試

詳言之。其就終身之時言者。如禮記內則篇云。六年教之數與方名。九年教之數日。十年學

書計。朝夕學幼儀。請肄簡諒。十有三年學樂誦詩。舞勺。成童舞象學射御。二十學禮。惇行孝

弟。三十博學無方。孰非古代之學科乎。晉書內則此語。與之而知古人之入學也。先智育後

即語言文字之學也。昔者於禮。禮者即音。樂者即歌之學也。此皆屬於智育。若夫舞勺舞象學射御。即

於德育而今之施教育者。不明此意。往往偏重體育。而大戴禮保傅篇亦言古

者年八歲入就小學。學小藝。履小節。束髮就大學。學大藝。履大節。與內則所言差合。皆古人

入學之秩序也。其就一歲之時言者。則禮記文王世子篇有云。凡教世子及教士。必時。春夏

教干戈。秋冬教羽籥。此教於又云。春誦夏絃。秋學禮。冬讀書。此教於皆指大學課程言。此

古人一歲中肄業之秩序也。秦三國志稱魏武帝春夏學禮。冬學書。其其就一日之時言

者。則國語所謂士朝而受業。晝而講貫。夕而脩覆。夜而記過。無憾是也。見魯語。敬姜對而過

子之記周公勸學也。亦曰朝誦書百篇。皆學有定程之證。此古人一日中課程之秩序也。

南極公曰。運百。以上所言。皆足證論語時習之說。蓋論語之所謂時。即今人所謂秩序也。

當其可之為時。足見。觀於論語時習一言。而知古人之學科。無不有一定之秩序矣。

古人視時字甚重。其證二也。

由此二者觀之。則古代所謂教育者。教有定程。課有定業。無過與不及之患矣。乃中國人民

喜崇古制。而於古代秩序之教育。反貽數典忘祖之譏。故漢族人民。永無進化之一日。則中

國學校。雖謂無一完全之教育可也。況近世以來。教育一端。復生二弊。一曰崇歐化。而遺國

粹。二曰輕實科。而尚理論。前之所言。是與祖國之教法不合也。後之所言。是與西國之教法

相背也。而究之二弊之生。皆由於無秩序。則秩序二字。為今世言教育之首務矣。又恐舉西

國教育之秩序。不足取信於國民。故更即古代教育推言之。

中國進化。最先放古代之學制。與西國學制。合如謂。西國學制。取法中邦。則誠。附會之談矣。

論提倡女學之宗旨 節錄四月初六日大公報呂蘭清女士來稿

有世界必有競爭。有競爭而智慧之機發焉。優劣之種判焉。強弱之國別焉。競爭之道。惟合羣乃能取勝。蓋萬事莫不成於合羣。而敗於解體也。今頑謬之鄙夫。聞與女學倡女權等說。

必。蹙。額。相。告。曰。是。殆。欲。放。蕩。弛。跡。脫。我。之。羈。勒。而。爭。我。之。權。利。也。不。知。女。權。之。興。非。釋。放。於。禮。法。之。範。圍。實。欲。釋。放。其。幽。囚。束。縛。之。虐。權。且。非。欲。其。勢。力。勝。過。男。子。實。欲。使。平。等。自。由。得。與。男。子。同。趨。於。文。明。教。化。之。途。同。習。有。用。之。學。同。具。強。毅。之。氣。使。四。百。兆。人。合。爲。一。大。羣。合。力。以。爭。於。列。強。合。力。以。保。全。我。種。族。合。力。以。保。全。我。疆。土。使。四。百。兆。人。無。一。非。完。全。之。人。合。完。全。之。人。以。成。完。全。之。家。合。完。全。之。家。以。成。完。全。之。國。其。志。固。在。與。全。球。爭。也。非。與。同。族。同。室。之。男。子。爭。也。或。曰。中。國。之。自。強。在。二。百。兆。之。男。子。足。矣。奚。用。女。子。爲。而。不。知。國。之。有。男。女。猶。人。體。之。有。左。右。臂。也。雖。一。切。舉。動。操。作。右。臂。之。力。居。多。然。苟。將。左。臂。束。縛。之。斫。斷。之。尙。得。爲。活。潑。之。軀。乎。尙。得。爲。完。全。之。體。乎。近。日。日。本。盲。啞。兒。童。之。入。學。者。約。萬。餘。人。英。國。婦。人。復。有。聾。瞽。學。堂。之。設。彼。本。殘。疾。之。人。尙。不。捨。爲。棄。材。豈。中。國。二。百。兆。完。體。之。人。反。捨。之。爲。棄。材。乎。中。國。自。羸。秦。立。專。制。之。政。行。愚。弱。黔。首。之。術。但。以。民。爲。供。其。奴。隸。之。用。孰。知。竟。造。成。委。靡。不。振。之。國。轉。而。受。異。族。之。壓。制。而。男。之。於。女。也。復。行。專。制。之。權。愚。弱。之。術。但。以。女。爲。供。其。玩。弄。之。具。其。家。道。之。不。克。振。興。也。可。知。矣。夫。君。之。於。民。男。之。於。女。有。如。輔。車。唇。齒。之。相。依。君。之。愚。弱。其。民。卽。以。自。弱。其。國。也。男。之。愚。弱。其。女。卽。以。自。弱。其。家。也。惟。願。此。後。合。君。民。男。女。皆。發。采。省。協。力。以。圖。自。強。自。強。之。道。須。以。開。女。智。興。女。權。爲。根。本。蓋。欲。強。國。者。必。以。教。育。人。材。爲。

務。豈。知。生。材。之。權。實。握。乎。女。子。之。手。乎。兒。童。教。育。之。入。手。必。以。母。教。爲。基。若。女。學。不。興。雖。通。國。遍。立。學。堂。如。無。根。之。木。卒。鮮。實。效。故。外。國。嬰。兒。學。塾。多。以。婦。人。爲。師。欲。求。強。種。者。必。講。求。體。育。中。國。女。子。不。惟。不。知。體。育。爲。何。事。且。躓。其。足。生。性。戕。伐。氣。血。枯。衰。安。望。其。育。強。健。之。兒。而。無。怪。我。中。國。民。種。之。以。劣。聞。也。由。是。觀。之。女。學。之。興。有。協。力。合。羣。之。效。有。強。國。強。種。之。益。有。助。於。國。家。無。損。於。男。子。故。近。世。豁。達。之。士。每。發。其。愛。力。傾。其。熱。誠。以。提。倡。之。其。不。明。此。理。者。則。每。以。分。己。權。利。脫。己。羈。輓。爲。憂。吾。聞。李。文。忠。對。德。相。畢。司。麥。自。誇。其。平。粵。寇。之。功。畢。司。麥。猶。以。殺。戮。同。種。譏。之。今。男。子。以。本。國。女。子。受。已。壓。制。爲。榮。豈。不。大。謬。乎。既。無。權。術。壓。制。敵。國。徒。施。其。野。蠻。手。段。壓。制。同。室。無。能。爲。力。之。人。存。一。己。之。私。見。忘。國。家。之。公。益。吾。故。目。之。爲。頑。鄙。夫。也。

右論國家之公益

今欲激發箇人之權利。姑先從箇人之形體上論起。夫此身者。爲天所賦。完全自由之身也。與以支體。使能運動。與以耳目。使能見聞。與以唇舌。使能語言。與以精神。使能發思想運智機。天之生人。未嘗不各與一完全之形體也。乃中國之民。同生於公衆之世界。同具個人之形體。忽嚴劃爲兩界。男子得享人類之權利。女子則否。只爲男子之附庸。抑之制之。爲玩弄

之具。爲奴隸之用。荀奉倩曰。女子以色爲主。太史公曰。女爲悅己者容。是指爲玩弄之具。明矣。詩曰。乃生女子。載寢之地。又曰。惟酒食是議。則甫出母胎。便寢地以卑之。以酒食爲責任。是指爲奴隸之用。明矣。造其馴伏之性。奪其自主之權。權者。人身運動之大機關也。無權則身爲木偶。雖有支體。以資運動。然壓制之排叱之。即不得運動。雖有耳目。以資見聞。然幽閉之不許出戶。即不得見聞。雖有精神。以利益思想。然不許讀書。以開心智。即難發思想。是天賦之形體。已不能爲己有焉。夫奴隸乞丐。雖無一長物。而一身尙可爲己有。女子乃竟奴隸乞丐之不若。更何言乎女學。更何言乎女權。至於事業。爲官爲吏。固不可得矣。以至於爲士不能。爲農不能。爲工不能。爲商不能。下至欲爲奴隸。亦不克自主。只有仰面求人。給衣食。幽閉深閨。如囚犯而已。囚犯猶有開赦之日。此則老死無釋放之期。嗟嗟。是何乾坤而有此慘澹昏黑之地獄耶。昔白傅詩云。爲人莫作婦人身。百年苦樂由他人。蓋古人已知其隱痛矣。然今試舉一女子問之曰。爾苦耶。樂耶。必曰。吾樂也。無所苦也。此皆由性質之腐敗。思想之壅塞。腦力之消亡。奴隸之性。造成習慣。不以爲苦。只求得衣食之資。花粉之費。便相安而自足矣。哀莫大於心死。吾二萬萬同胞。誠可謂身未亡而心已死之人也。惟願此後各喚醒酣夢。振刷精神。講求學問。開通心智。以復自主之權利。完天賦之原理。而後已。夫奪人自主之權。

卽。阻。人。運。動。之。機。阻。人。運。動。之。機。卽。斷。人。求。生。之。道。人。生。於。世。孰。不。求。生。今。日。之。言。自。主。乃。環。球。最。當。之。公。理。絕。無。可。諱。者。也。凡。我。同。志。其。慎。重。以。圖。之。勿。畏。難。而。退。敗。則。幸。甚。

學務大臣榮等奏議推廣學堂辦法摺

光緒二十九年五月初六日准軍機處鈔交貴州學政趙惟熙請推廣學堂辦法一摺奉
硃批管學大臣議奏欽此查原奏內請 聖駕臨幸學堂及請各省高等學堂 頒發匾額
等語竊維視學之典載於禮經漢唐以來聿循斯軌我 朝 列聖相承亦咸有 臨雍典
禮京師大學堂循名責實用意無異成均擬俟堂舍落成人才興盛屆時由臣等請 旨遵
行至各省高等學堂亦請俟規模完備後照從前書院之例由督撫學政奏請 頒發 御
書匾額用以風示士林又稱各省舉辦學堂督撫事繁擬請 旨每省特派總監督一員各
等學堂統歸管轄各省學臣俾兼斯任似亦相宜等語查創辦學堂必從師範及中小學堂
入手凡延請教習考察人才籌畫經費全在各府州縣切實奉行尤在督撫之提綱挈領呼
應始靈另派總監督人多權分不如專任督撫事權歸一至學政本有育才之責出棚考試
按臨所及於各府州縣之學堂情形可以親身考究應令按照學政職守會同督撫整理學
校事宜所有添派總監督之處應無庸議至所稱整飭武備學堂審定學報各等語已列於

奏定學務綱領第五十條及五十四條內無庸另議又稱學堂給發卒業文憑應兼列教習銜名各等語查外國學校本有此辦法應請俟將來給發文憑時參酌辦理謹 奏

出使日本大臣楊奏陳兼管學務情形摺

竊奴才欽奉 恩命兼管游學生總監督受任以來兢兢業業既不敢務爲覈刻阻學生進步之機又不敢過事優容長學生囂凌之習因擬經權并用以期調劑得宜茲謹將辦理情形謹爲我 皇太后 皇上陳之緣近數年間各省官費自費生到東游學者日增

月盛其中循規蹈矩專務學業者固多而縱性任情好爲橫議者亦在所不免此等學生均應善爲開導使之改良勢不能遽繩以法蓋出洋學生與在內地者不同遇有事故其法權須操之外人也然監督平時接待學生亦不可過於謙抑輕於然諾誠恐過於謙抑則學生有藐視之意輕於然諾則學生有非分之求求之不得則以小事衍作大題多方挾制名爲動公憤其實洩私嫌慫恿多人聚而生事迨至事體難以轉圜不得不告之外人乞爲捕治夫以己之學生竟至乞捕治於外人未免貽學生之口實致外人之譏評甚非計也奴才之意以爲學生不憚勞苦遠別家室負笈東游無非欲學就通才歸而致用爲監督者正宜自處若父兄視之如子弟時時愛護事事體恤其有銳志向學者則獎勵誘掖之隳行廢學者

財警覺提撕之務必動以真誠自知感愧既知感愧則知敬畏雖有桀鯀不馴之氣亦漸潛消奴才有見於此故於學生之到署請謁必隨到隨見無所阻拒並親詣游學生會館傳集大衆演說正宗大意是勸勉各學生共抱忠愛之忱勿蹈詖邪之行其湖廣督臣張之洞奏定約束游學生章程亦經雇匠刊刷多張分給各省游學生遵守奴才聞日仍親率參隨各員輪流到各學校考察各學生課程各學生如有切己之事應爲料理者亦准其隨時面稟總期上下情誼息息相通不致分疏勢隔互啓猜疑至各學生遇有受人欺侮者查得實據必爲之申理以故各學生多心悅誠服邇來甚屬安靜并無譁張爲幻之事第念各學生品行之優劣學業之勤惰非詢之校長教習不能得其底蘊因與各校長教習時相接洽而各學生見此情形倍加勤慎奴才現查得各學校共有中國學生一千三百餘人其中學文科者一千一百餘人學武科者二百餘人其數不爲不多然奴才竊昧之見以爲日本陸軍經營數十年成效最著中國似宜添派學生來東專送入陸軍各學校以期成就遠大用濟時艱曩者日本陸軍諸將佐曾與前總監督汪大燮言及中國學生在陸軍各學校肄業者係由陸軍大臣奏明日君撥發庫款添建屋宇加派委員教習別給薪俸使專理其事第中國於此等學生時派時止或多或少頗難辦理嗣後宜定額數每歲或派二百人或百餘人

或兩次或一次分班來東入校肄業則屋宇俸薪不爲虛設等語近日諸將佐又以前言向奴才面述具見彼國實有期望中國振興陸軍之意攷日本陸軍教育係以忠君愛國順服長官爲宗旨并無侈言自由與政府反對之弊惟是學陸軍者每歲所費較多於學文科者數倍非自費生所能備辦似宜以官費培植之俾資造就卽如日本現在尙不惜鉅費歲派成材數十人游學歐美其用心深遠可爲借鑑查管學大臣張百熙等近已奏派學生三十餘人來東送入文科各學校肄業惟當此列強環伺我圍孔棘武科較文科更重未可緩圖雖各省督撫近亦有選派武學生來東肄業者然爲數有限恐不敷千城之選應否飭下各省將軍督撫於世家宦族內遴選文武兼資之少年學生添派來東分定班數人數送入陸軍各學校肄業以廣將才而資錄用之處出自聖裁再查各省游學生近日均知朝廷興學育才之意至爲急切多有爭自濯磨以期學成見用者奴才仍當隨時認真約束考察并將未盡事宜咨商管學大臣暨各省督撫妥爲辦理謹奏

四川總督錫奏請設立軍醫學堂片

再行軍必醫士相隨卽平日星碁列成不無潦霧熏蒸之患待人療治泰東西皆精此學金創尤奏奇功川省於此闕焉弗講奴才現已在省設一軍醫學堂聘法醫士羅尙德充當教

習駐堂肄業學生定額三十名營各一人卒業回營更番供送歲籌經費其數無多蘇疾癘而救傷痍似亦行間不廢者也謹 奏奉 硃批該衙門知道欽此

日本法政速成科規則

第一節 主旨

第一條 本大學之法政速成科以教授清國現代應用必要之學科速成法律行政理財外交之有用人才爲目的

第二節 教授及通譯

第二條 教授以日本語口授更以中國人通譯華語學生得以漢文筆記講義

第三條 教授聘日本之法學博士學士之法學名家深於學術有富於經歷者

第四條 通譯者請留學日本之帝國法科及私立各大學之清國留學生學有根底者

第三節 學科

第五條 學科之分目如下 法學通論及民法 商法 國法學 行政法 刑法 國際公法 國際私法 裁判所構成法 民刑訴訟法 經濟學 財政 監獄學

第四節 課目時間表

第六條 課目時間表如左

計	經 濟 學	裁 判 所 構 成 法	國 際 公 法	刑 法	國 法 學	法 學 通 論 及 民 法	學 科	第 一 學 期	每 週 授 業 時 數	商 學	第 二 學 期	每 週 授 業 時 數
								一〇	一			
計	監 獄 學	財 政 學	國 際 私 法	民 刑 訴 訟 法	行 政 法	商 法	學 科					
二五	一	四	二	六	六	六						

第五節 實地教授

第七條 本科教師於講堂教授外更時率本科學生實踐日本司法及行政各官衙及其他官私之設營物爲實地教授

第六節 卒業期 學期 休業日

第八條 左之日爲休業日

每日曜日大祭祀日 冬期休業自十二月二十五日至翌年一月七日 夏期休業臨時定之

第九條 以六箇月爲一學期第一期自陽歷四月一日起至九月三十日止第二學期自陽歷十月一日起至翌年三月三十一日止

第十條 滿兩學期爲卒業期

第七節 授業費 入學費 通譯費

第十一條 每月繳授業費日銀六圓但本科學生未滿三十四人時須繳總數日銀貳百圓滿八十人以上則每月減三圓

第十二條 入學時另繳入學費兩圓

第十三條 通譯費臨時定之

第八節 入學期 入學資格 退學

第十四條 入學期每年定四月及十月 兩期但臨時補缺時亦得入學

第十五條 有人本科資格者一清國在官者及候補官員二清國地方之士紳年齡已二十歲之有志者但漢文均須有根底者方許入學

第十六條 凡入學者均須有清國公使之紹介

第十七條 凡人學者須先具履歷書誓約書各一通於總理書式略

第十八條 本科學生在學中如有不良行爲及不堪造就者得命之退學

第十九條 凡已入學而中途退學者已繳學費概不算還

第九節 試驗

第二十條 試驗於每學期末行之如學期末而有疾病及不得已之事故不能應試或應試而不合格者得於次學期試驗時同時補行試驗

第二十一條 兩學期試驗均合格者得授以卒業證書

第十節 校章及校服

第二十二條 凡入學者均須着用本大學制定之制帽及制服制帽及制服之式樣惟奉有常職在日之官員不在此例

第十一節 講舍及寄宿舍

教育

第二十三條 本科之講舍設在日本東京麹町區富士見町六丁目十六番地

第二十四條 本校得附設寄宿舍由本大學直接監督

第二十五條 宿費及食費雜費等臨時定之

各省教育彙誌

北京 國子監肄業定額四十名今由司業承祐奏請推廣以五十人爲正課以三十人爲附課均住堂肄業即邀 恩

准 商部奏設之實業學堂業經覓定西四牌樓舊神機營公所地基大加修葺并添建講堂宿舍現已將次竣工

練兵處奏設之測繪學堂已擇定東四牌樓豆腐巷某姓宅訂於五月內招考 京師校場五條胡同所設西城教養局

經夏侍御敦復具摺奏請擴充奉 旨着交商戶二部五城順天府會議蓋由戶部准撥銀四千兩五順城天府復撥有

的款仍歸五城察院管理

直隸 學校司詳請直督袁宮保通飭各屬開辦教育研究所又各屬蒙小學堂添設唱歌均經袁宮保批准 西甯縣

紳士井應斗變產報捐學堂經費銀一千兩又監生井汝湘遵其祖母井李氏母井高氏之命變賣奩粧亦報効銀一千

兩又昌黎縣婦孺張李氏報効學堂經費一千兩均經袁宮保奏請準其建坊旌表云

山東 曲阜孔燕庭上公接東洋留學生陳憲銘來書勸其興學乃商之曲阜朱大令吉夫擬在曲境十六社各立蒙養

學堂一所擬將所購書籍先行飭發曲阜中小學堂並校士分館任人閱看隨再請倡辦學堂之事其最竭力贊成者爲

聖俞孔京曹繁裕 濟南商會公所設於省城西關商會第一小學堂房屋器具均已預備整齊定於日間開學其章程

均仿官立學堂之制並附設西文一科 濟南省設立教育研究會入會者已有四百數十人本省三百數十人外省百餘人南人居多其中官紳士庶咸集不限名位云 泰安新建小學堂業於四月初十日延中西教習到堂開學 山東沂屬殷實僧道甚多往往一僧道主持二三廟宇每廟產業少者膏壤數十畝多者至一二頃或四五頃不等費縣郎邱孔家灣等處紳董以立學爲當今急務而籌款不易遂公司商酌一僧道而主持數廟者祇准其有一廟產業作用其餘所入作爲私立學堂之費

江蘇 前充蘇州府中學堂教習顧少逸之子在石子街本宅設立城東小學堂額設一百名月收費銀五角所延教習僅漢文三人珠算一人刻已招考學生云 吳淞鎮慶小學堂一切均仿日本蒙學堂辦理今春二月開學分甲乙兩班教授頗有進益前由教習率領學生應新聞何氏小學堂之請在何氏花園比賽幼童運動會 上海城內東喬家浜幼穉舍甲辰正月開學創辦者爲朱秋賢程穎兩女士以調護兒童身心改良家庭習慣爲宗旨學生不論男女以五歲至八歲爲限定額五十名寄宿十五名每月束修一圓二角寄宿費四圓八角現開學徒已有二十六人云

安徽 蕪湖西門內德源公所業已開設閱報處願閱者晨十鐘起至晚五鐘止皆不取費

江西 萬載縣知縣張子晉大令創興小學堂擬按照學額派捐計土籍二十九名分派六區共捐二萬九千金客籍六名分派東洲共捐六千金各紳富見科舉將停非此無由出身遂即慷慨承認大令隨聘定浙江朱君亦尊爲西文及體操教習豐城歐陽君溥存爲華文及算學教習此次一二區鵝峯小學堂則另聘中學教習算學教習各一人已於四月初五日開學

浙江 紹屬山會北鄉義塾自光緒二十六年創設皆由本地紳董出款其教科分內外二課內課係尋常小學級外課

初設蒙學專授農工子弟其教國文法以俗語入手先由雅翻俗後由俗翻雅再進以粗淺文法大約尋常不識一字之人不過半年便能造句寫通俗信札此外兼教習珠算估看洋銀等項以便普通社會之用現因經費不敷裁其小學級而專教蒙學級今歲相繼而起之蒙學以安城務義爲最盛學生已有二百數十人惜其教科不能完善耳 嚴州地瘠民貧且皆山境於樵種外別無生計黃峙青太守會紳集款創設工藝局招生教授製皂織巾軋棉等新法并課國文業已開辦

福建 與郡張治如孝廉等近創設閱報公所所在府城考棚街名曰醒社購備新出書報頗稱完備 仙邑本係僻壤近有富紳蔡崧山二尹等由滬上購回書報於仙邑西門外設一書報社以備公閱聞其社名社章皆與府城畫一免致紛歧

湖南 長沙城內學校實數計官立者爲師範館高等學堂忠齋學堂校士館武備學堂將弁學堂蒙師講習所體操研究所醫學堂工藝學堂百業學堂長沙小學堂善化小學堂附屬小學堂半日學堂計十五所民立者爲明德速成師範學堂明德中學堂明德高等小學堂經正小學堂修業小學堂敬業小學堂修道小學堂忠益小學堂長沙民立第一中學堂高等普通學社甯鄉中學堂東文學社英文學社安徽旅湘公學民立第一小學堂淑慎小學堂科學研究社成性小學堂求是學堂高等普通學堂計十九所都凡三十四所 湘鄉縣開設信立第一高等學堂由寺僧集資開辦招取各屬士人肄業設額一百八十名業經稟奉撫憲及學務處立案照官立學堂一體保護每六個月爲一學期每期先交學費錢五千文外伙食雜用錢十四千文定於六月初一日開學 湘省女學堂自維新開辦於千壽寺創辦後旋已足額又南城內有第一女學堂李曾氏又獨創淑慎女學堂計已入學堂者一百八十四人繼起者仍日有所聞即未入學

堂者亦皆看女學報在家從父兄受讀不羈足者亦所在風行且所習柔軟體操兩星期亦皆就範視男學堂誠有過之湖北 學務處收考之各屬生員前已驗看分別撥入文武學堂及師範方言各學堂日來紛紛示期考試惟師範學堂爲最速已於初八日開學 自江南旅學裕昆公塾開辦後凡寄居鄂省仕商聞者莫不興起四月時浙皖贛三省並合併江南一時稱盛今山西陝西甘肅三省仕商亦提議興辦秦晉隴三省旅學一切章程悉遵 欽定酌用以期與江南並軌方駕堂中事務悉由同鄉公舉名譽員任之現聞已公舉吳本植太尊爲監督張副戎彭吳大令星映爲提調焦大令元聲蘇孝廉鏡清吳茂才雲卿爲幹事 夏口應馮少竹司馬擇定由義門外曠地建造育務學堂規模頗爲宏大四川 四川夾江縣學堂現經宋大令萬選設法籌款除小學堂外另設公立蒙學堂四處其木城塢甘家場大地方亦各設公立蒙學堂一區其款項則照以前積穀辦法稟條糧一兩捐市斗穀三斗每斗折收錢三百文約計共收穀一千二百餘石照市價可折收錢三千六百餘串又提各廟會斗息酌提湊集照在前積穀之例每條糧一錢以上照收其一錢以下小糧一槩免收 銅梁縣黃德潤大令於數月內辦成小學堂約費萬金又公立蒙學數十所又在城內敬節堂撥借廳堂立女學一所去秋創辦來學已五十餘人地窄難容今年又在城內養濟院借房屋添設一所北路安居南路虎學場戶口繁多立一女學城鄉共四女學堂凡七八歲至十歲幼女均送入學讀書習字學算 胡雨嵐太史自日本回川後錫制軍即延爲學堂總理現已將高等學堂開辦

廣東 南海會議學務一事五月初十日傳令經詣學務公所與邑紳妥議一切已決定將學宮修改爲學堂 岑制軍創辦將弁學堂蓋因營員向未受武備教育而又不能使之再歷小學各科特將孫子一書改用白話演義使之一讀便了 學堂設於東門新葺目院委李觀察光親爲總辦由善後局先支出開辦公費銀一萬員購買儀器每月支二千四

自員爲經費俟開辦後如何擴充再由觀察稟請辦理現已連日由各營送候補各員到堂考驗 廣州城西節孝祠之
述善小學堂現又添設一半夜學堂不收修金專爲勞働子弟學習之所擬收學生四十人 揭陽紳士近借城西林家
祠開設教孝學堂就學者五六十人教習爲邑明經黃映奎蕭占梅二人善於辭令每夜自八點鐘登堂宣講孝經諸書
至十一點鐘止男婦老少環坐觀聽者以數百計

廣西 梧州容縣陸君龍廷捐貲倡設女學校黃君用甫爲之擬訂章程電招桂林高等學堂總理沈雁談之夫人及其
女公子爲教習將以六月開校且聞其縣破去神權陋俗佛寺神祠多變爲學會閱書報公益之地

蒙古 蒙古科爾沁親王發憤圖強近托慶王代聘日本博士及其妻在府第建築學堂兵舍招選蒙古男女學生數十
名一俟某博士夫婦到後即當開學分別教授中日各種功課體操又自京城領到曼里夏新鎗五百桿及藥彈操衣皮
靴皮帶藥囊書籍地圖儀器等件運至府第另在蒙古抽選少年體壯子弟五百人亦由該堂中日教習授以日本操法
閱學堂中有十餘學生專習武備爲專門功課將來學成即以充當練兵教習云

財政

書赫德籌餉節略後 錄三月初六日警鐘報

稅務司赫德之陳籌餉節略也。謂中國之田可得八千頃。若每畝加錢二百文。則每歲可得八百兆。中外日報已作論駁之。吾謂此法不可通行之故。僅有三端。

一。此議於中國不可行也。中國理財之目的與西人不同。夫租稅出於民。所以集全國人民所輸納以供國家行政之用者也。國家集公眾之財以治公眾之事。民事日繁。國用日益。即租稅亦日加。此西人取民之制。所以重於中國也。中國自三代以降。誤認朝廷為國家。使君主之財遂無限制。三代之時。財用計於太宰。而帝王之財亦二。一。二。三。四。五。六。七。八。九。十。十一。十二。十三。十四。十五。十六。十七。十八。十九。二十。二十一。二十二。二十三。二十四。二十五。二十六。二十七。二十八。二十九。三十。三十一。三十二。三十三。三十四。三十五。三十六。三十七。三十八。三十九。四十。四十一。四十二。四十三。四十四。四十五。四十六。四十七。四十八。四十九。五十。五十一。五十二。五十三。五十四。五十五。五十六。五十七。五十八。五十九。六十。六十一。六十二。六十三。六十四。六十五。六十六。六十七。六十八。六十九。七十。七十一。七十二。七十三。七十四。七十五。七十六。七十七。七十八。七十九。八十。八十一。八十二。八十三。八十四。八十五。八十六。八十七。八十八。八十九。九十。九十一。九十二。九十三。九十四。九十五。九十六。九十七。九十八。九十九。一百。海之說以為普天之下莫非王土。人民之財產君主可任意取之。不務各國憲法皆有臣民而世之為君主者。遂儼然以天下為一己之私產矣。不圖天下之公益。獨謀一己之私藏。凡一切聲色宴游之費。無一不取之於民。而理財之官。遂儼然為君主之私設矣。吾觀漢武以開邊而興鹽鐵厚利也。而賢良文學力斥之。荆公因富國而行征輸良法也。而韓富二蘇力阻之。其故何哉。則以專制之國。君民貧富為反比例。財聚於上。即不能復散於民。此加賦二字。

財政

一百二十一

甲辰

所以為中國病民之本也。且理財之目的既訛，則君民之間自不能相孚以信。為之民者，既不知國用之何在，見上之寡取於民也，則頌之為賢君；見上之多取於民也，則稱之為虐政。至田畝之肥瘠，租稅之重輕，雖載之簿書，詳之史冊，然即其實數而稽之，則民以是欺其官，官以是欺其君，上下之間互相欺隱，偶有欲清其弊者，則宇文融之括逃田，賈似道之行公田，已無不為小民所側目矣。此固歷代之政體使然，而未能使之驟信者也。其故一。

二、此議於今日不可行也。吾觀近世以來，租稅甚薄，其取民之制大抵皆二十取一之制耳。然康熙之世，既徵浮糧，如康熙時江南加徵行日，僅至道時後續行又江有糧道所屬有會

而加至八九錢名曰均，雍正之時復提火耗而各省所徵之雜稅尤足以擾民。如國中之雲

平昔見各大臣奏疏，加以旗丁之轉漕吏胥之舞弊，如或司以前每私派倍於官徵，雜項浮於正額，分外之誅

雲南之勳莊江南之市糧口，加以旗丁之轉漕吏胥之舞弊，千故完錢糧之私派倍於官徵，雜項浮於正額，分外之誅

益法是也類此者各省甚多，加以旗丁之轉漕吏胥之舞弊，千故完錢糧之私派倍於官徵，雜項浮於正額，分外之誅

千今每銀一兩僅易錢一千餘文而完錢糧之銀，私派倍於官徵，雜項浮於正額，分外之誅

凡昔之完銀一兩者今仍完錢二千真異聞也，私派倍於官徵，雜項浮於正額，分外之誅

求無名之賠補，見無錫縣暴斂橫征，浮於往昔，雖有免租薄賦之政，果何益哉！且雍正之時，於

川蜀之田亦行文量之法，而卒不能推廣者，則以清地之法不能行也。靳輔、孫嘉淦諸臣於

理財之策亦言取賦之太輕而卒不能改革者，則以加稅之法不能行也。今赫德所陳之議

雖以練兵興學諸事為名，然一年賦稅所入何以不足取給而必為是額外之加賦，無豫算

雖以練兵興學諸事為名，然一年賦稅所入何以不足取給而必為是額外之加賦，無豫算

雖以練兵興學諸事為名，然一年賦稅所入何以不足取給而必為是額外之加賦，無豫算

之表而徒為塗附之求下民雖愚豈無稍明此義者何肯以深仁厚澤之虛文而行損下益上之實耶其故二。

三。此議出於赫德尤不可行也。中國之民富於排外之思想於西政西法無一不視為病民。今籌餉之議出於赫德即使為利民之政愚民猶將議其非況病民之政耶且中國所行之政無一不足以擾民。昔順治時山東河南各撫臣以墾荒蒙賞而百姓以賄熟受困歲增租稅十萬大抵多得之鞭箠。見徐維維幼庵此固前車之鑒也。況此制一行必先行文量清地之法則冠蓋之使又將交錯於途是巡方御史之職復設於今也。巡方御史之設乃順治時事且十八行

省之田畝有因水涸而致荒者。如陝西山西諸省是有因近水而湮沒者。今江蘇蘇州松江等處是

有因地瘠而改植煙艸者。如徐州是又何能一一責以升科乎。中國之田賦往往有田墾田

亦甚加以胥吏之騷擾守令之苛索公私頑擾民不聊生。民字文意括其田之即使無加稅

之文猶將興人民之怨讟况增加租稅與永不加賦之旨相背耶故此制一行凡艸野之愚民不以為政府籌集國用而以為西人搜括民財將排外之思想日益以深勢必至又釀庚子之禍何赫氏之不念及此耶試觀鉅鹿之仇洋舞陽之仇教大抵以加捐之故而遷怒於西人則加賦之足以致亂明矣其故三。

嗟乎。財用者。經國之大本也。租稅者。國用之大宗也。豈租稅之不可加與。不過中國之民。不能堪加稅之苦耳。亦非謂中國果無加稅之一日也。特加賦之法。不能驟行於今耳。此固受政治民族風俗上之影響者也。何能以西人理財之法相衡哉。故推其不可行之故。以著於篇。

論銅元定價參差之流弊

錄五月

日北洋商報

廣東錢局所鑄銅元。每百枚合龍銀一元。值銀七錢二分。江浙等省及天津北京。均每一銅元作制錢十文。以百枚計。合市價應得銀九錢二分。以粵省之銅元。運至上海。轉運各處。每百枚可獲利二十餘枚。故鑄出後。即紛紛販運。統計本年春季。共運出銅元至一千八百萬枚之多。雖晝夜兼工。極力趕造。而本省市面。終不能存留。徒爲奸商開無盡之利源而已。致國法輕重。係生民命脈所關。故各國政府。最注意於此。不但於本國之錢幣制度。時時調查。務使其合於時用。不令有絲毫流弊。并須隨時與外國之國法。參觀合計。以防有輕重懸殊。外溢內灌。貽害本國之弊。但外國之國法。權非在我。必不能使之與本國之國法一律。亦惟改整己國之制度。以適於交通之用而已。至於一國之內。則無論境土之大小。人民之衆寡。於日用必須之錢幣。必須整齊畫一。斷無此重彼輕。自相紊亂之理。惟中國國法。尙墨守數

千、年、前、用、銅、之、舊。雖、劑、以、銀、塊、而、成、色、分、兩。高、下、參、差。南、北、東、西。處、處、各、異。在、閉、關、自、守。之、世。商、務、未、興。往、來、無、幾。雖、有、未、便。尙、未、覺、顯。爲、民、害。自、開、埠、以、來。輪、舟、鐵、路。胸、息、千、里。電、報、郵、便。遠、近、一、致。乃、猶、蹈、常、襲、故。不、知、爲、因、時、制、宜。之、計。奸、商、蠹、役。乘、間、貪、緣。販、易、往、來。顛、倒、播、弄。不、但、商、務、受、其、窒、碍。將、小、民、之、生、計、亦、胥、被、其、唆、削。而、無、以、自、存。禍、害、之、烈。不、可、勝、言。此、特、其、見、端、之、始。而、尙、非、其、極、致、也。近、日、北、京。銀、價、日、昂。每、龍、銀、一、元。值、銅、元、九、十、餘、枚。而、天、津、近、在、咫、尺。則、僅、值、八、十、一、二、枚。是、每、銀、一、元。相、去、至、百、分、之、十、五。販、者、朝、往、夕、返。坐、獲、厚、利。是、以、各、省、解、運、銅、元、至、京、者。已、不、下、數、百、兆。而、北、京、錢、市。往、來、仍、無、一、文。此、顯、在、耳、目、之、前。所、易、見、易、知、者。而、當、道、者、多、忽、略、視、之。以、爲、此、瑣、碎、之、事。無、足、重、輕。一、任、其、往、來、販、運。略、不、顧、問。若、云、北、京、無、需、乎、此。不、妨、聽、其、銷、流、外、出。以、免、壅、滯。則、當、日、於、數、千、里、之、外。水、陸、起、運。豈、非、徒、勞。若、云、因、北、京、現、錢、支、絀。故、俸、餉、搭、放。藉、此、調、劑。以、資、周、轉。則、既、放、之、後。當、時、時、查、核。以、察、其、果、能、調、劑、與、否。而、後、爲、後、圖。乃、者、於、一、解、之、後。固、已、卸、厥、責、而、放、者、於、一、放、之、後。亦、永、不、問、訊。是、設、廠、鑄、造、委、員、解、滙、糜、費、千、萬。徒、爲、奸、商、開、方、便、之、門。而、非、爲、民、生、謀、利、益、也。使、僅、無、利、益、而、不、致、更、有、他、害。猶、可、言、也。乃、今、則、不、但、無、益、且、更、貽、商、民、以、無、窮、之、害。則、國、家、又、何、必、多、此、一、舉、爲、也。雖、然、是、說、也。非、謂、銅、元、之、不、可、鑄、也。鑄、造、者、一、事、行、用。

者。又。一。事。亦。猶。立。法。行。法。之。各。有。專。責。未。可。渙。而。同。也。今。僅。知。鑄。造。而。不。措。意。於。行。用。宜。其。諸。弊。之。乘。虛。而。入。以。代。此。行。用。之。職。任。也。權。限。不。明。動。輒。得。咎。阻。力。既。生。復。因。噎。廢。食。并。立。法。之。初。意。而。亦。忘。之。今。日。之。事。比。比。然。矣。僅。此。銅。元。云。爾。哉。

直隸總督袁河南巡撫陳會奏設局合辦火車貨捐摺

竊查蘆漢北幹鐵路火車開行不日將抵安陽縣境該處爲由直入豫首站商賈輻輳一經開車賣票所有直南豫北往來貨物勢必改由火車裝運沿途向設釐稅各局來源頗稀若不先事圖維不但失可闢之利源即從前釐款必至無著於餉需大有關碍查南幹鐵路上年開車甫至信陽州即經湖北督撫臣咨商河南前撫臣籌擇扼要地方另設專局派員抽收火車貨捐按款平分撥解迄今開辦經年華洋各商遵行並無歧異北幹鐵路與南幹事屬一律應即援照辦理當經臣等督同司局籌議僉謂火車運貨較之車馬人力轉輸者快捷奚止百倍商人趨利乘便自在意計之中非開辦貨捐不足以圖補救非統收分撥不足以杜紛歧現經議定先於河南安陽火車站側設立直豫貨捐局兩省派員會辦專收火車貨捐沿途各車棧裝貨時應照新關收進出口貨物辦法須執有該局捐單方准裝運貨捐科則統照值百抽二五驗收如有隱漏不符按章議罰征收捐款均按五成平分一切詳細

節目查照湖北現行章程參酌辦理將來鐵路加長如有應行變通盡利及未盡事宜均由臣等商酌妥籌因時增損至兩省境內停車處所自應隨時添設分卡查驗補抽以杜偷漏總期直豫聯絡一氣實力稽征以爲抵補釐金之計謹 奏奉 硃批該部知道欽此

前湖南巡撫趙奏陳長沙開埠請撥經費摺

伏查中英商約第八款第十二節中日商約第十款均載有湖南長沙開作通商口岸之文當由奴才咨商外務部預籌辦法旋准日本駐漢口領事永瀧久吉面稱奉本國政府訓條前來勘地並稱商約內開批准互換六箇月後即將長沙開設通商口岸等因照會前來奴才查開設口岸一事既經約有明文必須先事綢繆乃免臨時竭蹶是以去冬十一月即電咨外務部飭總稅務司轉飭岳州稅務司夏立壬來省勘界訂章先行布置此次日本領事來湘商辦界務已言明凡租界內工程巡捕一切管理事宜悉由我自行辦理日領事並允即在稅司所定界址之內分段租認不再另索專界蓋長沙雖係約開口岸而詳釋原約工程巡捕可由華官自辦必須布置得法因應咸宜使各國商人皆願就我範圍方足以保主權而敦睦誼惟是長沙水陸交衝商務四集此次稅司勘定界址東起湘江西岸西抵鐵路界邊南至北門城河北訖瀏渭河沿地勢頗寬以較岳州加增不止十倍一切布置不便過

形簡陋致外人嘖有煩言造端較大則需費自鉅當飭洋務局司道將工程等項詳覈估計茲據詳稱界址廣闊用費甚繁止得就至簡之數逐項估計如築路一項北門外湘春街起至新開河止稅司指定此段路工最關緊要目下即須修培惟地勢高下或數尺或丈餘一律填平核計土方約廿餘萬需費七八萬兩再加直長馬路一條橫長馬路三條工料非四五萬兩不辦而湘春街以東新開河以北之地段尙不與焉如駁岸碼頭一項沿江地勢極低水潦輒至淹溢非一律修築駁岸不足以固界基而風浪激衝工料須異常堅緻並須建築大碼頭及驗貨碼頭驗貨廠此項工費至少須八九萬兩而建設橋閘修濬溝渠諸費尙不與焉如購地一項查岳關辦法凡租界地方均係官爲收買再行租給洋商以免私相授受擬即仿照辦理但財力艱窘碍難一概收買惟就緊要地方先行擇購以備洋商租用并預留自用地段約略計之已需五六萬兩而將來購買之款及移徙房屋遷移墳墓之費尙不與焉如關局公所一項查建造新關郵局稅司公館理船廳任所驗貨鈴字杆于各種寓所前經稅司估計時價聲明需費六萬兩而工部局巡捕局洋務分局會審公堂電報分局及稅司所請西園公花園址地等尙不與焉又如工程巡捕既由自辦擬聘西員管理一面籌設警務學堂學習各項章程並英法語言每年需費亦三四萬兩以上各端再從估計

之中力從省儉至少先須籌撥三十萬兩方敷開辦等情詳請奏咨前來奴才親加履勘分
端考查所請三十萬兩之數實已難於再減目下湘省攤款過鉅又以廣西毘連匪事未靖
協濟軍餉籌辦邊防日不暇給庫款既竭民力亦窮惟有仰懇 天恩敕下戶部指撥的款
三十萬兩以應開埠急需奴才自當就近督率稽查務飭在事各員格外撙節實用實銷倘
有不敷再行續請如能節省涓滴撥還不使稍有糜費又查二十五年岳州開關請撥經費
由戶部指撥湖北鐵路官款十萬兩臬幕任麟存典款項五萬兩嗣鄂款既提撥無著任麟
款親友寄存中多轉轉均無實濟卒至蹙蹙挪移至今時閱五年駁岸等工零星建設迄未
竣事惟岳關上扼宜昌下截江漢商務本不甚多又係自開口岸雖因陋就簡外人尙難爲
越俎之謀長沙爲商約指開東西各國爭先注意倘辦理苟簡必致藉口多端保目前自有
之權卽以恢異日無窮之利植基愈固則收效彌宏此又奴才之愚不敢不先事瀝陳而亦
部臣所能共諒者也現在開埠事宜卽由洋務局司道會同辦理俟布置周妥當奏設監督
定期開關約計其時當不逾日本商約所開互換後六個月之期限謹 奏

署閩浙總督李奏改設財政局摺

竊照閩省自軍興以後因籌辦地方善後事宜設有善後總局經理一切迨後軍務肅清因

仍未改名實久已不符今考其所司職事大都財政爲多而其經放之款則時與稅釐相出入事權本已紛歧復將營務一事羈入其中以致頭緒益繁且善後局既管財政矣而於抽收各捐籌解賠款則又另設濟用一局同一稽核稅釐省城內既設有總局復於近省十里之南臺地方另設總局一處同一勸捐核獎海防股票等項則歸善後局而於賑捐則又另設賑捐一局同一抽收商捐則有歸善後局者有歸濟用局者歧之又歧莫可究詰竊念近來時事艱危民力凋敝整頓財政實爲目前最要之圖然不統籌出納無從酌劑盈虛似此設立多局各自爲政不惟紛雜無紀叢脞堪虞且恐財用日絀徵斂日增而民生日困矣其耗蠹局費猶其小也臣到任後督同司道通盤籌畫將原設之善後濟用賑捐及省會稅釐南臺稅釐各局一律裁併改名爲全省財政局派委藩司爲督辦臬司與糧鹽兩道爲總辦會同經理並於局內分設四所一曰稅課所凡稽征茶稅商稅貨釐土藥烟釐牙稅等項均隸之二曰籌捐所凡勸捐核獎及善後濟用稅釐等局向辦之各項雜捐如隨糧坐買膏牌酒捐等類皆隸之其舊收各捐內如有事近緊苛應行停減或利源未闢向可擴充者應由該司道等同局員隨時悉心籌議次第舉辦三曰度支所凡籌解各國賠款開支通省水陸各營薪餉採辦一切料物及潯河築堤設倉米石等事均隸之四曰報銷所除司道各衙門

例辦奏銷外其餘軍需工賑各項報銷悉隸之惟報銷係事後歸結所用之款而經理財政則以事前預算爲尤要嗣後每屆冬令應由該所將來年歲出歲入之款逐細開列爲預算表一通詳請頒示庶通省度支皆可瞭然與人共見或入不敷出出而人無疑沮亦易預籌彌補之策以上四所皆就候補府廳州縣內遴選廉勤幹練而能盡本門職務者委令分任其事而受成於司道並另設提調一員使之承上啓下其舊有各局所用委員書役可留者留之否則概令銷差以節糜費至善後局原兼之營務處事本不類已另摺奏設軍政局應改別歸軍政局辦理謹 奏

河南巡撫陳奏設立清源局規復糧額派員經理片

再前准部咨籌餉原奏嚴核各省錢糧一條內開河南一省共報水佔沙壓地畝停緩銀十六萬七千餘兩內多指爲中工鄭工以東儀工等處決口所致其實黃河決口堵塞以後昔年漫決之地早經涸復半屬膏腴而承此業者多係巨室富紳久踞無糧地畝官不過問等因當經飭司查覆去後茲據布政使瑞良詳稱查豫省河佔沙壓以及水荒旱荒地畝錢糧除報墾升科外尙有停征未經復額地丁銀十八萬三千餘兩漕糧一萬八千三十餘石此等停征地畝遠經百餘年近亦數十年卽如被淹之地自黃河漫決開時已久尙非一無涸

復或淤地而變爲膏腴或沙輕而翻犁成熟其水荒旱荒等地多年休養生息戶口已漸滋繁揆度情形當必有潛自墾熟私下耕種者亦必有佔種無糧地畝及種數畝而只完一二畝之糧者承業之人久踞其利隱匿不報洵所不免魚鱗冊漚廢無存地方官憚於根究相沿日久不復置問以致糧賦缺額未能規復當此時艱款絀百廢待舉未開之利尙冀設法振興似此固有之糧額烏可不認真整頓以圖規復請派明幹大員專司其事並選得力州縣數員隨同清理等情前來臣經上次附陳整頓糧賦辦法五條內本有清查欠戶一項與部臣所見大致相符今該司所請係爲規復糧額起見亟應切實興辦以除多年錮習惟此事頭緒紛繁勾稽不易既須條分縷晰尤宜認領提綱應如所議設立清源局刊發關防派委布政使瑞良按察使鍾培會同候補道許葆連專司其事需用隨辦各員該司道徑行選派認真經理如果辦有成效擬將出力之員酌量保獎地方官奉行不力希圖隱匿或本地刁紳劣監書差衙役恣存阻撓造言生事亦即查明據實參辦一俟事竣卽行撤局免致糜費謹 奏奉 硃批戶部知道欽此

河南巡撫陳奏設立籌款所片

再理財之道不外開源節流二端豫省用項本極浩繁現奉派歲增額款而本省之練兵興

學警察商務農工開鑛諸大政均須次第振興則流固萬無可節而開源其急務矣前准部咨理財以得人爲要誠至當不易之論惟是一人才力有限非集思廣益不爲功衆人意見不同非築室道謀所能就惟有設立專所領以大員俾在局者咸曉然於此事之至重臣查他省多有財政局籌款所名目豫省亟應仿辦茲議設立籌款所刊發關防札派布政司瑞良按察使鍾培糧鹽道王維翰釐稅局候補道費道純公同辦理又籌款一事必須熟悉本地情形庶幾事半功倍查有調豫差遺江蘇候補道袁世廉堪以派委會同辦理其提調以下各員由該所遴選除從前原有各款仍歸司道各庫及各局照常收支外所有關係新政增籌款項統歸該所經理以清界限而專責成需用經費務令撙節開支不得稍涉浮糜謹奏奉 硃批該部知道欽此

江蘇新定稅契章程

一契紙照甯省新章改用官板也查改用官板契紙蘇省二十五年整頓田房稅契曾經議及各縣亦有稟准刊用者現在甯省擬由藩司刊刻精緻版片選擇堅潔紙張刷印三聯契紙右曰存根中曰契紙左曰繳驗末行各刊年月騎縫處編列字號由藩司於騎縫上鈐蓋印信發各州廳縣聽民領用從前契尾一概停發蘇省自應仿辦其新章以前由縣稟准刊

官版契紙嗣後應即停止統用司印官契以歸一律

一置產概用官契也民間置買田產蘇省即從光緒三十年四月初一日爲始一律改用官印契紙此後交易不許再用白紙書寫其契自立字起照向來契式於契內詳細開載應加批者逐一批明如有錯落字句只許添註塗改不准挖補仍將添註塗改字數批出由買產之人攜帶稅銀赴地方官投稅地方官分別田房洲場將業戶姓名並契價若干坐落都圖地名於各騎縫處及繳驗存根上用大數目字詳晰填寫並於年月及契內價值暨騎縫稅銀契價各加蓋印信以契紙截交業戶收執繳驗隨稅銀徵解藩庫存根留署備查地方官仍須將現繳驗每號價銀若干稅銀若干業戶姓名及田房洲蕩坐落處所挨號分晰造冊與稅銀一同申解以憑核對如有銀數短少勒限該州縣按數補解如有延欠照例參追其發出契紙收回繳驗及稅銀出入均按月分項開造四柱清冊通報查核至各屬領用契紙仍照請領契尾辦法挨號填簿先期赴司領回應用其契紙民間如有誤寫或甫經成交因事故退契查係實情准將原領契紙並存根繳驗一併截角繳銷免納稅銀其契載價值不准以多作少及以賣爲典各情弊如敢故違查出一體嚴辦

一稅銀及應帶稅捐循舊徵收也蘇省契稅自二十五年議章整頓以及契價每兩收正稅

三分革除耗銀各屬折收錢數按照地丁定價計核稅銀三分收錢六十文另收規復銀價錢六文湊抵新案償款間有稟准帶捐育嬰經費義渡善捐此次改用官印契紙專爲杜絕一切隱漏等弊其正項稅捐仍照詳定通行章程徵收並不再加分文亦不准額外巧立名目向民間需索加收

一契價仍循舊章核計也蘇省民間置買田房自二十五年議定章程契內所載價值如以錢洋交縣者每錢一千作銀八錢每洋一元作銀七錢核與甯省定章每錢一千作銀七錢稍有參差惟民間相安已久應請照舊核收無庸更改契載銀錢洋三項仍從民便

一過戶先查契稅也定例置買田房白契不准過戶祇因俗尙相習每將戶名先自推收置契稅於不問嗣後應照例章責成各州廳縣實力稽察新置之產必須完清稅銀方准買主賣主對册推收過割以杜隱漏

一稅銀立限輸納也民間置買田產立契後本應即時赴縣投稅乃積習相沿因定例一年內投稅爲期尙寬往往遷延不稅茲酌定期限自立契之日起限二箇月持契投稅如實有交割未清准加展一箇月總不得逾三箇月之限違者罰辦偷立契後查有私典重賣盜賣及原主指不交莊准新業主稟官傳案究懲或新業主自願不買亦必於三箇月內將原領

官契塗抹送官繳銷

一補稅應仍黏契尾也凡新章以前未稅各契若令概換官版契紙亦多窒碍難行茲擬變通辦理光緒三十年四月初一日起予限六箇月示諭民間趕緊持契補稅仍黏司領契尾給執六箇月以後仍未投稅者則是有意抗延由縣繳銷契尾查勘漏稅各戶照例追價入官

一徵收稅銀在堂設櫃也民間投稅往往假手胥吏盤擱措挪弊端百出鄉民持契納稅每苦不得其門以致羣相裹足此次應仍申明舊章由州縣於大堂另設稅契櫃選派幕友經承專司其事業戶持契投稅立時掣給收票於五日內照章填寫業戶姓名坐落地方契價數目並加蓋縣印業戶即持票倒換如有逾期措捺需索准其喊控喊而不理准其來司稟究

一分別查取以別隱匿也凡從前漏稅田房各產已經推收過戶者應就戶糧增除各冊摺出各戶號數畝分查對稅冊如無其名責令依限補稅其新置各產未曾過戶冊無可查然置產必須交租應預飭圖董經保遇有換租之戶隨時記出按月造報飭傳投稅此次應仍申明舊章以免隱漏偷得費扶同徇隱察出一併治罪

一契紙分存使用也地方官領到契紙設立總簿一本挨號登記另再按鄉分立循環號簿各一本或發城鄉正紳收存或設官牙經理專稽田房交易應各就地方情形察酌彙辦所有承領契紙之人姓名年月均須登入總簿經辦人領回之後亦於循環簿內開列聽民領用民間置買田房洲蕩房產由買戶領紙書契每發一紙由經手人將承領契紙之人姓名及契紙號數於循環簿內詳細填註按月繳官查驗如買業人領紙後逾限不稅地方官據簿查追

一紙工應先核定也蘇省徵收稅契自二十五年整頓以後浮費早已一例革除向來民間請黏司頒契尾每張出錢二百四十文作爲司縣書經辦紙工此次應仿照甯省定章民間每領契紙一張只准取銀一錢作錢一百四十文以一半解司爲刊刻契紙經書辛餉之費以一半留抵經辦人紙筆飯食等費至各州縣所需辦公書吏紙飯應在三分盈餘內開支此外不准向民間多取絲毫

一申明定例以專責成也民間稅契例應責成道府直隸州稽察失察徇縱各有處分現當重整稅契自應申明定例以後民間契買田房仍用白紙不領官契或逾限不稅任意隱匿以及經手官契人舞弊勒索均責成道府直隸州隨時稽查遇有詞訟牽涉田房應卽吊驗

原契將稅銀契價開單送司按冊核對查出弊端照章罰辦該管官稽查不力或有心徇縱分別照例議處

各省理財彙誌

直隸 直督袁宮保因北洋常備軍添募第二第三兩營共三十八營已於正二月陸續成軍起餉本年總共需正餉雜款等銀五百二十三萬兩如故隊出防喂養馬匹向不在內除由戶部撥定餉銀二百萬兩北洋籌借一百萬兩外其不敷銀尚有二百二十餘萬之巨故咨行戶部迅速籌撥并請將明年應需餉雜等項二百六十餘萬預先指撥乃戶部以庫儲及各省關均屬異常支絀惟有仍遵前 旨奏請將派定各省稅煙酒提中飽兩項及由部奏准十條內分別有無鹽務漕務及烟酒土藥等項計各省共應提銀二百二十萬兩酌量先行提解以應此項要需近已奉 旨依議

河南 癸卯年戶部議定籌餉十條甲辰四月由汴撫陳中丞查明豫省情形分別辦理已專摺入奏矣

江蘇 蘇省煙酒兩項均非大宗出產癸卯年由戶部奏派每年應捐五十萬兩之數萬難足額現擬設法加征儘征儘解已由江督魏制軍蘇撫恩中丞專摺入奏 駐甯美領事擬在老江口租地建設儲煤為接濟美國兵輪之用金陵關道保觀察拒之美領事乃別租棧房由美國運煤一千六百噸到甯請免關稅徐道即稟上臺請示已由蘇撫恩中丞札飭各關道將西輪屯煤免稅一事查明稟復 藩司黃方伯新改稅契章程業已想到契式及藩印三聯單通行各縣飭即收填此舉一繳藩報一存縣署一給民間俾民間不致以多項少云 英商新美司擬在濟浦開設報關行於二月間隨帶昭文縣計大令告示來研樹旗准船開設報關行由海口盈局呈奉蘇州盈捐總局批濟浦非通商口岸洋商在內地不準開設行棧載在約章許令須查照約章辦理云云 上海製造局議定移建滬郊已經兩江督撫奏定現由蘇藩

擬派潘庫歲籌銀一萬兩江海關歲籌銀一萬兩鎮江關歲籌銀八千兩蘇糧道歲籌銀八千兩善後局歲籌銀四千兩牙釐局歲籌銀一萬兩已詳請督撫檄飭各關局籌解矣 江蘇自奉 上諭酌提所屬優缺差浮收款目並整頓房田稅契每年應派三十五萬兩不准短欠即經藩司議詳自光緒三十年始在於征收漕屯等米每石提銀三錢五分地蘆等銀每兩提銀一錢五分以應征熟田通盤約計益以整頓田房契稅當可勉副五成惟辦理釐捐各員能否酌提尙未據覆當奉撫憲札催詳辦現聞江甯司檢查近三年各州縣征收地蘆清米各數除瘠苦之區不計外牽扯約酌又恐籌款驟常寬定銀米提數每年可得十餘萬金益以整頓田房契稅甯屬所派之十七萬五千總可勉敷議詳在案至確實數目本年豐歉未定應征熟田無從預計且水旱偏災更難逆料若遂以約計實數入告將來辦理恐多窒礙况甯屬州縣自同治八年禁止浮收定價所餘僅敷辦公祇因近年銀價低落甚有盈餘堪以酌提倘日後銀價昂貴能否照提尙無把握故除奉飭移催釐捐局議覆詳辦外已具文詳復前蘇撫恩中丞彙核具奏 鎮江各洋商由申運機器紙重鎮轉運內地銷售者源源不絕鎮關稅司以此項機器紙銷場漸廣將來赴關完稅須酌定辦法以歸一律特稟明總稅務司擬仿照上海機器布章程特刊專單名曰上海機器紙運鎮轉運內地之驗單在關祇完正稅沿途概免重征已奉總稅務司批准照辦 上海新關稅司近以出口各貨往往混朦作弊以多報少遂即電稟赫總稅務司咨請外務部轉咨江督札飭關道袁觀察設法查禁以免漏稅而裕國課

安徽 直隸抽收煙酒兩稅歲入銀八十餘萬兩前經奉 旨飭令各直省分派定數一律抽收頃聞皖撫誠中丞特專摺具奏祇認常年十萬兩以本年為始將銀存儲聽候撥用如遇災歉停徵或值銀貴盈餘無出當隨時體察情形請 旨酌免云 蕪湖新關每年應解英德俄法四國本息還款計銀四十萬兩係英德二十四萬俄法十六萬英德一款每

年勻於二五八十一四箇月每期六萬兩俄法一款每年係按三九兩個月運解江海關收納茲屆五月應解英德兩款六萬兩之期閱關道重觀察已飭新開銀號提出洋稅銀三萬作為五月分之頭批交商匯解

二西 淮鹽恩都轉前因江西督銷局道員歐陽霖稟請添設萍鄉專岸加增碼鹽二十票以廣銷路當奉督諭憲飭飭運司核議詳辦即經由司查明碼片一項本屬產少銷多西岸原運碼鹽四成尙恐難孚爲繼若驟加二十票場產勢必不敷又經札飭淮南總局移會通泰兩分司體察情形切實籌議旋准西局來咨倘碼鹽不能驟增二十票即請先加十票以濟運萍鄉之需當查碼鹽每年約銷五萬餘引近年各場產數寥寥時有不敷配銷之慮惟察核西局來咨以萍鄉設棧非碼不能合銷若不設法另籌洋棧無可開辦未免自阻銷場由司一再籌畫責令通局之湖港等三場每年於額產外加添碼鹽二票泰屬之富安等場每年認加七票共成十票第各場產收豐歉不等就近年產數而論驟增碼鹽十票尙須天時人力兩相湊合否則難有把握惟此項所加十票是否仿照湘岸平江辦法作為萍鄉專岸每票飭繳票價銀若干兩一切運銷章程如何核定應由西局籌議詳辦等情由司詳請督鹽憲核示飭遵旋奉憲批以西岸加添萍鄉碼鹽應照湘岸平江辦法作為專岸每票分繳票價一萬兩解甯充餉一切運銷章程如何核定即由西局籌議稟辦仰即遵照並候札行西局遵辦等因正在核辦間又奉督電催以西局需銷甚急所加碼鹽十票請速訂價領運若候奏奉部復又恐輾轉需時請速飭場商將鹽儲棧以備票商領運仍將遵辦情形一併詳具奏各等因到司奉此查此案既奉憲飭令照繳票價西局又催鹽甚急自應一面赴棧請運以十票計之共需碼鹽五千引究竟存棧之鹽是否敷運場商能否趕緊接濟票價是否在岸呈繳認運是何名須照向章取具認保各結存查除咨商江西督銷局查復核辦並札飭通泰兩分司一體飭場論商遵照外刻已札飭淮南總局勸諭各商迅速妥籌稟候具詳請奏 江西機器造

紙公司前經稟准專利十年早奉大憲批允並請暫免釐金三年現聞牙釐總局已經議准由農工商礦局製造三聯印票代完釐金庶免影射惟該公司運紙司事友丁並不准夾帶別貨云

浙江 戶部奏定百貨統捐一案浙撫聶中丞以爲招商認捐與統捐用意相同已專摺奏聞暫辦認捐

福建 福建大吏因財政困難向德商滿德借債六十萬購買軍器所餘以作開銀行發行鈔票及鑄大銀圓之資本由虞某介紹將訂合同即以銀圓局作抵聞有日本人亦欲附股幸經閩紳阻止

湖北 四川雲南等省土藥運往江西銷售必先經鄂省現經江鄂兩撫往返商定以後江省土捐膏捐一律改歸漢口鄂省土稅局代收代解其九江土藥統捐局均已裁撤

湖南 湘省所有各項洋貨運抵省河例由釐金局查驗照章完釐茲有省城各店洋火被日本商人國松和三郎撥約阻止完納洋火落地稅由釐局稟請洋務局咨照日本領事仍須照內地行輪章程完納而湘撫批以爲只須將此次洋火二十二箱并前次五箱飭令遵章照納稅項不必照會日本領事且謂倘再違背即須照章罰辦

陝西 陝省百貨統捐已仿照江西統捐章程變通辦理由陝撫升中丞專摺入奏

四川 川省土藥礙難仿辦官運設局收買以及招集商股設立公司茲由川督錫制軍切實整頓專摺入奏 川省撥接雲南銅本銀兩已由留備甘肅餉項下籌撥捐輸銀二萬兩發交號商領匯雲南藩庫交收由川督錫制軍附片奏聞

廣東 普益公司某商試辦船捐業奉善後局批准歲繳餉銀二十二萬元試辦三月如有效驗擬即續辦加餉 粵省議設粵通商銀行省憲以官辦則弊多利少不如改爲商辦刻已電咨張侍郎振勳招集商股妥籌辦理

各國財政彙誌

各國 各國宮廷用費無非取之於民其支給之豐嗇並不以國之貧富大小為率特錄如下俄羅斯海羅各一千萬圓
西班牙三百九十萬圓意大利英吉利各三百萬圓摩洛哥二百五十萬圓日本二百三十萬圓埃及一百三十七萬五
千圓德意志波斯各一百萬圓葡萄牙瑞典巴西各六十萬圓法蘭西二十萬圓美五萬圓瑞士三千圓 各國皆有國
債其平均每人所占之數特錄如下澳洲五百一十一圓葡萄牙三百三十圓法蘭西二百八十二圓烏拉季二百七十五
圓亞爾然丁百八十七圓英國自八十五圓意大利百五十八圓埃及百零六圓俄國五十圓瑞典三十七圓墨西哥三
十七圓日本十三圓

暹羅 今年暹政府入款共二千九百六十八萬七千五百元出款共二千九百四十三萬一千二百五十元其外又有
六百二十萬元

日本 日本募集第二次國債於二十七日開始民間應募踴躍異常第一日應募者已有日金二兆元至大藏省債票
前定日金一百兆元今已募得三百二十兆四億九萬三千五百二十五元而第三次所募國債應募之額已有三千二
百八萬五千五百二十五元內有自願逾額應募者七十二萬四千九百三十九元照額應募者三千百三十六萬零六
百元連前募集總計二億零二百四十五萬六千七百五十元內自願逾額應募者五百四十四萬四千九百二十五元照
額應募者一億九千七百五萬一千八百二十五元 日本政府已發令將臺灣所用銀幣一律停止改用金幣

俄國 聞俄皇最信任之外交官某男爵日前曾語法國新聞記者曰俄政府現擬募集國債以充軍費然俄皇大不
謂然蓋俄皇有私款八千萬盧布存於某國銀行今擬先提此款倘有不敷再募國債云 近日俄政府發表募集外債

事件其言云俄國素愛平和此次之戰實出於不得已然俄國財政未嘗因此戰事而匱乏國庫準備金本年初已有一百八十二兆羅卜後因節減歲出又增至一倍以上今國庫實有三百兆以上之準備金國庫充足如此然所需軍費甚巨故不得不別求籌款之法現政府可向國立銀行借款至七百五十兆然恐消耗國庫之準備金有礙貨幣流通且政府欲使戰後財政不至拮据故不得不先爲之所而決計募集外債由是於五月十二日以勅令發行短期限之外債券額凡三百兆羅卜稱爲一千九百四年之軍事公債永免課稅此項公債定於一千九百九年五月十四日照發行價額於巴黎償還云至公債券則託巴黎各銀行經理云俄人在巴黎募借外債僅欲借一萬六千萬羅卜而法人乃預備二萬萬羅卜以應之

英人增加茶稅

英國 英國下議院提議公項經費下增加茶稅一事每磅加至八辨士加稅期至西歷一千九百五年八月一日爲限有白項斯底勃省所舉議員名沙斯者係自由黨人起而駁之云八辨士之稅當加至一千九百五年七月爲止衆皆贊成之又有人提議當依茶價之比例而增稅贊成者一百二十八人反對者一百九十四人 又下議院議員於下議院運動擬將徵收茶稅減至六辨士贊成者二百七十七人反對者一百六十五人

法國 法議院現已議定預備二千佛郎以備安南臨時兵費 又下議院關稅委員建議增加絹布進口稅皆贊成之



財 五

一 百 四 十 四

五 月

實業

論議廢美洲禁止華工條約之結果 節錄四月十二日嶺東日報

西十二月七號。即去年十一月初一日。爲美洲禁止華工換約之期。內外人士。憤其虐待之無理。工商之受辱。紛紛議論。預求所以抵制之策者。經歲累牘。而中人不知自立。不自集力。畫一策。展一籌。以與美人爭。惟知乞憐政府。攀號公使。冀爲廢止。政府雖亦嘗勉從其請。以一紙公文。令外務部駐美公使。與之理論。然近聞美人決不肯將此約廢止。惟允於此外華人。優爲接待。駐美梁使。已電覆政府。政府亦允照辦。似此情形。今日禁止之約。雖未遽定。則將來新訂之約。文其必如舊約無疑也。其或增重於舊約。未可知也。且美人亦何狡之甚乎。兩國締約通商。商民例當一律優待。而曰自後此外華人。當爲優待。前既背約。章於不顧。今尙可信其空言。爲足恃與吾恐自此而後。非特禁止華工之約。不得廢而虐我各色人士。且將較前益甚。彼特以此體面語爲我政府搪塞面子耳。我政府固唯恐并此而不得也。嗚呼。議廢禁止之結果何如。我中國人至此。尙有面目見各國人與。然我於此。不得不以三大端爲我國全體人民告焉。綜言之。三大端實爲一端。曰不可不亟求自立而已。析言之。則曰靈心之勃。

發也。奴性之急去也。社會之速進文明也。我國民而果能行此則美洲禁止華工之條約不廢而自廢。苟至此而猶不悟也。非特禁止華工之約永無廢止之一日。恐外國人之迫我難堪者猶有什倍百倍於今茲也。

曷謂靈心之勃發也。我中國人有依賴心而無特立心有乞憐心而無自衛心。凡事依賴政府官吏之保護不能合羣力出羣智自相抵抗自為救濟而以生死得喪一任政府官吏之處置。政府官吏辦之而善則全體人民賴之政府官吏辦之而不善則生死哀號而無可如何。曾亦思政府官吏本無預國民之痛癢豈能盡力而為如國民自衛之善乎。曾亦思今日之政府官吏安居無事尙恐外人之指摘況敢出強硬力以與外人爭乎。國民而以身家財產委之政府官吏是直坐而待斃矣。況美人禁止之約為彼族工黨所持者甚力。豈一紙空文所能挽回。苟非吾民合全體之力握至要之端逼使不得不改其事決不為功。新中國報

曷謂奴性之宜急去也。今我內外志士鑒於外人之得步進步日謀兼吞不惜苦口之煩勞。宜禁辦美貨各碼頭不上美貨以相抵
制其最甚善憤中國人之一不見也乃敬告我國民靈心速悟勿謂政府官吏之足恃我國民而不及早為自衛計事事力求自立一日日暮途窮恐真有欲哭不能欲訴不得之慘境也。

文字之忌諱。悉舉亡國之慘。瓜分之禍。奔走往還。相告語我民。而自我民觀之。竟寂然不爲一動。斯何故也。豈非我民心中。早已打定主意。以爲奴隸之行。我已安之。千百載。白人若來。我不過以向之。奴隸於政府者。轉而爲白人奴隸。又豈非以國家雖亡。於我何與。我唯預習一二洋文洋語。任外人之指使工作。外人若來。又未必盡死我而後快乎。嗚呼。以此存心。非特無志之尤。卽於自生之術。苟安之計。亦可謂拙之拙者。夫一國民之所以交際往來。能與萬國並者。以其有國存也。卽受強於我者之欺侮。彼與我平等。與我較弱者。我固猶得以平等相處。亡國之苦。恐吾民未嘗細諒之也。猶太以文明最先發跡地。至今國亡。一任白人從而牛馬之。俄羅斯時溺百萬人。以快心志。此景我民其能堪乎。然吾今日固與吾民言美洲問題也。卽以美洲禁約論。我中國今固未亡。今固猶以大帝國號於全球。徒以國力不振。與夫不克自強之故。吐棄外人。乃至國際交涉。一切不與各國並。以締約通商之美國。舉吾工吾商而逐之。境外以工業執役之賤。彼且不願我民之服從。秘府盟約不足爲據。公理公法不足爲責。外人所以處我之情。亦可想矣。彼蓋深執劣種淘汰之理。必不容我之列。足臥旁媚外之無益。我國民亦可以醒矣。

曷謂社會之速進文明也。自美洲禁止華工問題起。吾國人士羣抱不平。訾訾然不責美人。

以無公理。則謂美人之不文明。嗚呼。以言不。平。誠大不平也。然吾獨有以此為吾民告者。夫外侮之來。必有其所以來之由。與我所以致此侮之端。美人禁約。何不施之於德法諸國。又何不施之於日本。去載美人因船上檢獲毒藥及日籍為日本全國所反對美至遣使謝罪關於吾國舉行無忌何與吾願我中國人且平心抑氣。一返諸己。毋亦吾中國人之野蠻。實有可以被入斥逐者在也。吾今略舉其數端。其一則人無聯集公心。鄰里同居之人。互相爭毆。習以為常。此言似微然大可發見軍德之消長吾者其一則污穢狼籍。無異禽鳥。絕不為衛生計。文明國以衛生第一。要端街道。其一則嗜鴉片者什人而伍。以死人毒藥。奉為救命良物。其一則愚蠢無知。行同動物。齊集之所。戲謔穢醜。為耳目所不忍親聞。若是種種。皆文明國所深惡痛嫉。芟除數百年而始盡者。倘吾人雜處其間。深恐為其所染。故斷然驅之而不疑。使吾國易地而處。恐亦不能不下此逐客之令。美人究何不文明。美人究何無公理。實我之自不文明。自無公理耳。吾非暴顯我民之醜。轉為外人口實也。吾實願吾民深知己之不文明。至為文明國所不容。不得與文明國並居。若此捫心一思。吾中國人尙有自容地乎。美洲禁約之失。猶小吾中國人而仍此野蠻之積習。不能痛自改革。行將全球人皆唾棄而擯逐之矣。嗟嗟。美約其不廢矣。美約其不廢矣。美約之不廢。究於我何損。我中國壤地之廣。何不可以。

求。生。何。必。爲。外。人。奴。隸。何。必。爲。外。人。奴。隸。吾。但。願。我。民。之。三。復。斯。言。力。行。而。實。施。之。則。美。約。之。不。廢。猶。廢。不。然。者。吾。恐。九。州。大。陸。且。非。吾。民。生。息。地。各。國。行。將。反。賓。爲。主。不。施。之。於。外。洋。而。施。之。於。吾。祖。國。矣。

營業方法之變遷 錄甲辰三月大陸報

社會幼稚時代。商業之範圍不廣。銷售貨物。往往限於一方。凡百事業之規模。類皆狹隘。迨社會稍有進化。全體國民。遂知協力經營商務。更進而上之。五洲各國之商民。皆知懋遷。有無。相與經營。地方之分業。由是舊式之小營業。漸衰。而新式之大營業。即代之而起。此非自然淘汰之結果乎。今試就工業而論。學問。上手工業之組織。輒隨當世風潮而變更。所以其進。忽然其退。亦忽然。就大體觀之。已漸見其消滅。而家內工業及工場制。即因此大見發達矣。

手工業者。如鍛冶。鋪木器。鋪等。其主人僱工數人。使操工作。或應主顧之訂購。或自計需要者若干。而造相當之物品以出售。是也。當經濟幼稚時代。此種營業。各國皆有。即稱爲最文明最開化之國。亦有數種之手工業。蓋技術上不得不依是法而行也。如製造精緻之美術工藝品。雖在今日。亦以小經營視大經營。爲有利益。所以未見有役數十工人。以營七寶細

工業者。雖然。社會經濟之關係。既廣銷售之規模。亦大。一時。既有無數貨品之輸入。則其品質。形狀。價格。不可不歸於一律。於是多數之小營業。各製造擅長之物品。除具技術特殊之性質外。餘皆漸次廢止。而變為家內工業及工場制矣。

家內工業者。如捲烟業。有多數工人。皆就於各人宅內。操其工作。惟其製造之要點。則出於大營業者一人之命。故雖製出無數之物品。而無參差不齊之弊。至若工場制。不必有大機器。蒸汽電汽之原動力。惟集多數工人於一工場。勞動於營業者指揮之下。即謂之工場制。機械與工場制。有切要之關係。試觀西洋。自蒸汽機器發明之後。工場制勃然而興。夫工場制。較之家內工業製出之貨。既多。而又合於時尚。家內工業之價值。遂漸為工場制所奪。如日本捲烟業中之糊紙工。昔用手工。今則以克利賓革機器代之矣。若英美兩國。用手工業者極少。若德國。則紡績、機織、桶釘、綱紐、叉鎖、陶器等。皆不用手工。而用機器製造。唯造鐘錶。頗有手工者。若日本。絲絲紡績。已全易為工場制。惟製造生絲。有所謂座繰者。仍用家內工業。至於機織。則工場制家內工業手工業三者並用。如上野下野各地。稱為元機屋者。中有工場。而用多數之女工。其他地方。給絲於農家婦女。而使之織者。之法機亦復不少。斯即營業者併行工場制與家內工業也。他若和歌山之織綿布。則用賃機之法。甲州郡之織綢緞。

則用手工。煉瓦、玻璃、及化學製品、西洋製品、則用工場制。惟向來物品、用手工者猶多。然亦隨世運之進步而漸消其跡。此不僅歷史上所明言、而亦見諸事實者也。方今中國手工業、家內工業、尙見盛行。工場制猶未發達。安能競生存於商工業上乎。願我凡百商人、察時運之大勢、講臨機應變之道、略變更其技術、改手工業爲工場制、則實業發達、可刮目以待也。

商部奏派員總理機器造紙公司摺

竊臣部前准政務處咨議覆順天府尹沈瑜慶奏請設造紙官局一摺、於光緒二十九年十二月二十日具奏奉旨依議。欽此鈔錄原奏咨行到部查原奏內稱造紙本係中國應開之利、日本參用中西各法製造、號爲精良、將來擬行銀幣等項、更須精造堅緻紙樣、應請飭下商部議定章程、招商選工興辦、以開利源而資實用等語。臣等伏查造紙一事、洵係目前應闢之利源、惟精造堅緻紙樣、需用機器、成本較鉅、約需集股銀數十萬兩、方能興辦。當經轉飭臣部右參議楊士琦傳知上海商董招徠認辦。茲據該參議覆稱、有浙江在籍丁憂候補四品京堂龐元濟、久寓滬濱、熟諳商務、當以造紙公司商令承辦。旋據該京堂函稱、此係開闢風氣、要務願效奔走、力任招股設廠事宜。擬先採擇中西辦法、殫力經營、務求貨

精價廉官商便於行用庶銷路廣而鉅本不致虛糜倘蒙允准卽當赴京擬訂章程再行呈請開辦又據稱別項公司屆時如有端倪亦可就近商榷各等語臣等查候補四品京堂龐元濟家道素稱殷實曾在杭州設立縑絲紡織等廠經浙江巡撫咨明有案現在承辦設廠造紙事宜臣等公同商酌擬即派令總理機器造紙公司以專責成嗣後果能設立別項公司著有成效再當奏請獎勵如蒙 俞允卽由臣等飭令該京堂迅速來京擬訂試辦章程一面令其招商集股並酌購機器擇地開辦謹 奏

河南巡撫陳奏續撥款項推廣製造片

查豫省機器局添購機器料件由司庫於新章減平項下撥銀二萬兩派員赴滬購運經前撫臣分別 奏咨在案臣到任後數月以來體察地方情形屢與司道商榷豫省爲南北樞紐練兵製械實今日切要之圖槍械一項尤當極力擴充俾自能做造改良庶可免專恃外購原設局制因陋就簡常年籌撥款項購備機器物料並未講求新式新法究非長策當經飭司會同機器局妥籌去後茲據詳稱時勢孔棘戰備不可不修經費雖艱軍實不可不裕遵飭推廣製造洵屬先事籌防就目前而論至少須添購機器十部及一切應用物料並擬續購兩磅鋼礮胚二十尊四鎊鋼礮胚十尊以備自行製造原撥銀二萬兩不敷甚鉅應再

由司庫新章減平項下加撥銀一萬五千兩仍交原派委員在滬切實考究購辦迅速運回豫省以資工作此舉爲整頓擴充起見如果做造日益精熟造成快槍快礮無煙子彈能備操防行軍之用嗣後仍當設法籌款逐漸開拓經營隨時詳明辦理未便自封故步致味遠圖謹 奏奉硃批該部知道欽此

外務部咨浙江巡撫聶查明寶昌公司開鑛事宜文

案查浙江紳商高爾伊設立寶昌公司與義商沙鏢納貸款擬定章程指辦浙江衢嚴溫處四府境內煤鐵鑛數處經本部於光緒二十九年正月間奏奉 諭旨允准並咨行在案查該章程第三款內載查定章第二款鑛路總局發出准行執照方可開辦照費視成本多寡酌提百分之一繳局公司遵議奉 國家批准後卽稟明浙江巡撫派鑛師履勘各府屬查明何處有鑛可開並估算每鑛需本若干按單呈報以便隨時咨鑛路總局查核請發准行執照按白分之一作爲照費隨咨並繳又八款內載定章第七款自發給執照之日起限十二箇月內開工公司遵議決不逾限各等語此章程自奏准之日起迄今業已年餘該公司曾否將鑛產處所查勘明確稟請咨領准行執照相應咨行貴撫迅卽查明聲復須至咨者鑛務大臣盛照會日本領事聲明註銷開鑛合同文

東 方 雜 誌 第 五 期

承准商部咨開照得本部接管路鑛總局移交卷內光緒二十八年四月二十八日准貴大臣咨稱安徽甯國府宣城縣犬形牛形簸箕等山產煤豐旺據日本殷商土倉鶴松遣代理人磯原孫藏來請合辦富派鄭道官應陳道善言妥與籌議據呈草合同二十款又專條八款飭於光緒二十七年八月二十九日簽押分執俟鑛驗確實定准開辦磋商正約時仍舊專案奏咨辦理相應咨會貴局查照等因查路鑛總局前經奉 旨歸併本部管理凡屬鑛務本部責有攸歸現經奏定鑛務章程第一條內開以前已辦各鑛業經議定之處仍照原定合同辦理等語係指奏准有案者而言查宣城縣煤鑛公司與日商土倉合辦係屬未經奏准之案自應遵照部定章程辦理按部章祇准華商承辦或華洋商合辦不准於附搭洋股之外另借洋款更不准以鑛地抵借細閱原訂專條第二款有土倉隨時借款與公司專為辦鑛之用公司按借銀多少即交股票多少又第四款有公司立據將鑛場地畝產業一併作保各等語顯與部章不合現計此項草合同簽押已逾兩年究竟土倉曾否親往或派人前往鑛驗所有合同暨專條曾否照原訂合同第二十款於簽押後一起核准檢查路鑛與原卷并由外務部查明均未續據咨報有案相應咨請貴大臣迅將以上各節聲復到部以憑核奪等因承准此查宣城煤鑛前因簽探無效逾限已久曾准安徽巡撫部院誠來咨

業經本大臣照會貴總領事轉飭土倉銷廢合同在案茲准前因本大臣復查原訂合同專條既與部定新章不合自應即時註銷以資結束須至照會者

商部新定查報鑛務總表

例言 一表中言里數統以長三百六十步為率言畝數以積二百四十步為率每步合部尺五尺 一凡一局一公司而開鑛至十餘處數十處者應逐處分填以免含混 一凡有已勘未開已開今閉及已報未勘各鑛皆可用格式填寫惟應將議辦停辦情形畧叙於後

一無論局廠公司凡設立已逾一年者其鑛稅鑛產價值銷運及贏虧情形應用比較表逐年分載其開採未逾一年者可以月計或以季計分別填報 一表中有未及條舉者應另編一表照原表尺寸詳細補入送部備查 表目 公司名目 坐落某屬 距治方向 四至界限 占地若干方里 官地民地若干畝 鑛線道幾處 鑛質若何 官辦商辦人數姓名籍貫 何時由何衙門奏准批准開採 鑛師何人 用何法開採 官款幾何 華洋商股幾何 每股銀數股息若干 借款幾何 息金幾何 餘利分法 報效成數 有無自備輪船鐵路以下五年計 鑛稅比較表 鑛產比較表 價值比較表 鑛產售數比較表 鑛廠出入贏虧比較表 運至市場里數貨數運費售價表 至某處若干里

鑛質若干 運費若干 售價若干 應隨表咨送者 批准案據 議定章程 鑛山
圖說 招股章程 股票式樣 購地章程 合股合同 借款合同 雇用鑛丁章程
洗鍊鑛法 所產鑛質 以上各款應按照本部發去紙樣謄寫俾歸一律以便彙訂成冊

商部新定探鑛開鑛部照格式

照根 商部為存根事茲據某省某縣人某某稟請 開探某省某縣所屬某某鑛地當經 中

由應即准其 開探某鑛自給照日起扣至某年某月某日止著即將此照繳銷須至存根者

計開 坐落 四址 產質 線道 或 保單 光緒某年某月某日 騎縫某字第

某號 開探鑛執照 騎縫某字第某號 商部為給發執照事光緒三十年二月初一日本

部具奏鑛務章程一摺本日奉 旨依議欽此欽遵並通行各省將軍督撫一體祇遵辦理

在案查奏定章程內第二條開凡稟請辦鑛應由本部給發執照為憑未經發照以前不得

舉辦今將執照分為二等一為探鑛執照一為開鑛執照等因茲據某省某縣人某某稟請

開探某省某縣所屬某某鑛地當經 中應即准其 開探某鑛自給照日起扣至某年某月某

日止著即將此照繳銷務須遵按部定 中鑛各條章程妥慎辦理為此特給執照以資信守

須至執照者 計開 坐落 四址 或 產質 線道 或 保單 右給某某收執

光緒某年某月某日

各省農桑彙誌

北京 某農部稟請商部自行集款開墾南海荒田栽種葡萄以便製酒挽回利權已蒙商部批准

奉天 奉天西流水荒自經府尹廷京兆接辦後已於二月中旬督飭各員前赴西豐按照奏定章程接續辦理所有園中各領戶當於二月十五日前親赴該處聽候京兆出示辦理計開 一樹川領戶 一鎮基領戶 一山荒領戶 一有照無地應墾領戶 一因案封除另放未經得地領戶均應赴行轅守候 一城基領戶應赴西豐縣守候 一正項領戶 一前局已放二十園浮多領戶應赴圍荒守候

山東 棲霞方山爲極大荒場二月上旬李子政章古漁兩令勘地招墾視地肥瘠定價高下上地不過京錢兩仟中地一仟下地二百文即有私墾熟荒一概不追兩旬之間承墾者已有二仟餘畝之多 蓬萊宋庶廷爲宋祝三提督之嗣自種蒲桃二十畝其種俱從西洋購來培植灌溉均用西法每年每畝可得價六百千 癸卯年長山曹大令在東關外購地數畝建屋栽桑創設同利蠶桑廠今春復遣人赴杭州購辦桑秧八萬株蠶子數百張並聘女教習三人近已將桑秧蠶子發給鄉村桑秧每株繳價京錢八十文蠶子每張繳價京錢八百文外有刷印養蠶白話啟其養蠶各法鄉村亦已遵辦

安徽 徽州府黃太守于癸卯年創設農工商務局于府城今年又設紡織公所

浙江 杭州某紳等購得慶春門外仁和塢地計一千二百十九畝以縣糧地爲界名爲菊圃議定一切樹藝均用新法以爲農業改良之先導云

福建 閩省蠶桑經何碧濠觀察督辦農桑局務而興化郡自金詒笙太守奉辦蠶桑論派張介安主事林勉階孝廉兩紳試辦後有前農桑局內赴鄉勸導之董少純貳尹悉心勸導至癸卯年九月會辦農桑總局黃觀察面諭准其京辭總局自備資斧赴興鄉會同各紳於十月初十日稟請府廳縣商委辦並由宋子山司馬給示董少純二尹即赴東北各門外鄉村勸植經府廳縣會商籌費一百金兌交總局購桑董紳亦自解囊另行報領一萬五千六百餘株運興分送

漁業誌要

山東登萊二府濱海居民全賴捕魚爲生方今春暖波平正值出洋網魚之際因日俄失和海氛不靖匪徒聚衆恣意橫行各漁戶不免心焉畏意日前聯名公稟登萊青道據道憲准其雇用輪船隨同保護駐韓許星使有電至京謂中國與韓國所訂沿海捕魚之約行將劃押故連日與韓國外部往返磋商大約捕魚之利權可以推至平安道及黃海道沿海岸一帶

各省礦務彙誌

直隸 井陘縣煤礦現經德人漢納根集股開采業由北洋大臣咨准商部派員護送礦師前往勘驗

安徽 職商張榮舜集合華股銀二萬兩開采涇縣密頭嶺荒山煤礦業由商部發給探照准其試辦

浙江 職商唐紹周近聘廣東礦師勘驗諸暨縣洞巖山金礦每砂百斤可鍊足赤金一錢餘尙可提煉銅鉛等質自集股銀三萬租定山場四畝一分零創設公興礦務公司土法開采并不招募洋股業由商部發給探照准其試辦

四川 廣安季某近在渠河左近覓得銀礦挖取試煉經商局總辦周靜安太守批准並飭地方官妥爲保護

貴州 貴州銅仁府屬梵淨山周圍數十里素產安的摩呢開採甚旺刻有熊君滋茂至漢承辦轉運並擬設公司一所

各省工藝彙誌

山東 省垣西關外五里溝地方新設通惠公司專造外洋上品條肥皂香皂等類擬遣工人先用手造俟用具運到時改用機器 棲霞民間婦女近學織縷空女衣花邊行銷烟臺每人每年可得大錢二十千文統計縷空花邊婦女現已有二百餘人

江蘇 高郵近設紡織局織造土布聞已購機器十餘具在三鉅公祠開辦

江西 江鄂兩督以萍鄉所出煤鐵極佳運料一切又有火車故決計將製造局遷移該處即委湖北候補道魏允恭觀察爲總辦並議遷移事宜其經費當由江西江蘇安徽各籌十萬而鄂督張宮保之意新廠規模必須大於滬廠故現在配購機器須每日能造槍二百桿子彈十萬顆並能每年造炮二百四十尊云但照此核算即就常年經費而論已須每年五百萬兩

浙江 杭州下城寶極巷某商開設織布廠名曰通濟廠購備織布機器招集男女各工詣廠學習不取學費俟學成後所織布匹另給工資各工均不留餐宿

湖北 鄂省武勝門外造磚官廠銷場日廣現復添購機器試造火磚能使屢經火燒不致破壞日內即可試驗 鄂省黃君集款數萬在城外開一機器廠即仿勸工廠辦法并請有匠師多人專製各種小機器 近日漢陽槍炮廠決計推廣惟該廠附近隙地無多故已擇地蔡甸建造支廠 鄱陽湖沙與其他沙質不同製造玻璃最爲合用現漢口玻璃廠特派人至九江採買鄱湖沙子一千四百石以供煉造之需

湖南 桂陽夏君壽璋現在衡州府屬常甯縣創設樟樹公司並准鄉民至該公司學習 湘省永順縣貢生黎文蔚製

成水機二種其法以水力運機可以爲磨麵打米之用已在工藝場試驗除出示招民購買外並在工藝局製造以便生徒皆得學習此項機器以爲將來廣造地步 近有永明人胡士榮用堅木製成碾米機器不須人力或以風轉或以水激製甚新奇刻已告成擬赴省稟請商務局准予專利出售

四川 自流貢井鹹泉湧出爲川中最大利源現慶符會君樹霖用木機推運鹽水以代牛力甚覺靈巧近已集股開辦開此機井可用以開井

交通

論粵漢鐵路 錄三月十四日中外日報

據三月初八日。字林西報言。粵漢鐵路。已非美國之所有。而歸於比人云云。竊謂此事於中國之前途。關係甚巨。中國從前本與美商訂約。則此路惟美國商人。方有承造之權。此後若仍由美商承造。則已如竟歸諸比人之手。則照已定之約而論。中國已有可以廢約之理。更就日後之禍端而論。則尤有不可不廢約之勢。請得而詳言之。

光緒二十六年六月十七日。中美兩國所訂粵漢鐵路借款續約之第十七條云。此續約與及原約一體訂立者。准美國公司之接辦人或代辦人一律享受。但美國人不能將此合同轉與他國及他國之人云云。據此。則中國所承認者。美商之承造耳。若他國欲出而爭執。事權。或且欲據爲己有。則明與約章不符。且已紊亂其所訂定之辦法。在中國實有可不認之權。以杜後日之糾葛。如開平局之已事。此無待再計而決者也。且約章之詞。明白顯易如此。若竟於無聲無臭之中。轉而入於比人之手。則又何用此約章爲此。尤可一言而斷者也。至於此項造路之利權。其由美商手中。忽歸於比人之故。其事甚秘。非外人所能知。姑勿具

論記前者得湘友來函言粵漢鐵路之北段。即係接續南一面而首其南段經工程師察勘改至三次業經勘定已分段插標去冬忽由上海總公司發電將各工程師盡行撤回蓋因該鐵路股票多售入比國人之手以致比人欲分若干段路權之事故暫行停辦云云據此則知比人意中實有外視中國不待商酌即將此路利權據爲已有之意此而可忍孰不可忍當局者宜亟思之矣

夫以中國權利言之則粵漢鐵路之地固皆中國之地也使以中國之人用中國之財造中國之路誠上策也否則兩利相權則取其重兩害相權則取其輕我既以財政拙乏人材不足之故不能不借助於外人則專擇其可與共事之國與之訂約合辦以待異日期滿後之收回則雖已難語於保全權利之說猶不失爲次策也若使其人本不能得此權利而設巧法以得之迨既得此權利後又不能保其不再轉與他國而其國又專以佔踞土地爲事不以振興商務爲意則築路於先者必將占地於後斯實下策矣此所以粵漢鐵路建造之權如入於比人之手則中國已有不得不毀約之勢也

諸君子亦知蘆漢鐵路之已事乎當時與中國訂約承造此項鐵路者比人也而建造之費實取資於俄國故俄人實隱握此路之大權中外人士論及中國大局者輒謂蘆漢鐵路所

經之地。卽爲俄人勢力所及之地。以是爲中國隱憂。今可使粵漢鐵路復蹈其覆轍乎。其不可者一也。俄日之戰。至今未已。非特中國大局岌岌可危。抑且牽動全球。隱憂方大。而推原禍始。實由俄人占據東三省而起。俄人占據東三省之故。實由屯兵以保路而起。是則以此類推。萬一比人於粵漢鐵路得有築造權利。後能保其不折而入於俄人之手乎。如折而入於俄人之手。後能保其不以保護鐵路爲詞。派重兵以據要地乎。萬一俄人派重兵以據要地。則湘粵二省尙能爲中國有乎。前車既覆。殷鑒不遠。其不可者二也。其尤可慮者。則蘆漢鐵路既據中國之半矣。若粵漢鐵路又入於俄人之手。則南方之半。又將爲俄人所有。將來南北兩幹路同時工竣。後卽不啻舉中國之全境。納諸俄人之囊橐中。而任其如取如攜。中國雖大。豈尙有餘地以自處天下。可危之事。孰過於此。其不可者三也。有此三不可之故。竊願主持其事者。謹守約章。嚴杜後患。毋爲一時之計。貽中國以莫大之悔也。

出使俄國大臣胡奏陳俄人建造東三省鐵路工竣情形摺

竊考俄人謀築悉畢利鐵路以聯絡其東西二萬餘里之轄境。發議在咸豐初年。興工在光緒十七八年。終以紆繞黑龍江沿邊工艱路遠。遲久未成。自光緒二十二年。商允建造東省鐵路。於是悉畢利之路始克借道我境。而東西貫通。光緒二十四年。又商允接造南境枝路。

於是東省鐵路始直達經年不凍之旅大海口而與太平洋水路一氣貫注往來便捷形勢因而變遷該路於上年秋冬間逐漸行車至本年六月一律開通正條約所謂路成開車之時矣查幹路長二千八百餘里枝路長一千八百餘里以松花江南岸之哈爾濱地方爲兩路樞紐該處介呼蘭伯都訥之間東距三姓甯古塔西北距齊齊哈爾南距吉林均不出三四百里官私圖籍向未載列而地居滿蒙正中道路四達附近千里水土膏腴尤宜耕牧鐵路總公司設立於此其他官署商廠銀行教堂已建石屋三百餘所現尙興築未已是爲東西要衝而枝路亦卽於此處分歧南向總計幹枝兩路停車之驛大小九十八所又未立驛名預備客貨上下以及雙軌互讓之處共一百七十一所在路大小職事俄人十居其九每隔一二十里有兵房駐兵車行經過則出一二人負槍肅立其在大驛更駐重兵名曰守路哈爾濱現在兵房可容四五百人幹路上小枝路一條達松花江岸長七里枝路上小枝路六條其一陶賴洲一條亦達松花岸其二烟臺一條長三十里達煤礦其三大石橋一條長四十里達遼河岸之營口河之對岸卽中國內地鐵路俄路軌寬內地軌窄隔河相望爲關鍵要地其四五房江一條長十一里達儲煤地其五大方身一條長十五里達大連灣與旅順同爲軍埠其六南關嶺一條長二十九里達青泥窪卽現允作商埠之地查大石橋枝路

尙在旅大租約所謂隙地界綫之外大方身南關嶺二路則已在租界內矣今又自長春造一枝路以達吉林省城尙未竣工現自旅順直驅俄都僅十三四天以後尙欲增加速率縮短時期由西而東又與德法等國來俄界之急行車時刻相湊俾可直抵亞東無稍遲滯現急行車每七日五次明年六月以後則每日一次緩行車早經日日開駛此其現在開車轉路之情形也至全路雖已告成而初造時急於完工基礎未堅工料尤楛所用軌條每二尺五寸僅重四十八九鎊不勝重載現擬改用六十四鎊之軌而逐漸移舊軌就近改作他用且加工填築故一面行車一面仍施工不輟兩路橋梁共六十二處最長者爲松花江兩橋一長二百六十七丈一長二百零七丈次者渾河橋亦長二百零七丈諸橋雖已通車石工尙多未竟又東境鑿通山腹成隧道六處長者二百七十七丈次者六十丈西境興安嶺爲全路第一難工應鑿隧道八百零一丈施工甫半現尙盤旋山頂升降危險約計來年方克蕪工又因冬令苦凍沿途取水不易故蓄水之塔厥工尤鉅尙在陸續修造火車行駛首重儲煤東省本饒礦產現俄人於南境枝路已開烟臺及達爾尼北兩處煤礦據俄前戶部大臣所報該兩處之煤非但足供鐵路公司之用並可在青泥窪售賣出口又幹路西端札來諾爾地方新開煤礦深七八百尺寬四里長二十里煤質絕佳非但足供東省鐵路之用並可

供其悉畢利鐵路之用其他煤礦待開者尙多此其現在施工採煤之情形也至路線所過經彼三次測勘然後選定不惟避遠就近避難就易尤能擇扼要區高掌遠蹠謀興利於永久而非徒近計目前其在哈爾濱則首建兵房官署及一切公所並竭力謀設各種製造廠以招集工商全仿其二百年前經營森彼得堡成法其在青泥窪則首設地方官與工程局亟從事於修道築隄濬海及各種公所專注意於興商全仿其經營黑海之阿疊沙商埠成法至旅順爲鐵路盡頭又全用軍埠章程其築壘置防所費尤鉅所事尤密又議照昔年悉畢利辦法每歲移民若干萬以實松花江四近沃壤俄本農國耕牧是其所長近頗由農而進造於工據其戶部大臣所籌此次移民工農並重此其現在經營持久之情形也查其經費自光緒二十二年立約之後至二十七年止於五年中在東省用去鐵路工築費二萬八百六十五萬二千六百盧布造車費三千四百三十五萬盧布勘查費四百萬盧布購地費四千六百萬盧布旅順口修築費一千三百萬盧布計共三萬萬盧布有奇而昨今兩年所用尙不在此數據其戶部大臣所報即青泥窪賣地一項可收回地價一千五百萬盧布准此以推極東生財之道正自無窮等語然目下尙未臻此境當光緒二十六年借國債九千五百萬盧布次年又借七千六百萬盧布聞多供鐵路之用此誠非絕大魄力絕大資本未

易歲此鉅工興茲遠利我 國家根本重地有此數千里長之鐵路綿延連屬善爲策應亦未始不可默籌利用以惠此三百萬方里之居民惟成事貴審先機方今路成伊始或亦尙堪措注竊查兩國交界鐵路相通必有合乎公例之條約互相維繫如西一千八百六十四年巴晏法國路約一千八百六十七年法普路約一千八百七十五年俄奧路約一千八百七十八年瑞士都城會議萬國路約之類大抵首以貨物信件彼此責成爲重界綫上稽查貨稅各有專章價值時刻等事互相商定俾萬國有所遵循而兩國得均利益此爲各國法律家所公許應由督辦東省鐵路之中國大員與彼之政府公司銀行隨時晤商 奏聞先事籌措自庚子亂後督辦無人接洽探討未有專責此或非彼所急而爲我所不宜過緩者也又兩國道路大通交涉情形迥非昔比現今沿途工作貿易觸處皆是俄人況彼方議移民奪主喧賓防閑尤爲棘手又一年以來華民負販至俄不絕於道富商巨賈亦頗有挾資遠來考察商情物價謀興生業凡此工商要政無一不與外交相關將來或添設官員維持權利保衛商旅尤宜因勢利導未雨綢繆但非親歷其途將悉畢利沿路情形與東省沿路情形詳考熟思事事比較誠未易輕議此臣所當殫心竭慮審察周諮以仰答 宵旰憂勤之至意者也臣駐節是邦見聞較確不敢不詳細瀝陳應如何豫爲籌畫俾於慎重邦交之

中仍不失鞏固邊防惠植商民之策伏候 聖裁訓示不勝欽仰感激之至再東省鐵路向由俄戶部管理刊有細圖分色套印頗稱精確事關道里非圖不明臣謹就該部原圖擇要譯漢鐵路所經暨車驛名目均識以紅線紅字仍飭工精印並開列車驛里數清單敬呈御覽副以俄文原圖以資印證統由外務部隨摺代呈謹 奏

再俄造東省鐵路據條約所載原爲接續其悉畢利鐵路起見自旅順北行經哈爾濱折而向西凡三千五百十四里而至滿洲里驛出驛過額爾古納河卽俄界凡二千二百四十里達拜喀爾湖邊是爲悉畢利之東境此湖卽中國漢代所稱北海四周高山現俄人築路南岸瀕湖倚山工程過艱約明年夏秋方克告成今尙以舟載輪車而渡舟能碎冰雖隆冬堅凍無阻行程渡湖二百六十二里達伊爾庫次克爲東方極大都會商務轉輸頗盛又六千九百四十里達車里雅賓斯克統稱爲悉畢利鐵路經過大城如鄂穆司克等四五處皆耕牧之地每歲自歐西移民絡繹不絕自此赴歐亞分界之烏拉嶺嶺西地方繁盛四千一百十里而達俄舊都莫斯科爲鐵路四達之區又一千二百零八里而達聖彼得堡統計自旅順至聖彼得堡爲程一萬八千餘里查歐美極速火車每一小時行一百八十里每晝夜二十四小時如無停頓可行四千餘里則一萬八千里之路原不過五日而主但平時客貨來

往勢不能不節節停留又俄國火車本不如他國之速其在悉畢利以東尤不如遠甚加以鑿山繞湖工多未竟故現在須行十三四天他日車行加疾其迅速更可想而知矣自莫斯科分路往德奧國界皆不出一二日程德奧皆用窄軌故換車界上便可通行各國此悉畢利鐵路大概情形亦中外陸路車通大概情形謹繪簡圖進呈 御覽又自哈爾濱折而向東凡一千零六十四里出中國東界又一百八十二里而接其烏蘇里鐵路南至海參崴二百二里北至伯力即哈巴羅甫一千二百三十二里皆一車可通此又東境鐵路大概情形合併陳明謹 奏

湖南巡撫趙奏湘省紳商請設支路總公司先將常辰一路集股試辦摺

竊據湖南全省紳商呈稱今日談時務者莫不曰振興工商開通風氣鐵路者工商之基址而風氣之郵驛也比年以來迭奉 諭旨均以開辦鐵路爲興利之要圖仰見 聖謨宏遠同切欽承屬在臣民爭思自勵伏查湘省西南兩路水程則險灘林立陸途則山徑崎嶇以致物產殷阜壅積滯銷工藝皆窳材棄於地至於五金煤鐵天產豐饒大半以轉運維艱無從開採遂使風氣蔽塞僻陋苟安不復知世界競爭工商交戰之局是鐵路之在湘省尤爲刻不容緩況粵漢幹路開辦在即非綢繆先事更不足自保利權紳等衆議會同擬鳩集股

本辦理支路兩條一以通蜀一以通黔其通蜀一路擬自長沙幹路分枝上達常德由常德達辰州直入川境之西陽州北至重慶與川漢幹路相接此第一路之大略也其通黔一路擬自衡州幹路分枝達寶慶由寶慶出武岡黔陽晃州入黔省之鎮遠府境此第二路之大略也惟通盤籌畫工費甚繁勢難同時並舉惟有仿節節修造之法先就籌定兩路擇要與修查常德辰州一路上通巴蜀下接江漢尤爲百貨薈萃之區現擬先由長沙修至常德再由常德修至辰州綜計程途不逾七百里惟常德以上山嶺叢雜闢路稍難統計所需約在八九百萬兩先就本地紳商勸集股本再及滬漢等埠並派委員前往南洋各埠華商最多之處廣爲招集如有不敷或酌借洋款俾資周轉惟恪遵此次商部章程不得以路作抵並不准干預事權以昭畫一俟此路工竣再將衡寶一路陸續辦理用特合詞籲懇援照湖南礦務總公司成案在長沙省會設立湖南鐵路支路總公司先行奏咨立案除粵漢幹路已有美商承辦萍醴一路已有萍鄉礦局自辦外其餘粵漢枝路均附屬川黔兩大枝悉歸總公司經理明知工程浩大非旦夕所敢猝期然九仞之功基於一簣紳等食毛踐土誼無可辭不敢不竭力圖維等情並據洋務商務局司道會同詳請具 奏前來伏查鐵路爲商業樞紐所關湘省乃物產鬱積之地自非亟行籌辦不足以策富強而常辰一帶孔道要衝梗

阻尤甚自應首先辦理以樹基礎所請設立總公司一節核與定章相符湘中民情樸悍非官紳通力合作勸導有方先樹風聲再規實效無以啓風氣而洽輿情且鐵路與礦務互爲表裏挹注相資湘省既設礦務總公司則鐵路一端尤不可緩查四川紳商請辦川漢鐵路經四川督臣錫良據情轉奏已奉 俞允湘省事同一律應請援案辦理謹 奏

外務部咨南北洋大臣准美使函稱各國船隻駛入美國六海口應先商准文

光緒三十年四月初一日准外務部咨光緒三十年三月二十一日准美國康使函稱接本國外部所發通行知照之函內將海部大臣所送總理海軍事務局官稟擬如有外國兵船或他式國家官輪欲進美國海口與所轄之口有六處須先由該國駐華盛頓欽使請美外部轉請海部大臣允准方可進口該六海口係弗羅利達之他爾曠斯口庫力伯拉之葛雷德哈爾伯口意深大古巴之關他那磨口哈歪伊即檳香山之佩而治口意即珍珠瓜嗎島口非臘密之素壁隔海灣口除此各口外本局擬准各國兵船及各官船隨便進出美國海口與所轄之口不必先請允准並不問船數若干與住該口若干日不過於欲入美國製造廠與有船塢之口先行請允方可前往等語譯送查照前來相應咨行貴大臣查照轉飭各海關暨各海軍知悉特札

山東巡撫周飭商務局接修小清河鐵路妥訂辦法札

光緒三十年三月初五日承准外務部咨光緒三十年二月十六日接准來咨以膠濟鐵路公司總辦德商錫樂巴來函現在膠濟幹路八百里工已完竣而東關至小清河只距二里路程此二里又路不做於商人不便如做小鐵路而與大鐵路軌道不接仍須上下搬運亦屬未便前聞中國商人有從小清河做小鐵路至車站之議究與大鐵路不接且恐兩家鐵路擠在一處意見不合致有參差查膠濟鐵路章程第十三款有不准擅行另造枝路之語又云每造一叉路必須預稟山東巡撫以備查核等語現在此項叉路僅止二里係爲便商起見特請鑒核當經檄飭農工商務局查復小清河頭至東關車站直行不過二里有餘若迂繞則有三四里前因膠濟鐵路章程有不准另造枝路之語是以華商集議欲建小鐵路以達車站至今尙未定局該公司函稱小鐵路與大鐵路軌道不接商人須兩次搬卸貨物殊屬不便若令招商承辦將來意見參差皆係實情惟此次分枝雖里數有限究非大路中應有之利況取石運灰等項小叉路與原定章程不合擬請咨呈核奪查膠濟鐵路本名爲華德公司附有華股此次請做通小清河之枝路原爲有益商務若另招商承辦而工程大小不值集股且恐致多齟齬況按膠濟條約仍須買德國材料似不如仍歸該公司一手辦

理惟究在原定章程之外如承允許係屬特予利益應由山東商務局與該公司商訂合同略照原定膠濟路章辦理聲明以後凡遇有便商務之事准由商務局與其會商勿得專執除諭錫樂巴聽候核示外並飭繪具簡明地圖一併咨呈鑒核賜覆等因前來本部查膠濟鐵路章程內業經載明不准擅行另造枝路今該總辦函請接修小清河枝路殊與原章不符惟爲商務便利起見自不能不設法接展此段鐵路僅二里有餘所費無多應由商務局籌款自造其工程材料即交該公司承辦以便與幹路相接路成之後仍由東省派員經理一切並與訂定每年由該公司提出運費若干交商務局爲該段枝路應收之利如此辦理庶於商務原章兩無窒礙相應咨行查照核辦並聲復本部可也等因到本部院承准此除函告錫總辦等外應由商務局會商該公司妥訂辦法議立合同詳復咨候外務部核准方可動工此札

潮汕鐵路公司章程

第一條本公司承辦汕頭至潮州府城鐵路計華程九十餘里名爲潮汕鐵路有限公司
第二條本公司原擬集股銀一百萬兩近查工價物料各皆騰貴今復擬集股本作七錢二分兌足秤大銀二百萬員分作一百萬股每股科本銀二百員分作四期兌收本公司應設

股份總簿一本編列號數蓋用公司圖記分作存根執照以便核對至認股註冊之時每股先收掛號定銀十圓開辦時限一箇月內再收四十圓以應工程之用其餘按三箇月收一次第三次收銀五十圓四次收銀一百圓照如數收足所有股本銀圓統歸銀行收存以備支用其股票則憑銀行收條到本公司換給 第三條此項鐵路一切章程係照有限公司辦理每股收足銀二百圓為止以外並不再向股東添加股本以示限制 第四條本公司所集股銀如有不敷用處由公司承辦人自行籌足商借商還不請官款以歸劃一 第五條本公司常年老本悉統作六釐伸算如有餘利除酌提公積若干酬勞若干外仍儘數分給股東以昭公允 第六條凡鐵路所經碼頭河堤倘有破壞由本公司修築堅固兼可保衛地方兩有裨益橋梁貨棧機廠車站一切應用地段如係官地報明地方官會同本公司勘丈畝數若干按年應繳地租若干詳請報部查核民地則不論平民教民及別國民籍之業均照契公平交易仍於價買後報明地方官註冊作為公司產業照原定科則納銀設遇有祠堂神廟墳塋屋宇萬難設法繞越者自應會商遷讓除契價外酌幫資費若干不得借風水為名把持阻撓 第七條本公司係張京堂煜南稟請商部准予承辦今願推出與吳理卿謝夢池林麗生及內地商人洋籍商人合股聯辦同享利權但張煜南是倡建首總理

吳理卿謝夢池林麗生是爲倡建總理輔佐首總理永遠以總其成將來共同酌議選舉總司理併於各股友股額多而材堪稱職者選爲總理所有本公司用人行事均仿照外洋有限公司則例而行其應用監工公司內總司理及幫辦在事人等悉由倡建總理招選并會商總理擇用調派或留或棄及節制以一事權而符定章 第八條本公司興辦鐵路原爲裕國利民之舉所用地段必須聘請工程師勘丈明確以便動工應請地方官出示曉諭沿途保護以安民心而免滋事

議濬黃浦章程

兩江總督交駐滬各國領事會章程五條一各大國商船完納稅鈔旅華各洋商復將公捐經費濬浦中國益形抱歉故中國政府每年在海關稅餉項下自撥銀二十三萬兩其各洋商所認捐之二十三萬兩亦中國任之共歲撥關平銀四十六萬兩以便修濬黃浦竣事而止二所有黃浦工程仍歸上海道及海關管理其水巡燈塔及各項事權仍屬海關執事三現擬辦法承允三月後中國政府即請各國公舉熟悉河工之工程師一二員辦理工程四每三月即將工程費用開單一紙交上海各國領事公會稽核五中國政府情願不向上海口岸及附近口岸各國船貨產業收此項濬浦經費

招商總局輪船噸位數目

廣利一千四百六十八噸	安平一千一百五十九噸	公平一千七百四十二噸
廣大一千四百六十一噸	泰順一千二百一十六噸	江裕二千二百七十噸
圖南九百四十三噸	遇順一千零七十九噸	江永一千四百五十一噸
致遠一千一百七十七噸	協和一千零八十二噸	江孚一千四百六十八噸
豐順八百三十一噸	愛仁八百二十六噸	江寬一千四百五十噸
海晏八百三十七噸	新裕一千零三十八噸	江通三百四十噸
海定一千一百二十四噸	新豐一千三百八十五噸	快利八百七十九噸
海琛七百五十五噸	新濟一千三百八十五噸	江天一千三百六十八噸
美富一千三百二十一噸	飛鯨九百八十噸	固陵二百五十噸
普濟六百三十一噸	廣濟三百一十三噸	

共二十九號輪船噸位均照洋關完鈔數目

商務

論商會倚賴政府 節錄四月十九日警鐘報

中國商人素無合羣思想。故數千年來。未有佔歷史之榮光者。其所以無合羣思想者。一由於箇人利己之心太重。一由於政府待商之法太苛。因是富商大賈。生於中國之競爭界。幾不爲社會所容。觀於民分四等。商居其末。又漢制商人不得衣絲乘車。可以知其流品污下。無與比數者矣。近以歐化磅礴。我商人亦稍稍用其抵制之術。於是創設公司。利用機器。講求生產製造之術者。大有其人。且不僅爲一己之私利起見。行將合大羣以爲之商會。商會之立。其爲中國商業史之第一紀元乎。雖然。吾不謂中國不宜立商會。而惜中國商會不能如歐美之完備。何則。中國人之性質。除依賴政府外。別無固結團體成獨立自治之規模者。又烏能集多數視線。短淺之青。盲使之縱觀域外大勢乎。今姑勿論其結果。何如。若其發起之原因。已有不堪告人者矣。吾始以爲二三志士。恨於外患日亟。起而爲同盟自衛之計。果有漢沙市府之精神。今則草嵬灰線。已呈變幻離奇。不可思議之現象。嗚呼。中國之所謂商會者。亦若是已矣。吾將決其有百害而無一利也。

然則商會果不可立乎。曰。是何言。美人之拒母國也。以商會英人之墟。印度也。以商會。商會亦何負於人國哉。要之有獨立自治之力。則可無獨立自治之力。而徒欲依賴政府以博頭等顧問官之榮名。則吾猶見其害而不見利也。可不早辨哉。

按民權者。唯無非行之理。商會實含有民權性質。中國雖立商會。而事事皆仰成於官。斷無能久之理。若必欲為之。則惟有與商部申明約束。不得以勸捐。名加於商會。庶幾可以無弊。且立會之宗旨。在於抵制外力。若不於此預防。其禍則內力。斷不能保。何以言抵制外力。或閱者若以鄙言為妄。則請俟各書商會成立以後。五年無勸捐報効之事。當斷吾舌。以代妄言亂政之罪。

外務部議覆山東濟南等處請開商埠摺

竊臣部於光緒三十年三月十九日准軍機處鈔交北洋大臣袁世凱等奏為查明山東內地現在鐵路暢行擬請添開商埠以擴利源一摺。本日奉 硃批外務部議奏。欽此。查原奏內稱山東沿海通商口岸向只煙臺一處。自德國議租膠澳以後。青島興造鐵路。現已通至濟南。轉瞬開辦津鎮鐵路。將與膠濟之路相接。濟南為兩路樞紐。商貨轉輸較便。擬在濟南城。外自開口岸。以期中外咸受利益。至省城迤東之濰縣及長山縣所屬之周村。皆為商賈薈萃之區。又為膠濟鐵路必經之道。擬將濰縣周村一併開作商埠。作為濟南分關統歸濟南商埠案內辦理等語。臣等查泰西各國最重商務。每多開闢口岸。以便彼此通商。而為主國者。得以設關權稅。即於籌餉之道。亦屬有裨。直隸之秦皇島。福建之三都澳。湖南之岳州。

於光緒二十四年間經總理各國事務衙門奏請自開商埠奉 旨允准在案上年商約大臣呂海寰等條奏廣闢商場於七月間經臣部議覆應由各省督撫詳細查勘如有形勢扼要商賈薈萃可以自開口岸之處隨時奏明辦理奉 旨依議欽此通咨各直省亦在案今北洋大臣等以山東濟南城外爲膠濟津鎮兩鐵路交接之區地勢旣爲扼要商貨轉運自屬便利擬在濟南城外自開通商口岸實於中外咸受利益核與秦皇島三都澳岳州自開商埠成案相符其所請省城迤東之濰縣及長山縣所屬之周村一併開通商埠作爲濟南分關自係爲通貨便商起見均應如該大臣等所奏辦理如蒙 俞允卽由臣部照會駐京各國使臣查照並咨行北洋大臣等預備一切事宜參酌章程定期開闢妥爲籌辦並札飭總稅務司欽遵辦理謹 奏奉 旨依議欽此

商部奏擬訂公司註冊試辦章程摺

竊臣部於光緒二十九年十二月初五日具奏商律公司一門擬請刊刻頒行等因奉 旨依議欽此欽遵在案查公司律第二十二條載凡現已設立與嗣後設立之公司及局廠行號舖店等均可向商部註冊以享一體保護之利益等語臣部編輯商律首列公司一門凡有公司局廠赴部註冊者卽予以應得之利益意在力祛曩日渙散之弊與夫隔閡之情俾

商務得以日臻起色現公司律雖頒行未久已有華洋商人陸續到部呈請註冊者則此項章程亟應先爲定妥以資開辦在商人以承領部照爲憑藉獲遵循之準在臣部以各商報名爲斷實施保護之方譬如振裘必提其綱庶此後商務之盈虛消息以及各公司局廠是否遵守商律臣部得以隨時查覈遇事維持臣等謹督飭司員參酌中外情形擬定公司註冊章程一十八條繕具清單恭呈 御覽如蒙 俞允卽由臣部刊刻通行各省遵照並咨明外務部照會各國駐京大臣備案一面遴選司員經理其事俾專責成至此項章程擬請先行試辦倘有應行增補更改之處仍當隨時酌訂以期周妥謹 奏奉 旨依議欽此

商部奏勸辦京城商會並推廣上海商會情形摺

竊維商務之盈虛視乎商力之厚薄而要以聯絡商會爲樞紐上年十一月間臣部具奏商會簡明章程一摺奉 旨允准欽遵在案京城爲首善之區臣部有提倡之責自應先行勸辦商會以爲各省之倡惟北地風氣未開倘非開誠布公明白曉諭一經誤會流弊滋多是以臣等先期選派司員訪覓明白事理之商人剴切勸告導其來署由臣等親行接見面爲曉諭俾知舉辦商會實爲聯結團體挽回利權起見嗣據金銀號匯兌莊各業商董稟遵部章設立公所互相聯絡遂由臣部發給憑單俾資遵守又使該商董等輾轉勸勉舉事引伸

刻下茶業綢業布業均已次第做辦漸臻就緒嗣後各行業聲氣相通利弊可期諳悉而一切詞訟細故亦可消弭於無形此臣部勸辦京城商會之情形也至於商務之薈萃必歸口岸而口岸之繁盛首推上海去年十二月間臣等奏請將臣部右參議楊士琦留滬辦理商務推廣商會事宜誠以上海爲商賈總匯之區風氣早開措施較易現據該參議函稱上海紳商公舉浙商候選道嚴信厚粵商浙江候補道徐潤熟悉商情堪勝總董之任擬將原設之商業公所遵照奏定章程設法推廣改爲商務總會擬議章程寄呈覈辦前來臣等查上海所設商業公所係於光緒二十八年由前商務大臣盛宣懷奏准設立刊有商業公所關防辦理年餘商情尙無隔閡現經該參議楊士琦督飭該商董等遵照部章復加推廣閱其所擬章程均尙妥洽因卽飭令認真遵辦並飭將舊用關防繳銷由臣部另刊木質關防一顆文曰上海商務總會關防發給應用俾昭信守此外各埠再由臣部咨催各省督撫通飭地方官廣爲勸導謹 奏

商部刷印整頓出口土貨摺

竊近年各國商務日異月新有進無已實萃全國之心思才力胥注意於出口土貨至進口貨物則非其國之所需者莫不多方以抑制之絕不使利權外溢臣等忝膺商政日切勤求

亟宜舉我原有之土貨原有之質料力爲考求整頓勉圖補救於目前查絲茶兩項向爲出口之大宗華商不知合力併營聯爲公司以致近數年間價值高下幾無不受制於洋商而尤以茶業之虧折爲更重按海關貿易冊光緒初年出口之絲在十萬擔上下而商利較厚近則出口之數倍於從前而商利未能起色蓋一由於鎊價之前後懸殊一由於進口之緇絨繁重故似盈而實見短絀似旺而實難抵制也至茶則從前出口在二百萬擔上下輸入價金約三千四百餘萬乃年遜一年至近來出口僅一百五十萬擔輸入價金歲祇二十萬左右是不計鎊虧前後相較已減千餘萬金之鉅數若再不爲整頓恐日本之絲印度錫蘭之茶駸駸駕我而上而我所恃爲出口大宗者行將漸失其利源此外如各色綢疋各項彩繡華工製作未嘗不精特以色澤片段不事變通固難盡投其所好不善摹仿亦未能適合其所需至於骨角毛羽之屬洋商購自內地販運出洋以供其用製造之精組織之美一轉瞬間又進口而易我金銀以去凡此得失之故所關於中國利權者實非淺鮮應請 飭下各省督撫曉諭各商董迅速籌辦商會將出口土貨切實考究以期化散爲聚改竄爲良其產茶省分尤應講求焙製之法嚴禁摻雜之弊產絲省分亦應於外洋養蠶繅絲諸法實力研究或興辦蠶務學堂廣爲傳授總期所出土貨一律精美庶可暢銷無滯收挽利權並請

飭下出使各國大臣就中國所有之質料足以製物織物程功較易者即於各該國名廠仿其造法究其成本繪圖貼說咨報臣部以便隨時招商勸辦擇要以圖所有酌擬整頓出口土貨緣由是否有當謹 奏

商部申明商律內洋商附股字義咨兩江總督魏文

光緒三十年二月十二日准貴督咨稱近年洋商得與華商合股在中國內地營業者惟路礦兩事其設廠製造之利久爲洋商垂涎所未得亦即爲保護華商生計之要前年會議英約英使馬凱即以此再三要求經劉前大臣等堅持力拒始克於英約第八款第九節載明洋商用機器製造祇能在通商口岸然約內載有明條洋商尙有勾串華商妄圖內地設廠或藉借資本意圖虧蝕管業者今查公司商律五十七條所載原係按照英約第四款購買股票辦法惟該約第八款內既載有洋商用機器製造祇能在通商口岸則兩事同載一約前後參觀內地華商所設公司不應附股其義自見今商律內僅論附股深慮洋商朦串各省一時不及領會一經開端即難堅拒不可不杜其漸可否由貴部核明條約申明商律五十七條意義咨行各省一體備查以免誤會除將商律照刊分發外相應咨復希即酌核施行等因查公司律第五十七條一則曰中國人設立公司則凡洋商勾串華商妄圖內地設

藉詞借款等弊各該地方官即應詳查呈報不容稍涉含混致蹈覆轍再則曰外國人有附股者此無論英約第四款意義相合即歷稽各約款華商公司無不准洋商附股之專條則公司律不得不顧計及此而著爲此條三則曰即作爲允許遵守中國商律及公司條例是於不能禁阻洋股之中爲挽回主權之計律意顯然本部實深切致意現在訂章定律莫不力求審慎按奏定路鑛章程內均載有華洋合股洋股不得過於華股之數又不准以土地抵借洋款各條蓋深恐權因股重而倒持地以借款而削弱特明定界限以範之至英約第八款第九節於機器製造一層隱以口岸二字爲內地之對鏡當時議約既難明著內地不得製造數字則目前定律豈能顯言內地公司不能附股況此節下文專注在廠稅而公司律五十七條專注在中國人公司以力保主權則與英約所載不相干涉即合觀詞意亦兩無觸背律取隱括體例所限礙難如約文之可著邊際嗣後如有洋商希圖內地設廠自應據約章以爲斷若華公司附搭洋股自應執定律以爲衡即在洋商亦斷不能援律文所載以爲准其在內地設廠之據是在各將軍督撫達權濟變操縱有方就約文律意而會其庶幾主權可保相應咨明貴督希即分別查照辦理

通 商部咨各督撫考查土貨文

光緒二十九年八月間本部具奏章程內開各省各屬土貨及製造所出之貨共若干類應由各省詳晰咨報本部查核等因奉 旨允准通行遵照在案查振興商務整頓土貨實為第一要義果能從此著手加意經營使土貨日盛出口日多庶足挽回利權藉資抵制惟中國地大物博百產蕃昌各省情形互有同異本部職司商政銳意研求總期深悉周知以便逐漸籌辦亟宜博訪深探調查一切用特刊表列說頒發直省令各就地考察按格填注並將何為大宗何為土產何利可興何源已闕何者宜行銷內地何者宜販運外洋何者宜設法維持何者宜竭力提倡大樣情形著為略論弁諸表首用備採擇庶幾中國物產精粗工藝優劣無不洪纖畢備囊括靡遺本部得據以消息盈虛通盤籌畫力圖整頓之策其關係商務至為切要相應咨行貴督撫查照轉飭各屬按照表說開列諸端詳查確切情形分別填注並嚴飭各屬不得視為具文酌立限期俟一律填齊呈報後迅速彙送本部以憑考核

附考察各省土貨表例說土貨種數繁多今總括以四類餘可類推

農產類如米麥絲茶棉花蠶繭等皆
是動物類如畜牧漁業皮貨毛羽等

若屬礦產類如五金煤鐵硝磺玉石等皆非製造類凡前三類
中物用人工或機器製成熟貨如棉布呢絨金銀器皿等皆非

調查約分六門每門應註明各節開列於後

一日品名

明貨物花色莊口名目某項出產熟貨須註明人工是礦產新造二日價值註明最高時價若干最低時價若干中估價若干
註明水運通陸運與陸有無輪船火車鐵路等項運費何處時裝日有幾路可行四日銷場應註明銷場本地或本省或某某
埠地或外洋某某等處或由何處客商販運五日釐稅應註明本地有何項運至銷場共納釐稅若干係估價抑或按件徵抽六日
綜數應註明是否州產大宗每年產數若干係估價抑或若干內地銷場若干外洋銷場若干係估價抑或若干成本獲利幾何

中國素

無調查物產盈虛地方官公務煩多恐難周悉宜將表格發交本地各業妥實商董分行
考察以期確實 重刊表格須按部頒尺寸不得參差物各依類相從每種各填一格不
得併混

直隸總督袁咨行各省會商訂立售賣洋人需用食物章程文

據津海關道唐詳稱案蒙憲臺札以法人保各拉在獲鹿縣屬石家莊開設洋酒舖生理核
與約章不符札道查照照會法國領事官查禁等因蒙此當經照會法國彌總領事查辦去
後茲准該領事照復內稱本總領事悉該令既明條約甚善惟查已有數年中國地方官於
西人在北漢鐵路沿途貿易者並不下逐客之令且亦並無滋擾妨碍之事而反覺於地方
有益恐現在若遽行禁止此等賣買於該處工商人等頗為不便耳緣貴道應悉所有修晉
漢鐵路之西人伊等常用外國食物等貨而在中國舖號不易購得且諸承修工程者亦或
有不甚富足之人若待寄往天津購買食物則所費必多殊覺不足體諒所以有法國商人
及別國商人由天津分設行店在北漢鐵路迤北作此生意者本總領事並聞之在鐵路迤
南者亦係如此情形既然情形一樣何以晉漢鐵路辦法兩歧本總領事甚為盼望袁官保
請再詳查此事容留此等西人作為此項買賣並請飭地方官保護伊等倘法國人有犯條

約規矩之事本總領事按照本分治其應得之罪可也等因照復前來查洋商不准在內地開設行棧載在約章今彌總領事以修建晉漢鐵路之西人常用外國食物購買不易爲辭亦係實在情形惟現在鐵路各幹路工程將竣所有各洋人需用外國食物或由火車轉遞或爲華人在內地鐵路附近繁盛處所開設店舖俾各西人得以隨便買用在各領事庶可無從藉口若不訂立章程則各洋人紛紛開設將來恐難約束職道籌思再四惟有叩請憲臺轉咨南北路各省嚴定章程以便有所遵循到本大臣據此除批據詳已悉查洋商不准在內地開設行棧約章載有明條今法國彌總領事以修建鐵路西人艱於購買外國食物且以蘆漢鐵路迤南迤北曾有此等貿易並無滋擾妨碍情事何獨於正太鐵路歧視爲詞該道擬將各西人需用食物或由火車轉遞或由華人在附近鐵路開設舖店庶領事無可藉口請咨商各省訂立章程等語候咨請湖廣督盛京軍督部堂暨山西山東河南撫部院江蘇安徽撫部院嚴定章程見復飭遵其直隸境內仍由該道妥擬章程稟候核奪此繳等因印發並分咨外相應咨明查照辦理見復飭遵施行

江海關道袁致駐滬各領事照會

中國商民公司行棧旗式擬用紅地黃月月中加一青龍以示識別一案業經照繪旗式分

別呈報照會移行在案嗣因招商局輪船懸掛紅地黃月旗式行用已久未便紛更而各公司均請自設旗號復經由道與中國公正紳董及平日考究商務者詳加酌核除招商局官督商辦者已定有旗式應毋庸議外擬以前定之黃月中一龍者爲商民箇人事業尋常通用之旗另定一黃月中二龍者爲商民合衆公司事業特別之旗凡經奏准及稟定有案者方准懸用亦不得另立別樣旗式由道稟奉南洋大臣咨請外部分咨照會除將前兩種旗式各繪四十分呈請南洋大臣核咨並分別照會移行外合繪續定旗式備文照會貴總領事請煩查照

商部奏定公司註冊試辦章程

十八條

第一條本部於光緒二十九年十二月初五日具奏商律之公司一門業蒙 欽定頒行在案凡商人經營貿易均可照律設合資公司合資有限公司股分有限公司此四項中認明何項在本部呈報註冊無論現已設立與嗣後設立之公司局廠行號舖店一經註冊即可享一體保護之利益所有註冊章程茲特釐訂於後以資開辦 第二條註冊局即於本部設立選擇廉正明幹之司員專管公司註冊事宜局中立有公司註冊檔案分類編號按照公司律所載各項詳細註寫不得疏漏 第三條凡公司呈報本部註冊所應聲

明各款如下 凡商公司無論局廠行號舖店等均准此 公司名號公司作何貿易公司有限無限合資人數及姓名住址資本共合若干 係指有限公司而言 公司股分總共若干每股銀兩或圓若干每股已交銀若干創辦人及查察人姓名住址公司總號設立地方如有分號一併列入公司設立後布告股東及衆人或登報或通信均須聲明設立之年月日營業之年月日 如無期限亦應聲明 鈔呈合同規條章程 第四條公司所擬出之股票款式應於呈報註冊時附粘一張存案其票式照律載第二十八條列入如下公司名號註冊之年月日總共股分若干每股銀數若干股銀分期繳納者應將每期所交數目詳載附股人姓名住址其票必須公司董事簽押加蓋公司圖記編號並登給發之年月日 第五條凡各省各埠之公司局廠行號舖店等一經遵照此次 奏定章程赴部註冊給照後無論華洋商一律保護其未經註冊者雖自稱有限字樣不得沾公司律第九條第二十九條之利益 第六條公司註冊應按照律載在開辦十五日前呈報本部方可開辦各公司呈報註冊應扣算程途遠近郵寄遲速早日呈報到部隨到隨辦以免阻滯 第七條凡公司設立之處業經舉行商會者須先將註冊之呈由商會總董蓋用圖記呈寄到部以憑核辦其未經設有商會之處可暫由附近之商會或就地著名之商立公所加蓋圖記呈部核辦 第八條合資公司凡合資營業未聲明股本若干者應繳註冊公

費悉如後列之等次甲凡公司註冊聲明合資人不過二十名者繳銀五十圓每圓合庫平銀七錢二分乙合資人逾二十名在一百名內者繳銀一百圓丙合資人數如過百名外每多五十名或不足五十名均加繳銀十圓依次遞加丁凡合資人數聲明無限者即不論其人數多寡繳銀三百圓戊凡註冊報明人數後如欲續加合資人數每加五十名或不足五十名均加繳銀十圓惟連原繳之數統計不得過三百圓 第九條股分公司凡股分營業者應繳註冊公費悉如後列之等次甲公司註冊聲明股本不過一萬圓者繳銀五十圓乙股本過一萬圓外每多股本五千圓或不足五千圓均加繳銀十圓以至二萬五千圓為率丙股本過二萬五千圓外每多股本一萬圓或不足一萬圓均加繳銀三圓以至五十萬圓為率丁股本若過五十萬圓每多股本一萬圓或不足一萬圓均加繳銀半圓戊如報明股本若干註冊後續加股本每加一萬圓或不足一萬圓均照以上丙丁所列加繳銀數惟連原繳之數統計不得過三百圓 第十條註冊公費均按銀圓計算如股本係銀兩者其註冊費即應按兩數計算平色並從其股本為準 第十一條凡公司遇有緊要情事報明本部立案或按公司律應呈報註明立案者每件應繳公費銀三圓 第十二條公司開辦註冊後如有該公司股友或他體面商人欲至註冊局檢視某公司註冊詳情者每人繳費銀一圓准

其檢視一次 第十三條如公司股友或他體面商人欲鈔錄某公司在本部註冊全案者一百字內應繳鈔費銀一圓過一百字每百字遞加銀半圓所鈔之件如更須蓋用印信以爲證據者除鈔費外每件繳銀五圓 第十四條註冊局之設原爲利商起見凡商人欲查問事件儘可隨時赴局會晤除章程載明應繳公費外餘無他費 第十五條註冊局收取各費當即掣付收據蓋明商部註冊局圖記以昭信實 第十六條公司呈報註冊到部查明如不合式立即飭令更正其應行照准者即給發執照一紙蓋用印信爲憑 第十七條無論何國商人公司在本部呈報註冊悉以譯成華文爲憑本部註冊給照亦均用華文以歸一律 第十八條如右所列作爲公司註冊試辦章程開辦後仍當酌量情形隨時增改

合資公司註冊呈式 具呈省府縣地方公司爲呈請註冊事竊公司照章程內載所應聲明各款呈請註冊伏乞商部註冊局查核施行須至呈者 計開名號貿易有限無限設立年月日營業年月日總號設立地方如有分號一並列入合資人數合資人姓名住址資本共合若干合同規條章程布告 光緒年月日公司押 股分公司 註冊呈式 具呈省府縣地方公司爲呈請註冊事竊公司照章程內載所應聲明各款呈請註冊伏乞商部註冊局查核施行須至呈者 計開名號貿易有限無限設立年月日營業年月日總號設

立地方如有分號一並列入股份總銀數每股銀數每股已交銀數創辦及查察人姓名住址合同規條章程布告 光緒年月日公司押

商標註冊暫擬章程

第一條無論華洋商欲用商標者須照此例註冊商標者以特別顯著之圖形文字記號或三者俱備或製成一二是為商標之要領 第二條商部設立註冊局一所專辦註冊事務津滬兩關暫作為商標掛號分局以便掛號者就近呈請 第三條凡呈請註冊者將呈紙送呈註冊局或由掛號分局轉遞亦可 第四條呈紙內須附入說帖說帖內附商標式樣之紙務將商標式樣之大概及照本章程試辦條例細目內所定之類別與此項商標特定之商品均記載明確如由掛號分局轉遞須將呈紙及說帖添寫副本各一通 第五條註冊局收受呈紙查無不合例處存留三箇月其間如無他人呈請與此抵觸者即將此項商標註冊 第六條如係同種之商品及相類似之商標呈請註冊者應將呈請最先之商標准其註冊若係同日同時呈請者則均准註冊 第七條在外國業已註冊之商標由其註冊之日起限四箇月以內將此商標呈請註冊者可認其外國原註冊之時日 第八條不准註冊之商標如下所列一有害秩序風俗并欺瞞其人者二國家專用之印信字樣

各等門類及由國旗軍旗勳章摹繪而成者三他人已註之商標又距呈請前二年以上在中國公然使用之商標相同或相類似而用於同種之商品者四無著明之名類可認者

第九條無論華洋商標專用年限由本局註冊之日起以二十年為限其已在外國註冊之商標照章來請註冊者則專用年限即從其原註冊之年限但不得過二十年 第十條專用年限屆滿時欲續用此項商標者如在滿期之前六箇月以內准其呈請展限 第十一條業已註冊之商標主如欲將該商標之專用權轉授與他人或須與人合夥須即時至註冊局呈請註冊 第十二條業已註冊之商標若與第八條內第一第二第四則有背者註冊局可將其原主之商標註銷 第十三條業經註冊之商標如有與第六條及第八條之第三則違背於此有利害相關之人准其呈請註銷但註冊已過二年者不在此例 第十四條註冊局有請註之商標認為不合例者應將緣由批明不准註冊 第十五條有不

服前條之批駁者由批駁之日起三箇月以內許其據情呈請註冊局再行審查 第十六條凡商標呈請註冊人或商標主不在中國者或距註冊局所較遠者必須擇定妥友報明作為經手代理人 第十七條如有欲抄錄商標檔冊或閱看檔冊者准其至註冊局或掛號分局呈請距局較遠者可由經手代理人呈請 第十八條註冊局將註冊之商標及註

銷關係各事隨時刷印商標公報布告於衆 第十九條有侵害商標之專用權者准商標
主控告查明責令賠償 第二十條控告侵害商標者辦法如下所列一如被告係外國人
即由該地方官照會該管領事會同審判二如被告係中國人即由該領事照會該地方官
會同審判三如兩造均係洋人或均係華人遇有侵害商標事件一經告發由該管衙門照
辦以示保護 第二十一條如犯下列各條者罰以一年以內之監禁及銀三百兩以下之
罰款但須俟被害者控告方可論罪一意在 استخدام同種之商品而摹造他人註冊之商標或
將此販賣者二將商標摹造而使用於同種之商品者又知情販賣其商品或存積該物意
在販賣者三以摹造之商標用為招牌登入報章告白者四知他人之容器即箱匣等類 包封等
有註冊商標而以之使用於同種之商品者或知情販賣其商品者五明知可以侵害他人
註冊商標之品物故意運進各口岸者 第二十二條如有以上各條情事將其製成之商
標及製造商標之器具均收沒入官其與商標不能分離之商品或容器或招牌則毀壞之
第二十三條凡呈請掛號註冊給照等無論華洋商應繳各項公費如下所列一呈請掛
號每件關平五兩一註冊給發印照每件關平三十兩一合用轉授註冊每件關平二十兩
一期滿呈請展限再註冊每件關平二十五兩一抄錄註冊商標之文件關平二兩

過百字者
每百字加

一到局閱冊每二刻鐘關平一兩一遺失補請印照關平十兩一報明冒牌等事每件關平五兩一呈請再行審查關平五兩一呈請註銷關平二十兩一留傳後人請換印照每件關平五兩 附則 第二十四條本章程自光緒年月日起施行 第二十五條本局未開辦以前照條約應得互保者既在相當衙門呈報註冊之商標本局當認其已經呈請合例 第二十六條本局未開辦以前在外國已註冊之商標須於本局開辦六箇月以內將此項商標呈請註冊本局當認此項商標爲呈請之最先者 第二十七條本局未開辦以前其商標雖經各地方官出示保護如本局開辦六箇月以內不照章來請註冊者即不得享保護之利益 第二十八條前三條情節於定五條所定之章程無關以上作爲試辦章程其未盡各項俟商標律訂成後再行酌量增補至商標註冊式今錄如下

爲知照事照得商人某前於第若干號呈請掛號之第某類商標本局查與註冊試辦章程相符應即准其註冊茲限於某月某日以前將註冊給照費三十兩並商標印版一併繳送來局過期應即註銷切勿遲延自誤須至知照者光緒某年某月某日爲知照事據商人某稟呈第某類使用某物爲商標當即列入第若干號嗣後如有稟請事件須將此次知照之號填明以便查檢須至知照者光緒某年某月某日

商部商標註冊局辦法

一商標註冊外國視為商務第一要義故註冊後所發文憑必須蓋用官印以為憑信應請頒發一木質關防其文曰商標註冊局關防以便蓋用文憑 一各國於商標註冊局雖隸歸商部管轄而皆特設一衙門因其事極繁重故也今當草創暫設商部署內俟後酌看情形再行另設 一商部經費支絀註冊局支用經費不應在商部支領擬請於所收冊費內酌留三成爲本局經費其餘七成解歸商部仍實用實銷造冊呈報 一津滬兩海關現爲商標代辦掛號處亦須添用辦事之人將來如由津滬兩處掛號來者應請酌提二成爲其經費留二成爲本局經費餘六成解歸商部 一本局所收註冊經費五日一結解送會計司每月底造一總冊呈部查核 一查外國商標局所用官員約四五十人之多今所派章京僅六員而各員皆有本司應辦公事勢難專心於此日本所調學生到京需時可否由該部自擇品學兼優任事勤勇素所相信者稟請一二員以資贊助其薪水俟收有冊費再行稟請酌給 一註冊局填照錄檔抄寫需人商部供事勢難兼充應請另招供事四人 一開辦之始添置器具檔冊紙筆在在需款應請先由商部支借一千兩以資辦公嗣後即由留支三成經費內陸續繳還以清款目

江蘇省商民回華保護章程

一商民回華無論來自歐美日本安南各島但係本國之人均應照章奉本國之例由地方官一例保護如遇地方胥吏里族莠民有藉端欺凌情事准該商民隨時赴各衙門指名控訴或即赴商務局呈告察核所控得實即由地方官將被控之人照律嚴懲 一回華商民本係中國之人一切自應照中國律法辦理不能因其歸自外洋稍涉歧視如應完國家賦稅捐釐自有一定章程商民祇須照章完繳此外國家各項捐務地方各項善舉應由商民自願出資輸納不願者聽不准有絲毫勉強抑勒俾實受保護之益 一商民自外洋歸來無論住居蘇州口岸腹地或附近之城鎮均即赴該管地方州縣稟報註冊聲明姓名籍隸某縣家口男女若干向作何業自何處歸華現居內地何縣何圖轉申商務局由局摘敘事由給予保護文憑即飭該商民現居之州縣一體飭差切實保護仍由局將回華人數每年年終彙造清冊報查 一商民行李往來起落必藉挑夫駁船之力此輩無知惟圖利己保無因來自外洋鄉音已改有意欺凌勒索情弊應飭地方州縣彈壓保護切實辦理不得稍有欺凌勒索等事現在回華商民鮮有所聞應先行通飭各府州縣預為曉諭俾得通知以免臨時失措

商部批准北京匯兌莊金銀號創立商會章程

一商會之設原所以聯絡同業情義廣通聲息中華商情向稱渙散不過同業爭利而已殊不知一人智慧無多縱能爭利亦屬無幾何不務其大者而爲之若能時相聚議各抒所見必能得巧機關以獲厚利或一人力所不及而同業中彼此信義相孚不難通力合作以收集思廣益之效茲定於每月初一十五兩日爲大會之期准於上午十一點鐘聚會下午一點鐘散會同業各家執事齊集該會或有益於商務者或有病於商務者即可公評定議稟請大部核奪施行如同業中有重要事宜儘可由該號將情告知商會董事派發傳單隨時定期集議惟所發傳單必須在會期三日之前 一中國匯兌銀號除匯兌銀兩外間有與官家商家通融借貸之事息銀多少各有不同書立信據書明歸還日期即應如期歸還此後如有匯款借項逾限不歸者呈明地方官衙門代追如該管衙門延不伸理准報商會據情稟請大部飭催 一中國匯兌銀兩無論官商立據後如有退款不辦之事議定不退兌費遇有講說行市大小者過一天後另議不得持前說爲定論以期不至多費口舌 一中國匯兌銀兩收交以票信爲憑往來以摺條爲據如有遺失票信摺條者照例在本地地方衙門存案歸款原立憑摺作爲廢紙但存案後或經中外持原憑據索討以及造假憑據竄改

銀數者有此情事稟請究辦 一中國匯兌銀兩應以本地之通行銀色收交一律兩不相虧北京向以足色通行近有外行應交我行之項搭湊低色銀兩我行瞻徇情面明知故收日久成例吃虧不少此後無論收交彼此務要足色如有我行收人次色銀兩交人次色銀兩等事均應從嚴議罰核辦 一開設商號宜慎之於始從前金銀商號向祇三十餘家自庚子變後開設者爭先恐後何啻倍蓰今既立商會凡有業此者均應在會嗣後有續開者亦必報明會中由職商等驗明資本殷實執事之人老成始行代爲報部候批准後方許開張以昭畫一 一交庫上兌須益加鄭重也從前上兌只有十家今則紛紛自行到庫呈交銀兩然尙未見有平色參差之弊若行之日久續有增開之號難保不別生弊端魚目混珠亟宜防範今擬已經交庫之號概行照舊不議更張此後新開之號必由會中公同酌核始行代爲報部候批准後方許一律到庫呈交銀兩以專責成 一出銀票之商家宜認真整頓行用銀票不惟流通市面亦且維持商業見票發銀必平色無差即可望其通用甲用於乙乙用於丙周流傳使裨益良多若爭小利致票不通行甚非計也現在洋票日見充斥如華商信實相符絲毫不苟自必人人樂用華票庶利權不致外溢久之足可奪洋商之利權

得宜不可使銀款缺乏有誤應用倘有貪利妄爲致現銀缺乏不敷開發所出之

慕者則商會不認保護之責 一空盤不宜成作以歸核實經商貿易本屬量力而為果能盡心生理必獲利焉正無煩妄作營求但買賣貨物之幫本小利微者偶生貪念成作空盤雖為到處皆然而究其實在獲利者間或有之虧折者則不可勝數甚至傾家蕩產名敗身亡託名生意形同賭博 朝廷早鑒於斯例禁已久正所以體恤商情奈此風迄未盡息金莊亦為出入貨物之幫交易無市有無空盤之作無從查知茲公定章程各宜自慎嗣後凡有因空盤生意致生糾葛以及拖欠帳目者商會不與評論更不為稟請大部理直

中美商業十年比較表

一千八百九十三年至一千九百二十二年間中美兩國商貨價值之比較如左表我國商業中

年次	中貨至美值銀數	美貨至中值銀數
一八九三	二〇六三六五三五	〇三九〇〇四五七
一八九四	一七一三五〇二八	〇五八六二四二六
一八九五	二〇五四五八二九	〇三六〇三八四〇
一八九六	二二〇二二三〇〇四	〇六九二一九三三
一八九七	二〇四〇三八六二	一一九二四四三三

- | | | |
|------|----------|----------|
| 一八九八 | 二〇三二六四三六 | 〇九九九二八九四 |
| 一八九九 | 一八六一九二六八 | 一四四九三四四〇 |
| 一九〇〇 | 二六八九六九二六 | 一五二五九一六七 |
| 一九〇一 | 一八一〇三七〇六 | 一〇四〇五八三四 |
| 一九〇二 | 二二〇五五八三〇 | 二四七二二九〇六 |

各省商業彙誌

北京 商部公司註冊商標註冊兩處章程刻已議定即於四月廿五日入奏頒行惟專利註冊版權註冊章程則擬纂入商律至商標局即設於商部署內已於五月初四日開局各國商人業已紛紛註冊 商部日前具奏考查各省土貨種數刊刻表格咨行各省督撫飭屬確查分別填註彙齊報部查核等因具奏奉 旨允准通行已由商部分咨各省 商部新立官辦造紙局需資本六十萬金一切官用紙張統歸官局製造將來郵票紙幣亦擬由局製造以保利權而杜流弊誠為善政特恐資本過鉅庫款支絀不易籌畫耳 近有伍君等在北京設立呂宋煙公司一所其字號同濟利以三星牌號在商部具稟已經批准立案 外部近接南洋大臣魏午帥電畧謂接到部咨並奏定公司律一冊當經飭屬刊印頒發遵守惟第十七條所載中國人設立公司外國人有附股者等語其意太簡誠恐將來漫無限制且內政所守者律例外交所憑者條約現在中外通商商律一書雖係內政綱維而實外交關鍵萬不可與商約有所出入按上年與英美議約英使堅索內地製造准設行棧之權當時商約大臣暨南洋湖廣等省固拒力爭唇焦舌敝始得限以口岸其

美口岸而開設行棧者即爲違約業官可以查察良以洋商財雄力厚若既准其製造土貨復准其任便開設行棧則內地商民生計勢不靈爲所奪不止今商律所載外國人附股一節既未指定何項公司又未限定某處地方是律商雖無在內地自開行棧之利而有在內地任便附股之利洋商黠業商懦弱浸而久之公司利權且將奪爲所據而商約限制之文爲虛設矣大局所關良非淺鮮請查照酌核於該條下添注數語或另立一條務令與商約不至違異云云聞外部以商律係由商部奏定已轉咨商部核辦云

直隸 長蘆鹽引滯銷日本領事鄭永昌爲其國商人陶尙義介紹於直督袁綱軍請速直鹽行銷日韓兩國每年賺銀十二萬直督允之爲之咨請外商二部商部接咨即行照准外部以鹽務爲戶部專責備文咨商戶部始知之亟電直督令從緩辦

黑龍江 俄國已議准以黑龍江爲自由貿易口岸環春商人聞此消息極形歡悅

江蘇 聞張季直修撰條陳魚業鹽業公司辦法由商部代奏已奉 廷寄魚業著沿江沿海督撫考察辦理鹽業著兩江總督督飭兩淮運司認真整頓 揚州使益門外新創打蛋公司刻已出資購蛋添雇女工將雞子青黃分爲二種戶以洋鐵桶運赴日本銷售 日本人加茂在鎮江開設東字行購辦內地土貨於清江設立土貨屯棧轉運三聯單常鎮道資其違章前赴內地阻令閉歇現該日人據馬關條約第六款第二節日商准在內地設行棧製造一切并開清江爲商埠等情與常鎮道辯駁已訴於總領事云 鎮江日商事務由駐滬總領事所派駐甯之日本總辦天野君經理茲天野君奉調他往交卸在卽另由總領事小田切君特派商部君赴甯接辦 近有太倉紳士稟請創辦紗廠公司奉商部批云據稟及章程均悉該員等集資開辦太倉濟泰紗絲廠呈請立案並稱資本現已招集逾半俟開辦有期再按 欽

定商律有限公司逐條辦法稟請駁示等語尙無不合自應准予立案除咨南洋大臣轉飭該處地方官實力保護外仰即妥速籌議照本部奏定公司律將開辦以前各節照例報部 華婁兩縣交界處屢有洋商前往購地當由兩縣稟知道憲設法禁阻

安徽 安慶太古輪船局以洋關開設早有成議預於小南門外買基地數畝以爲建設港船地步所有售主王姓已陸續與洋商訂定售價銀萬兩業經劃清界址茲本地紳耆查界址內有侵佔官基情事特於前日具稟藩憲請飭阻止云 江西景德鎮作磁之泥向產於安徽之祁門縣其泥細膩堅緻久爲西人垂涎茲有候補知州婁子青者條陳皖撫派員在該縣設磁泥廠以免利源爲外人所奪當經皖撫誠中丞核准撥官款二萬金即委婁刺史總辦其事並飭購章速爲開辦

浙江 浙省沿海魚業實爲出產大宗浙撫通飭沿海各府即遵照張季直修撰奏准魚業公司條陳辦法一體迅速妥籌辦理

福建 閩省樟腦之利與筍竹之利不相上下前閩督許制軍會委廈道黎觀察督辦其事在廈設立總局而上游各分局概予日人承辦名爲官局實爲日局日人承辦各該局以來如永安福安等局均獲利無算因土人甚愚投售樟腦每擔僅得價銀五十元而日人運售香港每擔可得二百餘元不啻三倍利市以故英人因而生心亦在上游各處採買運售爭其利權日人以英人無成約在先不得採買爲辭英人以利益均沾之例亦得到處採買爲辭兩造均質於總局黎觀察既不能袒日又不能許英乃擬將日人之各局收回自辦以免利權旁落日人要求賠款十餘萬方肯退辦聞黎觀察許以五萬金未知日人能滿志否又聞黎觀察將以此項權利收回擬交粵人某君承辦云

湖南 湘省商務局各官紳刻已定議將建廠一所爲商會備辦本省及他省物產外洋物產陳列其中以擴見聞而資比較並做兩國商例其有新製一奇品偶得一異物者准其送到會中志其姓氏定其價目以示表異

新疆 伊犁俄領事擬於每年秋間在伊犁某地方設一互市伊犁副都統春滿駐塔爾巴哈台以互市之設頗非易擬先與

俄領事商定草約電達外務部核奪再定行止

廣東 外務部致粵督岑制軍電云近准英使照會內開請即按照中英商約在惠州設立商埠實係中西商務有益等因除行總稅務司查照外請即派員查復照約核辦云云 廣東省城自開辦公共保險公司以來頗著成效近各商又會議增入普通公共條款如下一同會各處巡警會中各店均有夥伴馳往代護貨物拆斷火路現計因是而獲保全者甚多應增編人數俾遇警可資保護一投保日多地方遠近不一赴救人數亦多應明定規則俾各司其事不致紛亂編十人爲一隊以一什長督率之則不至散漫人數既已編定各給本公司照頭腰牌一具以便稽查冒充混入者一搬運貨物分特別冒險及普通保護公議給以額外花紅以示獎勵 瓊州一島海外孤懸帆檣鱗集爲粵東通商便利之區外人涎之者久矣現聞英國香港總督電致駐京英公使薩道義報告瓊州商務實情并陳開港之利益請該公使按照中英通商條約明文從速實行開港之舉云

廣西 南甯爲南北通衢通商便利現聞法人因龍州商務現象蕭條堅請中國開南甯爲商埠即將法國龍州領事改駐南甯現經桂撫柯中丞電咨政府請示辦法

貴州 貴州巡撫因食鹽皆仰四川供給每年耗去四十八萬兩之多倘就本省開辦鹽政可挽大利故已入奏開辦

僑民商業

閩省漳泉各屬地瘠民貧不得不遠涉重洋以謀生計自海禁開後每歲由廈門出洋者不下數萬人聞南洋新加坡檳榔嶼仰光暹羅緬甸孟買安南西貢各埠共有華人三百萬左右小呂宋一埠約二十六萬安南一埠約三十萬閩之漳泉等處人民居十之五六粵之潮汕浙會等處人民居十之三四有自各埠歸來者謂閩人在各埠擁資數百萬至百餘萬者不一其人大抵閩人得上富粵人得中富云 商部電咨粵督轉知張弼士京卿即速來京旋得電復云張已赴星故振貝子特委章京楊君道霖石君作楨前往南洋聯絡各華商舉辦商會 古巴華人遭亂以後至前總領事周君齊及今總領事廖君恩熙駐古華民始見天日廖君曾與古巴政府定議稅則一事其功甚著蓋古巴屬西班牙時華人進口貨價由華人自報往往值百報十歸美後美人以華人購稅則于所報價中常超數倍商人苦焉及古巴自立廖君與其政府力爭始得華人貨物從實報稅彼亦從實征收商人便之 秘魯華人據七年前領事調查約五萬餘年來死者其衆積至者不過三四百人利馬埠商務十室之中必有華人商舖其大者甲於本街以車貨仰食於華人者以數千計若遇華人新年則車夫遂皆輟業華人僑居頗得自由如內地雜居及作何事業皆享平等利益此埠華人會館甚多一爲通惠總局其餘爲粵東會館番禺會館同陞公館古岡州福潮會館義興公司東義堂肇衆會館義勇堂此外各埠隨地皆有會館云

各國商業彙誌

各國 各國文化交流多由利用海洋之力故今日主張海洋共有之說者已爲列強所同認於是以航業之競爭謀商務之發達求海權之伸張有進無退汲汲不遑吁可畏已今比較各國商船噸之多寡列表如左

國名	艘數	噸數	國名	艘數	噸數
----	----	----	----	----	----

商務

八十三

甲辰

國名	一	二	三	四	五
英吉利	一一一四五	一四五〇	日本	八七〇	五四萬
德意志	一六八五	二五六	丹麥	七二五	五二
美利堅	三〇二〇	二五〇	荷蘭	三八〇	四六
那威	二五三〇	一七〇	奧地利	二八〇	三八
法蘭西	一一八〇	一二四	希臘	四〇五	二三
意大利	一一五〇	八八	巴西	五七〇	二一
俄羅斯	一二三〇	六五	中國	一〇〇	二〇
西班牙	七二五	六二	土耳其	四五五	一五
瑞士	一四〇〇	六〇			

日本國 四月初四日日本全國商業會議所四十所開臨時聯合會於東京其各地會議所所從議之案如下 一請
 美國減輕絹織物之進口稅 一於民間實業家中選勝任之人物以觀察滿韓之經濟界 一組織業出口貨者之公
 會 一勸誘外國觀察商業者來遊 一開設巡航博覽會 一對於駐紮中韓兩國之領事官凡商業上開直接通信
 之途 一望速設通商事務官於中韓兩國樞要之地 一以本聯合會會長之名建議於內閣總理農商務大藏外務
 四大臣請無失戰後之機會而開萬國博覽會於適當之地 一日本現在之急務在擴張商業於東洋全體戰後經濟
 之方針雖必待戰捷之效果如何而徐徐研究然亦不可不乘戰線之擴張而擇其較為平穩得營貿易之地先有所施
 設今舉其重要者如下一創設東洋銀行一改良韓國之幣制一使日本人在韓國所有之土地得以固安一改良韓國

警察之制度一鞏固日本人之漁業權一於滿洲新設開港市場而自由貿易一滿韓之鐵道及其他通信事業日本人盡力經營之一滿韓沿海及河流其航運事業日本人當盡力經營之一於滿韓得採掘礦山製造土貨之自由一建議於當局使要求美國免除紡績縐紗之進口稅

德國 德人在中國之商務進步甚速其銀行海運二業最增長其勢力今略計之廈門商會二資本三萬馬克設有郵便局廣東商會十二進出口貨物中德居十之六又有航海汽船二十艘內河小汽船六艘福州商會雖僅一家而投資創業者方興未艾亦未可忽視也漢口自德華銀行分店外有商會六資本六兆五十萬馬克進口貨值十二兆出口貨值三兆有奇平山煤礦有附股四兆馬克汽船往來滬漢者五漢宜一並特設郵便局其在上海又遠出漢口之右自德華銀行分店外有商會六十八貿易之額多至一百二十兆馬克占全埠商務之半資本不可勝數航海汽船二十五艘天津自德華銀行分店外有商會二十九資本一百九十兆馬克進口貨六成出口貨五成半俱屬德商又附股於開平煤礦烟事有商會四北京雖非通商口岸亦有商店二家京津電話並有其資本近更擬就北京分設德華銀行云此外託名華商而出資在內地營業者亦不少試觀癸卯年德國航海船駛入中國各口者至二百三十八艘之多其商務之興盛進步之神速可見一斑

第
五
期



八
十
六

五
月

閱五日。麥爾偕勞勃回施嘎哥城。言有要事。故須同往。如有需勞勃之處。則福君可致書相告。一二日後。即當令其來此。否則任其卜居城中。言畢。二人乘汽車啓行。途次。麥爾謂勞勃曰。今請告汝。余所以偕汝同歸者。余欲就汝密室。檢視汝先人日記家譜。及與親友往來函牘。除其中不可示人者外。請皆交余檢視。勞勃轉身眎之。曰。噫。此殆福君之策歟。曰。然。福有深意。幸勿疑。曰。諾。固余所樂從也。曰。汝將來必知其所以爲此之故。今余雖爲之助。亦不知其何意。蓋彼有所疑。然未得證據之前。必不肯瀆焉相告。以余揣之。福大約以此案原因。在於往事。曰。余弟被害之原因。由於往事乎。曰。然。或其一身。或汝一家。或係格倫脫之故。今皆未悉。

是禮拜初。格倫脫復爲學塾副教。屈而士一席。則別延城中一少年學生充之。傑姆森夫人已與格倫脫訂交。恆往來塾中。生徒皆識之。有時福亦至塾。與傑姆森夫人敘談。格倫脫漸覺二人眉目傳情。彼此有意。一日。福忽詢格倫脫曰。姑娘曾聞傑姆森夫人言將去格倫維爾乎。抑嘗聞其道及住址乎。曰。余聞其言格倫維爾。風景極佳。料未必即去。惟余知其交誼甚廣。近來伶仃寡歡。彼嘗語余。謂其前夫得廢疾。延二年逝世。余實告君。彼甚屬意於君也。福曰。吁。是何言歟。曰。余爲婦人。知婦人心事。且君亦似鍾情於彼者。福轉身他顧。曰。屆時姑

還自當知之。余今亦不辨。

旬日後。福以案情毫無所得。常閑遊村中。徧相兒童。終不見弗蘭夫人所述者。龐恩曰。其妖乎。其仙乎。不然。往返格倫維爾。何竟不一遇。杜倫曰。弗蘭夫人見是童時。天已昏黑。福君自朝至暮。奔走街衢。徧察跳號諸童。期欲得相似者。抑有何益。

杜倫獨悉心探訪湖濱小舟。後知爲傑蘭史慕耳之物。史業鐵工。兼喜漁獵。屈被戕兩禮拜前。有一人作客裝。至所設鐵店。願以重價購其小舟。史涎其財。售之。其店在村外。與湖濱近。是人自言於數日前。自施嘎哥城來此。將句留數禮拜。並思僑寓湖濱。且給舟價。言俟歸時來取。史允之。一日。舟忽失去。思是日即屈而士被戕之日。有一童曾見取是船者。係一男子。衣法蘭絨衣。惟時甚早。別無見者。此後人船俱杳。而史於屈而士被戕次日。即往視弟疾。兩日前始返。龐恩曰。若如所言。亦無裨於事。乃謂福曰。君將仍留格倫維爾乎。曰。然。余尙欲留寓數日。

翌日。正暖茗互談。一童持一短札至。福亟展讀。曰。請速來。下署格倫脫。福急起赴約。至則格倫脫延之入。且閉門。徐語福曰。君觀余書。恐未必知爲何事。今實告君。余頃者盤詰彼得。已得其底蘊。謂見一活鬼。自樹叢躍出。對之搖手。鬼全身皆白。如一大方白紙。惟面目黧黑。其

聲低而可怖。囑伏臥。以面貼地。並見是鬼手執一鋼刀。少頃。入叢墓中。童懼甚。俯伏於地。及起。鬼已杳。乃飛奔而歸。其言如是。有可疑否。曰。余料是童已目覩兇手矣。姑娘試思其尙能指出見鬼處否。曰。余已問之。據言若有人偕往。不難指出。曰。然則於兩句鐘前偕往何如。余先詣杜倫假車。不知是童今在此否。曰。毋豫告之。恐其驚恐。

少頃。車來。彼得見之。喜甚。彼得坐福拉史格倫脫二人間。將近土山。其面色忽變。格倫脫給之。曰。彼得速告我鬼所在處。余等爲爾逐之。杜倫令彼得坐車前。以便指示。迨至土山南端。童齒擊股慄。以一手掩面。以一手遙指叢樹所在。戰兢曰。在彼。鬼自彼出也。福曰。自林中躍出乎。有足乎。曰。有。且有首及臂。福顧杜倫曰。折回可也。遂以今日欲返施嘎哥城。私告格倫脫。

格倫脫自塾歸。馬賽夫人言福有書告別。展閱之。曰。

姑娘雖已與屈而士訂婚。然余尙未以此案情相告。是案應分兩面查勘。余今須往顧彼面。此有龐恩杜倫料理。又別囑二人。在村南代余偵探。余居城中。過此禮拜。或更旬留數日。亦未定。倘有與案情相關之事。請即作書相告。余料傑姆森夫人未必卽去。重來時或得再晤。余甚不願其不謀一面而去。果有歸志。請預爲報。閱畢。祈付一炬。下署福拉史。

駒光似電。時已盛夏。福去格倫維爾。抵施嘎哥。勞勃來謁。寒暄後。勞勃脫草帽就福前坐。忽厲聲曰。余本不欲與汝爭。但心懷忿戾。有不能不一洩者。福坦然曰。然則余須忍受。但未知何事。曰。自余歸自格倫維爾。數旬以來。每覺有人隱察余之動靜。日夕躡足隨余後。福曰。試詳言之。曰。余初歸時。頗鮮出外。入夜尤不欲出。偶出。輒似有人在後踪跡。歷試果不爽。曰。爾何時始覺之。曰。余歸後之第三夕。余至蘭西姆會所。途次。隱約見對街有一人。偵余動靜。余目力健。故見之極詳。少頃。余歸。則前所見者又在門首。福曰。想係一下等人。曰。然。余出門後。遇兩友。強余復入會所。及歸家。行經僻徑。即覺有人於街衢對面。追蹤偵察。至燈光下。得見其面。蓋即前人也。福曰。以後爾尙見之否。曰。有時即若人。有時又易一人。至夜尤易辨識。總之無日無人監視而已。福曰。爾知其故乎。勞勃怫然曰。不知。但疑君與麥爾所爲。君曾命余某事。非與君等二人作伴。勿出外。此事得毋亦君所爲乎。

福不答。勞勃復曰。如謂欲辨二人所爲。余更有可證者數事。福變色曰。勞勃。麥爾非君之良友乎。曰。然。福曰。余於君弟之案。今雖未得實據。君非信我已屏棄他事。而致全力於此。且凡余所爲。非欲求有裨於君哉。曰。余皆知之。但何以遣人監視。又何以禁余獨遊。數禮拜前。君於格倫維爾。已得案中緊要關鍵。且謂將多方鉤稽。今忽來此。即於一己之利益。亦置之不

余不解君何意也。福曰：君所云一己利益者何義？曰：乞恕唐突。余知君屬意傑姆森夫人，故有此言。君知余腦中今涵何義？曰：余實不知。願聞其略。曰：君殆有事故，致疑於余。致麥爾亦爲所惑。福轉身語之曰：君既明言，可免彼此誤會失歡。今實告君。頃所揣度，實屬大謬。惟謂傑姆森夫人於吾有一己之利益，此言殊不謬。余因深悅其人也。惟余所謂利益者，於君事亦頗有裨。余今去格倫維爾來此者，慮君或以暴厲敗余所謀，今不得不以相告。惟仍望俯從鄙言。余初不料麥爾等所爲如是昭著，又不料君覺察如是之速。余等慮君爲兇手所乘。君前曾語余，屈而士未至格倫維爾前，嘗被人狙擊，幸其事未成。曰：然，是卽此案之第一節目。今所勘得諸迹，皆與此符。而在格倫維爾所偵，尤悉脗合。所惜者尙未能指明耳。自君去格倫維爾，余卽決意隨君之後。後以此事託麥爾，彼許余未來此前，終不令君獨行。曰：是何爲者？余料君夏日被擊，僅爲其陰謀之權輿，而所謀尙不止此。其人或係新讎，或係舊怨。是何因由，尙難澈究。惟余深信禍機潛伏，尙未消滅，故一有餘暇，卽追蹤至此。偵視兩日，見更有眈眈隨君後者。麥爾與余均屬至交，遂轉而偵視其人。曰：試料其爲何人？曰：或卽兇手。或其爪牙。曰：天平。君能度其原因乎？曰：自能度之。但原因甚繁，惟其事必於君之家世或雙親爲人有關。則與案情大略符合。勞勃曰：自君去後，未知偵余者爲何人？曰：其人名赫格

史君不與麥爾俱時。彼嘗日夕伺汝。勞勃起曰。公等如是愛護。余不知感戴。而反致疑。殊滋愧赧。余此後當益加慎。杜門不出。請止赫格史。移此光陰。併力於更要之事。不必爲余過勞。余豈愚人。安有讎敵在前。而不知自衛者。

福聞言。自思勞勃非童豎比。且其人剛強果健。當能禦侮。乃辭去赫格史。而彼詞察勞勃者。亦絕迹不見。福更命強有力者二人。更替代麥爾。密探先眈眈隨勞勃後者蹤跡。一禮拜中。寂無所覩。孰知至禮拜日夕。而勞勃竟遭橫暴也。

是日。勞勃未嘗出門。日將夕。以麥爾夫婦赴禮拜堂。勞勃獨坐無聊。至迴廊眺望。憶福辭退赫格史時。曾許除乘車外。入夜斷不獨行街衢。繼思攬轡暢遊。計亦良得。車行在一花園對面。去此僅兩三家。平日賃車。皆命僕往。今值禮拜日。衆僕皆請假外出。僅留一人應門。勞勃已四日不見福拉史。意欲就福一談。同日又接龐恩杜倫來書。略述格倫維爾事。揣福處必得有較詳消息。故亟欲往見。惟無人代爲賃車。勞勃自忖。車行近在咫尺。諒行此數武。不致遇彼強暴。乃燃煙下階。思赴車行。

時街上寂靜。行人甚尠。行至屋角。心惕惕然。若有人匿於彼處者。遙見一車自前馳至。勞勃注視之。近屋角。一巡捕在焉。兩人漸相近。巡捕本面向來車。忽轉身顧視勞勃。曰。君非勞勃

乎。曰。然。曰。余有數言相告。與君頗有關係。君肯借余同行片刻乎。余不便駐足此處。當至彼屋角言之。勞勃目注來車如故。曰。余欲賃車耳。曰。此事余可代勞。巡捕遂趨立路燈下。舉手向來車作勢。且向御者長嘯。曰。喬乃。速來。有人雇汝車。言竟。顧謂勞勃曰。君若隨余至對面。當即爲君一言。且茲事簡略。需時亦甚暫也。乃先趨至對街俟之。

勞勃步其後。至則謂勞勃曰。請更擇一僻靜之處。勞勃回顧來車。已踵至。巡捕曰。兩三禮拜內。恆見一人在此窺探。與余相埒。余深訝之。因詳察其動靜。其人常繞此屋角而至。君寓對面。余等當速行。恐後有人來矣。旋又曰。其人身材不甚高。然每次必變易服飾。故不易辨認。勞勃曰。請速言。余等將行至彼屋角矣。其人略回顧。曰。諾。君車已至。但余亟欲告君。今其人已被捕。勞勃自忖。福於此尙茫然無知。余當舉所聞以告。即啞然微笑。曰。爾捕是人。當可邀賞。曰。是余當盡之職。亦不欲受賞也。君請急行。後有人來矣。勞勃從之。不及他顧。去牆角約十步許。忽聞猛擊聲。呼救聲。麟麟車聲。暨手鎗三聲。霎時間。目不及察。耳不及辨。而勞勃已蹶然仆地矣。

笑。一。出。手鎗扶之。曰。勞勃已重傷乎。是人先將僞巡捕逐去。不令續放第二鎗。僞巡捕見之。即躍入鄰車奔去。於是巡捕及鄰人等。聞聲齊集。交口問訊。曰。其人已死乎。曰。何故遇

此事。曰。余確知有一馬車。羅方紛紛環視。巡捕命稍退。明燈而前。見來救者。彷彿一粗工人。身衣禮拜日服。跪道旁。扶勞勃。其人維何。則福拉史也。

福昂首謂巡捕曰。是爲勞勃。李勞來君。居本街。字一千三十號。麥爾律師所。去此僅兩家。今受傷重。必昇歸。未識有肯假車以載者否。旋一人出。允以車相假。福命巡捕速緝兇手。並赴各車行。訪明是時有某號車在外。且往所寓對門。延格來史納醫士診視。格適在家。勞勃昇歸後。醫即至。見所傷在頭顱。勢甚重。幸不至斃命。裹紮畢。乃寢之臥室。並延一女子侍湯藥。

兩句鐘後。麥爾始歸。知之。曰。何故遇此。福曰。事固易明。讐家奸巧叵測。智出余上。而勞勃又性不耐。曰。試詳言之。曰。其前半節。僅堪懸想。余料今夕彼必獨留寓中。曰。然。余二人皆出外。曰。大率欲雇車出門。而僕役均他適。遂親赴車行。比行至屋角。卽遇此僞巡捕。余見其止步。繼談。須臾。僞巡捕卽爲之雇車。是車緊隨其後。後見其躡至街之對面。車仍隨之。迨行過路燈時。彷彿見此巡捕尙在談論。余甚疑之。蓋其偵探之人。前數日忽然不見。余料必有他故。故三夕內。余常於君寓左右。密爲偵察。曰。以是故不常見君面。曰。嗣後余見二人行至屋角。轉入一橫街。地頗僻靜。余知必有禍。但余尙在街之此面。方欲穿過。其車亦趨近彼面。絕

不按行路章程。余方至街心。適當車後。見勞勃行爲巡捕前。其人卽舉手狠擊車中人。亦高聲喊叫。余卽趨救。彼見余。卽一躍入車。尙伸手作欲擊勢。余疊發兩槍。當其入車門時。余又發第三槍。其人遂急急遁走。料此三槍中。必有一命中者。曰。其車既狂馳街上。必當爲巡捕所拘。曰。否。曰。何故。曰。其人甚黠。安必其不於近處。別備一車。以便易之而行。曰。君何由知之。曰。余於數事。已知其爲巨猾。設身處地。亦必出此。麥爾長歎曰。吁。何勞勃之不幸耶。福曰。使其稍能忍耐。必不至此。曰。余亦有咎。倘余不令其獨留。亦不及此。余固見勞勃今晨常惕然不甯也。曰。果爲何事。曰。君聞羅思格立藤姑娘乎。曰。閱報知爲一孤女。曰。羅思與勞勃昆仲。自幼鄰居。相友善。兩家長者。亦有交誼。故羅思之父。甚願以女妻勞勃昆仲之一。孰知機緣不偶。勞勃家素豐。其父歿之前一年。所設 F C 鐵路公司。忽閉歇。其田產之在西北境者。亦大失利。甫及三月。所損不貲。使格立藤君尙在。事猶可爲。不幸於勞勃父歿前二年逝世。先是兩家同居此街。爲時甚久。格立藤君旣故。羅思遂與其姑同居。福曰。羅思今何在。曰。前日尙在本城。曾偕其姑出遊。約一年。今甫歸耳。勞勃性雖倨傲。然彼此頗相憐悅。且其兄弟二人。尙各有數千圓。不失爲小康之家。屈而士歿。勞勃欲以其資財。畀格倫脫而已。之所有。則將用以查緝此案兇手。故勞勃所望諸羅思者。今已無可徵俸。其爲訪事。雖聰敏過人。然又

何能一旦致富。且其人好自立。不願受人扶助。余雖忝爲父執。亦雅不欲以是相苟。曰。否否。其事必不諧。今勞勃於此。殆無可望。曰。何哉。此案終不能破乎。曰。非不能破。但勢有所不及耳。

福兀坐書齋。自忖五年前爲訪赫連麥斯傑嗣女。始來美洲。自後所緝奇案頗多。然無有若是棘手者。顧視案頭有兩信。反覆展讀之。自嚙其唇。若有所思。時或喃喃自語。曰。異哉。何此案之難也。復取龐恩信讀之。末有數語。謂傑姆森夫人。未能忘情於福。遇時必諄諄見問。且冀福亦如是相念。近日起居不適。想困在格倫維爾寂寞寡歡之故。福曰。吾恐彼之念我。尙不如我念彼之切也。言既。復取信讀之。曰。

君所囑在此偵探二人。甚善甚善。尤妙有杜倫爲助。方屈而士被戕之日。渠已於湖濱覓得小船之處。查勘一周。據云至少必有三人。

福置信歎曰。龐恩君如在此。余即可明以相告。蓋兇手既至湖濱。卽與其同伴分離。挽車之馬。卸去鞍轡。放之林中。貌爲在彼飲牧者。所乘者又彷彿一載貨之車。故路人見之。皆莫之覺。兇手往來林中。偵察屈而士。其巡邏湖上者。棹小舟。游行岸邊。既見其至。則舉號以告之。或二人相去尙遠。則巡邏者移近湖濱。互相報告。既見湖濱遂闊。卽於其處肆其毒手。至屈

而士曾見其人與否。死者已死。無從詢悉矣。言畢。置龐恩信於案。取格倫脫信讀之。曰、

傑姆森夫人居此。不如前日之樂。其夫弟楷爾傑姆森。今來探視。惟旬留不久。聞其返自溫泉。因感風濕。足畧跛。余僅晤一次。其狀貌言語類英人。目深黑。似非善類。率布數行。亦聊使君知彼美雅意耳。

福曰。固有意乎。余固料其如是。言至此。一僮啓門入。曰。有一女子來謁。福起立。肅之入。女子冠高冠。頰頰顫動。明眸善睐。未待福言。卽自陳曰。福拉史君。余卽羅思格立藤。今冒昧來此者。欲知勞勃昆季遇害之事也。勞勃與我家故有交。其昆季二人。皆與余有舊。幼時常共嬉戲。余薄游歐洲。將及一載。旬日前始返。驚聞屈而士凶信。尋又聞勞勃爲人毆擊。幸未殞命。麥爾夫婦。亦與余友善。前禮拜寓其家時。得聞一切。惟謂君知之較詳。且今日之事。皆賴君援手。故勸余來此。福曰。姑娘。余當從命。曰。余已聞此事。匪畧。知此案已有端緒。惟情節不甚聯貫。且謂君已籌策。尙有空礙。特未識其空礙者何事。君旣爲勞勃好友。不妨直陳。余亦分應知此事也。言畢。流盼願視。

福囁嚅片時。方欲啓口。而僮復輕步趨入。以郵局函牘一束置案上。福見其最上一函。有速

爾手筆也。亟啓讀之。曰、

福拉史君。今日羅思格藤立姑娘。必晉謁左右。其人與勞勃昆季。最有關係。尤可爲君臂助。遇事最慎密。晤時不妨實告。下署麥爾。

福讀畢。卽以信授羅思。羅思讀竟。返之。福曰。姑娘欲知此案之原因乎。曰。余亟願聞其事。請約言之。余知勞勃傷重。不能知覺。亦不能運動。曰。誠然。曰。此事於君有何關係。曰。余甚不幸。蓋勘案事必因是停輟。而今何事。豈可失此機緣。機緣既至。余等或當長行。而尤須人時時留此偵察。羅思曰。然則所需之資。自必甚多。福頷之。羅思曰。福君。余所有事。不當隱諱。以免隔閡。二年前。余去家。依余姑而居。議再肄業半載。出門遊歷。勞勃來別。其所言余至今未忘。隻字也。請爲君述之。其言曰。

羅思姑娘。余等爲總角交。垂十年。而爲至友者。又十年。今余已成丁。一貧如洗。卿亦及歲。而雄於資財。余如強卿不願。不勝卑鄙。故甚願卿自擇所天。余之愛情。始終如一。今雖不幸寒賤。一旦天隨人願。假我機緣。仍當以金屋相貯。然余惟求卿之愉快。他皆不計。卿今將入酬應之場。若遇有學行優粹之人。爲卿所愛者。則以身相許。余願亦足。若尙未得。則余終思所以娶汝。當先殫吾精力。廣營貲財。俾異日得以步卿後塵。庶可知余非涎卿之富。亦不愧丈夫本色也。

勞勃言時。並不容余置答。蓋相知既深。愛慕尤切。其慮余閱歷短淺之言。躍躍言外。故余亦尊之愛之。自是以後。恆自認爲其訂婚之妻。且嘗以是自慰。然則余非與此案至有關係。而宜假以一臂者乎。余家薄有貲財。不須分析。余亦已屆自主之年。毫無掣肘。今請許余副君。盡力從事於此。勞勃之傷。既非旦夕可愈。而屈而士又爲余兄弟行。則當行此事者。舍余其誰。福曰。姑娘。爾已聞勞勃傷勢乎。曰。然。或謂其必不起。余終不信。卽不幸而逝。訪緝此案。尤不可緩。又奚可因此而虛擲光陰哉。

羅思言至此。少止。復曰。麥爾嘗語余。屈而士有一訂婚之婦。特未知其姓氏。願君相告余。當通候。曰。姑娘多情。良可欽佩。是人名海忒格倫脫。亦一孤女也。曰。請言其貌。曰。髮作金櫻色。目灰而秀。長身玉立。嫋嫋欲仙。曰。是即余同學海忒格倫脫也。彼因貧廢學。暫假舌耕餬口。不當任其伶仃。今宜招之來。與余同居。曰。余料其尙不能卽離格倫維爾也。曰。倘來視勞勃。余可見之。曰。然。彼本詢余何地何時。可見勞勃。曰。然則君已許余副君乎。曰。麥爾所請。固不能辭。卽姑娘良才雅意。亦何可負。有頃。復莊言曰。余欲將所謀畫。盡情相告。然恐爾冒險行事。余尙欲澈底根究。方可措手。故此數月。不能遽宣布所欲踪跡之人。因今所懸揣。與案中情節相連者。尙未呈露於人之前也。

羅思助麥爾夫人及所雇一婢。侍勞勃湯藥。約半月。先是。羅思俟勞勃熟睡。始入內。越數日。傷漸減。畧省人事。醫遂辭專司湯藥之婢。羅思坐於其側。笑語之曰。勞勃。君爲暴客所傷。當有他故。余故來視君疾。遂述一故事以解其抑鬱。勞勃樂之。尋因南方天氣較宜。遂遷勞勃於彼。

閱二日。麥爾乘意安利亞船往歐洲。遇相識者於河干。或詢所往。則曰。余久欲遠遊。此行因有要事。將以檢閱簿籍。言次。舟中汽管。頻頻作聲。麥爾與福拉史羅思及其妻言別。遂登舟去。

福遂謂羅思曰。麥爾既往。其次要策。卽格倫維爾之役。數日後。麥爾夫人與羅思偕一婢名蘇貞者。至格倫維爾。婢固福所薦。至則卜居於格倫維爾客寓。格倫脫遇之甚厚。傑姆森夫人初不欲與羅思訂交。繼與格倫脫往還甚密。漸相稔。羅思因初居之室。不甚愜意。與麥爾夫人別賃一精舍居之。兼賃一公用客座。與傑姆森夫人客座毘連。

羅思及麥爾夫人居格倫維爾七日。福至自施嘎哥城。主醫士家。常與格倫脫及其友相往來。傑姆森夫人時亦與羅思交情漸洽。或同遊學校。或偕聘通衢。蓋傑姆森夫人言自屈而士被戕後。久絕迹於湖濱一帶矣。一夕。福及諸女友詣格倫脫家。與馬賽夫人團坐廊下。繼

談約一旬鐘。傑姆森夫人亦樂甚。格倫脫遂留衆人小餐。

少頃。龐恩步入。曰。勞勃南行後。多傳其受傷。今忽增重。杜倫近有中表親來此。所述亦符合。遂出一信示之。格倫脫曰。有音訊乎。曰。然。其勢頗危。傑姆森夫人曰。卽彼勞勃乎。請詳言之。乃顧羅思曰。卽格倫脫之友也。余嘗有一面之緣。龐恩趨至窗前。就燈下讀之。曰。

恐余友不久人世。彼亦不能久居於此。其病勢近忽加劇。精神委頓。噩耗之傳。恐無多日。讀畢藏之。傑姆森夫人等。旋各散去。迨歸格倫維爾客寓。見羅思之婢。立客房外。神色倉皇。徐語羅思曰。姑娘。余幾驚死。頃有人在姑娘及傑姆森夫人房中。余偕兩婢坐後廊上。約一旬鐘。迨歸。去房門不數武。見有人自傑姆森夫人房內潛出。繞屋隅行。經南廳。初尙不以爲意。及入房預備晚間諸事。見側門已啓。案上各物。都被移動。似其人見此非臥房。而亟亟舍去者。余始憶及自傑姆森夫人房內逸出之人。羅思啓門而入。且謂傑姆森夫人曰。試往視爾室。果曾被盜否。且囑蘇貞隨去。傑姆森夫人至己室。見門鑰已啓。其內室亦似被人檢視者。乃告羅思曰。幸余珍重之物。未嘗置此室內。卽首飾箱。亦寄存寓主人處。已三日未取矣。余有一皮囊。亦隨身攜去。故所失無幾。箱篋及外衣靴鞋。皆爲其人翻閱。賊蹤甚奇。一似被人驚走者。羅思曰。料欲竊取衣服。後聞蘇貞步履聲。始驚逸耳。後囑寓主人嚴緝。終無蹤迹。

寓主人慰之曰。確見有人於薄暮時啓門入內。時房中無人。多在草地迴廊上。房中又未燃燈。故易混入。所失無多。亦幸事也。

麥爾夫人來時。原期作兩禮拜句留。遂請羅思早作歸計。羅思許不久即行。三日後。格倫維爾寓所諸女。相偕出遊。作垂釣之戲。傑姆森夫人尤嗜此。強邀羅思偕往。羅思以不諳辭。與麥爾夫人先歸。是日。格倫脫及福拉史皆未至。傑姆森夫人及暮始返。往叩羅思房門。久之寂然。迨入已室。則案頭置有一札。取視之。見署福拉史名。不覺怦急。啓視之曰。

夫人粧次。今余等猝歸。想夫人必以爲奇。今日四句鐘時接電。謂勞勃已逝。其屍已於禮拜二日。自南方啓行。計期將到。故余等必於今夕入城迎之。麥爾夫人及羅思亦偕行。以備安慰余表妹格倫脫。余甚願此別不久。即可與夫人會晤。余聞之。表妹謂夫人不日將去。格倫維爾未識此去向。得以蹤跡相告。以便趨候否。福拉史上。

一句鐘後。傑姆森夫人往招龐恩。龐恩至。傑姆森謂之曰。龐君。彼數人已突然去。僅留一牋言別。余雖知勞勃之死。願更聞其詳。曰。余亦不知。曰。然則格倫脫姑娘尙重返學塾否。曰。余亦不知。惟其表兄家計甚豐。不久將出遊。或將寄居其親友中。而羅思又其至友。自必留之。余嘗見格倫脫與杜倫偶語。故度其已辭去矣。曰。余亦深喜格倫脫出遊。若其表兄不與偕

行。則可與余爲伴。余不久亦將去此。因有先夫遺產交涉事。不得不親往料理。但余必先作書以告格倫脫。龐曰。羅思卜居羅利末寓。有書可逕寄彼處也。

一禮拜後。傑姆森夫人與其友亞朔夫人至龐恩許話別。曰。余夫弟頃自西歸。今將東下。約於明日在施嘎哥城相見。余今日即當首途。三日內。即須長征。福君來訊。言及格倫脫等。均已出城。故余恐不及把晤。惟聞其夏初必集倫敦。言竟。遂別去。

前言麥爾自紐約往倫敦。方啓程前二日。曾致一訊與韋特爾赫尼。韋特爾赫尼者。英國名律師。居密特炭勃巷。距弗利脫街不遠。福利脫當倫敦中央。故爲勝地。赫尼於麥爾抵英前五日。得其訊。展讀之。曰。

韋特爾赫尼閣下。四載睽違。渴想殊甚。君曾許於急難時援手。今其時乎。余將于役貴國。可以一覘風土人情。並須於君處檢查一事。雖與君操業或異。要不能不爲將伯之呼。君才力能及。當不致多費時日。深望勿卻所請也。事爲丕斯理家承繼財產。赫毅丕斯理故後無嗣。今招族人承繼。余欲知此事始末。君幸有以教我。現定兩日後乘意安利亞船就道。至倫敦後。暫寓勃郎客寓。

韋特爾赫尼誦畢。微笑。先是韋嘗遊美洲。愛施嘎哥風景。勾留良久。麥爾偶閱客寓名單。知

韋爲英國律師。初至此。無相識者。乃投刺謁之。二人以是訂交。韋之來美。因美人有代理英某寡婦財產者。美人欲欺蒙之。麥爾助之。其事得直。且與赫尼結爲兄弟。望其與日亦如是相助。麥爾既至勃郎客寓。循例以姓名錄簿。翌日。即得一信。其詞曰。

來訊已悉。所囑細事。自當効勞。以酬昔日厚惠。遵即檢閱冊籍。知意謙史脫之丕斯理。擁
有厚資。今正候人承繼。黑穀丕斯理一支。已於八十年前。去英之美。此支後裔。如有男或
女。均可入嗣。乃布告以後。杳無應者。亦無人來此擔承。君若枉臨。當以詳告。或更有可以
効勞之處。尤所欣願。書上倫敦索郎客寓麥爾先生。下署韋特爾赫尼名。

麥爾遂詣赫尼。共商此事。赫曰。此產今宜歸黑穀丕斯理之裔承受。有能證明其實屬此支
者。即可認領。麥爾曰。然則居於英之諸支。固甚清析。曰。然。惟有數支中表遠親。不甚明析。蓋
丕斯理昔有三子一女。女嫁後早殤。並未生育。長子生有一子。亦夭。長子至四十二歲卒。其
產遂歸次子馬丁。馬丁嗣子。兩年前亦相繼逝世。僅留一中年寡妻。其三子爲黑穀丕斯理。
即於八十年前去英之美者。故當其裔承繼。曰。今尙無人承認乎。曰。無之。此事登載英美兩
國報紙久矣。至今猶無影響也。赫尼言至此。見麥爾忽忽若有所失。麥爾曰。實未嘗有人承
認乎。曰。實無之。君惘然若有所失。何也。曰。正以無人承認黑穀丕斯理之遺產故。余此來本

欲以要事相告。但今須電告美國友人。故祇可俟之他日。遂歸寓。

至則有電文一通。方至自美。蓋麥爾自紐約啓程後。福拉史即以其所爲。並諸人近狀。電告麥爾。並命諸人彼此連絡。以防怨家覬覦。福嘗言凡與勞勃有交涉者。皆當謹慎。勿爲若輩暗算。余渡海赴英。雅不欲其追隨余後。既至倫敦。尤不欲其值余所爲。蓋自勞勃被擊後。仇人常蹤跡格倫脫及羅思。幸二人解事。能聽福言。勿掣其肘。麥爾所得之電。曰。

格倫脫已遇見西遊之人。中即所偵案彼今方偵余所爲。故尙不能啓程。必待其去此方可。下署福拉史。

半句鐘後。麥爾覆電紐約。其文曰。

福拉史鑒。案情無變。現已說明。惟欲承繼此產者。今尙未見其人。

數日後。福與麥各致一信。兩信往來。適於大西洋相值。麥信曰。

余晤韋特爾赫尼。彼欣然尤助。故今惟盼君早來。得以措辦一切。茲將所聞析言如下。一、丕斯理家產未曾損失。有村一廠一莊屋一所店肆若干。合之城中所有。都計約有美幣百萬圓。二、丕斯理家世。在英國頗不淆紊。援照成例。勞勃自當承受此產。三、君雖謀定。但當改圖。君嘗料必有人來承此產。顧今尙寂然。豈奸徒尙隱藏待時耶。望明告我。庶有適。

從。君如以登報招承爲宜。亦請電示。蓋前所登者固亦會明言也。余今無事。姑作
界好音。俾所從事。

福信曰。

自別君後。余等仍居城內。余在舊宅安善。日盼佳音。君守宅者來言。曾有人至君家窺探。以意度之。殆卽此西遊之人。即一二日前在格倫維爾所見者。昨格倫脫與羅思驅車出遊。方馳至克洛克街角。有一當肆。懸三球爲招。格倫脫見有一人。方自內出。以手探入胸際。彷彿藏物其間。其人環視四周。卽匆匆去。若未見車中人者。格倫脫曾遇之於格倫維爾客寓。故一見識之。格倫脫遂囑御者繞道歸。惜余未見此人。祇可留此守候。若彼亦同此意。則事或可諧。屆時自當啓程來英。余曾至當肆檢查。其夥云是少年方贖一表。當甫三日。卽能贖去。意甚欣然。據云係其父遺物。價值不貲。表中鐫有屈而士字樣。其實爲竊表之賊無疑。其所以急急取贖者。或有所顧慮之處。今雖可以攘竊報捕緝拿。然終不能服其殺人之罪。故余仍欲至英破案。羅思姑娘尙侍勞勃疾。格倫脫曾勞勃疾也君夫人亦恆助之。格倫維爾近無所聞。無以爲告。惟望所謀早遂耳。

福寄信兩日後。忽接杜倫自格倫維爾寄來一信。其文曰。

昨日無意中偵得一事。惜爲時已晚。不及上聞。余車行中記室。頗以記錄實事。人姓名爲苦。凡有來者。悉暗攝一相。使其人假而不返。即可按相尋覓。余見所攝相。有一人。頗似余等所謂西遊之人。是人喜乘余馬。故常常來。余以其相示竈下婢。婢亦言不誣。此婢前在格倫維爾客寓。樹下執役。昨偶來庖代。故與是人有一面之識。今以一相片寄贈。聊備偵伺。

福拉史既親相片。憬然曰。是人面貌。曾在何處見之。既而悟。取顯微鏡視之。其髮多而黑。目戴雙層眼鏡。福曰。噫。人固是矣。然此僞粧也。遂取以示格倫脫。曰。識是人否。格倫脫審視片時。曰。殆即在當舞門前所見者。且曾見於格倫維爾客寓。曰。其人得勿闊肩長身乎。曰。然。福曰。是人狀貌孔武有力。言未畢。羅思曰。是人狀貌兇狠。一若能在暗中狙擊人者。福曰。雖然。此非其真相也。使其去此假髮。余亦能辨之矣。言竟。取紙一鉛筆。置相片於前。摹繪之。耳目口鼻。無不畢肖。惟頷下濯濯。至晚。福取相片詳矚之。曰。爾果係是人。則余將述爾所在。爾已施爾毒手。一擊再擊。今余當爲最後一擊矣。但時機未至。余姑靜俟耳。

勞勃被僞捕狙擊後。傷勢甚劇。幸醫者術素精。羅思又善調護。兩月後。漸能起坐。雖面色慘白。身體羸弱。有時猶昏迷恍惚。然不致有意外之慮。又越數日。病勢愈減。心神腦力。頓覺清

醒。初羅思雖日侍其側。勞勃並不識之。今知覺漸復。畧能辨識。羅思乃謀之醫者。謂勞勃知覺已復。必能識余。慮其一見驚恐。變易病勢。果能將來此視疾之事告之否。醫曰。勞勃知爲姑娘。或將欣喜。非特無他變。且有裨益。但切勿令其言語。傷動腦筋。姑娘必能從余言也。遂命女婢出。借羅思至勞勃牀側。曰。勞勃慎聽余言。切勿啓口。余今偕一友來。與君爲伴。想君已識之。然恐傷玉體。願勿與言。否則余必禁其來此。言畢。退去。羅思立於牀前。勞勃方欲有言。羅思以手掩之。且低聲語之曰。勞勃。爾今尙不能言語。且余已許醫者。勿令爾言。余侍君疾久。今當仍在左右。待君痊後。方別去。想君之疾。必能以余故速愈。君爲余獨一鍾愛之人。萬一有變。余必終身縞素。然願君勿使余絕望也。言次。俯身執勞勃手。與之接吻。有頃。醫者復入。曰。勞勃幸勿懊悶。君之所遇。不啻人生一夢。終必醒覺。

嗣後勞勃漸能運動。福等徙之南省。以避仇者之目。臨行。羅思來與決別。面雖微笑。而淚痕盈睫。謂勞勃曰。爾病不久即痊。屆時福必將兇手捕獲。君仍可與余聚首。遂微笑而別。至格倫維爾。與格倫脫遊。

勞勃自離麥爾家。福與乘汽車之南省。復延名醫療治。至五月。霍然而愈。一夕起坐。攬鏡自照。見面有癍痕。且較前清癯。福謂之曰。余於此案。初雖稍得端緒。惟自彼童子入君弟室後。

余始知其關鍵。然能使余確有把握者。實由君語余。君弟未往格倫維爾前。已有人毆擊一事。曰。余今已忘之矣。曰。余聞君言後。嘗問於麥爾。麥爾謂在一巷口。曾見兩人兇毆君弟。即呼號而前。揮拳狂擊。援之而出。且已執一人之衣。惜爲餘一人拔刀斷之。俱逸去。是日。君弟適出外問友人疾。自此遂演放手槍。爲自衛計。勞勃曰。誠然。今始知余二人有一公敵。余兄弟性命。恐尙不足鑿其欲。一年前。余弟被毆。實爲此事起點。後竟隕命。今其人復欲殺余。是夕。非君援救。余必不免。余以不從君言。致受僞捕欺。遭此奇禍。自今思之。抑何愚甚。福移椅近前。曰。雖然。禍猶未已。勞勃曰。君請毋再以余爲慮。此後任君所言。余必遵守。敢問今將何爲。曰。五日後。須登羅懇尼船。余與船主相識。聞是日有軍官若干人。將赴英國。余數人屆時可服兵衣登舟。附之行。既可得其保護。又藉以掩飾耳目。勞勃曰。君謂數人者何意。曰。麥爾夫人。格倫脫。羅思。及君與余。今欲求此案歸結。不能速成。案中有一關鍵。尙在仇家之手。必蒞英後。方能區處。君爲此案主人翁。自當偕往。格倫脫爲案中證人。羅思當與爲伴。尤待麥爾夫人照料。故彼輩皆同行也。

勞勃聞福言及羅思。愛情濃溢。方有所思。默然未應。福曰。余前曾語君。余夥已在格倫維爾客寓。偵得兇手。但僅聞之格倫脫。初未目擊。勞勃不禁訝甚。福曰。近日杜倫所雇書記。復將

之人相片寄來。其詳情當緩日相告。余料是仇家之一。其人驍勇。且恐不止一人。常有人偵察君及格倫脫諸人行止。故料其必有爪牙。而是人或爲首惡。亦未可定。曰。然則若輩共有幾人。曰。尙未知。必至英後。方能告君。惟格倫脫在克洛克街所見之人。今已啓程往英。余夥曾目送其行。且至紐約見其登岸。今余輩東遊。男女應分道往。即被偵得。亦不致疑。吾輩盡赴倫敦。然君此行。幸勿露面。無倫在倫敦。或他處。皆宜韜晦。蓋仇家若知君在倫敦。則事必不成矣。勞勃曰。惟君所命。余今者若土在釣。任陶人之搏弄耳。但未啓行之先。彼仇家必欲擊殺余兄弟之故。敢請明告。福曰。事由財產。勞勃曰。余故赤貧。曰。余固知君不信。然異日君當自明。今盍偕往一晤彼美乎。曰。若已悉君所謀耶。曰。然。

二人遂偕出。穿過街心。至對面一宅。時格倫脫等三人。皆坐廊前。相見之下。格倫脫與麥爾夫人福拉史。退至廊角。共談衷曲。而留羅思勞勃在彼。羅思起立其前。勞勃未啓口。即先謂之曰。君體弱。請坐談。余見君今夕。愀然不悅。余約略知君意矣。勞勃曰。羅思曰。姑勿言。容余先吐衷曲。當君疾時。余不敢以下情相告。非不知君此行之意。惟余終不忘君之相愛。暨與君同遊之樂。君先遭弟喪。復遇此禍。致財物耗失。囊橐幾空。因謂余富爾貧。決意與余分離。亦試思余固願耶否耶。君志趣高遠。誠可敬愛。余二人情誼至是。又安可因儻來之財。而遂

叢談

新測行星及彗星 凡屬于太陽系之星。以海王星為離太陽最遠。人所共知。英國天文學家科路布。近考出海王星外。更有星七座。其離太陽實更遠。其軌道比地球約大百倍餘。凡一千年。然後能繞太陽一週。至十八世紀之末。天文學者所知彗星之數。不過六十有二。至十九世紀中。更新發見出二百三十五座。又當一千八百零年。哈列氏所謂定期出現之彗星。只知有一。近則知此種彗星。確有十七座矣。

雷聲發明 夫雷由電生。格致家知之已早。無待贅述。然不必知其聲係由何法而生。今有美人特羅畢。窮究其事之所以然。而思確實之證據。謂雷聲之大。係因雲中水點。由輕養二氣化合。每十八斤水由輕氣二斤養氣十六斤化合。當發電時。輕養二氣致被雷火分張。其二氣既被分張。立時又被雷火焚燃。而復化合。故有此聲云。

叢談

測天之陰晴紙 西人新製一種紙。能測天時燥濕。法以鈣綠一兩。食鹽半兩。鈣綠一錢。鉀亞士亞二錢五分。共溶化於水。重約三兩。然後以墨與水紙浸入。取出曬乾。移置陰處。即能報天時乾濕之兆。雨時。紙現玫瑰紅色。天將雨。現淡紅色。天氣乾濕得中。則紅帶藍。更乾。變為藍帶微紅。極乾。則變為深藍。

蛛絲鏡 天文家所用遠鏡。其中以線隔之。用記天星經過之度。太粗則阻光。太細則易斷。今西人得一巧法。用蛛絲代蓋棉麻絲。按蛛身以數萬小孔發出之汁。抽成細絲。其絲較蓋細九十倍。較棉麻細一萬八千倍。而堅固耐用。則又勝焉。

俄國碎冰船之發明 巴羅的海及其附近港。半年餘閉於冰。若碎其冰。則俄國之經濟界利益頗多。馬哥羅甫所製碎冰船。一千八百九十七年竣工。深四十二尺。容積一萬三千七百八十三噸。速力十六海里。又四分之一。船首與軍艦之衝角同。而突出一真。便於碎冰。船尾有推進螺

旋機三。以備角度。其船因角度之動搖而為前後。其進行也。更有推進螺旋機備于鼻下前部之推進機。當後進時。推水於前部。以分前之碎冰也。當時馬哥羅甫自試航海。中碎十八吋至二尺之冰。尚得保八海里之速度。若二十五尺之厚冰。減速度三海里而尚得碎之。

禦砲彈之衛身衣。意人員乃代弟君得一法。製為衣服。無論何種兵器。不能傷殺。曾製一衣。獻於意王宏伯爾。其衣如氈形厚薄。自一千邁當之三分至二十二分。若厚至二十二分者。雖無煙開花鎗。亦不能透。將此衣加禽獸之身。以鎗砲擊之。其彈即扁。或返回。或黏於衣上。可拂去之。又寄籍俄國之意人名基俄忌阿那者。近發明護心甲一種。乃以有伸縮力之材料製成。雖鋼彈亦不能入。獻於俄廷。俄皇著於俄京驗之。先命軍人取一寸厚之木板八塊。合於一處。之槍擊之。彈丸皆能穿過。繼以二寸厚之鋼板。豎起。取槍擊之。亦能透過。然後以槍對護心甲擊之。不過使其面畧平。而彈丸不能穿。當第一次試驗時。以俄騎兵

所用之馬槍擊射。第二次。以美國棉花槍藥彈之快槍擊射。雖亂槍擊之。依然無損。

海底行車。英有鐵路一條。在沒爾河底。自利惠波起直達北根海。其地向有船隻往來。祇以舟行濡滯不便。擬於水底開挖地道。鐵路以行火車。先從北根海開工。至九年之久。而工不成。遂改為兩路夾攻之計。從利惠波一面穿穴。算定高低廣狹曲直。一自左而右。一自右而左。如是者。又六年而成。兩面接連之處。竟能不差累黍。乃砌以磚石。使四周水漬不至滲入。舖以鐵路。駕行火輪。人貨往來。絡繹不絕。闊二丈六尺。高二丈三尺。內設兩路。一路往。一路來。而水道行舟。仍與車路並行不悖。

演習捉球。英國戴爾西爾報載巴黎通信員消息。謂法國曾演習捕捉輕氣球之法。當氣球升高二千四百尺。或不知其距離之際。以排槍擊之。足使氣球降下。但氣球升至一千一百碼至二千碼之際。則難於捕捉。雖有六十四彈擊中。亦不過傷及其中所帶之提籃。與氣球之本體無

損云。

探礦新法 英國技士近得電氣探礦新法。以誘導器名伊達可泰者。傳送電機於地下。於發電機之傍。備電話器。聽其鳴動。當電浪通過地底時。受抵抗力不絕。其鳴動之聲一律。若得逢礦脈。則抵抗力忽減。而鳴動勝常矣。近來探礦之法。每苦於試礦。蓋有無不能預必。而所失經費。為數已鉅。此法與無線電信送電浪於空氣之理畧同。然練此法。能探金礦之有無及金礦之所在。英國近以此法探出殖民地之礦甚多。

水中炸機 水中炸機與魚雷不同。蓋魚雷即自動之器。形畧似魚。而此等水中炸機。其浮於海面之圓桶。以鋼線連於海底微錨。而中載炸藥約五百磅。其炸裂之法有三。有一等被船所撞。登時自炸。又一等以電線由岸而炸。然海面有霧氣時。則難見敵兵之來。又一等以電線連於岸。若被船所撞。則岸上鳴警鐘。岸上人一聽此聲。則可隨意以電法令機自炸。且無論以何法而炸。能使船在三四

尺之遙。立受重傷。倘艦來更近。則十中之九。可以炸機而轟燬云。

無線德律風 舊金山有一西童名麥下尼者。今年十五歲。聰穎異常。留心電學。考究麥哥尼無線電報法。近造出無線德律風。一置家中。一置相隔四英里之雙山頂上。其相問答如晤談。

開塵有方 歐人某創獲新物料一種。名曰威斯儲曼。專為壓制塵土之用。若將此物散布街市。即能一塵不起。且需費亦不甚鉅。據稱若有半英里四尺長之街道。僅需費英金十五鎊。較用水噴洒之費。尚為節省。

粘補玻璃法 凡玻璃破壞。欲設法粘補無迹。其方列下。象皮七十分格拉木之一。綠氣六十格拉木。馬司的克十五格拉木。先以象皮銜綠氣中。乃浸於馬司的克中。經六日。以塗破玻璃。即能連合。按格拉木。法量名。一格拉木。合中國二分六釐四毫六絲六忽零。

永久不滅之光熱 美國俄古市發明家麥哥蘭氏。新發

法。予試之。其力可抵三十六枝之燭光。氏于
四年來。試驗寫真用化合物之時。無意中發見此光熱。先
時頗秘密。固封於玻璃器。而增大其光力光度。其器若不
破壞。光明決不消滅。乃設立一社。專造各種光明器。光
怪陸離。不可言狀。

解眼疲法 法國某著作家。或時多頁之稿。致眼神疲
勞。惟以數時凝視美麗之絹布。輒覺倦意。由是考察。知眺
玩美色之物。能愈眼之勞倦云。

樹葉治蚊 有拉里摩者。曾得一植物。枝葉蒼茂。氣味清
香。置諸室中。蚊不敢近。有飛過者。無不斃於樹下。蓋感其
氣也。香補蚊數箇與葉同貯一處。亦立斃。因其功效。遂名
之為治蚊樹。

暈船簡易療法 有德人某發明一療治暈船之妙法。
其法當本船時。即戴毒色眼鏡。再服甘汞經少許。必即平
服。是蓋對於腦中之血與色有關係也。據愛蒲斯大因氏
之考證。謂暈船為人腦中血液欠乏而來。赤色者。能使腦

中血液。有突然增加之力。

心具耐性。心之一物。人皆以為最嬌嫩也。詎知竟有不
然者。某甲曾被車梗觸撞胸膈。致心部外層。全成碎爛。固
開其胸。揭去碎骨。用水洗淨傷痕及心部撕破處。乃密縫
之。其人安然無恙。有患昏暈者。西醫剖其胸。伸手入內。鼓
動心部。使絡中凝結之血。舒暢流行。而病乃愈。德國醫生
名維利斯克言心內之血。若結凍之。雖越數點鐘。而心猶
可動活。維利斯克曾以犬貓之心。置在冰內。歷一晝夜。嗣
以三十五度之熱酸汁。注入心部之二宗絡內。即見各脈
絡復動如舊。

商務印書館出版
政治類

萬國憲法比較

日本辰巳小二郎著房縣戩翼筆譯○是書於各國政體之得失憲法之異同比較明瞭評論精確讀之可知各國憲法之體裁及憲法之沿革

每部一冊

價洋三角五分

憲政論

日本菊池學而君著侯官林其譯○凡事皆先有理論而後有實事我國渴望憲政已久願理論尙未完備是書陳義甚精而譯者亦能達其論旨不失分毫

每部一冊

價洋四角五分

議會政黨論

日本菊池學而君著譯○歐洲政界操其柄者為議會為政黨日本步武泰西遂雄東亞盱衡中原大勢必當同循此軌菊池法學士政學湛深著為是書夙推佳本亟譯印行以爲將來立憲之先導

每部一冊

價洋五角

萬國國力比較

英國默爾化著日本專門學校譯出洋學生編輯所重譯○是書廣集各國政府統計報告而成於五洲萬國貧富強弱文野程度之差考察精詳纖悉無遺分領地人口動力蒸汽力農林漁礦製造等業貿易運輸銀行貨幣租稅公債諸大綱分目數百級表百餘詳細無匹

每部六冊

價洋二圓五角

商務印書館出版
政治類

政治學

每部一冊
價洋四角

德國那特經著日本李家隆介小崎哲藏譯述房縣戩翼東湖王慈陶合譯○按那特經曾為日本帝國大學教授數年彙集講義共成政治學三編是為其上卷國家編首論國家之要素次論國家之生理授輯衆說持論不偏譯筆豐達亦足與原書相稱

政治況論

每部二冊
價洋一圓二角

美國威爾遜著日本高田早苗原譯本館重譯○是書綜論歐美政治遠溯希臘羅馬以迄今世列強凡山央政府與地方制度靡不窮源竟委綱舉目張都十六章約三十萬言有志政學者不可不家置一編也

政治一斑

每部四冊
價洋七角五分

日本檜前保人上野岩太郎池本吉治緒方直清合著出洋學生編輯所譯○是書開論普通人民令具有政治思想知國家為人民所公有人人有擔任國家之義務為中於各國政治之要領載錄詳明曰一斑者作者謙詞也

歐美政體通覽

每部一冊
價洋二角

日本上野貞吉著出洋學生編輯所譯○歐美列國政體互殊而各有所以致治之道是書歷舉德奧英法美等國君主民主之責任議院之組織政府之成立提綱挈領援據明晰為政治學書之佳本

商 務 印 書 館 出 版
政 治 類

近 世 陸 軍

甯鄉陶森甲編輯出洋學生編輯所校訂○前臨敵日本陸軍後編各國陸軍國家多故而須修明武備是書在兵學中最高新穎最爲詳備治兵學者不可不讀

每部一冊
價洋四角

日 本 武 備 教 育

日本某某著本館譯○日本以區區三島戰勝第一雄國使非教之有素烏能獲此進步近來學者方提倡軍國民主義誠以處此競爭世界有不容已之故也爰譯是編以資指導

每部一冊
價洋一角五分

普 魯 士 地 方 自 治 行 政 說

德國莫塞著日本野村靖原譯本館重譯○地方自治即俗稱工部局以地方之人辦地方之事自較親切且可以輔官吏之不足近日武昌府試以此命題視爲割據之事實係誤解是書詳言普魯士地方自治行政之法體用兼備我國民智雖未臻臻此境然欲內政之完善不可不亟爲請求也

每部一冊
價洋二角五分

日 本 監 獄 法

日本佐藤信安著中國國民叢書社譯○我國監獄之慘酷人人知之願空言改良而無所據以爲模範亦將無所措手日本監獄悉仿西制斟酌盡善是書言之最詳足資師法

每部一冊
價洋四角五分

商 務 印 書 館 出 版
政 治 書 類

國 際 公 法 大 綱

每部一册
價洋二角五分

德國雷士特著 大館編譯所譯 ○ 國與國交必有交誼交誼必依據法律然後無侵暴之虞此國際公法所以行於今日也是書宗其大旨言簡意賅凡三十四章首言其淵源中言其作用末言其條例次序井然足為學者尋途之助

德 國 學 校 制 度

每部一册
價洋四角

日本加藤駒二著 中國國民叢書社譯 ○ 德國學校制度舊時雖有譯本然瑣舉一二殊多挂漏是編綜德國初等高等文科實科平民專門大學等公私學校一切章程規則課程費用及養成教員試驗任用之法官吏監督之法無不詳列德國學術冠絕歐美則其教育之法自必處於最優我國盛興學校尚足資為師範也

日 本 學 校 章 程 彙 編

每部一册
價洋八角

甯鄉陶森甲編輯 ○ 我國創立學校不得不取法他國日本學制本同我國維新以後兼資歐美沿革之故為我先導樂林觀察前游彼國調取各學校章程彙為一編以政法理財文學美術理學工學商學農學醫學語學普通學蒙學女學雜部十三類次之所舉官立公立私立之學校百三十餘所表其課目條其規則博而有要言學務者宜取法也

商 務 印 書 館 出 版
中 西 文 合 璧 教 科 書

華英初階	English and Chinese Primer	每本洋壹角
華英進階初集	English and Chinese First Reader	每本洋壹角五分
華英進階貳集	English and Chinese Second Reader	每本洋貳角五分
華英進階叁集	English and Chinese Third Reader	每本洋肆角
華英進階肆集	English and Chinese Fourth Reader	每本洋伍角五分
華英進階伍集	English and Chinese Fifth Reader	每本洋柒角五分
華英進階全集	English and Chinese Readers	每本貳元貳角半
華英英文初範	English and Chinese Grammatical Primer	每本洋貳角五分
華英地理問答	English and Chinese Catechism of Geography	每本洋貳角五分
華英亞洲啓悟集	English and Chinese New Orient Primer	每本洋貳角
華英亞洲課本	English and Chinese New Orient First Reader	每本洋叁角
華英亞洲課本	English and Chinese New Orient Second Reader	每本洋肆角
華英亞洲課本	English and Chinese New Orient Third Reader	每本洋伍角
華英亞洲課本	English and Chinese New Orient Fourth Reader	每本洋陸角

商 務 印 書 館 出 版 類

華英音韻字典集成

洋裝 每部一冊 價洋七圓五角

企英譯書館編校○共集字語十餘萬言注以發音標其讀法繼以英字注釋華字譯義並綴文法字類音韻以英儒精納耳本為宗譯義以英國羅布存德本為主並加增訂附圖千有餘幅異物奇器一覽便明末附英國假借他國俗語解義減筆字解記號彙釋及中西地名表全書一千九百十四葉鴻博精密昔所未有侯官嚴先生謂為獨出冠時世所寶貴非過譽也

華英字典

每部一冊 洋裝布面 價洋一圓二角半
華裝紙面 價洋六角

本館編譯○邨君其照會輯華英字典頗便學界願世人尚嫌缺略茲特增益二萬餘字全書計四萬言釋義詳明注詞嫻雅并以文字聯綴成句以便選用附錄減筆字解各種記號有志西文者不可不手一編也

袖珍華英字典

洋裝 每部一冊 價洋一圓

上海南洋公學教習胡文甫先生編譯○詔與學堂習外國文字者益衆而英文為尤本館先輯華英字典集成華英字典兩種猶不足以供學界之用乃酌刪繁冗研為是編今書約四萬餘字製成小冊納諸懷袖最便翻檢嚴侯官先生臨序謂取了大義期於捷速簡當誠知本館之意矣

商務印書館出版
中西文合璧教科書

華英亞洲課本	第五冊	English and Chinese New Orient Fifth Reader	每本洋柒角
華英國學訓蒙編		English and Chinese Royal Primer	每本洋壹角
華英國學文編	第一冊	English and Chinese Royal First Reader	每本洋貳角五分
華英國學文編	第二冊	English and Chinese Royal Second Reader	每本洋肆角
華英國學文編	第三冊	English and Chinese Royal Third Reader	每本洋柒角五分
華英國學文編	第四冊	English and Chinese Royal Fourth Reader	每本壹元貳角半
華英文件指南		English and Chinese Complete Letter Writer	每本洋陸角
華英繙譯捷訣		A Manual of Translation	每本洋伍角
華英要語類編		English and Chinese Conversation	每本洋貳角
華英智環啓蒙	新編	Circle of Knowledge	每本洋肆角
增廣英字指南		Method for Learning English	每本洋壹元
英法尺牘譯要		Selected Correspondence	每本洋柒角伍分
法語陟遐		Course Progressions des Leçons Françaises	每本洋伍角
德文法程初集		Deutsche Lektionen	每本洋柒角五分

商 務 印 書 館 出 版
英 文 教 科 書

初階	進階初集	進階貳集	進階參集	進階肆集	進階伍集	英文初範	英語文規	綴字規程	文規啓蒙	亞洲啓蒙	科學入門格致學	科學入門地質學	科學入門名學	科學入門植物學	科學入門計學	科學入門地文學
English Primer	English First Reader	English Second Reader	English Third Reader	English Fourth Reader	English Fifth Reader	Grammatical Primer	New Language Lessons	Guide to Spelling	Grammar for Beginners	New Orient Primer	Physics (Science Primers) Prof. B. Stewart	Geology (Science Primers) Sir a. Geikie	Logic (Science Primers) Prof. Jevons	Botany (Science Primers) Sir J. D. Hooker	Political Economy (Science Primers) Prof. Jevons	Physical Geography (Science Primers) Sir a. Geikie
每本洋伍分	每本洋捌分	每本洋壹角二分	每本洋壹角五分	每本洋叁角	每本洋肆角	每本洋肆角二分	每本洋肆角	每本洋壹角五分	每本洋貳角	每本洋壹角	每本洋肆角	每本洋肆角	每本洋肆角	每本洋肆角	每本洋肆角	每本洋肆角

商 務 印 書 館 出 版
問 答 書

中國歷史問答

世界歷史問答

普通博物問答

地文學問答

生理學問答

富國學問答

學校管理法問答

詳載中國歷代史事自上古迄國朝上下數千年間依次敘述瞭如指掌並設為問答俾易明瞭實史學中最新最善之書每本洋二角五分

研究實學歷史為先但欲貫注古今於紀事極其等書中尤以問答體者為易明瞭此編分上古中古近世一切大事無不備載每本洋二角

是書發明飛潛動植聲光化電一切原理窮奧極微推究盡致設為問答詞旨簡明最合格致教科之用每本洋三角

地文為天然科學研究地理者不可不知若空中之水分陸界之組成生物之分布皆格致學之最要者是編詞簡意賅允推初學善本每本洋三角

泰西各邦莫不以研究生理為學術之要為衛生之源是編討論營養出入微尤使推闡允宜家置一編以為強固形體之助每本洋二角五分

富國之學為當今急務是書取一切理蘊衍為問答無理不達無蘊不呈盡人能讀教授初學尤宜每本洋五分

應舉一切管理學校之法備明詳備今各省學堂七起爭端實由管理未盡其道取閱本編當知改良之策學者受益不少每本洋二角

商務印書館出版
各種教科書

理財學課本

每部一册
價洋五角

美國華克著上海顏惠慶譯○我國財政困乏非人工物力使然實因財政者不知計學公理故也是書取計學精要之義逐條指出最便初學揣摩顏君留學美國多年精於彼國語言文字故能取深奧之理而以淺顯之詞誠理財學之階梯也

中國通覽

每部一册
價洋五角

本館編輯○各國學校皆有本國法制一門誠以學為民者不可不自知其國也是編即據此意編輯成書凡我國地理官制政體時事風俗民情無不詳載門分類別井井有條讀之於本國之事可明大要

新說教授學

每部一册
價洋一角五分

日本橫山榮次著本館譯○今各省皆設學堂而師範未立猶之帆檣未備而欲駕舟以航海也其教育之不能適宜無待言矣師範學堂不易獨立而教授之法畫人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀書法

每部一册
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四專心讀書五讀書專條六專條書選擇之標準七寫讀法及暗記法八提要分法及解法九讀書之分量十讀書法雜則名言證論七書皆良刃之可開卷之益

商務印書館出版
叢書

拿破崙傳

每部一册
價洋四角

日本矢島元四郎著中國范枕石譯○拿破崙名震環球世人無不欲知其生平是書搜羅至富自其幼年入學之日以及遺骸歸國之年內兩家庭外而軍國以至一言一行之微無不備載有崇拜英雄之念者具取而三復之

克萊武傳

洋裝每部一册
價洋三角

英國馬可來著本館譯○英取印度始以商會終以戰爭實克萊武一人左右之今泰西人之心目已全注於我中國欲知印度之覆轍者請讀是書

納爾遜傳

洋裝每部一册
價洋三角

日本中村佐美著江陰何震彝劉張侯譯○近世海軍英國最稱導其先者曰納爾遜君生平從事海軍者凡三十五載偉烈雄猷照耀世界讀此者猶有興起之心

關地名入傳

每部一册
價洋一角五分

美國愛德華著無錫王汝宇譯○今日歐洲諸國幾於控取全球其始皆由二三豪傑抗志航海不避艱險搜覓新地風氣既開興起者衆國家坐享其利而殖民之地乃愈推愈廣矣是書彙集彼國關地名入凡二十餘章各立一傳讀之可以增人進取之氣

日本近世豪傑小史

每部一册
價洋五角

本館編輯○凡四卷明治維新以來彼國傑出之材人人樂為稱道但知其略未知其詳不無遺憾本館因搜輯日本近世之有勳業學問快義奇行者各列一傳著為是編讀之可知其人才之盛

商 務 印 書 館 出 版

嚴 又 陵 先 生 新 譯

英 國 穆 勒 約 翰

群 己 權 界 論

John Stuart Mill's on Liberty.

是書發揮自強精神勸導清國
羣小己二者權界平社會之
凌犯振國民之精神大旨惡
苟同而尙特操賤死法而尊
公理平實地說實話無一毫
放誕恣睢之氣而胸次之超
眼界之闊真稱狹自是者對
證之聖藥原書風行字內久
推傑作譯者精思妙筆更能
相副自序有言學者必明乎
己與羣之權界而後自由之
說乃可用則是書之出其有
功於今日世道豈淺鮮哉太
史公謂有國者不可不知春
秋爲人臣子者不可不知春
秋今吾亦謂爲國民者不可
不讀權界論也先生以版權
特歸本館許以專印發售書
凡五篇都八萬言洋裝一册
價銀八角

英 倫 甄 克 思

社 會 通 詮

Ed. Jenks' A History of Politics.

民族主義源於泰西近十年來灌輸我
國雖從其說者見有廣狹術有文野而
其排外則一也惟是世界大通種界宜
泯彼都先覺獨標新義據羣學天演公
理發明宗法社會軍國社會之殊前級
勝蠻夷一等而我國今正進行後級漸
進大同而彼族已經幾及彼方升堂我
猶門外急起直追猶莫不及又安可抱
持陳說以自域進步乎甄君掌教英國
鄂斯福大學是書爲三年前印本就社
會已然之迹而推其所以致此之由掃
盡陳言推倒衆說侯官嚴先生以其能
辨我國社會逐譯數月書成以版權昇
本館專印行世現已出版洋裝一册價
銀一元

第二冊出版

最新 國文教科書

初等小學堂用

本館所編第一冊出版以來，蒙各界人士，無不稱頌。現因第二冊出版，銷路日廣，已蒙四版。本館為求進步，特聘名師，重新編訂。其內容之豐富，文字之淺顯，圖畫之精美，均較前冊為優。且定價低廉，實為目前小學堂最理想之教科書。現已出版，銷路日廣。

至一萬冊之多，久已蒙各界人士，無不稱頌。現因第二冊出版，銷路日廣，已蒙四版。本館為求進步，特聘名師，重新編訂。其內容之豐富，文字之淺顯，圖畫之精美，均較前冊為優。且定價低廉，實為目前小學堂最理想之教科書。現已出版，銷路日廣。

初等小學 國文教科書教授法

第一冊 第二冊

本書專供教員之用，按照教科書課數編次成秩，凡誦讀講解習問默寫聯字造句等法，無不詳備。教員將是編按法教授，最為便利。第一冊定價四角，第二冊定價三角。

初等小學 筆算教科書

第一冊

兒童智識未開，文字未通，故教習算最難。本書仿照日本尋常小學程度，精心編輯，內附圖畫多幅，尤足引起兒童興趣，與會使樂於研究。最合初學之用。每冊定價一角五分。

初等小學 筆算教科書教授法

第一冊

本書備授算教員之用，每課如何預備，如何提示，如何練習，一一編就。臚載無遺。教員得此，登堂講解，胸有成竹，必能措置裕如。每冊定價二角五分。

初等小學 習字帖

第一冊

本帖將國文教科書第一冊所有之字，悉數列入，隨讀隨寫，以助記憶。其次序首單筆次簡畫之字，漸及繁者，尤合初學之用。定價一角。各省學堂如欲取閱樣書，請由學堂總理函示，并書明姓名住址。本館當即寄贈一分，概不取資。批發格外從廉，以期廣開風氣。

上海商務印書館

司各脫鰵魚肝油



SCOTT'S EMULSION

司各脫

滋補鰵魚肝油

此油潤肺除痰養顏長肉
 補益氣血壯筋骨又
 能去積毒凡身體
 虛弱之症服之
 消痰止咳化滯
 復胃不傷房事
 憂鬱傷氣喘
 吐血咳嗽小兒
 癆瘵等症皆能
 筋力軟弱等症
 不論男女老幼
 亦能壯旺精神
 此乃清補而不
 不膩之聖藥也
 房均有寄售認
 目不混寄認明
 英京司各脫鰵
 司各脫鰵魚肝油

